

www.e-rara.ch

**Prodromus dissertationum cosmographicarum, continens mysterium
cosmographicum, de admirabili proportione orbium coelestium, deque causis
coelorum numeri, magnitudinis, motuumque periodicorum genuinis ...**

**Kepler, Johannes
Kopernikus, Nikolaus
Mästlin, Michael
Schöner, Johannes
Gruppenbach.**

Tubingae, 1596

ETH-Bibliothek Zürich

Shelf Mark: RAR 1367: 1

Persistent Link: <http://dx.doi.org/10.3931/e-rara-445>

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelnformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

ter
mms
occ


67

Ray 1367: Cat. 1-2

(1596)

Q 31





Prodromus
Prodromus

DISSERTATIONVM COSMOGRA-
PHICARVM, CONTINENS MISTE-
RIVM COSMOGRAPHI-
CVM,

DE ADMIRABILI
PROPORTIONE ORBIVM
COELESTIVM, DE QVE CAVSIS
cœlorum numeri, magnitudinis, motuumque pe-
riodicorum genuinis & pro-
prijs,

DEMONSTRATVM, PER QVINQVE
regularia corpora Geometrica,

A

M. IOANNE KEPLERO, VVIRTEM-
bergico, Illustrum Styria prouincia-
lium Mathematico.

Quotidiè morior, fateorque: sed inter Olympi
Dum tenet assiduas me cura vias:

Non pedibus terram contingo: sed ante Tonantem
Nectare, diuina pascor & ambrosiâ.

Addita est erudita NARRATIO M. GEORGII IOACHIMI
RHETICI, de Libris Revolutionum, atq; admirandis de numero, or-
dine, & distantijs Sphararum Mundi hypothesibus, excellentissimi Ma-
thematici, totiusq; Astronomia Restauratoris D. NICOLAI
COPERNICI.



T V B I N G A
Excudebat Georgius Gruppenbachius,
ANNO M. D. XCVI.

LECTOR AMICE
SALVE.

QUID mundus, quæ causâ Deo, ratioque creandi,
Vnde Deo numeri, quæ tantæ regula moli,
Quid faciat sex circuitus, quo quælibet orbe
Interualla cadant, cur tanto Iupiter & Mars,
Orbis haud primis, interstingantur hiatus:
Hic te Pythagoras docet omnia quinque figuris.
Scilicet exemplo docuit, nos posse renasci,
Bis mille erratis, dum fit Copernicus annis,
Hoc, melior Mundi speculator, nominis. At tu
Glandibus inuentas noli postponere fruges.

I. K.

ILLV-

ILLVSTRIBVS
 GENEROSIS, NOBILISSIMIS
 ET STRENVIS, DOMINO SIGIS-
 mundo Friderico, Libero Baroni ab Herberstein, Neuperg, Guet-
 tenhaag, Domino in Lancovviz, Camerario & Dapifero Ca-
 rinthiæ hæreditario, Cæsareæ Maiestati & serenissi-
 mo Archiduci Austriæ, Ferdinando à con-
 filijs; Capitaneo Prouinciæ
 Styriæ:

ET,

DOMINIS N. N. ILLVSTRIVM
 STYRIÆ ORDINVM QVINQVE-
 viris Ordinarijs, Viris amplissimis, Dominis meis cle-
 mentibus & beneficijs, salutem &
 mea seruitia.



VOD ANTE SEPTEM MEN-
 ses promisi, opus doctorum testimonio pulchrum,
 & iucundum, longeq. præferendum annuis pro-
 gnosticis: tandem aliquando Corona vestra sisto,
 Amplissimi Viri; Opus, inquam, exigua mole, la-
 bore modico, materia vndiquaq. mirabili. Nam
 siue quis antiquitatem spectet; tentata fuit ante bismille annos. à
 Pythagora; siue nouitatem, primum nunc à me inter homines vul-
 gatur. Placet moles? Nihil est hoc vniuerso mundo maius neque
 amplius. Desideratur dignitas? Nihil preciosius, nihil pulchrius
 hoc lucidissimo Dei templo. Lubet secreti quid cognoscere? Nihil
 est aut fuit in rerum natura occultius; Solum hac in re non omnibus
 satisfacit, quòd utilitas eius incogitantibus obscura est. Atqui hic
 est ille liber Nature, tantopere sacris celebratus sermonibus; quem
 Paulus gentibus proponit, in quo Deum, ceu Solem in aqua vel spe-

culo contemplentur. Nam cur Christiani minus hac contemplatione nos oblectarentur; quorum proprium est, Deum vero cultu celebrare, venerari, admirari? id quod tanto deuotiori animo fit, quanto rectius, quæ & quanta condiderit noster Deus, intelligimus. Sanè quàm plurimos hymnos in Conditozem, verum Deum cecinit verus Dei cultor Dauides; quibus argumenta ex admiratione cælorum deducit. Cæli enarrant, inquit, gloriam DEI. Videbo cælos tuos, opera digitorum tuorum, Lunam & stellas, quæ tu fundasti: Magnus Dominus noster, & magna virtus eius; qui numerat multitudinem stellarum, & omnibus nomina vocat. Alicubi plenus spiritu, plenus sacra laticia exclamat, ipsumq; mundum acclamat, Laudate cæli Dominum, Laudate cum Sol & Luna, &c. Quæ vox cælo? quæ stellis? quæ Deum laudent instar hominis? Nisi quòd, dum argumenta suppeditant hominibus laudandi Dei, Deum ipse laudare dicuntur. Quam vocem, cælis & Nature rerum dum aperimus his pagellis, clarioremq; efficiamus: nemo nos vanitatis, aut inutiliter sumpti laboris arguat.

Taceo, quòd hac materia, Creationis, quam negarunt Philosophi, magnum argumentum est: dum cernimus, vti Deus instar alicuius ex nostratibus Architectis, ordine & norma ad mundi motionem acceperit, singulaq; sit ita dimensus; quasi non artem naturam imitaretur, sed Deus ipse ad hominis futuri morem edificandi, respexisset.

Quamquam quid necesse est, diuinarum rerum usus instar obsonij nummo aestimare? Nam quid quæso prodest ventri famelico cognitio rerum naturalium, quid tota reliqua Astronomia? Neque tamen audiunt cordati homines illam barbariem, quæ deserenda propterea ista studia clamat. Pictores ferimus, qui oculos, Symphoniacos, qui aures oblectant: quamuis nullum rebus nostris emolumentum afferant. Et non tantum humana, sed etiam honesta censetur voluptas, quæ ex utrorumq; operibus capitur. Quæ igitur

tur inhumanitas, quæ stultitia, menti suum inuidere honestum gaudium, oculis & auribus non inuidere? Rerum natura repugnat; qui cum his pugnat recreationibus. Nam qui nihil in naturam introduxit, Creator optimus, cui non cum ad necessitatem, tum ad pulchritudinem & voluptatem abunde prospexerit: is mentem hominis, totius naturæ dominam, suam ipsius imaginem, solam nulla voluptate beauerit? Imò uti non quarimus, qua spe commodi cantillet auicula, cum sciamus inesse voluptatem in cantu, propterea, quia ad cantum istum facta est: ita nec hoc querendum, cur mens humana tantum sumat laboris in perquirendis hisce cælorum arcanis. Est enim idè mens adiuncta sensibus ab Opifice nostro; non tantum ut seipsum homo sustentaret, quod longè solertiùs possunt vel brutæ mentis ministerio multa animantium genera: sed etiam, ut ab ijs, quæ, quod sint, oculis cernimus, ad causas quare sint & fiant, contenderemus: quamvis nihil aliud utilitatis inde caperemus. Atq; adeò ut animalia cetera, corpusq; humanum cibo potuq; sustentantur: sic animus ipse hominis, diuersum quiddam ab homine, vegetatur, augetur, & adolescit quodammodo, cognitionis isthoc pabulo: mortuoq; quàm uiuo similior est, si harum rerum desiderio nullo tangitur. Quare uti Naturæ providentiæ pabulum animantibus nunquam deficit: ita non immeritò dicere possumus, propterea tantam in rebus inesse varietatem, tamq; reconditos in cælorum fabrica thesauros; ut nunquam deesset humane menti recens pabulum, ne fastidiret obsoletum, neu quiesceret, sed haberet in hoc mundo perpetuam exercendi sui officinam.

Neg, verò harum epularum, quas ex ditissimo Conditoris penu in hoc libello, velut in mensa depromo, propterea minor est nobilitas: quòd à maxima vulgi parte vel non gustabuntur, vel respiciuntur. Anserem laudant plures, quàm phasianum, quia ille communis est, iste rarior. Neg, tamen vilius Apitij palatus hunc illi postponet. Sic huius materiæ dignitas tantò maior erit; quò pauciores laudatores, intelligentes modò sint, reperiet. Non eadem vul-

go conueniunt & principibus : neq; hæc cælestia promiscuè omnium, sed generosi saltem animi pabulum sunt : non meo voto, vel opera, non sua natura, non Dei inuidiâ : sed plurimorum hominum vel stupiditate vel ignauia. Solent principes aliqua magni precij inter secundas habere mensas, quibus utantur non nisi saturi, leuandi fastidij causa. Sic hæc & huiusmodi studia generosissimo & sapientissimo cuiq; tum demum sapient, ubi è casa per pagos, oppida, prouincias, regna ad orbis imperium ascenderit, omnia propè perspexerit; neq;, ut sunt humana, quicquam ullibi reperierit beatum, diuturnum, & tale, quo finire & saturari queat eius appetitus. Tunc enim incipiet meliora querere, tum à terra huc in cælum ascendet, tum animum fessum curis inanibus ad hanc quietem transferet, tum dicet

Felices animas, quibus hæc cognoscere primum

Inque domos superas scandere cura fuit,

quare contemnere incipiet, quæ olim præstantissima censuit, sola hæc Dei opera magnificiet, atq; meram & sinceram tandè voluptatem ex his contemplationibus capiet. Contemnant igitur hæc & huiusmodi meletemata, quicunq;, quantumcunq; volent, querantq; sibi undiquaq; commoda, diuitias, thesauros: Astronomis isthac gloria sufficiat, quod Philosophis sua scribunt, non rabulis; Regibus non pastoribus. Prædico intrepide, futuros tamen aliquos, qui suæ sibi senectutis hinc comparent solatium; tales nempe, qui quoad Magistratus gesserunt, ita se gesserunt, ut liberi morsibus conscientia, habiles esse possint fruendis hisce delicijs.

Existet iterum Carolus aliquis, qui, cum Europa, quoad imperauerit; non caperetur; fessus imperijs, exigua S. Iusti cellula capiatur: cuiq; inter tot spectacula, titulos, triumphos, tot diuitias, vrbes, regna; vnica Turrianica, vel iam Copernicopythagoræa Sphæra Planetaria tantopere placeat, ut orbem terrarum, cum ea commutet, digitosq; circulos, quàm populos imperijs regere malit.

Non hæc eò dico, viri Amplissimi, ut nouum paradoxon, senes discipulos, in scenam, seu in scholas producam: sed ut appareat quodnam

quodnam genuinum tempus sit messem de his studijs colligendi. Cur enim de semente faciendâ aliter ego sentiam, atque viri prudentissimi de vestra Corona: qui hæc studia inter præcipua censuerunt, quæ iuuenibus Nobilitatis animis in vestra schola proponerentur. Sic enim existimant, neque aptius esse genus hominum ad colenda Mathemata, Nobilitate: ut quibus artes aliæ ad victum comparandum non ita necessaria: nec aptiora Nobilitati studia, Mathematicis: propterea, quod occulta & mirifica quadam facultate polleant præ cæteris, feroces animos ad humanitatem, adq̃ sobrium rerum terrenarum contemptum instituendi. Qui fructus etsi difficultate & insolentia materiei iuuenibus obscuratur: senibus tamen, uti modò dictum, suo tempore sese patefacit.

Atque hæc ego hæctenus, cum de præsentibus pagellis, tum de omni Astronomia, ad vos Astronomiæ & Literaturæ totius amatorum, Viri amplissimi: ut eius vos admoncam, quod pridem tenetis: neq̃ nullo vsui fore hoc, quod humilis offero & dedico, opusculum, vobis, qui verè generosi, verè nobiles estis: & si quam laudem meretur inuentio, illam magna ex parte ad vos pertinere; qui vestra liberalitate, vestroq̃ stipendio mihi occasiones & ocium hæc ita commentandi fecistis: Accipite igitur, Viri Amplissimi, hoc grati animi symbolum, meq̃ humilem clientem in vestram gratiam suscipite; & deniq̃ assuescite inter Atlantes, Perseas, Oriones, Cæsares Alphonsos, Rhodolphos, cæterosq̃ Astronomiæ promotores accenseri. Valete. Idibus Maij: qui dies ante annum initium fuit huius laboris.

Amp. V.

Humilis in Schola vestra Grati-
tiana, Mathematicus

M. Iohannes Keplerus
Wirttemberg.

PRÆFATIO AD LECTOREM.

ROPOSITVM EST MIHI, LECTOR, hoc libello demonstrare, quòd Creator Optimus maximus, in creatione Mundi huius mobilis, & dispositione Cœlorum, ad illa quinque regularia corpora, inde à Pythagora & Platone, ad nos vsq; celebratissima respexerit, atque ad illorum naturam cœlorum numerum, proportionem, & motuum rationem accommodauerit. Sed antequam te ad rem ipsam venire patiar: cùm de occasione huius libelli, tum de ratione mei instituti, aliqua tecum agam: quæ & ad tuum intellectum, & ad meam famam pertinere arbitratus fuero.

Quo tempore Tubingæ, ab hinc sexennio clarissimo viro M. Michaeli Mæstlino operam dabam: motus multiplici incommoitate vsitata de mundo opinionis, adeo delectatus sum Copernico, cuius ille in prælectionibus suis plurimam mentionem faciebat: vt non tantùm crebrò eius placita in physicis disputationibus candidatorum defenderem: sed etiam accuratâ disputatione de motu primo, quòd Terræ rotatione accidat, conscriberem. Iamq; in eo eram, vt eidem etiam Telluri motum Solarem, vt Copernicus Mathematicis, sic ego Physicis, seu maius, Metaphysicis rationibus ascriberem. Atque in hunc vsum partim ex ore Mæstlini, partim meo marte, quas Copernicus in Mathesi præ Ptolemæo habet commoditates, paulatim collegi: quo labore me facillè liberare potuisset Ioachimus Reticus, qui singula breuiter, & perspicuè prima sua Narratione persecutus est. Interea dum illud laxum volo, sed *παρρησιας*, secus Theologiam: commode accidit, vt Grætiū venire, atque ibi Georgio Stadio. p. m. succederem: vbi officij ratio me auctius his studijs obstrinxit. Ibi in explicatione principiorum Astronomiæ magno mihi vsui fuerunt omnia illa, quæ antea vel à Mæstlino audiueram, vel ipse affectaueram. Atq; vt in Virgilio, fama Mobilitate viget, viresq; acquirit eundo: sic mihi harum rerum diligens cogitatio, cogitationis vltioris causa fuit. Donectandem Anno, &c. 95, cùm ocium à lectionibus cuperem bene, & ex officij ratione transigere: toto animi impetu in hanc materiam incubui.

Et tria potissimum erant, quorum ego causas, cur ita, non aliter essent, pertinaciter quærebam, Numerus, Quantitas, & Motus Orbium. Vt hoc auderem effecit illa pulchra quiescentium harmonia, Solis, fixarum & inter medij, cum Deo Patre, & Filio & S. Spiritu: quam similitudinem ego in Cosmographia persequar amplius. Cum igitur ita haberent quiescentia, non dubitabam de mobilibus, quin se præbitura sint. Initiò rem numeris aggressus sum: & considerauì, vtrum vnus orbis alius duplum, triplum, quadruplum, aut quid tandem haberet: quantumq; quilibet à quolibet in Copernico dissideret. Plurimum temporis isto labore, quasi lusu, perdidì: cùm nulla, neque ipsarum proportionum, neque incrementorum appareret aequalitas: nihilq; vtilitatis inde percepi, quàm quòd distantias ipsas, vt à Copernico proditæ sunt, altissimè memoriæ insculpsi: quodq; hæc variorum con-


natuum

natum commemoratio tuum assensum, lector, quasi marinis fluctibus, anxie hinc inde iactare potest, quibus fatigatus, denique tantò libentius ad causas hoc libello expositas, tanquam ad salutem portum te recipias. Consolabantur me tamen subinde, & in spem meliorem erigebant, cum aliæ rationes, quæ infra sequuntur, tum quòd semper motus distantiam ponè sequi videbatur, atque vbi magnus hiatus erat inter orbes, erat & inter motus. Quòd si (cogitabam) Deus motus ad distantiarum præscriptum aptauit orbibus: vtiq; & ipsas distantias ad alicuius rei præscriptum accommodauit.

Cum igitur hæc non succederet, alià viâ, mirum quàm audaci, tentavi aditum. Inter Iouem & Martem interposui nouum Planetam, itemque alium inter Venerem & Mercurium, quos duos fortè ob exilitatem non videamus, ijsque sua tempora *periodica* ascripsi. Sic enim existimabam me aliquam æqualitatem proportionum effecturum, quæ proportionibus inter binos versus Solem ordine minuerentur, versus fixas aufererent: vt propior est Terra Veneri in quantitate orbis terrestris, quàm Mars Terræ, in quantitate orbis Martij. Verùm hoc pacto neque vnus planetæ interpositio sufficiebat ingenti hiatui ζ & δ . Manebat enim maior Iouis ad illud nouum proportio, quàm est Saturni ad Iouem: Et hoc pacto quamuis obtinerem qualemcunque proportionem, nullus tamen cum ratione finis, nullus certus numerus mobilium futurus erat, neque versus fixas, vsque dum illæ ipsæ occurrerent: neque versus Solem vnquam, quia diuisio spatij post Mercurium residui per hanc proportionem in infinitum procederet. Neque enim ab vllius numeri nobilitate coniectari pote-

ram, cur pro infinitis tantæ pauca mobilia existissent: Neque verisimilia dicit Rhetoricus in sua Narratione, cum à sanctitate Senarij argumentatur ad numerum Sex Cœlorum mobilium. Nam qui de ipsius mundi conditu disputat, non debet rationes ab ijs numeris ducere, qui ex rebus mundo posterioribus dignitatem aliquam adepti sunt.

Rursum alio modo exploravi, vtrum non in eodem quadrante distantia cuiuslibet Planetæ sit residuum ex sinu, & motus eius sit residuum ex eius complementi sinu. Fingatur Quadratum A B, à Semidiametro totius Vniuersi A C descriptum. Ex angulo igitur B Soli siue Centro Mundi A opposito, scribatur cum radio B C Qua-




Quadrant-

drans CED. Deinde in vero mundi radio A C notentur Sol, Fixæ & Mobilia pro ratione distantiarum: à quibus punctis excitentur rectæ, vsque ad obuersum Soli Quadrantem porrectæ. Quæ igitur est proportio parallelorum, eandem virtutis mouentis finxi penes singulos planetas. In Solis linea infinita permanet, quia AD tangitur non secaturà Quadrante. Infinita igitur vis motus in Sole, nempe nil nisi motus ipsissimo actu. In Mercurio infinita linea in K abscissa est. Quare eius motus iam est ad cæteros comparabilis. In fixis amissa est omninò linea, & compressa in merum punctum C. Nulla igitur ibi virtus ad motum. Hoc theorema fuit, quod calculo erat examinandum. Quod si quis probè ponderat, duo mihi defuisse vidi, primum, quòd ignorauim sinum totum, siue magnitudinem illius propositi quadrantis: alterum, quòd motuum vigores non fuerunt, aliter expressi quàm in proportionem vnus ad alium: qui, inquam, hæc probè ponderat, non immeritò dubitabit, vtrum aliquatenus hac difficili via peruenire potuerim necne. Et tamen continuo labore, atque infinita sinuum & arcuum reciprocatione tantum effeci, vt intelligerem, locum habere non posse hanc sententiam.

Aestas penè tota hac cruce perdita. Denique leui quadam occasione propius in rem ipsam incidi. Diuinitus id mihi obtigisse arbitrabar, vt fortuitò nanciscerer, quod nullo vnquam labore assequi poteram: idq: eò magis credebam: quòd Deum semper oraueram, siquidem Copernicus vera dixisset, vt ista succederent. Igitur die 9. vel 10. Iulij anni 1595. monstraturus Auditoribus meis coniunctionum magnarum saltus per ostensa signa, & quomodo illæ pedetentim ex vno trigono transirent in alium, inscripsi multa triangula, vel quasi triangula, eidem circulo, sic vt finis vnus esset initium alterius. Igitur quibus punctis latera triangulorum se mutuo secabant, ijs minor circellus adumbrabatur. Nam circuli triangulo inscripti radius, est circumscripti radij dimidium. Proportio inter vtrumque circulum videbatur ad oculum penè similis illi, quæ est inter Saturnum & Iouem: & triangulum prima erat figurarum, sicut Saturnus & Iupiter primi Planetæ. Tentauim statim quadrangulo distantiam secundam Martis & Iouis, quinquangulo tertiam, sexangulo quartam. Cumq; etiam oculi reclamarent in secunda distantia, quæ est inter Iouem & Martem quadratum triangulo & quinquangulo adiunxi. Infinitum est singula persequi.

Et finis huius irriter conatus fuit idem, qui postremi & felicitis initium. Nempe cogitavi, hac via, siquidem ordinem inter figuras velim seruare, nunquam me perueniturum vsque ad Solem, neque causam habiturum, cur potius sint sex, quàm viginti vel centum orbes mobiles. Et tamen placebant figuræ, vt pote quantitates, & res cælis prior. Quantitas enim initio cum corpore creata, cæli altero die. Quòd si (cogitabam.) pro Quantitate & proportionem sex Cælorum, quos statuit Copernicus, Quinque tantum figuræ inter infinitas reliquas reperiri possent, quæ præ cæteris peculiare quædam proprietates haberent: ex voto res esset. Atqui rursum instabam. Quid figuræ planæ inter solidos orbes? Solida potius corpora adeantur. Ecce, Lector, inuentum hoc & materiam totius huius opusculi. Nam si quis leuiter Geometriæ peritus totidem verbis moneatur, illi statim in promptu sunt Quinque regularia corpora cum proportionem orbium circumscriptorum ad inscriptos: illi statim ob oculos versatur, scholion illud Euclidicum ad propositionem 18. lib 13. Quo demon-

ac vides sequenti
temate.



demonstratur impossibile esse, ut plura sint aut excogitentur regularia corpora quam quinque. Res admiratione digna, cum nondum constaret mihi de singulorum corporum prerogatiuis in ordine, vsum me minimè arguta coniectura ex notis Planetarum distantijs deducta, adeò feliciter scopum tetigisse in ordine cor-
 B 2 porum

porum, vt nihil in illis postea, cum exquisitis agerem rationibus, immutare potuerim. Ad rei memoriam ascribo tibi sententiam, ita vt incidit, & eo momento verbis conceptam. *Terra est Circulus mensor omnium: Illi circumscribe Dodecaedron: Circulus hoc comprehendens erit Mars. Marti circumscribe Tetraedron: Circulus hoc comprehendens erit Iupiter. Ioui circumscribe Cubum: Circulus hunc comprehendens erit Saturnus. Iam terra inscribe Icoaedron: Illi inscriptus Circulus erit Venus. Veneri inscribe Octaedron: Illi inscriptus Circulus erit Mercurius.* Habes rationem numeri planetarum.

Hæc occasio & successus huius laboris: Vide nunc etiam meum in hoc libro propositum. Et quidem quantam ex inuentione voluptatem perceperim, nunquam verbis expressero. Non me perditum temporis poenitebat amplius, non pertæsum est laboris, molestias calculi nullas subterfugi, dies noctesq; computando consumpsi: donec cernerem, vtrum concepta verbis sententia cum Copernici orbibus consentiret, an verò ferrent mea gaudia venti. Quòd si rem, vt esse putabam, deprehenderem, votum Deo Opt. Max. feci, me prima occasione hoc admirabile suæ sapientiæ specimen publicis typis inter homines enunciaturum: vt quamuis neque hæc vndique absolute sint, & fortè restent nonnulla, quæ ex his fluant principijs, quorum inuentionem mihi referuare possem: tamen alij, qui valent ingenio, quam plurima, ad illustrationem Nominis diuini, primo quoque tempore iuxta me proferrent, & laudem sapientissimo Creatori vno ore accinerent. Cum igitur paucis post diebus res succederet, atq; ego deprehenderem, quàm aptè vnum corpus, post aliud inter suos Planetas federet, totumq; negotium in formam præsentis opusculi redigerem: atque id Mæstlino celebri Mathematico probaretur: intelligis, amice Lector, me voti reum, neque posse morem Satyrico gerere, qui nonum in annum iubet liberos detinere.

Hæc vna causa est meæ maturationis: cui vt omnem tibi scrupulum sinistrè suspicandi eximam, addo lubens & alteram, & recito tibi, illud Architæ ex Cicero: *Si cælum ipsum ascendissem, Naturamq; mundi, & pulchritudinem siderum penitus perspexissem, insuauis illa mihi foret admiratio, nisi te Lectorem aquum, attentum & cupidum, cui narrarem, haberem.* Hæc vbi cognoueris, si æquus es, abstinebis à reprehensionibus, quas non sine causa præfatio: Sin autem suo quidem loco relinquis ista: metuis tamen, vt certa sint, atque vt ego triumphum cecinerim ante victoriam: ergo vel tandem pagellas ipsas accede, & rem, qua de pridem agimus, cognosce. Non reperiēs nouos & incognitos Planetas, vt paulò antea, interpositos, non ea mihi probatur audacia; sed illos veteres parum admodum luxatos, interiectu verò rectilineorum corporum, quantumuis absurdo, ita munitis, vt porro, quibus vncis cælum quò minus ruat, suspendatur, quærenti rustico respondere possis. Vale.

CAPVT I.

QVIBVS rationibus Copernici hypothesefiant consentanea. Et explicatio hypothesium Copernici.



TSI piū est, statim ab initio huius de Natura disputationis videre, an nihil Sacris Literis contrarium dicatur: intempestiuū tamen existimo, eam controuerfiam hīc mouere, prius atque solliciter. Illud in genere promitto, nihil me dicturū, quod in Sacras Literas iniuriū sit, & si cuius Copernicus mecum conuincatur, pro nullo habiturū. Atque ea mens mihi semper fuit, inde à quo Copernici Reuolutionum libros cognoscere cœpi.

Cum igitur hac in parte nulla religione impediret, quò minus Copernicū, si consentanea diceret, audirem: primam fidem mihi fecit illa pulcherrima omnium, quæ in cœlo apparent, cum placitis Copernici consensio: vt qui non solum motus præteritos ex vltima antiquitate repetitos demonstraret, sed etiam futuros antea, non quidem certissimè, sed tamen longè certius, quàm Ptolemæus, Alphonsus, & cæteri, diceret. Illud autem longè maius, quòd quæ ex alijs mirari discimus, eorum solus Copernicus pulcherrimè rationem reddit, causamq; admirationis, quæ est ignoratio causarum, tollit. Nunquam id facilius docuero Lectorē, quàm si ad Narrationem Rhetici legendam illi author & persuasor existam. Nam ipsos Copernici libros Reuolutionum legere non omnibus vacat.

Atque hoc loco nunquam assentiri potui illis, qui freti exemplo accidentariæ demonstrationis, quæ ex falsis præmissis necessitate Syllogistica verum aliquid infert. Qui, inquam, hoc exemplo freti contendebant, fieri posse, vt falsæ sint, quæ Copernico placent hypothesef, & tamen ex illis vera *quælibet* tanquam ex genuinis principijs sequantur.

Exemplum enim non quadrat. Nam ista sequela ex falsis præmissis fortuita est, & quæ falsi natura est, primū atque alij rei cognatæ accommodatur, seipsam prodit: nisi sponte concedas argumentatori illi, vt infinitas alias falsas propositiones assumat, nec

vnquam in progressu, regressuque sibiipso constet. Aliter se res habet cum eo, qui Solem in centro collocat. Nam iube quidlibet eorum, quæ reuera in Cælo apparent, ex semel posita hypothesei demonstrare, regredi, progredi, vnum ex alio colligere, & quiduis agere, quæ veritas rerum patitur: neque ille hæsitabit in vllò, si genuinum sit, & vel ex intricatissimis demonstrationum anfractibus in se vnum constantissimè reuertetur. Quòd si obijcias, idem partim adhuc posse, partim olim potuisse dici de tabulis & hypotheseibus antiquis, quòd nempe *φαινομένων* satisfaciant: Atque illas tamen à Copernico, vt falsas rejici: Posse igitur eadem ratione & Copernico responderi: nempe quamuis egregiè eorum, quæ apparent rationem reddat, tamen in hypothesei errare. Respondeo, primùm, antiquas hypotheses præcipuorum aliquot capitum, nullam planè rationem reddere. Cuiusmodi est, quòd ignorant, numeri, quantitatis, temporisque retrogradationum causas: & quare illæ ad amussim ita cum loco & motu Solis medio conueniant. Quibus omnibus in rebus, cum apud Copernicum ordo pulcherrimus appareat, causam etiam inesse necesse est. Deinde earum etiam hypothesium, quæ constantem apparentiarum causam reddunt, & cum visu consentiunt nihil negat Copernicus, potius omnia sumit et explicat. Nam quòd multa in hypotheseibus vsitatis immutasse videtur, id reuera non ita se habet. Fieri namque potest, vt idem contingat duobus specie differentibus præsuppositis, propterea quòd illa duo sub eodem genere sunt, cuius gratia generis primò id contingit, de quo agitur. Sic Ptolemæus Stellarum ortus & obitus demonstrauit, non hoc medio termino proximo, & còæquato; Quia terra sit in medio immobilis. Neque Copernicus idem hoc medio demonstrat, quia terra à medio distans voluatur. Vtrique enim suffecit dicere (quod & vterque dixit) ideo hæc ita fieri, quia inter cælum & terram intercedat aliqua motuum separatio, & quia nulla inter fixas sentiatur telluris à medio distantia. Igitur Ptolemæus non demonstrauit falso & accidentario medio, si quæ demonstrauit *φαινόμενα*. Hoc tantùm in legem *κατ' αὐτὸ* peccauit, quòd existimauit, hæc ita propter speciem euenire, quæ propter genus eueniunt. Vnde apparet, quòd Ptolemæus ex falsa mundi dispositione, vera tamen, & Cælo, nostrisque oculis consona demonstra-

monstrauit, & quòd ex eo nulla sit causa, simile quid etiã de Copernicanis hypothesibus suspicandi. Quin potius manet, quod initio dictum est: non posse falsã esse Copernici principia, ex quibus tam constans plurimorum *φαινόμενον* ratio, ignota veteribus, reddatur, quatenus ex illis redditur. Vidit hoc felicissimus ille Tycho Brahe, astronomus omni celebratione maior, qui quamuis omnino de loco terræ à Copernico dissentiret, tamen ex eo retinuit id, cuius gratia rerum hæcenus incognitarum causas habemus: Solem nempe esse Centrum quinque planetarum. Nam & hoc angustius est medium ad demonstrandas repeditiones est: Tò Sol in centro immobilis. Sufficit enim generale illud, Sol in centro Planetarum quinque. Cura tẽm speciem pro genere sumeret Copernicus, & Solem in super in centro mundi, terram circæ eum mobilem faceret: aliæ causæ fuerunt. Nam vt ex Astronomia ad Physicam, siue Cosmographiam deueniam, hæ Copernici hypotheser non solũ in Naturam rerum non peccant, sed illam multò magis iuuant. Amat illa simplicitatem, amat vnitatem. Nunquam in ipsa quicquam ociosum aut superfluum extitit: at sapius vna res multis ab illa destinatur effectibus. Atqui penes vsitatas hypotheser orbium fingendorum finis nullus est: penes Copernicum plurimi motus ex paucissimis sequuntur orbibus. Vt interim taceam penetrationem orbium Veneris & Mercurij, & alia, quibus antiqua Astronomia in tanta orbium fingendorum libertate etiam num laborat. Atque sic Vir iste non tantũ Naturam onerosa illa & inutili suppellectili tot immensorum orbium liberauit: sed in super etiam inexhaustum nobis thesaurum aperuit diuinissimorum ratiociniorum, de totius Mundi, omniumq; corporum pulcherrima aptitudine. Neque dubito affirmare, quicquid à posteriori Copernicus collegit, & visu monstrauit, mediantibus Geometricis axiomatis, id omne vel ipso Aristotele teste, si viueret (quod frequenter optat Rheticus) à priori nullis ambagibus demonstrari posse. Verũ de his omnibus fusius & pro dignitate pridem egit Rhetici narratio, & Copernicus ipse: & si quid copiosius explicari potest, aliũ id loci & temporis erit, nunc attigisse sufficit: vt ea mentione constaret lectori altera causa, quæ me in Copernici partes pertraxerit.

*ap. Tycho Brahe
de quæ
orbium*

Neque tamen temerè, & sine grauissima præceptoris mei Mæstlini clarissimi Mathematici authoritate, hanc sectam amplexus sum. Nam is, etsi primus mihi dux & præmonstrator fuit, cum ad alia, tum præcipuè ad hæc philosophemata, atque ideo iure primo loco recensere debuisset: tamen alia quadam peculiari ratione tertiam mihi causam præbuit ita sentiendi: dum Cometam anni 77prehendit, constantissimè ad motum Veneris à Copernico proditum moueri, & capta ex altitudine superlunari coniectura, in ipso orbe Venerio Copernicano curriculum suum absolueret. Quòd si quis secum perpendat, quàm faciliè falsum à seipso dissentiat, & econtrà, quàm constanter verum vero consonet: non iniuria maximum argumentum dispositionis orbium Copernicanæ vel ex hoc solo cæperit.

Vt autem ea omnia, quæ de hypothesebus vtriusq; dixi, verissimè ita se habere deprehendas: accipe hanc breuem explicationem hypotheseum Copernici, duasq; tabulas ad hoc facientes.

Pro cognoscendo ordine Sphærarum Mundi secundum Copernici sententiam, intuere Tabulam primam in fine huius capituli, et quæ ei adscripta sunt. Terræ pro diuerso respectu tribuuntur à Copernico motus quatuor (Copernicus breuitati intentus tres dicit, qui reuera quatuor sunt) qui omnes reliquorum Planetarum motibus aliquam apparentem varietatem conciliant.

Primus est ipse Sphæræ seu Orbis, qui tellurem ceu stellam circa Solem annuatim circumagit. Atque is orbis, cum sit eccentricus, eccentricitate insuper mutabili, tripliciter nobis considerandus est. Initiò remota eccentricitate; Orbis igitur hic, motusque Terræ has commoditates præstat: quòd non indigemus tribus eccentricis in vñtatis hypothesebus, scil. Solis, Veneris & Mercurij. Nam pro eo, quòd terra circa hos tres planetas circumuehitur, Terricolæ existimant tres illos circa se immobiles circumuehi. Sic ex vno motu tres faciunt. Quòd si plures essent stellæ intra orbem terræ, pluribus etiam hunc motum ascriberent. Cadunt etiam hoc orbe posito tres magni epicycli, Saturni, Iouis, & Martis, cum eorum motibus. Id quomodo accidar, in adiunctis parallelis

lelis schematibus videri potest. Rursum enim, quia Terra in conspectu Saturni (quasi quiescentis, quia tardior est) in orbe suo circummit, à Saturno recedens & accedens: existimant incolæ, Saturnum in epicyclo suo circumire, accedere, recedere, se verò in centro orbis sui quiescere. Circulum igitur *A B* putant esse epicyclos *g, i, l*. Item propter telluris hunc eundem accessum ad Planetas & recessum in orbe suo, videntur nobis ipsæ quinque planetarum latitudines aliquā varietatem accipere; quam librationem vt saluaret Ptolemæus, necesse ipsi fuit quinque alios motus statuere: qui omnes, posito vnico telluris motu cadunt.

Et quamuis hi omnes motus, vndecim numero, è mundo ex-terminati sint, substituto hoc vnico terræ motu: nihilominus adhuc aliarum plurimarum rerum causæ redduntur, quas Ptolemæus ex tam multis motibus reddere non potuit.

Nam primò à Ptolemæo quæri potuit, qui fiat, quòd Eccentrici tres Solis, Veneris & Mercurij habeant æquales reuolutiones? Respondetur enim, quòd non verè reuoluantur ipsi, sed pro ipsis vnica terra. 2. Quare quinque Planetæ sunt retrogradi. Luminaria non item? Respondetur primò de Sole, quia is quiescit: vnde fit, vt motus terræ, qui semper directus est, ipsi Soli merè & imperturbatè inesse videatur, tantum per partem oppositam cœli. De Luna verò, quia motus Terræ annuus, ipsius cœlo verè communis est cum terra. Duo autem quæ habent eundem motum per omnia, videntur inter se quiescere. Vnde motus Terræ in Luna non sentitur, vt in cæteris planetis. De superioribus Saturno, Ioue, & Marte respondetur: Quia ipsi sunt tardiores terra: & quia circulus & motus iste Terræ putatur ipsis inesse. Quare sicut illis, qui ex *L* Saturni globo prospicerent, Terra interdum progredi videretur, dum iret per medietatem *P B N* supra Solem: interdum regredi, dum iret per *N A P*, stare verò in *N* & *P*: sic necesse est, vt nobis ex terra prospicientibus Saturnus volui videatur in partes oppositas. Vt dum est terra in *B N A*, Saturnus videtur in *b n a* alterius tabulæ. Inferiores Venus & Mercurius ideo regredi videntur, quia sunt velociores terra; vnde perinde ac si terra staret immota, Venus, currens in parte circuli remotiori, contrariam planè describit viam illi, quam conficit in parte circuli sui vicina terræ.

3. Ita quæri potuit (sed nihil respondente Ptolemæo) quare in magnis orbibus sint tam exigui epicycli, & quare in parvis orbibus tam immanes: hoc est, quare $\pi\rho\omicron\delta\alpha\phi\alpha\iota\sigma\iota\varsigma$ Martis sit maior Iouiâ, & huius maior quàm Saturni? Et cur non Mercurius etiam maiorem, quàm Venus, habeat, cum sit inferior Venere; siquidem quatuor reliquorum semper inferior maiorem habet? Hic facilis est responsio. Mercurij enim & Veneris veros orbes, veteres epicyclos esse putarunt. Mercurij autem, ut velocissimi, minimus etiam orbis est. Superiorum verò ut cuique Telluris orbis propior est, sic maiorem ad eum proportionem habet, & maior apparet. Mars igitur proximus habet maximam æquationem, Saturnus altissimus minimam. Nam si oculus in G constitueretur, ei orbis $P N$ videretur sub angulo $T A V$. At si in L esset, idem orbis videretur sub angulo $R L S$.

4. Pariter non iniuriâ mirati sunt veteres, cur tres superiores semper in oppositione cum Sole sint humilimi in suo epicyclo, in coniunctione altissimi: ut si Terra, Sol & g sint in eadem linea, quare Mars tum non possit in alio loco epicycli esse, quàm in γ . In Copernico causa facilè redditur, Non enim Mars in epicyclo, sed terra in orbe suo hanc varietatem causatur, Hinc sit terra ex A in B discesse, Sol erit inter G Martem & B Terram. Ettum Mars videbitur in Epicyclo ex δ in γ ascendisse. At Terra in A existente, quod est punctum ipsi G proximum: G Mars & Sol videbuntur ex A inuicem oppositi. Atque hæc sunt, quæ ex tabula ad oculum demonstrari possunt.

Iam deinceps consideremus etiam eccentricitatem huius orbis. Copernicus facit Apogæum Solis (vel Terræ) ut & cæterorum moueri, non per deferentes, sed per epicyclium paulò tardius orbe suo ad initium rediens. Hic motus Apogæi etiam aliquid infert in motibus cæterorum Planetarum. Nam Ptolemæus cæterorum eccentricitates computat à centro terræ: quòd si centrum Eccentrici Telluris & Apogæum per consequentiam signorum discesserint in aliam partem Zodiaci, relictis post se aliorum Apogæis tardioribus; accidet aliqua mutatio eccentricitatum in planetis cæteris. Hoc valde rursum mirabitur Ptolemæi Astronomia, atque ad confingendos novos orbes confugiet: quibus demonstret, hæc ira fieri

fieri posse, cum tamen ex motu Telluris vnico secutura sint. Atque hoc quidem multa post secula vix demum fiet, sed tertio mutatio eccentricitatis terrenæ, qua centrum eccentrici ad Solem accedit, & ab eo recedit, inde à Ptolemæo ad nos vsque magnum quid in Marte & Venere intulit: quorum eccentricitates cum mutata videantur, quid Ptolemæum dicturum putas? Nunquid rursus nos circulos in cæterorum infinitam turbam ascisceret, si viueret? quibus omnibus in Copernico opus minimè est. Hæc tot & tanta Copernicus per vnus Circuli A B positionem & motum præstitit: vnde meritò, quamuis exiguae esset, M A G N O cognomen dedit. Hic primus motus cælo Lunæ cum Tellure communis fuit.

Iam porrò videamus, quid reliqui motus telluris efficiant; qui accidunt intra illum Lunæ orbiculum ad A.

Secundus igitur motus non integri orbis, sed orbiculi cælestis, terræ globum proximè ceu nucleum includentis, tendit in oppositum ab ortu in occasum, perinde vt epicyclia superiorum, quibus eorum eccentricitas saluatur à Copernico. Huius annua constitutione fit, vt æquinoctialis semper in eandem mundi partem declinet. Poli enim Æquinoctialis siue corporis ab huius polis per 23. gradu cum dimidio, distant. Qui motus cum pauxillo velocior sit motu annuo orbis magni, facit sectiones circulorum, siue æquinoctiorum loca paulatim in præcedentia moueri. Quare per hunc exiguum globulum cadit illa monstrosa, ingens, *άναστος* noua Sphæra Alphonsinorum, vt cuius officium in illum orbiculum antea necessarium translatum est. Cadit etiam motus deferentium Apogæum Veneris, vt quod non aliter mouetur, nisi si fixæ moueri statuantur.

Tertius motus est Polorum globi terreni, constans duabus librationibus, quar vna est alterâ duplo celerior, & ad rectos angulos. Is administratur per quatuor circulos, sic vt bini circuli singulas librationes faciant, & librationes ipsæ permixtæ corollæ intortæ speciem præbeant, in hunc modum:

Vna libratio in Coluro solstitiorum fit, & saluat variationem declinationis Zodiaci, serò post Ptolemæum tempora animaduersa: tale quid & Ptolemæo opus fuisset confingere, & nonnulli moderni, vndecimo Mundi orbe iam confecto, præstare



conati sunt. Altera libratio, quæ fit in coluro Æquinoctiorum, saluat inæqualem præcessionem Æquinoctiorum, & eliminat octauæ fixarum Sphæræ, quæ vltima est apud Copernicum, motum trepidationis, illiq; quietem suam restituit. Atque ne non & hic motus aliquid in cæteris motibus sceneretur: tollit irregularitatem motus, quem omnium septem Planetarum, vt & Apogæorum motus habere debuissent (non sine ministerio aliquot nouorum circularum) quia compertum est omnes motus æqualiter per fixas incedere.

4.^o motus

Quartus denique motus est ipsius globi terreni & circumfusi æris proprius, cuius periodus est 24 horarum in eandem mundi plagam cum cæteris, nempe ab occasu in ortum: propter quem totus mundus reliquus ab ortu in occasum, imperturbatis magno miraculo motibus secundis ferri putatur. Cadit igitur illa incredibiliter alta & pernix decima Sphæra *ἀναστος*, cuius & totius mundi tanta esset in Ptolemæo pernicitas, vt vno nictu oculi aliquot millia milliarium transirent. Acquæso te, ad tabellam respicias, & cogites, quod tellus hæc nostra, de cuius motu disputatur, exigui circelli lunaris ad A, septuagesimam vix demum partem diametri æquet: Ab hoc circello dein ad Saturni amplitudinem, & ab hac ad fixarum inæstimabilem altitudinem oculos intende, & denique conclude, vtrum factu credituque facilius, punctulum illud intra A circellum, & sic tellurem in vnâ plagam rotari, an verò totum mundum decem distinctis motibus (quia decem ab inuicem soluti orbes) infanda rapiditate ire in plagam alteram, nec quoquam, nisi ad illud punctulum, telluris imagunculam, eamque solam immobilem, respicere, quia extrâ nihil est.

Huc pertinet Tabella Prima & Secunda

C A P V T I I.

Primaria demonstrationis delineatio.




VIBVS ita præmissis, vt ad propositum veniam; atque modò recensitas Copernici hypothesen de mundo nouo, nouo argumento probem: rem à primo, quod aiunt, ouo, qua breuitate fieri poterit repetam.

Corpus

TABELLA I. EXHIBENS ORDINEM
S P H A E R A R V M C O E L E S T I V M M O B I L I V M: S I M V L Q V E V E-
 ram proportionem magnitudinis earum iuxta medias suas distantias : item Angulos prof-
 thaphæreseon earundem in orbe Magno Telluris, secundum sen-
 tentiam Copernici.

Post cap. 1.
 Pag. 15.



In centro, vel prope est SOL immobilis.
 E F minimus circa Solem circulus est MERCURI, qui restituitur
 diebus 88. ferè.

Hunc sequitur VENERIS CD, cuius reuolutio circa eundem Solem
 est dierum 224. cum besse.

Qui hunc sequitur AB, TELLVRIS est, cuius reuolutio dierum 365.
 & quadrantis. Dicitur ORBIS MAGNVS, propter vsum multipli-
 cem.

Circa Tellurem est orbiculus velut epicyclus, SPHÆRÆ LVNA-
 RIS, ad A, eodem motu per anni spaciū cum tellure ad eandem stellam fixam
 rediens. Sed eius propria reuolutio ad Solem habet dies 29. cum dimidio.

Post hunc est Orbis MARTIS GH, qui iursum vniū sub fixis stellis,
 siue ad Solem, absoluit diebus 687.

Hunc excipit post magnum intervallum, Sphæra IOVIS IK, habens
 ambitum dierum 4332. cum quinq. octauis ferè.

LMVltimus & maximus, est SATVRNI, eius tempus periodicum
 dierum 10759. cum quinta.

FIXÆ verò STELLÆ adhuc tam inestimabili intervallo altiores
 sunt, vt ad eam, qua est inter Solem & Terram intercapedo sensibili non sit.

Et ea sunt in extremo, sicut Sol in centro, penitus immobiles.
 Angulus TGV, vel Arcus TV, prosthaphæresis est, siue parallaxis, quam
 Orbis Magnus Telluris ad Sphæram Martis habet.

Sic FTH est eiusdem Orbis Magni parallaxis ad Sphæram Iouis: & FLH,
 siue RLS vel RS arcus ad Sphæram Saturni.

Ita XAY, vel XY arcus est parallaxis Sphæra Veneris: vt & ZAE, vel
 ZE Sphæra Mercurij parallaxis, ad Orbem Magnum.




TABELLA II.

EXHIBENS ORDINEM SPHERARVM COELESTIUM, & vicinque proportionem orbium & epicyclorum, atque angulos vel arcus prosthaphærescon eorundem, iuxta medias distantias, secundum Veterum sententiam.

In centro TERRA est, sola immobilis.

Intimus circa Terram orbiculus LUNAE Sphaeram representat, cuius motus mensuratus est.

Hunc proximè MERCVRII orbis circundat: quem sequitur VENERIS, & postea SOLIS Sphaera, annua omnes conuersine volubiles.

Reliquorum trium superiorum MARTIS, IOVIS & SATVRNI orbis, FIXARVM quoque STELLARVM Sphaeram, arcus, quos circa terram, seu centrum integros describere, & complere quisque potest, indicant. Martis orbis biennio conuertitur. Iovis 12. annos quàm proximè, requirit. & Saturni ferè 30. annos. Fixae Stelle 49000. annis, iuxta Alphonsinorum placita, periodum restituunt:

Quantas singulorum (præter D) epicycli in concentrico circulo prosthaphæreses, in medijs distantijs faciant, arcus, rectis ex terra ductis, & epicyclos singulos tangentibus intercepti, additis graduum numeris, mostrant.

Corpus erat id, quod initio Deus creauit: cuius definitionem si habeamus, existimo mediocriter clarum fore, cur initio corpus non aliam rem Deus creauerit. Dico quantitaem Deo fuisse propositam: ad quam obtinendam omnibus opus fuit, quæ ad corporis essentiam pertinent: vt ita quantitas corporis, quatenus corpus, quædam forma, Definitionisque origo sit. Quantitatem autem Deus ideo ante omnia existere voluit; vt esset curui ad Rectum comparatio. Hac enim vna re diuinus mihi Cusanus, alijque videntur: quod Recti, Curuique ad inuicem habitudinem tanti fecerunt, & Curuum Deo, Rectum creaturis ausi sint comparare: vt haud multo vtiliorem operam præstiterint, qui Creatorem creaturis, Deum homini, iudicia diuina humanis: quam qui curuum recto, circulum quadrato æquiparare conati sunt.

Cumque vel in hoc solo satis constitisset penes Deum quantitatum aptitudo, & curui nobilitas: accessit tamen & alterum longè maius: Dei trinuni imago in Sphærica superficie, Patris scilicet in centro, Filij in superficie, Spiritus in æqualitate *σχέσεως* inter punctum & ambitum. Nam quæ Cusanus circulo, alij fortè globo tribuerent: ea ego Soli Sphæricæ superficiæ arrogo. Nec persuaderi possum, Curuorum quicquam nobilius esse, aut perfectius ipsa Sphærica superficie. Globus enim plus est Sphærica superficie, & mixtus rectitudini, quâ sola impletur intus. Circulus verò nisi in plano recto existat, hoc est, nisi Sphærica superficies, aut globus plano recto secetur: circulus nullus erit. Vnde videre est, multas illic à Cubo in globum, hîc à quadrato in circulum secundario defluere proprietates, propter diametri rectitudinem.

Sed cur denique Curui & Recti discrimina, curuique nobilitas Deo fuerunt proposita in exornando mundo? Cur enim? nisi quia à Conditor perfectissimo necesse omnino fuit, vt pulcherrimum opus constitueretur. *Fas enim nec est nec vnumquam fuit* (vt loquitur ex Timæo Platonis Cicero in libro de vniuersitate) *quicquam nisi pulcherrimum facere eum, qui esset optimus.* Cum igitur Idæam mundi Conditor animo præconceperit (loquimur humano more, vt homines intelligamus) Atque Idæa sit rei prioris, sit verò, vt modò dictum est, rei optimæ, vt forma futuri operis & ipsa fiat optima: Patet quod his legibus quas Deus ipse sua bonitate sibi præscribit,

nullius rei Idæam pro constituendo mundo suscipere potuerit, quàm suæ ipsius essentiæ: quæ bifariam, quàm præstans atque diuina sit, considerari potest, primò in se, quatenus est vna in essentia, trina in personis, deinde collatione facta cum creaturis.

Hanc imaginem, hanc Idæam mundo imprimere voluit, vt is fieret optimus atq; pulcherrimus, vtq; is eam suscipere posset, *Quantum* condidit, quantitatesq; Sapientissimus conditor excogitauit, quarum omnis, vt ita dicam, essentia in hæc duo discrimina caderet, Rectum & Curuum, ex quibus Curuum nobis duobus illis modò dictis modis Deum repræsentaret, Neque enim existimandum est, temerè extitisse tam apta præfigurando Deo discrimina, vt Deus non de his ipsis cogitauerit, sed quantum corpus propter alias causas, alioq; consilio condiderit: atque postea Recti & Curui comparatio, & hæc cum Deo similitudo, suapte sponte, quasi fortuitò extiterit.

Quin potius verisimile est, initio omnium certo consilio Curuum & Rectum à Deo electa, ad adumbrandam in mundo diuinitatem Conditoris: atque vt hæc existerent, quantitates fuisse, atq; vt quantitas haberetur, conditum esse primò omnium Corpus.

Videamus modò, ecquomodo Creator optimus has quantitates in mundi fabrica adhibuerit: & quid verisimile sit nostris ratiocinationibus à Conditore factum esse: vt illud postea, cum in Antiquis, tum in nouis hypothesibus quæramus, eiq; palmam tribuamus, penes quem illud reperietur.

Mundum igitur totum figurâ claudi sphericâ, abundè satis disputauit Aristoteles, ductis inter cætera ex nobilitate sphericæ superficiæ argumentis: quibus etiamnum vltima Copernici fixarum sphaera quamuis motu carens, eandem figuram tuetur, recipitq; Solem tanquam centrum in intimum sinum. Orbis verò cæteros rotundos esse circularis stellarum motus arguit. Curuum igitur ad mundi ornatum adhibitum esse, vltiore probatione non eget. Cum autem tria quantitatum genera videamus in mundo, figuram, numerum & amplitudinem corporum: Curuum quidem adhuc in sola figura reperimus. Neque enim amplitudinis illa ratio ex eo est, quod inscriptum simili (sphaera sphaera, circulus circulo)

circulo) ex eodem Centro, aut vndiquaque tangit, aut nullibi: & Sphæricum ipsum, cum solum & vnicum sit in suo quantitatis genere: non potest alius numeri, quàm ternarij subiectum esse. Quòd si igitur solum Curuum Deus in conditu respexisset, præter Solem in centro, qui patris: sphæram fixarum vel aquas Mosaicas in ambitu, quæ filij; auram cœlestem omnia replentem, siue extensionem & firmamentum illud, quod Spiritus imago esset; præter hæc, inquam, nihil existeret in hoc ædificio mundano. Nunc verò cum & fixæ sint innumerabiles, & mobilium non incertissimus catalogus, & cœlorum magnitudines inæquales inuicem: necesse est causas eorum omnium ex rectitudine petamus. Nisi fortè Deum putabimus quicquam in mundo temerè fecisse, dum rationes optime suppeterent: id quod nemo mihi persuadebit, vt vel de fixis sentiam: quarum tamen situs maximè omnium confusus, quasi fortuitus sementis iactus nobis videtur.

Veniamus igitur ad Rectas quantitates. Sicut autem antea Sphærica superficies ideo assumpta est, quia perfectissima fuit quantitas: ita iam vno saltu ad corpora transeamus, vt quæ ex Rectis perfectæ sunt quantitates, & tribus dimensionibus constant: nam Idæam mundi perfectam esse conuenit. Lineas verò & superficies rectas, vt infinitas, & proin ordinis minimè capaces, è mundo finito, ordinatissimo, pulcherrimo eijciamus. Rursum ex corporibus, quorum infinities infinita sunt genera, seligamus aliqua censu habito per certas notas; puta, quæ aut latera aut angulos, aut plana, singula vel alterna, vel quouis constanti modo mixta habeant inuicem æqualia: vt ita bona cum ratione ad finitum aliquid veniatur. Quòd si quod genus corporum per certas cōditiones descriptum, intra species quidem numero finitas consistit; sed tamen in ingentem numerorum copiam multiplicatur: eorum corporum angulos & centra planorum pro fixarum multitudine, magnitudine, situq; demonstrando, si possumus, adhibeamus: sin autem is labor non est hominis, ergo tantisper differamus numeri ac situs earum rationem quærere: dum quis nobis ad vnum omnes, quot quantæue sint, descripserit. Missis igitur fixis, atque ei permissis, qui solus numerat multitudinem stellarum, & singulas nomine vocat, (Psal. 147.) sapientissimo Artifici: nos oculos ad propinquas paucas & mobiles conuertamus.

De-

7 corp. regularia Denique igitur delectum corporum si habuerimus, atque omnem mixtorum turbam eiecerimus, retineamus verò sola illa, quorum omnia plana & æquilatera, & æquiangula fuerint: restabunt nobis hæc quinque Corpora Regularia, quibus Græci hæc ascripsere nomina, Cubus seu Hexaedrum, Pyramis seu Tetraedrum, Dodecaedrum, Icosaedrum, Octaedrum. Quodque his quinque plura esse non possint, vide Euclid. lib. 13. post prop. 18. scholion.

Quare sicut horum definitus & exiguus admodum est numerus, cæterorum aut innumerabiles, aut infinitæ species: ita decuit in mundo duo esse stellarum genera, euidenti discrimine ab se inuicem distincta (cuiusmodi motus & quies est) quorum vnum genus infinito simile, vt fixæ, alterum angustum vt Planetæ. Non est huius loci disputare de causis, cur hæc moueantur, illa non. Sed posito, quòd Planetæ motu indiguerint, sequitur, vt hunc obtinerent, rotundos orbes accipere debuissent.

Habemus orbem propter motum, & corpora propter numerum & magnitudines: quid restat ampliùs, quin dicamus cum Platone, *Ἰδὼν δὲ γεωμετρίαν*, atque in hac mobilium fabrica corpora orbibus, & orbes corporibus inscripsisse tantisper, dum nullum ampliùs corpus restaret, quod non intrà & extrà mobilibus orbibus vestitum esset. Nam ex 13. 14. 15. 16. 17. libri 13. Euclidis videre est: quàm hæc corpora natura sua sint apta ad hanc inscriptionem & circumscriptionem. Quare si quinque corpora median- tibus & claudentibus orbibus, inserantur sibi mutuò: habebimus numerum sex orbium.

Propositio.

Quòd si aliqua mundi ætas hoc pacto de mundi dispositione disputauit, vt sex orbes poneret mobiles circa Solem immobilem: illa vtique veram Astronomiam tradidit. Atqui eiusmodi sex orbes habet Copernicus, eosq; binos in eiusmodi ad inuicem, proportionem: vt hæc quinque corpora omnia aptissimè interlocari possint: quæ summa erit eorum quæ sequuntur. Quare tantisper audiendus est, dum quis aut aptiores ad hæc Philosophemata protulerit hypotheses: aut docuerit, fortuitò in numeros atque in mentem hominis irrepere posse, quod optima ratione ex ipsis naturæ principijs deductum est Nam quid admirabilius, quid ad persuadendum accommodatius dici aut fingi potest:

test: quàm, quòd ea, quæ Copernicus ex *φανομένοις*, ex effectibus, ex posterioribus, quasi cæcus baculo gressum firmans (vt ipse Rhetico dicere solitus est) felici magis quàm confidenti coniectura constituit, atque ita sese habere credidit, ea inquam omnia rationibus à priori, à causis, à Creationis idæa deductis rectissimè constituta esse deprehendantur.

Nam si quis philosophicas istas rationes, sine rationibus, & solo risu excipere atque eludere voluerit: propterea quòd nouus homo sub finem seculorum, tacentibus illis Philosophiæ luminibus antiquis, philosophica ista proferam: illi ego ducem, autorem & præmonstratorem ex antiquissimo seculo proferam *Pythagoram*: cuius multa in scholis mentio, quòd cum præstantiam videret quinque Corporum, simili planè ratione ante bis mille annos, qua nunc ego, Creatoris curâ non indignum censuerit ad illa respicere: atque rebus mathematicis physicè, & ex sua qualibet proprietate accidentaria censitis, res non mathematicas accommodauerit. Terram enim Cubo æquiparauit, quia stabilis vterque, quod tamen de cubo non propriè dicitur. Cælo Icosaedrum dedit, quia vtrumq; volubile: Igni Pyramida, quia hæc volantis igniculi forma: reliqua duo corpora inter aerem & aquam distribuit, propter similem vtrinque cum vicinis cognationem. Sed enim Copernicus illi viro defuit, qui priùs, quid esset in mundo, diceret: absque eo non fuisset, dubium non est, quin quare esset, inuenisset, atque hæc cælorum proportio tam nota nunc esset, quàm ipsa quinque corpora; tam item recepta, quàm hoc temporum decursu inualuit illa de Solis motu, deq; quiete Telluris opinio.

Verùm age vel tandem experiamur, vtrum inter orbes Copernici sint istæ corporum proportionales. Ac initio rem crassiusculè censeamus. Maxima distantiarum differentiæ in Copernico est inter Iouem & Martem: Vt vides in explicatione hypothesium Tab: 1. & infrà cap. 14. & 15. Martis enim distantia à Sole non æquat tertiam partem Iouiæ. Quærat igitur corpus, quod maximam facit differentiam inter orbem circumscriptum & inscriptum (concedatur nobis hæc *κατάχρησις* cauum pro solido censendi) quod est Tetraedrum siue Pyramis. Est igitur inter Iouem & Martem Pyramis. Post hos maximam faciunt differentiam distantia Iupiter &

Esse Pytha.
Pyth.

Saturnus. Huius enim ille paulò plus dimidium α quat. Similis apparet in cubi intimo & extimo orbe differentia. Cubum igitur Saturnus ambit, cubus Iouem.

Æqualis ferè proportio est inter Venerem & Mercurium, nec absimilis inter orbes Octaedri. Venus igitur hoc corpus ambit, Mercurius induit.

Reliquæ duæ proportionēs inter Venerem & Terram, inter hanc & Martem minimæ sunt, & ferè æquales, nempe interior exterioris dodrans aut bes. In Icosaedro & Dodecaedro sunt etiam æquales distantia binorum orbium: Et proportionē vtuntur minima inter reliqua regularia corpora. Quare verisimile est, Martem ambire terram mediante alterutro horum corporum: Terram autem à Venere summotam, mediante reliquo. Quare si quis ex me quarat, cur sint tantum sex orbes mobiles, respondebo, quia non oporteat plures quinque proportionēs esse, totidem nempe, quot regularia sunt in mathesi corpora. Sex autem termini cōsummant hunc proportionum numerum.

Huc pertinet Tabula Tertia.

Annotatio in Caput secundum.


Sol. præced.

Quodque his quinque) Corporum nobilitas est ex simplicitate, & ex æqualitate distantia planorum à centro figuræ. Sicut enim norma & regula creaturarum Deus est: sic Sphæra corporum, Atque ea habet dictas proprietates. 1. Est simplicissima, quia vno clauditur termino, seipsa scil. 2. Omnia eius puncta æqualissimè à centro distant. Ex corporibus igitur proximè accedunt regularia ad Sphæra perfectionem. Eorum definitio hæc est, vt habeant 1. omnia latera, 2. plana, & 3. angulos, singula æquales & specie & magnitudine, quod est simplicitatis: quam positam definitionē sequitur illud vltro, quòd 4. omnium planorum centra æqualiter à medio distent, 5. quòd inscripta globo omnibus angulis tangāt superficiem, 6. quòd in ea hæreant, 7. quòd inscriptum globum omnibus planorum centris tangant, 8. quòd proinde inscriptus globus hæreat immotus, 9. & quòd idem centrum habeat cum figura. Quibus rebus efficitur altera similitudo cū Sphæra, quæ est ex æqualitate distantia planorum.

Scho.

TABVLA III. ORBIVM PLANETARVM DIMENSIONES, ET DISTANTIAS PER QVINQVE
REGVLARIA CORPORA GEOMETRICA EXHIBENS.

ILLVSTRISS: PRINCIPI, AC DÑO, DÑO, FRIDERICO, DVCI WIR-
TENBERGICO, ET TECCIO, COMITI MONTIS BELGARVM, ETC. CONSECRATA.



KEPLERI mirari opus. SPECTATOR, olympi
Antea quā nunquam tua figura tibi
Namq; Planetarum distantia quanta
ut inter
Orbes; Euclidis Corpora quinque
docent.
Quā bene conueniat quod dogma COPER
Necvis olim
Tradidit, Auctor nunc
tibi monstrat opus.
Scilicet exhibuit tanto se mu-
nere gratum
Auctor TECCLACO, non sine
laude DVCS.

Christophorus Leib.
Fried. ff.

1. Sphera $\frac{f}{2}$
 2. Cuius Primum Caput regulare Geometricum
 distantiam ab orbe $\frac{f}{2}$ usq. ad $\frac{3}{2}$ exhibens
 3. Sphera $\frac{f}{2}$
 4. Teceadens iuxta pyramide. Interius Sph.
 cum $\frac{3}{2}$ attingens; interiori $\frac{3}{2}$ maximam
 inter Planetas distantiam causans
 5. Sphera $\frac{f}{2}$
 6. Bodeicam, i. caput a Sphera $\frac{f}{2}$ usq. ad
 Magnam orbem habens cum Luna fe-
 rentem representantem distantiam
 7. Orbis Magni
 8. Jovardron ab orbe Magno ad Sphera $\frac{f}{2}$ usq.
 nam distantiam indicant
 9. Sphera $\frac{f}{2}$
 10. Obduction a Sphera $\frac{f}{2}$ ad $\frac{3}{2}$ orbem exhibens
 distantiam
 11. Sphera $\frac{f}{2}$
 12. Sol, Medium iuxta Centrum Universi
 immobile.

*Ponetur tabula ad
pagin: 24.*

Exhibet Tübinga Georgius Gruppenbachius Ab M D XCVII.

Scholion autem illud ita sonat: Ajo verò præter dictas quinque *
 figuras non posse aliam constitui figuram solidam, quæ planis & *Supr. ibid.*
 æquilateris & æquiangulis contineatur, inter se æqualibus. Non
 enim ex duobus triangulis, sed neque ex alijs duabus figuris solidus
 constituetur angulus.

Sed ex tribus triangulis, constat Pyramidis angulus.

Ex quatuor autem, Octaedri.

Ex quinque verò, Icosaedri.

Nam extriangulis sex & æquilateris, & æquiangulis ad idem
 punctum coeuntibus, non fiet angulus solidus. Cum enim trian-
 guli æquilateri angulus, recti vnius bessem contineat, erunt eius-
 modi sex anguli rectis quatuor æquales. Quod fieri non potest.
 Nam solidus omnis angulus, minoribus quàm rectis quatuor an-
 gulis continetur, per 21. 11.

Obeasdem sanè causas, neque ex pluribus quàm planis sex
 eiusmodi angulis solidus constat.

Sed ex tribus quadratis Cubi angulus continetur.

Ex quatuor nullus potest. Rursus enim recti quatuor erunt.

Ex tribus autem pentagonis æquilateris, & æquiangulis Do-
 decaëdri angulus continetur. Sed ex quatuor nullus potest. Cum
 enim Pentagoni æquilateri angulus rectus sit, & quinta recti pars,
 erunt quatuor anguli rectis quatuor maiores. Quod fieri nequit.
 Nec sanè ex alijs polygonis figuris solidus angulus continebitur,
 quòd hinc quoque absurdum sequatur. Quamobrem perspicuum
 est, præter dictas quinque figuras aliam figuram solidam non posse
 constitui, quæ sub planis æquilateris & æquiangulis continea-
 tur.

		Planum	Plana	Latera	Angul.	Orbē inscriptū.
Cubus	bet	quadrangulum	6	12	8	mediocrem.
Octaëdrō		triangulum	8	12	6	cubo æqualem.
Dodecae.	ha	quinquangulū	12	30	20	maximum.
Icosaëdrō		triangulum	20	30	12	dodec. equalē.
Tetraëdr.		triangulum	4	6	4	minimum.

CAPVT III.

Quòd hæc quinque corpora in duos ordines distinguantur; & quòd terra rectè locata sit.

PORRO autem fortuitum hoc videri posset, atque à nulla fluens causa, quòd sex orbes Copernici recipiant intra suas vnus ab alio distantias hæc quinque corpora: nisi is ipse ordo esset inter illa, quo ordine ego singula interlocaui. Nam si Saturnus Ioui tam propinquus esset quàm est Venus Telluri, vicissim si hæc duæ ab inuicem tanto intervallo distinguerentur in Copernico, quanto distinguuntur Iupiter & Mars: alio ordine vtendum fuisset in inferendis corporibus. Foret enim inter duos primos orbes primo loco Dodecaedron vel Icosaedron, quarto verò loco Tetraedrũ. Qui ordo cum non possit admitti rationibus Mathematicis, facilè foret inutilitatem concepti Theorematis patefacere. Nunc autem videamus nos, ecquibus rationibus probetur, debuisse hoc ipso ordine disponi corpora inter orbes. Initiò distinguuntur hæc corpora in tria primaria, Cubum, Tetraedrum, Dodecaedrum, & duo secundaria, Octaedrum & Icosaedrum. Quodq; verissimum hoc sit discrimen, nota vtriusque generis proprietates. 1. Primaria plano inter se differunt: secundaria vtuntur eodem triangulari. 2. primariorum quodlibet proprium habet planum: cubus quadratum, Pyramis triangulum, Dodecaedron quinquangulum: secundaria planum triangulum à Pyramide mutuuntur. 3. primaria omnia simplici vtuntur angulo, nempe tribus planis comprehenso: secundaria quatuor aut quinque planis in vnum solidum adsciscunt. 4. Primaria nemini suam debent originem & proprietates: secundaria plæraq; ex primarijs, facta commutatione, adepta sunt, & quasi genita ex illis. 5. primaria non moueri concinnè possunt, nisi acta diametro per centra vnus aut oppositorum planorum: secundaria verò acta per oppositos angulos diametro. 6. primariorum est proprium stare: secundariorum pendere. Siue enim hæc in basin prouoluas, siue illa in angulum erigas: visus vtrinque deformitatem aspectus refugiet. 7. Adde denique quòd primaria perfecto numero tria sunt: secundaria

cundaria imperfecto duo : quodque illa omnes anguli species habent, Cubus rectum, Pyramis acutum, Dodecaedrum obtusum: hæc verò ambo in obtusi solius genere versantur. Et Octaedri quidem angulus per omnes tres species vagatur, in iunctura laterum obtusus: inter coeuntia duo latera ex opposito, rectus: ipse verò solidus, acutus. Cum igitur manifestum esset discrimen inter corpora, conuenientiùs fieri nihil potuit, quàm vt Tellus nostra, totius mundi summa & compendium, atque adeo dignissima stellarum mobilium, orbe suo inter dictos ordines distingueret, locumque cum sortiretur, quem ipsi superiùs attribuimus.

CAPVT IIII.

Quare tria corpora terram ambient, duo reliqua induant?



A T E R E nunc, Lector æquanime, vt ludam aliquantisper in re seria, & non nihil Allegorijs indulgeam. Etenim existimo ex amore Dei in hominem causas rerum in mundo plurimas deduci posse. Certè equidem nemo negabit, in domiciliò mundi exornando Deum ad incolam futurum identidem respexisse. Finis enim & mundi & omnis Creationis Homo est. Terram igitur, quæ genuinam Creatoris imaginem datura & alitura esset, existimo dignam à Deo censitam, quæ circumiret inter medios planetas sic, vt totidem illa haberet intra orbis sui complexum, quot extra habitura esset. Vt hoc Deus obtineret, Solem reliquis quinque Stellis accensuit, quamuis ille toto genere discreparet. Idque eò magis consonum videtur, quòd cum suprà Sol Dei patris imago fuerit, credibile est, hac associatione cum reliquis Stellis argumenta venturo colono præbere debuisse *φιλανθρωπίας, & ἀνθρωποπαθείας*, quam Deus usurpaturus erat erga homines, ad domesticam familiaritatem vsque sese demittens. Nam in Veteri Testamento, frequenter in numerum hominum venit, & Abrahami amicus audire voluit: sicuti Solem videmus in numerum mobilium venire. Cum autem Sol à terra ambiretur: positus, quæ dicta sunt, necessariò ille ordo corporum intra terram includendus fuit, qui duo saltem complecti-

tur: nempe vt mobilia duo cum immobili Sole eundem efficerent numerum ternarium, qui est in exclusis ab orbe terræ. Sic igitur, Luna præsertim terram ambeunte, domicilium nostrum optimus Creator in medio septem Planetarum collocauit. Nam si trium reliquorum ordo ad Solem accessisset: fuissent igitur intra terram cum Sole quatuor Stellæ, duæ verò tantum extra. Quæ numeri *ἀραξία* cum ratione careat, omiſſa est à Creatore. Cum item continere sit perfectioris, vtrictio, contineri vt palsio imperfectoris; primaria verò perfectiora sint cæteris; conuenit, vt trium ordo contineret terram, reliqua containerentur intra orbis terreni ambitum. Atque sic habemus obiter causam, cur extra terram tres moueantur Planetæ, intra duo: quæ si minus Lectori probatur, cogitet, honorarium hoc esse, non præcipuum. Nam etsi nesciremus causam ob quam supra terram (vel Solem Ptolemæj) tres irent Stellæ: tamen sequentia starent cum precedentibus: quia nobis de RE constat. Nec quisquam vnquam dubitauit, quin *h 4* & superiores sint. Tantum illud teneamus: cum tres in Copernico Planetæ sint supra terram: oportere nos ordinem trium primariorum corporum Cubum, Pyramida, Dodecaedron extra orbem telluris collocare, Octaedrum verò & Icosaedron intra: si palmam in hoc negotio velimus obtinere.

CAPVT V.

Quod cubus primum corporum, & inter altissimos planetas.



ENIAMVS modò ad primaria tria, suaq; singulis spacia tribuamus. Et Cubus quidem ad fixas appropinquare debuit, primamq; proportionem, quæ inter Saturnum & Iouem est, constituere: quia dignissima mundi pars extra terram sunt fixæ: vt circuli (post centrum) circumferentia: Cubus verò primum corpus in suo ordine. 1. Solus enim à sua basi generatur, cum reliqua quatuor non generentur faciebus suis, sed aut secta sint è Cubo, vt Pyramis, reiectis 4. pyramidibus rectangulis: aut aucta, vt Dodecaedron, appositis sex pentaedris. 2. Solus in homogeneos cubos sine prismatere-

te resolui potest. 3. Solus est quaquaversum, & in tres directas dimensiones porrigitur. Nam reliquorum facies inclines sunt, & alibi, cum se duabus directis sectionibus præbeant, in reliqua sectione frustrantur. 4. Hinc est, quod solus habet tot facies, quot habet ternaria dimensio terminos, nempe sex, & duplum numerum laterum, scilicet duodecim. 5. Solus vndiquaq; habet æqualem angulum, scilicet rectum. At in Pyramide regula, quæ sedet, adhibita medijs planis discrepat, si eam versus angulum intorqueas: nec solidi anguli ad eam normam quadrant, quæ interiectum longum laterale angulum metitur. 6. Hinc etiam soli competit, quod ex *μονοβίβλῳ* Ptolemæi citat Simplicius super Arist. lib. 1. de cælo cap. 1. pro causa perfectionis in ternario: quod scilicet non plures tribus rectis perpendicularibus ad locum solidum in solidos rectos diuidendū concurrere possint. 7. Est solidorū rectilineorum omnium simplicissimum corpus. Quod etsi in Pyramide ambigitur, tamen ex eo faciliè euincitur, quod pyramidis mensura Cubus est, mensuram autem priorem esse conuenit. Mensura verò est non tantum ex instituto hominum, qui quicquid solidorum metiuntur, eius quantitatem in paruis cubiscis concipiunt animo: sed multò magis Naturâ. Rectus enim Angulus æqualis est alteri, quo cum in planum extenditur. Est igitur perpetuò sibi æqualis ipsi, atque adeo vnus, cæterorum vtrinque infiniti sunt. Mensuram autem decet vnâ & eandem, atq; etiam finitam esse. 8. Hinc tam fecunda est recti in circulum inscriptio, sine quo mediante, nec triangulum, nec quinquangulum, nec ab eis deriuata inscribi possunt. 9. Sed neq; illud prætereundum quod perfectissimo animali solers natura sex easdem *διαστάσεις* perfectissimè attribuit: non obscuro argumento, quàm hoc corpus penes illam sit in precio. Nam homo ipse quidam quasi cubus est, in quo sex quasi plagæ sunt, supera, infera, antica, postica, dextra, sinistra.

CAPVT VI.

Quodd inter Iouem & Martem Pyramis.



AM cur Cubum excipiat Pyramis, nemo admodum mirabitur, cum 1. illa ferè de principatu ausit cum cubo contendere. 2. Insuper vel ipsa vel ὀμόλογα irregularia faciunt ad cæterorum compositionem. Nam Icosaedron componunt 20. Pyramides, paulò breuiores Tetraedricis: Octaedrum octo adhuc breuiores. Dodecaedron etsi quadrato occulto constat, tamen in pyramidas resolui necesse est. 3. Neq; contemnendum hoc, quòd Tetraedrum in quatuor perfectas pyramidas & vnum Octaedron laterum dimidio minorum resolui potest. 4. Sicut in planis omnia multangula in triangula resoluuntur, ita reliqua solida mensurandi causa in Pyramidas, quas deinde cubis, vt triangula quadratis, metimur. Est igitur reliquorum mensura, & omnium facillimè à cubo mensilis. 5. Hinc plæræque eius lineæ, vt & cubicæ tam facillè quantitatem ex ratione diagonij accipiunt, non tamen aliter quàm quadratis numeris. 6. pyramidis etiam regularitas ex solis lateribus pendet: cubi etiam ex angulis. Atque sic Pyramidum inter æquilatera non plus vnâ est, at in ἑξάεδρον, quamuis æqualibus lateribus, tamen infinita varietas est Angulorum. Quo nomine, si nullæ aliæ essent rationes, sitne præferenda cubo, an postponenda, in dubio relinquo.

7. Hanc naturæ solertiam imitati homines primùm materiam ad perpendicularum erigunt, rectisque angulis contignant, deinde triangulis firmanet & stabiliunt.

8. Insuper acutum angulum cum habeat pyramis, prior est obtusangulis. Nam id semper primum est in ordine, quòd iustam habet quantitatem: hoc sequi videtur minus iusto, quia & longiùs abesse videtur ab infinitate, quàm plus iusto, & simplicius etiam est. Nam obtusangulum videtur quòdam modo multiplex ex recto & acuto. Quo minus mirandum, cur paucitas angulorum in bassij, & ipsarum etiam bassium non deroget cubo. Nam angulorum & bassium numerus ad susceptam anguli speciem necessariò sequitur. Vnde si rectus prior est acuto, prius etiam ἑξάεδρον, quam Tetraedrom,

edron, Tetragonoedrum quàm Trigonoedrum. 2. Atq; id etiam inde colligi potest, quòd perfectum vbique primum, pòst, id, quod deficit, demum, quod excedit. Cum igitur Senarius facierum numerus perfectus sit, sequitur pyramidem, quæ deficit, non quidem præcedere debere cubum, at immediatè sequi.

Habemus cur inter Iouem & Martem secundo loco sit pyramis. Suprà in suspensio fuit, quod corpus tertio loco sit inter Martem & terram. Illud verò hic facillè deceditur. Cum enim è primarijs residuum sit Dodecaedrum, erit illud ordine tertium, inter Martem & terram: de cuius proprietatibus quid sentiendum sit, collatione cum prioribus facta, facillè patebit.

CAPVT VII.

De secundariorum ordine & proprietatibus.



ECVNDARIA quod attinet, cum Octaedron sit prius Icosaedro, mirum alicui videri possit, cur quod ordine Naturæ posterius est, in mundo præcedat? Nam quia Mars Dodecaedron sortitus est cum Tellure, sequitur ex ijs quæ diximus, inter Tellurem & Venerem interesse Icosaedron. Et prius esse Octaedron Icosaedro multa probant. Primum enim Octaedron natum est (non verè quidem, sed ita quasi natum sit) ex Cubo & pyramide primis in suo ordine: quorum illius numerum laterum, huius basin triangulam mutuatur. Icosaedron verò à pyramide, & Dodecaedro postremis in suo ordine nascitur. Rursum enim ex illa basin, ex hoc numerum laterum mutuatur. 2. Octaedron & Icosaedron si ex angulis aspicias, illud cubi basin quadratam ostentat, hoc Dodecaedri quinquangulam. 3. Octaedrum cubo æquealtum est, vt videbimus, & Icosaedron Dodecaedro. 4. Octaedron cum cubo, Icosaedron cum Dodecaedro permutant numerum basium & angulorū. Nam Cubi bases & Octaedri anguli sunt sex, illius anguli & huius bases octo. Sic Dodecaedri bases & Icosaedri anguli sunt vtrinque duodecim: vicissim illius anguli & huius bases sunt viginti. 5. Octaedron Cubi rectum angulum imitatur, Icosaedron Dodecaedri

E

obtu

obtusum. Ex quibus patet Octaedron caput esse sui ordinis, sicut cubus primorum est princeps.

C A P V T VIII.

Quòd Octaedron sit intra Venerem & Mercurium.



V O D autem propterea statim ad Dodecaedron in mundo sequi debeat, non sequitur. 1. Nam quia reuera duo diuersi sunt ordines, possunt etiam in diuersas mundi plagas spectare suis capitibus. 2. Atq; adeo, quia Cubus dignissimæ mundi regioni extra Terram appropinquat, circumferentiæ scilicet siue fixis: par erat, vt & alterius ordinis caput digniori loco mundi intra Telluris orbem accederet. Nihil autem dignius centro & Sole. 3. Quòd si etiam vtriusque ordinis situm pro vno censeamus, quid elegantius fieri poterat, quàm vt ille vtrinque similibus & primis corporibus clauderetur. 4. Pulchrius etiam est, multifacia corpora adinuicem sequi in medio, & à pluralitate basium vtrinq; sensim ad paucitatem discedi, si nihil aliud prohibeat: quàm si ad multarum basium corpus sequeretur vnum paucarum basium, & deniq; succederet rursus aliud longè plurius, quàm erat vtrumq;. 5. Atque cum Dodecaedron esset in suo ordine vltimum, conueniebat, vt illi succederet ex altero ordine, quod esset sui simile. 6. Etiam hoc ad Telluris dignitatem pertinet, vt vtrinque similiter, quantum fieri posset, stiparetur. Cùm igitur ita cecidisset, vt exterius proximè ambiretur multifacio, par erat, vt interiùs etiam proximè complecteretur multifacium. Duo igitur hi ordines quinque horum corporum ita sunt à sapientissimo Conditore in vnum redacti, vt calicibus inuicem ad Tellurem, quæ maceries ipsorum est, obuerterentur, capitibus in diuersas mundi plagas discederent.

CAPVT IX.

*Distributa corpora inter Planetas, proprietates aptata, demonstrata
ex corporibus cognatio planetarum mutua.*



ON possum præterire, quin hic aliqua ex ea Physices parte, quæ est de Planetarum qualitatibus delibem: vt appareat, etiam vires ipsorum naturales hunc ordinem seruare, eamque ad inuicem proportionem retinere. Nam sic eos planetas, qui terram ambeunt, illis etiam corporibus, quæ sibi inscripta continent accenseas, inclusis autem planetis à Telluris orbe illa corpora tribuas, quibus vterque circumscribitur, quod optima ratione fieri posse existimo: Saturnus habebit Cubum, Iupiter Pyramida, Mars Dodecaedron, Venerem Icosaedron, Mercurium Octaedron. Terra verò cum nihil sit nisi limes, neutro accensetur. Solem etiam & Lunam Astrologi maximo interuallo à cæteris quinque distinguunt, vt ita non opus sit illorum hic meminisse, & numerus corporum pulchrè cum 5. Planetis conueniat.

Iupiter igitur in medio maleficarum beneficis ipse multos in admirationem rapuit, & Ptolemæum etiam ad causarum inuestigationem extimulauit. Nos simile quid videmus in pyramide, quæ inter duo corpora partim cognata partim abhorrentia inuicem adeo ab utroque discrepat, vt ferè de loco periclitetur in ratiocinijs superioribus. Trium superiorum quilibet cum reliquis hostilia exercet odia. Tribus etiam eorum corporibus nihil penitus conuenite eorum, quæ apparent. Mars tamen cum Saturno in sola malitia conspirat. Huic ego comparo inconstantiam angulorum, quæ illorum propria, & communis est vtrique. Igitur bonitatis argumentum erit contrarium, scilicet stabilitas angulorum in solis lateribus. Argumentum cur Iupiter, Venus & Mercurius benefici sint. Cubus, Saturni corpus, metitur omnia reliqua sua rectitudine. Et planeta ipse mensores efficit, estque quoad ingenium rigidus, recti custos, ne latum vnguem cedens, inexorabilis, inflexibilis. Sic fert anguli rectitudo.

Cognatio euidentissima est in basibus, quæ cum Iupiter, Venus, Mercurius (planetam dico pro corpore) eadem vtantur, causam habemus eorum amicitiae, vt supra. Nam stabilitas in est triangulo primum.

Alter gradus est, planum apparens cum angulo ceu vmbilico. Ne miremur igitur amplius ecquid deliciarum penes durum & igneum Martem lateat, cuius causa delicatula Venus mariti frustrata thalamum cum Marte conspirauerit. Nam Martis quinquangulum est in Venere. Sic Saturni quadrangulum in Mercurio conciliat eosdem vtrique mores. Tertius gradus est, cum idem eiusdem in duobus est vel apparet: Et tum illis in causis communis amicitiae conuenit. Igitur in rebus Iouijs conuenit Venericum Mercurio, quia communi Iouis vtuntur basi. In Saturnijs consentit Mercurius cum Marte parumper, quia in illo Saturni quadratum, in hoc rectus cubus est. Apparet etiam hinc cur Venericum Saturno nulla cognatio, & quæ potissima, & cur Mercurij versatile ingenium omnibus quatuor sese applicet, minimùm tamen Marti.

Etiam Saturnus solitarius est, amansque solitudinis, planè, vt eius anguli rectitudo non potest ferre vllam inæqualitatem vel minimam, cuius gratia multiplex fiat. Contrà Iupiter è genere infinitorum acutorum vnum angulum nactus popularis ideo factus est, moderatè tamen & temperanter. Author enim est amicitiarum honestiorum. Ita Mars & Venus populares & ipsi sunt, sed nimium. Nam obtusus & prodigus ipsorum angulus intemperantiam notat. Mercurius de natura Saturni & Iouis est ratione anguli. Et amant literati quidem solitudinem, sed inhumani tamen non sunt. Amant eos, qui ijsdem studijs oblectantur: modumque statuunt in conuersationibus, plus quàm Iupiter, cuius omnis actio est in cœtibus hominum, interque purpuratos.

Iupiter & Venus fecundi sunt. Sanè quia Iupiter facit ad plarorumque compositionem, Venus autem Ioues breuiusculos in se contineat. Iupiter autem in mares æquior, Venus in foeminas: vnde ille mas dicitur, hæc foemina. Pyramis enim efficax est, Icosaedron effectum, & soboles. Ex his ijsdem principijs aliquantò explicatio causa redditur, quare Mercurius promiscui sexus sit, & quare in fecunditate mediocris.

Iouis

Iouis primùm, dein Saturni, & demum Mercurij tranquillitas & constantia morum est à paucitate planorum : Veneris & Martis turbulentia & leuitas à multitudine. Varium & mutabile semper fœmina. Et figura Veneris omnium maximè varia & volubilis. Atque hi gradus sunt.

Vnde medius Mercurius, media fides Mercurij versatile & celer ingenium refert Octaedri mobilitas. Nam si super duos angulos voluas, quatuor continualatera per medium figuræ directum iter transeunt. Cæteras figuras, quomodocunque voluas, videbis per medium transuersa & impedita incedere latera.

Mars multis lateribus pauciora plana efficit, Venus totidem lateribus plura plana: Martis etiam multi conatus irriti sunt: Venus conatibus illi par, prosperiore tamen vititur fortuna. Nec id mirum esse debet. Facilius enim choreæ instituuntur quam bella, & par erat, citius ad finem peruenire amores, quàm iras: quia hæ perimunt homines, illi gignunt. Eodem pacto Mercurius Saturno felicior est.

CAPVT X.

De origine numerorum nobilium.

INFINITVM est singula persequi: neque sine fructu de his Astrologus amplius cogitet. Videamus modò Astronomorum Arithmeticam, sacrosq; eorum numeros, 6. 12. 60. Igitur excepto quadrante & sextante, sc. 15. 10. omnes sexagenarij partes multiplices reperiuntur in his quinque corporibus. Vicissim exceptis angulis planis Octaedri & cubi, quorum vterque habet 24: Cætera omnia, quæ numerantur, sunt pars multiplex sexagenarij: vt existimem vix vlli numero posse ne à Pythagora quidem vllam rem naturalem assignari, quæ illi magis sit propria, quàm hic numerus est dictis quinque corporibus.

Vnus est Cubus, Vna pyramis, Vnum Dodecaedron, Vnum Icosaedron, Vnum Octaedron, Vnum solitarium sine simili.

Duo corpora secundaria; Duo ordines corporum; Bina semper sibi similia; Duæ eiusmodi similitudines.

E 3

Tres

Tres anguli basium pyramide, Icosaedro, Octaedro, quia bases trilatera. Tria primaria corpora. Tres angulorum differentiarum.

Quatuor anguli & latera basis in Cubo. Quatuor solidi pyramidis anguli. Quatuor eiusdem bases.

Quinque corpora. Quinque anguli & latera in basi dodecaedrica.

Sex anguli Octaedri. Sex latera pyramidis. Sex bases cubi. Pulcher numerus.

Octo bases octaedri. Octo anguli cubi.

Duodecim bases dodecaedri. Duodecim latera Octaedri. Item & cubi. Duodecim anguli Icosaedri. Duodecim plani anguli pyramidis.

Ecce hic numerus in omnibus quinque est,

Viginti bases Icosaedri. Viginti anguli dodecaedri.

Viginti quatuor anguli, plani Octaedri & cubi. Hic alienus est numerus, sed nec præcipuæ rei, nec ita alienus : est enim bis 12, ter 8, quater 6, qui omnes sunt in 60.

Triginta latera Icosaedri & Dodecaedri.

Sexaginta plani anguli dodecaedri & Icosaedri.

Prætereaque nihil numeratur, nisi summas omnium laterum & angulorum inire velimus, quod alienius est. Tum provenient anguli denominantium basium 18. Facies 50, Anguli totidem, latera 90. Anguli plani 180. Numericognati omnes.

CAPVT XI.

De situ corporum, & origine Zodiaci.



NFESTOS in his capitibus habeo physicos, propterea, quod naturales planetarum proprietates ex rebus immaterialibus & figuris mathematicis deduxi, porro verò etiam ex nuda imaginatione sectionum quarundam origines circulorum inuestigare audeam. His paucis responsum volo: quod Creator Deus, cum mens sit, & quæ vult faciat, non prohibeatur: quò minus in aptandis viribus & designandis circulis ad res vel sine materia vel imaginatione constantes

stantes respiciat. Et cum nihil velit ille, nisi summa cum ratione, nihilque præter eius voluntatem extiterit: dicant igitur Aduersarij, quænam aliæ rationes Deo fuerint aptandarum virium, etc. cum præter quantitates nihil esset? Quòd si, dum nihil inueniunt, ad imperscrutabiles Conditrices Sapientiæ vires confugiant: habeant sibi sanè hanc inquirendi temperantiam, illaque cum pietatis opinione fruantur: nos verò patiantur causas ex quantitativis verisimiles reddere: dummodò nihil indignum tanto dicamus Opifice. Nulla igitur vinctus religione, pergo ad inuestigationem Zodiaci.


Ac initio existimo verisimiliorem corporum situm excogitari non posse, quàm cum Cubus maxima figurarum inseratur orbi quomodocunque, nam in circulo nullum est initium. Oportet autem principia sine ratione constituere, ne infinitus fiat regressus; & vt aliquando transitum habeamus ab infinita potentia ad finitum actum. Iam igitur vna facierum censeatur pro basi. Pyramis igitur inferenda cubo mediante orbe Iouio, debet basin basi cubi *παράλληλον* tenere: & Dedocaedron pyramidis basi. Aliter ferunt secundariorum proprietates, vt vidimus. Erigendum igitur Icosaedron intra Dedocaedron, ita vt diagonius illius fiat vtrique oppositarum basium dodecaedron perpendicularis in centrīs. Eodem pacto suspendendum erit Octaedron minima figurarum, intra Icosaedron, ita vt acta recta veniat, 1. per centrum basis in cubo, 2. per centrum basis tetraedricæ, 3. per centrum quinque anguli Dodecaedrici, 4. per angulum Icosaedri, 5. per angulum octaedri, 6. per centrum mundi, & corpus solare, & porro similibus interstitijs per oppositos, 7. Octaedri, 8. Icosaedri angulos, 9. Dodecaedrici plani centrum, 10. Tetraedri angulum, 11. cubici plani centrum. Maioris lucis causa relego te ad tabellam capituli secundi vbi omnia corpora ad hunc modum expressa sunt. Quibus ita constitutis, non tantum apparens in Octaedro quadratum, æqualiter à dictis duobus angulis remotum, si producatur circumcirca; omnes figuras, atque adeò totum mundum in bina diuidet æqualia: sed etiam omnium laterum, quæ quis inter dictos angulos & centra, media censere potest, eorum inquam omnium si regulariter ponantur, sectiones mutæ, quæ prospicienti ex centro
app2-

apparent, versantur in eodem quadrati octaedrici continuato plano. Idque præcipue in multifacijs vt cognatis apparet. Nam cæterorum latera dicta non simul congruè poni possunt. Dodecaedron igitur per medium, decem lateribus, talem describit



viam, transeunte quadrato Octaedri, in planum extenso:

Icosaedron verò manifestam Zonam hoc pacto, transeunte



rursū Octaedri quadrato in rectum extenso:

Quòd si hæc duo cognata corpora ita applicentur per circumferentiam (nam anguli duo vnus, & centra planorum duorum alterius adhuc, vt suprà, tanquam poli coherere intelliguntur) vt apparentia bina quinquangula Icosaedri, & bina vera Dodecaedri, angulis congruant, progignetur circularis sectio, quæ in



planum extensa, cum Octaedri quadrato, sic habet.

Sin angulus vnus medio lateri alterius in supradictis quin-



quangulis applicetur, talis erit sectio.

Quid restat igitur, quin dicamus Planetas illam viam tot manifestis punctis notatam à Creatore iussos ire, præcipue cum inter suprà assumpta colligataq; centra & angulos, tanquam polos media sit.

C A P V T X I I.

Diuisio Zodiaci, & aspectus.





ULTI diuisionem Zodiaci in duodecim præcisâ signa pro figmento humano habuere, talî nempe, cui nihil rei naturalis subfit. Neque enim hæc *μῶστα* viribus aut affectionibus differre naturalibus arbitrantur: sed assumpta

sumpta propter numeri ad rationes aptitudinem. Quibus et si non omnino repugno, tamen ne quid temerè reiiciatur, ex iisdem principijs diuisionis huius causam proponam, ad quam Creatorem proprietates (si quas illæ distinctas habent) accommodasse vero non erit absimile.

Numerorum subiectum quodnam sit, supra vidimus. Et cer-
 tē præter quantum, aut quanto simile, potentiā qualicunque præ-
 ditum, nihil est in toto vniuerso numerabile, præter Deum, qui
 ipsissima veneranda Trinitas est. Iam igitur corpora omnia disse-
 cuimus per Zodiacum. Videamus, ecquid sectione hac Zodiacus
 ipse adeptus vel passus sit. Sectorum igitur dicto modo, Cubi fa-
 cies ex sectione resultans erit quadrata, vt & Octaedri, Pyramidis
 triangula, Reliquorum duorum decangula. Quater tria decies fa-
 ciunt summam centum & viginti. Igitur inscripta circulo, quadra-
 tum, triangulum, decangulum, ad idem punctum, arcus varios in
 circumferentia distinguunt, quos omnes meti-
 tur portio non maior centesimā viciesimā totius
 circuli. Naturalis igitur diuisio Zodiaci in 120.
 ex regulari situ corporum inter orbes. Cuius
 triplum cum sit 360. videmus hanc diuisionem
 non omnino nulla ratione niti. Iam si quadra-
 tum & triangulum rursus ex eodem puncto se-
 paratim describamus, portio circuli minima erit pars duodecima
 ambitus, nempe Signum. Vt mirum sit, & motum Solis & Lunæ
 menstruum, & coniunctiones magnas Superiorum tam aptē qua-
 drare ad portiones, quæ ab eorundem corporibus per triangu-
 lum & quadratum distinguuntur.




Atque adeo quàm hæc duodenaria diuifio penes naturam in præcio fit, exemplo cape extraneo: vt quamuis caufa non omnino cognita fit, tamen occasio pateat, subinde præclariùs de his quinque figuris sentiendi.

Esto proposita fides aliqua, eiusq; sonus r ut. Igitur  quot occurrunt voces à r vsque ad octauam consonantes cum r, toties, nec sãpius, potes fidem rationaliter diuidere, sic vt diuisa fide partes & inter se & cum integra consonent. Porro quotnam illiusmodi voces occurrant aures indicant, Ego  schemate & numeris dicam. F Vide



Vide nunc & ipsas harmonias, & fidium proportiones in numeris: vbi Nota ima significat vocem integræ fidis; suprema, vocem partis breuioris; media, vocem partis longioris; Numerus imus indicat in quot partes fides diuidenda sit; reliqui, longitudines partium.



Atque hæc solæ voces mihi naturales videntur, propterea quòd habent indubitatum numerum. Cæteræ voces non possunt certa proportionem ad iam positas exprimi. Nam vocem F fa ut, aliam ex C sol fa ut, desuper, aliam ex B mi molli inferius elicies, vtcunque hæc duæ perfectæ quintæ esse videantur. Sed ad rem. Prima & secunda concordia quodammodo sociæ sunt; sic etiam quinta & sexta. Cum enim imperfectæ omnes sint: binæ semper, vna dura, altera mollis, conspirant, vt singulis perfectis quodammodo æquiparentur. Nec admodum diuersas diuisiones habent. Nam $\frac{1}{6}$ & $\frac{1}{5}$ sese habent ad inuicem, vt $\frac{5}{30}$ & $\frac{6}{30}$ quæ tantum vnâ trigessimâ differunt. Sic $\frac{3}{8}$ & $\frac{2}{5}$ se habent ad inuicem, vt $\frac{15}{40}$ & $\frac{16}{40}$. Differunt igitur tantum vnâ quadragesimâ particulâ.

Atque ita propriè loquendo, tantum quinque in Musica habemus concordias, ad numerum quinque corporum. Quòd si septem diuisionum in, 6, 5, 4, 3, 8, 5, 2, communem minimum diuiduum quæras, rursum inuenies 120, vt suprâ, cum de diuisione Zodiaci ageremus; perfectarum verò concordiarum minimum diuiduum rursum 12: planè quasi perfectæ concordia à quadrato & triangulo Cubi, Tetraedri & Octaedri, imperfectæ verò à decangulo reliquorum

rum duorum corporum prouenirent. Atque hæc secunda est corporum cognatio cum concordijs Musicis. Sed quia causas huius cognationis ignoramus, difficile est accommodare singulas harmonias singulis corporibus.

Videmus quidem duos harmoniarum ordines, tres simplices perfectas, & duas duplices imperfectas: sicut tria primaria corpora, duo secundaria: verum cum reliqua non conueniant, deserenda est hæc conciliatio, & alia tentanda. Nempe sicut Dodecaedron & Icosaedron suo decangulo supra auxerunt duodenarium vsque ad 120: ita hic imperfectæ harmoniæ idem faciunt.

Erunt igitur ad Cubum, Pyramida & Octaedron accommodandæ perfectæ harmoniæ, ad Dodecaedron & Icosaedron imperfectæ. Quo accedit & illud, atque hercle indicem digitum ad causam harum rerum occultissimam intendit, quod proximo capite habebimus: duos nempe esse Geometriæ thesauros, vnum, subtenfam in rectangulo rationem ad latera; alterum, lineam extrema & media ratione sectam, quorum ex illo Cubi, Pyramidis & Octaedri constructio fuit, ex hoc verò constructio Dodecaedri & Icosaedri. Vnde tam facilis & regularis est inscriptio Pyramidis in cubum, Octaedri in vtrumque, sicut Dodecaedri in Icosaedron. Vt autem singulæ harmoniæ singulis corporibus accommodentur, non ita in promptu est. Illud solum patet, Pyramidi deberi harmoniam, quam quintam dicunt, quartam in ordine, quia in ea minor portio est $\frac{1}{3}$ pars integræ, sicut latustrianguli (quo Pyramis vtitur) subten-
dit $\frac{1}{3}$ circuli. Hoc plura infra confirmabunt, vbi de aspectibus agemus, quæ vt hic etiam intelligamus, omnino ita cogitemus, quasi fides sit non recta linea, sed circulus. Dabit igitur diuisio harmoniæ dictæ triangulum: in quo angulus lateri opponitur, planè vt in pyramide angulus plano. Remanent igitur Cubo & Octaedro octaua & quarta dictæ, tertia & septima in ordine. Sed vtrum eorum vtram harmoniam tenebit? vtrum dicemus secundaria recipere eas, quæ lineas scribant, & primaria, quæ figuras? tum Cubo debebitur quarta dicta. Nam si ex fide circulum facias, & ex vna quarta rectam vsque aliam ducas tam diu,





donec in primum punctum redeas, fiet quadrangulum, quale planum etiam Cubus obtinet. Contrà Octaedro debetur octaua, quæ est dimidiæ fidis. Nam in circulo ductus ad dimidiam, & ad idem punctum facit nil nisi lineam. Sic Dodecaedro debetur prior imperfecta duplex. Nam ductus per quintas & per sextas circuli faciunt quinquangulum & sexangulum. Restabit igitur Icosaedro posterior imperfecta duplex, quia ductus per duas quintas repetiti vsque in idem punctum faciunt tantum lineas, †. Sic & ductus per tres octauas, *. An malumus Octaedro quartam dare, quia is duodecies quartam circuli subtendit. Id quod nullum latus cubi facit? Sic relinquetur Cubo octaua harmonia perfectissima, ut ipse perfectissimum corpus est. Forſan & illud conuenientius est, relinquere Icosaedro priorem imperfectam propter sexangulum, quod basi triangulæ cognatum magis est, quam quinquangulæ: Dodecaedro verò dare diuisionem octonariam propter numerum cubicum 8, quia cubus dodecaedro inscriptilis. Hæc sane in medio sita sint: donec causas quis reperierit.

Veniamus modò ad aspectus. Et quandoquidem modò ex fide circulum fecimus: facile est videre, quomodo tres perfectæ harmoniæ pulcherrimè cum tribus perfectis aspectibus comparari possint sc. cum ρ , Δ , \square . Imperfecta verò prior B mollis ad vnguem similis est sextili, cuius hæc nota, *, quemque debilissimum esse ferunt.

Habemus causam (qualem quidem Ptolemæus non dedit) cur planetæ distantes vno aut quinque signis non censeantur in aspectu. Nam ut vidimus, nullam talem in vocibus agnoscit Natura concordiam. Cum enim in cæteris eadem sit ratio influentiæ & harmoniarum: credibile est & hic esse. Causa vtrinque procul dubio eadem est, & ex quinque corporibus: quam alijs quærendam relinquo. Cum igitur omnes quatuor harmoniæ consonent suis aspectibus, & verò adhuc tres restent in Musica harmoniæ: suspicatus aliquando sum, non negligendum esse in iudicijs natiuitatum, si Planetæ 72. aut 144. aut 135. gradibus distent, præsertim cum videam, vnam ex imperfectis habere suum aspectum. Quamuis cuilibet oculato Meteororum speculatori facilè patebit, vtrum aliqua in his tribus redijs vis insit, cum cæteros aspectus æris mu-

ris mutationes constantissimâ ratificent experienciâ. Causâ quidem quas probabiliter quis reddat, quod $\frac{3}{8} \frac{1}{5} \frac{2}{5}$ in fide sonent, in Zodiaco non operetur, hæc esse possint.

1. oppositus solus, duo quadrata, trinus cum sextili, absolunt singuli semicirculum : at tres hi radij nullum habent socium ad hoc munus, quem Musica non penitus repudiet.

2. Reliqui radij rationem habent facilem ex diametro, latus quinquanguli, & subtendens duo latera quinquanguli, tria octanguli, sunt in gradu remotiore & irracionales.

3. Causâ, quia trinus cum sextili, quadratum cum quadrato efficiunt rectum angulum, Radij reliqui nullo pacto cum vlla recepta linea. 4. Imperfecta B mollis est quodammodo perfecta, quia vtitur eadem diuisione cum perfectis, & est dimidia quinta. Vnde non mirum, solam ex imperfectis respondere aspectui alicui, sc. sextili, qui itidem est dimidiustrinus. Cæteræ enim nec aptæ sunt in duodenarium, nec perfecti alicuius pars sunt.

5. Denique sextrigoni anguli, quatuor quadrati, tres sexanguli, & duobus semicirculis comprehensa duo spacia implent omnem in planitie locum. At tres anguli in quinquangulo minores sunt quatuor rectis, quatuor sunt maiores. Vnde & illud patet, quare nec octangularis, nec duodecangularis radius, nec vllus reliquorum operetur. Atque hîc ferè separo causas aspectuum à causis concordiarum. Certè enim quæ ex angulis fit, genuina radijs est ratiocinatio; cum propter angulû in puncto superficiei terrenæ factum, in quo miscentur, existat operatio, non verò propter figuram in Zodiaco circulo descriptam, quæ imaginatione potius quàm rei veritate constat. Diuisio verò fidis nec in circulo fit, nec angulis vtitur, sed in plano per rectam lineam perficitur. Possunt tamen nihilominus & concordantiæ & aspectus habere commune quid, quod eadem vtrinque causatur, vt suprâ dictum. Id verò aliorum industriæ relinquo scrutandum. Ptolemæi Musica, quæ Regiomontanus cum expositione Porphyrij, editurus erat, sed nondum excusa Cardanus asserit, in hac materia proculdubio versantur. Vide etiam quid ex Euclidis Musicis huc referri possit.


Hinc apparet, vt habeatur 10 in omnibus figuris, quærendam esse prius h i radius basis. Habetur autem ex h i radius cognito latere figuræ, cui circulum circumscribit. Hinc rursus, vt radius basis habeatur, quærendum prius latus cuiuslibet figuræ.

Assumpto igitur radio circumscripti cuiuslibet in quantitate sinus totius 1000. partium (sufficit nostro instituto hæc radij magnitudo) potentia lateris cubici per 15. prop. lib. 13. elem. Euclidis, est pars tertia potentia axis, vt si axis habet 2000, latus cubi habet 1155. Lateris octaedri potentia per 14. eiusdem, est dimidium potentia axis. Lateris Tetraedrici potentia est per 13. eiusdem, sesquialtera pars de potentia axis. Atque hæcenus vsui fuit aureum illud theorema pythagoræ de potentijs laterum in triangulo rectangulo, prop. 47. lib. 1. In cæteris duobus corporibus altero illo Geometriæ thesauro opus est, de linea secundum extremam & mediam rationem secta, qui est propositio 30. sexti. Nam Dodecaedricum latus est maior portio lateris cubici secti, secundum extremam & mediam rationem per corollar: 17. decimitertij. Sic pro Icosaedrico latere inueniendi primùm quæritur radius illius circuli, qui quinque Icosaedri tangit angulos, qui est $A C$ in circulo $A B$. Eius potentia est quinta pars de potentia axis, per corollar: 16. tredecimi. Igitur per 5. & 9. eiusdem, radij istius $A C$, secundum extremam & mediam rationem secti, maius segmentum $A D$ est latus decanguli, quodeidem $A B$ circulo inscribi potest. Iunctæ igitur potentia $A C$ radij totius, & $A D$ maioris segmenti huius, faciunt potentiam $E F$ lateris quinquangularis in illo circulo, per 10. decimitertij. Quod cum sit inter duos Icosaedriangulos, erit vtique latus Icosaedri, per 11. & 16. eiusdem.



Habemus latera omnium figurarum in proportionem ad axin orbis circumscripti. Sequitur vt radios circulorum qui basibus circumscribuntur, inuestigemus ex iam notis lateribus: id quod adminiculo sinuum facillimè assequetur quilibet, qui reputabit, hic exquisitis numeris non opus esse. Si tamen alicui placet artificiosius laborare; ei fundamenta rei ex Euclide apponam. Cum igitur tres saltem formæ sint basium, triangula, quadrangula, quinquangula: in triangularibus quidem, latus $G H$ potest triplum quæsti





quæſiti radij HI , per 12. ſæpe allegati: In quadrato latus GH poteſt duplum quæſiti radij: in quinquangulo denique GH lateris & HI ſubtendentis (datarum linearum) iunctæ potentia poſſunt quintuplum radij HI quæſiti, per 4. decimi quarti ſecundum Campanum. Habemus radios circuloꝝ in baſibus in eadem proportione, qualatera.

Subtractis igitur potentijs radiorum de potentia ſinus totius, qui eſt quantitas ſemidiametri ſive radij in circumſcripto: reſtabunt, vt ſuprà probatum eſt, potentia radiorum, quos quærimus, inſcriptorum ſcilicet orbium. Commodiùs tamen & faciliùs vtêris vt dixi ſinubus.

Sed hîc neque alia quædam prætereunda compendia, ne nimium operoſè laboremus. Primum orbis inſcripti Dodecaedro & Icoſaedro ſunt eiſdem amplitudinis, ſi figura eidem orbi inſcribantur. Habent enim baſes vtriuſque figura eundem radium per 2. decimi quarti. Idem iudiciũ eſto de cubo & octaedro. Nam axis poteſt triplum cubici lateris, & hoc duplum radij in baſi, ergo axis poteſt ſextuplum radij in baſi: in octaedro viciffim, axis poteſt duplum lateris, & hoc triplum radij in baſi. Poteſt ergo etiam hic axis ſextuplum radij. Cum ergo ſit ex hypotheſi idem radius circumſcriptorum ſive HM (in primo huius capituli ſchemate) ſitque idem etiam radius baſium HI , & IOH ſemper rectus: Ergo etiam radius inſcriptorum, tertium nempe latus OI , idem erit per 26. primi conuerſam. Quare habitis cubi & Icoſaedri inſcriptis, de Octaedro & Dodecaedro nihil opus inquirere.


Deinde in cubo cum ipſum latus ſit altitudo figura: dimidium latus dimidia erit altitudo, nempe linea connectens cẽtra figura & baſis. Nil igitur opus in quaſitione radij in baſi.

Tertiò Octaedri & pyramidis æqualium laterum eſt eadem altitudo. Quantò maius igitur latus pyramidis, tantò altior etiam ipſa figura. Item Octaedron & pyramis duplo maiorum laterum habenteundem orbem inſcriptum. Nam pyramis ſi ſecetur medijs lateribus, concidit in quatuor pyramidas & Octaedron vnum, duplo minorum laterum. Cumque pyramis habeat quatuor facies; nulli earum reſecta pyramis minor adimit centrum, vtpote quod ſectione longè inferius eſt: manet igitur in Octaedro ex ſe-

cto or-

Et orbis inscriptus, antiqua quatuor centra, & per definitionem regularis corporis etiam noua quatuor ex sectione accedentia simul tangens. Sine igitur pyramidis siue Octaedri vel cubi inscriptus prius habeatur, facilius per proportionem laterum habebitur etiam quantitas alterius inscripti.

His adde quæ Candalla, & quæ alij de corporibus iam demonstrarunt, vt quod potentia NM dimetientis in sphaera, quæ Tetraedro circumscribitur, sit potentia $H I$ radij in basi tetraedri $4 \frac{1}{2}$ per Coroll. 1. prop. 13. lib. decimi tertij: Quod ibidem NI altitudo siue perpendicularis corporis sit bes NM dimetientis, & illius NI potentia sit bes potentia lateris GH : Quod inscripti pyramidi radius $O I$ sit pars quarta ipsius NI perpendicularis, tertia ipsius NO circumscripti, vel sexta NM dimetientis, Corollar. 3, prop. 13. lib. decimi tertij iuxta Candall.



Ergo; Qualium semidiameter orbis circumscripti cuiuslibet figuræ est par 1000. taliū est in	<table> <tr> <td>Cubo</td> <td rowspan="5">{</td> <td rowspan="5">logitudo lateris</td> <td rowspan="5">{</td> <td rowspan="5">1155 1633 714 1051 1414</td> <td rowspan="5">semidiameter circuli plano circumscripti</td> <td rowspan="5">{</td> <td rowspan="5"> $\frac{1}{2}$ 816 $\frac{1}{2}$ 943 $\frac{1}{2}$ 607 $\frac{1}{2}$ 816 $\frac{1}{2}$ </td> <td rowspan="5">{</td> <td rowspan="5">semidiameter inscripti orbis</td> <td rowspan="5">{</td> <td rowspan="5">577 333 795 795 577 707. quadrato Octaedri inscripti circuli. Quod nota:</td> </tr> <tr><td>Pyramide</td></tr> <tr><td>Dodecae.</td></tr> <tr><td>Icosaedro</td></tr> <tr><td>Octaedro</td></tr> </table>	Cubo	{	logitudo lateris	{	1155 1633 714 1051 1414	semidiameter circuli plano circumscripti	{	$\frac{1}{2}$ 816 $\frac{1}{2}$ 943 $\frac{1}{2}$ 607 $\frac{1}{2}$ 816 $\frac{1}{2}$	{	semidiameter inscripti orbis	{	577 333 795 795 577 707. quadrato Octaedri inscripti circuli. Quod nota:	Pyramide	Dodecae.	Icosaedro	Octaedro					
Cubo	{	logitudo lateris												{	1155 1633 714 1051 1414	semidiameter circuli plano circumscripti	{	$\frac{1}{2}$ 816 $\frac{1}{2}$ 943 $\frac{1}{2}$ 607 $\frac{1}{2}$ 816 $\frac{1}{2}$	{	semidiameter inscripti orbis	{	577 333 795 795 577 707. quadrato Octaedri inscripti circuli. Quod nota:
Pyramide																						
Dodecae.																						
Icosaedro																						
Octaedro																						

CAPVT XIII.


Primarius scopus libelli, & quod hæc quinque corpora sint inter orbes, Astronomica probatio.

SITVR vt ad principale propositum veniamus: notum est, vias planetarum esse eccentricas: & proinde recepta physicis sententia, quod obtineant orbes tantam crassitiem, quanta ad demonstrandas motuum varietates requiritur. Et hætenus quidem nostris Philosophis assentitur Copernicus. Verum iam porrò non paruum cernitur opinionum discrimen. Nam censent Physici ab ima cœli
G luna

lunaris superficie ad decimam sphaeram vsque nihil esse coelestibus orbibus vacuum: sed tangi semper orbem ab orbe, imamque superioris superficiem cum summa inferioris penitus vniri. Sic enim quaerenti, quis exempli causa caeli Martij locus sit Physicus. Sic enim respondent: interiorem Iouis superficiem. Et apud Ptolemaeum, atque vsitatam Astronomiae descriptionem obtinere fortasse possunt hanc causam: propterea quod orbium proportionem inuestigandi nulla illic occasio, nullum adminiculum. Quemadmodum enim ijs, qui de nouis Indijs scripserunt, nemo facile contradicit, qui illa loca non ipse lustrauit: sic physicorum ratiunculas de contactu orbium Astronomus reijcere non potest, quem obseruationum experientia & hypothesium conditio in caelum ipsum, interque orbis non euexit. Iam vero ex Copernici hypothesibus, & ex illo terrae motu sequitur, nullam esse orbium vicinorum differentiam, quae non multis partibus orbis vtriusque eccentricitatem superet. Atque huius rei cape exemplum ex Telluris & Veneris orbibus, ijs nempe, qui minimum ab inuicem absunt. Qualium Telluris à centro mundi distantia mediocris est 60., talium Veneris ab eodem distantia mediocris est $43\frac{1}{6}$. Differentia $16\frac{5}{6}$ scrupula. Iam Tellus in perigæo appropinquat Veneri scrupulis $2\frac{1}{2}$. Venus illi obuiam procedit in Apogæo scrupulis itidem $2\frac{1}{2}$ summa, 5. scrupulorum. Ergo duodecim residuis scrupulis hæc duo corpora distant etiam cum proximè ab inuicem absunt. Quod si suis hoc intermedium spacium compleri asserat deferentibus nodos, & circulis latitudinum, is cogitet: posse ea officia etiam à longè tenuioribus orbibus, quam qui tantum hiatum impleant, administrari: neque naturam immanioletantum orbium onerandam. Quamuis hercle Copernici hypotheses omnes ita comparatæ, ita aptæ sunt, ita inuicem inferuiunt, vt haud facilè vllò orbe, qui vltra planetæ viam euagatur, ad motus reddendos indigere videamur. Sed esto, vt in propinquis spacia his impleantur orbibus: quæso illud quale sit videamus. Cum à perigæa Iouis distantia ad Martis Apogæam, duplo longius numeretur spacium, quàm ab ipso Marte ad centrum Mundi (Iouis enim distantia tripla est ad Martiam) ergone ad pusilli Planetæ vix ad sen-

Copern. lib. 5.
cap. 21. 22.
Et infra in
Tabula.

**TABELLA IIII. OSTENDENS VERAM
AMPLITUDEM ORBIVM COELESTIVM, ET
interstitiorum, secundum numeros & sententiam
Copernici.**



Extremus circulus Zodiacum refert in Orbe stellato, descriptus ex centro Mundi vel Orbis magni, vel etiam ex globo Terreno, quia totus Orbi Magnus ad eum insensibilis est.

A Saturni systema, concentricum ex G centro orbis magni.

B Systema Iovis. C Martis.

D Circulus siue via centri globi terreni concentrica ex centro G, cum sphaerula Lunari duobus locis appicta. Dua cetera lineae circulares orbis terra cum inserta Luna crassitiem denotant.

E Duo circelli delineantes crassitiem systematis Venerij, intra quam omni eius motuum varietas perficitur.

F Spacium inter duos circellos, in quo omnis motuum stellae Mercurij varietas perficitur.

G Centrum omnium, & prope ipsum corpus Solare.

Circulus per O & X transiens (cuius hic tantum duo arcus comparent) eccentricus Saturni est.

Linea curua per Q atq; per perigeum epicycli in O apogeo eccentrici positi, & per apogaeum eiusdem in Y perigeo eccentrici, est via planetae eccen-

trica. Circulus quidem non est, sed tamen à circulari linea sensibilibus non differt.

H I crassities duobus circulis concentricis inclusa, quam via Saturni eccentrica sibi vindicat.

Linea curua, vel quasi circulus per M, & per apogaeum epicycli in O, atq; per perigeum eiusdem in X transiens, eccentricus est, quem Ptolemaeus Aequantem vocat.

K L crassities duobus ceteris circulis concentricis intercepta, quam totus epicyclus, & aequans ille requirunt.

Planeta vero ultra X nunquam ascendit, nec infra I descendit.

Similibus particularibus orbibus cetera Sphaera etiam distincta intelligantur, qui tamen, ne multitudo linearum negotium potius obscuraret, quam declararet, hic omittuntur. Ideo in Ioue & Marte via eorum eccentrica, duobus eam continentes circuli concentrici, in ceteris soli concentrici descripti sufficiunt.

Spacia intermedia.

R locus Cubi.

S Tetraedri.

T Dodecaedri. V Icosaedri. X Octaedri. Z est spacium inter Saturnum & fixas, infinito simile.

ad sensum variandas motiunculas, in longum, in latum, totum hoc spacium duplo crassius omni Marte, repletur tam portentosis orbibus? Quæ hæc Naturæ luxuries? Quàm inepta? Quàm inutilis? Quàm minimè ipsi vsitata? Atque ex hoc videre est, in Copernico nullum orbem ab alio tangi, sed ingentia relinqui systematum interualla vtique plena cœlesti aurâ, sed ad neutrum tamen propin-^{Huc pertinet Tabu-} quorum systematum pertinentia. Hac tabula ob oculos propono ^{la} QUINTA: tibi orbium & interstitiorum magnitudines iuxta veras proportion- nes: vt eæ numeris à Copernico expressæ sunt. Eorum autem spaciorum cum initio professus sim causas ex 5. corporibus reddere, cur tanta singula inter binos planetas relicta sint à Creatore Optimo Max, nempe quòd singulæ figuræ singula interualla efficiant: videamus modò, quàm id feliciter tentatum sit, causamque hanc coram Astronomia Iudice, & interprete Copernico disceptemus. Orbibus ipsis tantam relinquo crassitiem, quantam requirit ascen- sus descensusque planetæ: quæ tamen vtrum sufficiat, infra, cap. 22. videbis. Quòd si figuræ interiectæ sunt, vt dixi: oportet imam su- perioris orbis superficiem æquari circumscripto figuræ, summam inferioris inscripto: figuras autem censeri eo ordine, quem supra rationibus confirmaui. Quare

					Lib. 5. Cop.		
Si ima	$\left\{ \begin{array}{c} \text{I} \\ 2 \\ \text{♂} \\ \text{terra} \\ \text{♀} \end{array} \right\}$	est 1000. debebat ef- se summa	$\left\{ \begin{array}{c} \text{Iouis} \\ \text{Martis} \\ \text{Telluris} \\ \text{Veneris} \\ \text{Mercurij} \\ \text{vel } 707 \end{array} \right\}$	$\left\{ \begin{array}{c} 577 \\ 333 \\ 795 \\ 795 \\ 577 \end{array} \right\}$	At est se- cundum Co- pernicum	$\left\{ \begin{array}{c} 635 \\ 333 \\ 757 \\ 794 \\ 723 \end{array} \right\}$	Cap. 9. Cap. 14. Cap. 19. Cap. 21. & 22. Cap. 27.

Quòd si crassitie orbis terreni accenseatur systema lunare; ergo si ima superficies orbis terreni, & lunam comprehendens, est 1000, summa Veneris est in Copernico 847. Et terreni orbis cum Luna summus margo est 801: si ♂ ima habet 1000. Hic velim te identidem respicere ad tabellam capitis secundi, nempe ad huius interpositionis qualem cunque imaginem.

En numeros parallelos propinquos inuicem, & Martis quidem atque Veneris eosdem. Telluris verò & Mercurij non admodum diuersos, solius Iouis immodicè discrepantes, sed quod in

tanta distantia nemo miretur. Et in Marte quidem atque Venere, vicinis orbi Telluris, vides quantam efficiat diuersitatem orbiculus Lunæ accensusit crassitie orbis terreni : qui tamen orbiculus vix 3'. scrupula æquat, qualium orbis terræ habet 60.

Vnde colligere potes, quàm facile animaduersum fuisset, quantaque numerorum extitisset inæqualitas : si hæc contra cæli naturam tentarentur, hoc est, si Deus ipse in Creatione non ad has proportionem respexisset. Certè enim fortuitum hoc esse non potest, vt tam propinquæ sint interuallis hisce proportionem corporum : cum propter alia, tum maximè, quia idem ordo est interuallorum, quem suprà rationibus optimis, corporibus ascripti, vide Cap. 3. Nam etsi 635. à 577. discrepat nulli tamen propinquior est, atque huic ipsi.

CAPVT XV.

Correctio distantiarum & diuersitas prosthaphæreson.

NEverò tibi, Lector amice, occasionem vllam præbeam totum hoc negotium propter leuiculam discordiam reiiciendi, monendus hîc es, quod te probè meminisse velim ; Copernici intentum non in Cosmographia versari, sed in Astronomia : hoc est, vtum non nihil in veram orbium proportionem peccet, parùm ipsi curæ est : modò numeros ex obseruationibus eos constituat, qui sint ad demonstrandos motus, Planetarumque loca computanda, quantum fieri potuit, maximè apti. At si quis aptiores dare conetur, & hos Copernici numeros ita corrigat, vt nihil interea aut parùm in prosthaphæreson turbet : id illi per Copernicum facile licebit.


Vtigitur summam denique huic negotio manum imponam, atque vt appareat, quid quantumque penes singulos Planetas in parallaxibus orbis terreni mutetur : nouum struam mundum : & cum priùs inuestigata fuerit ab artificibus cuiuslibet *ἐκκεντρότης* ad orbis semidiametrum proportio : ideo si quid in longissima vel proxima orbis à centro mûdi distantia mutabitur per interpositionem corporum ; id in *ἐκκεντρότης* animaduertendū erit proportionaliter.

Initium

**TABELLA V. OSTENDENS POSITVS CEN-
TRORVM ECCENTRICARVM SPHAERARVM MVNDI
secundum sententiam Copernici, & numeros Tabularum
Prutenicarum.**

Ad cap. 13.
Pag. 51.

Ad tempora Ptolemaei, circa Annum
Christi 140.



Ad A Sol, centrum Mundi est.

Circulus parvus ad B, est circulus eccentricitatis Orbis Magni Telluris. In huius fastigio seu loco remotiore à Sole, eccentrici orbis magni centrum consistebat tempore Ptolemaei, sed tempore Copernici in loco propiore. Hoc est, eccentricitas Orbis Magni erat illis propè maxima, hic ferè minima. Horum illud priore, siue sinistro, hoc posteriore, siue dextro schemate videre licet.


A B priore schemate est 4170. qualium semidiameter orbis magni est 100000. Hinc maxima Terra à Sole remotio est 104170. & minima 95830. Sed in altero schemate illa eccentricitas propè minima, est 32195.

A C est circulus parvus eccentricitatis Q. Huius semidiameter (qualium orbis magni semidiameter est 100000) est 1040. & B C (dextra figura) eccentricitas centri parvi circuli à centro orbis Magni B, est 3120. Sed A C, eiusdem eccentricitas à Sole A, est 1262. Hinc maxima Veneris à C distantia 74232. & minima 69628.

D centrum est circuli eccentricitatis P. Huius semidiameter est eandem, qua supra, partium 2114 $\frac{1}{2}$. cuius eccentricitas à centro orbis magni D B 7345 $\frac{1}{2}$ sed D A, eccentricitas eius à Sole 10270. Vnde maxima Mercurij distantia à C inuenitur 4114 $\frac{1}{2}$. & minima 23345 $\frac{1}{2}$.

E centrum est parvi circuli eccentricitatis Q. Huius semidiameter est 7692 $\frac{1}{2}$. & B E eccentricitas ab orbis magni centro 22807 $\frac{1}{2}$. Sed A B eccentricitas à Sole 20342. Vnde distantia Q à C maxima 264780. minima 139300.

Ad tempora Copernici, circa Annum
Christi 1525.



F centrum est parvi circuli eccentricitatis U. Huius semid. est 12000. & B F eccentric. à B 36000. Sed A F à C 36656. Iouis maxima distantia à C 549256. minima 499944.

G centrum est parvi circuli eccentricitatis D. Huius semid. est 26075. B G est 78225. & A G eccentricitas à C 82290. Saturni maxima remotio, à Sole est 998740. & minima 834160.

Relicta H B T est linea aequinoctialis respectu Terra. Sed I A S, respectu Solis. Si recta N B est linea solstitialis respectu Terra, & M A Y respectu Solis.

tempore Ptolemaei. Copernici.

B	B G I	23	M	27	42	T
U	B F Q	11	W	6	21	U
Q	B E O	25	S	27	51	Q
Q	B C K	25	X	15	44	U
Q	B D V	10	U	28	30	M
Q	B A L	6	S	6	40	69

tempore Ptolemaei. Copernici.

B	A G Z	23	40	M	28	3	T
U	A F R	17	31	W	11	30	U
Q	A E T	4	27	S	4	21	W
Q	A C D	4	39	Q	19	48	U
Q	A D X	29	42	U	13	40	T
Terra	A B A	6	8	T	6	40	Q

Initium erit à maxima terræ distantia sursum, minima deorsum, centrum versum.

Ante omnia autem retexendi numeri Copernici, atque peculiariter accommodandi sunt ad præsens institutum. Nam etsi ille sine dubio centrum totius vniuersi in corpore solari constituit: tamen vt calculum inuuet compendio, & ne nimium à Ptolemæo recedendo, diligentem eius lectorem turbet: distantias omnium Planetarum maximas atque minimas, vt & loca earum in Zodiaco (quæ Apogæorum & Perigæorum nomen retinuerunt) computauit non à centro Solis, sed à centro orbis Magni, quasi illud esset Vniuersitatis centrum: cum tamen illud à Sole tanto semper intervallo distet, quanta est quouis tempore Telluris (vel Solis) maxima *ἐκκενσθέντες*. Quos numeros si retinerem in præsentī negotio; illud incommodum sequeretur, quòd aut error committeretur in inscriptione, dum terræ orbis pro corpore censeretur, qui superficies saltem esset: vt videre est in præced. Tabella IIII. aut orbi terreno nullam, vt cæteris relinquerem crassitiem. Essent igitur dodæcaedricorum planorum centra & icosædrici anguli in eadem superficie sphærica: atque ita totus mundus arctius consideret, fieretque longè angustior, quàm experientia motuum & obseruationes patiuntur. Atq; hunc scrupulum cum ego Michaeli Mæstlino, præceptorī meo Clarissimo aperirem, exploraturus, an probare vellet modò positum hoc Theorema: is insperato mei iuuandi studio hunc laborem in se suscepit, & non tantum ex Prutenicis Tabulis ipsas Planetarum distantias de nouo computauit, sed etiam præ-

*Huc pertinet
Tabula
QVINTA:*

sentem Tabulam mihi confecit; atq; sic me tum alijs non paucis occupationibus detentum magno & difficili atque molesto labore subleuauit. Quàm tabulam ipso permittente Authore tecum, Lector, communico: tibi que sic eam commendo, vt quæ non tantum in præsentī negotio tibi profutura, sed etiam intricatissimum nodum ad oculum solutura, atque adeo te in ipsa Prutenicarum atq; Copernici adyta, quasi manu, ductura sit. Etenim ex ea iucundum est discere, quomodo Auges Planetarum diuersæ, in diuersa Zodiaci loca cadant: quod in Venere plus integri trientis diuersitatem, parit. Nam eius Apogæum est in γ & Π , ἀφῆλιον in β & α . Videre etiam est, longè alias esse lineas distantiarum à Sole,

quàm à centro terreni orbis. Quæ diuersitas in I maxima est: propterea quòd integra Telluris $\epsilon\kappa\kappa\epsilon\nu\tau\rho\acute{o}\lambda\eta\varsigma$ eius distantia accedit. In Ioue autem parum mutatur, quia is, non vt Saturnus è regione Solis fit altissimus, sed in Δ , vbi ferè æqualiter abest ab vtroque centro Solis & Orbis magni. Atque inde etiam ad oculum patet demonstratio eius, quòd Copernicus lib. 5. Reuol. cap. 4. 16. & 22. sub finem, de mutabili Eccentricitate Martis & Veneris ad mutationem terrenæ, breuissimis verbis innuit: Rheticus verò in sua Narratione copiosius persequitur. Aliud etiam est, cuius nos isthæc tabula admonet, quod quia commodius alio loco dici potest, nunc differam. Nunc ad rem. Pandam autem quadruplicem ordinem numerorum. In primo erunt Planetarum abscessus à centro magni Orbis: sicut ij abscessus & numeri ex Copernico & prutenicis simpliciter & sine mutatione eliciuntur. In Secundo erunt abscessus orbium à Centro Solis, qui proueniunt ex Copernico post illam resolutionem numerorum, de qua modo vidisti tabulam. In tertio & quarto venient rursus abscessus planetarum à \odot , prout illi per interpositionem corporum mutati sunt. Et tertius quidem ordo erit ex structura mundi ea, quæ pro fundamento habebit orbis terreni crassitiem simplicem, non accésito systemate Lunari. Quartus denique prodet crassitiem orbis terreni tantam, quæ suprà & infrà semidiametrum orbis Lunaris contegere possit.

		0	1	11	0	1	11	0	1	11	0	1	11
I	Altiss.	9	42	0	9	59	15	10	35	56	11	18	16
	Humil.	8	39	0	8	20	30	8	51	8	9	26	26
II	Altiss.	5	27	29	5	29	33	5	6	39	5	27	2
	Humil.	4	58	49	4	59	58	4	39	8	4	57	38
III	Altiss.	1	39	56	1	39	52	1	33	2	1	39	13
	Humil.	1	22	26	1	23	35	1	18	39	1	23	52
ter- ra	Altiss.	1	0	0	1	2	30	1	2	30	1	6	6
	Humil.	1	0	0	0	57	30	0	57	30	0	53	54
IV	Altiss.	0	45	40	0	44	29	0	45	41	0	42	50
	Humil.	0	40	40	0	41	47	0	42	55	0	40	14
V	Altiss.	0	29	24	0	29	19	0	30	21	0	28	27
	Humil.	0	18	2	0	14	0	0	14	0	0	13	7
\odot	Altiss.	0	2	30	0	0	0	0	0	0	0	0	0
	Humil.	0	1	56	0	0	0	0	0	0	0	0	0

Hæ distantia. Iam porrò subiungam laterculum arcuum, quæ sinibus debenturijs, quos efficiunt Veneris quidem & Mercurij altissimi abscessus, si media terræ distantia sit sinus totus: Telluris verò media distantia, si superiorum abscessus longissimi sint sinus totus: quorum arcuum illi quidem elongationibus maximis Veneris & Mercurij à Sole, hi verò prosthaphæresibus ἀποχέρισ Saturni Iouis & Martis proximi erunt. In primo ordine sunt arcus, qui proueniunt ex corporibus exclusâ Lunâ, in secundo arcus, qui proueniunt ex distantijs à Sole Copernicanis, in tertio denique, arcus qui ex corporibus, adiunctâ Telluri Lunâ sequuntur; Et interponuntur vtrinque differentia.

	0	1	0	1	0	1	0	1	0	1
h	5	25	— 0	20	5	45	— 0	41	5	4
4	10	17	— 0	12	10	29	— 0	6	10	23
♂	40	9	+ 2	47	37	22	+ 0	20	37	52
♀	49	36	+ 1	45	47	51	— 2	18	45	33
☿	30	23	+ 1	4	29	19	— 1	1	28	18

CAPVT XVI.

De Luna peculiare monitum, & de materia corporum & orbium.



ON ergo exiguum scrupulū Lunæ Orbis, vtut exiguus sit, mouet. Quare porrò de Luna tempus est, vt aliquid dicam. Et incipio quidem sine ambage, tibi Lector, sincerè meam mentem exponere; secuturum nempe me in hac causa, quocunque propinquitas numerorum præit. Vt si interpositio Lunæ numeros & arcus Copernici verius reddit: dicam accensendum illud systema crassitie orbis magni. Sin autem eiectione Lunâ melius nobis cum Copernico conuenire potest: etiam ego dicam, orbem magnum non tam crassum esse circumcirca, vt cælum Lunare tegat: sed eminere interdum sursum, interdum deorsum, integrum Lunæ hemisphærium supra vel infra margines orbis magni, interdum & plerunque quidem minus hæmisphærio extare; omnino prout ipsum corpus telluris.

luris, quod est Orbis Lunæ centrum vel ascenderit, vel descenderit per orbis sui spissitudinem. Nec hercle scio, quorsum magis inclinent Cosmographica vel etiam Metaphysica rationes. Concinnum quidem negocium esse videtur: ut non sit in cælo orbis aliquis, qui talem gerat nodum, velut annulus gemmam, cuius eminentia obsit, quò minùs absolutissima constet orbi rotunditas. At vicissim in censenda figura orbis quid attinet Lunæ rationem habere, cum illa non propriè ad orbem terræ veluti cæterorum Planetarum euagationes in altum, in profundum (quæ physicè commodissimè per epicyclia demonstrantur) velut, inquam, hæc epicyclia ad suū quodque orbem pertineat? Tellus enim est cui orbis ille tertius à Sole debetur, ipsa eius remigio inter cæteros Planetas Solem circumit, ipsa per se, perque sua epicyclia nullo ad hoc Lunæ vsa ministerio suas perficit varietates, ut docent Copernici placita: Luna verò hanc circa tellurem exiguam domunculam quasi precariò aut conductam obtinet, Luna sequitur vel trahitur potius, quocunque Tellus quacunque varietate graditur. Finge Tellurem quiescentem, nunquam Luna viam circa Solem inueniet, ne dum circumueniet. Discursitat enim hinc inde angustis inclusa spacijs circa terram lucis humorumque Telluri ministra, veluti Atriensis aliquis circa herum, aut veluti qui in naui obambulant, neque tamen sese fatigando proficiunt in itinere, nisi magna vis aquarum incertos quorsum eant, & vel quietos promoueat. Atque ut spacium Luna ex orbe terreno, motumque sortita est, sic & multas conditiones globi terreni adeptam, puta, continentes, maria, montes, aerem, vel his aliqua quòcunque modo correspondètia, multis cōiecturis Mæstlinus probat, nec nullas ego habeo; ut vel ob hoc solum verisimilior sit Copernicus, qui eandem loci motusque communionem duobus hisce corporibus largitur. Ac certè *φιλάνθρωπος* Creator vltimò vestiuisse videtur Tellurem hoc orbe Lunari: quia similem ei situm attribuere voluit, situi Solis: ut si & ipsa orbis alicuius centrum esset (ut Sol est centrum omnium) instar Solis cuiusdam haberi posset, ob quod ipsa totius vniuersi commune centrum communiter quasi habita fuit.

Est omnino, ut denuò ludam Allegoria, homo quidam quasi Deus in mundo, & eius domicilium Tellus; sicut Dei, si vllum corporeum

poreum, certè Sol illa lux inaccessa. Utigitur homo Deo, sic Tellus Soli respondere debuit. Argumèto est huius rei eadem ferè proportio globi Telluris ad orbem Lunæ, quæ globi Solaris ad mediam Mercurij digressionem à Sole.

Neque verò metuendum est, ne lunares orbes à vicinis corporum proportionibus compressi elidantur, si non sint in orbe ipso absconditi atque inclusi. Nam absurdum & monstrosus est, corpora hæc materia quadam vestita, quæ alieno corpori transitum non præbeât, in cælum collocare. Certè multi non verentur dubitare, an omnino sint in cælo eiusmodi Adamantini orbes; an diuina quadam virtute, moderante cursus intellectu proportionum Geometricarum, stellæ per campos & auram ætheream liberæ istis orbium compedibus transportentur. Nullum equidem pondus dubios & titubantes motori gressus efficiet, quo aliquando à circulo suo exorbitet. Nullum enim punctum, nullum centrum graue est. Centrum verò omnia eiusdem cum corpore naturæ sequuntur. Nec pondus ex eo acquirit centrum, quòd cætera ad se allicit, aut ab illis appetitur: non magis atque Magnes, dum actu ferrum trahit, ingrauescit. Vel hæc tellus, quam omnino cum Copernico vehi statuimus, quibus vestibis, quibus catenis, quo Adamante cœlesti in orbem suum inferta est? Eo nempe quem omnes circumcirca in superficie Telluris homines haurimus (fermentatum & commixtum vaporibus) aerem: quem manu, quem corpore penetramus, neque tamen discludimus, aut semouemus, cum sit influxuum cœlestium in media corpora vehiculum. Hoc enim cælum est, in quo viuimus, mouemur & sumus nos & omnia munda corpora. Quamuis quid opus tot verbis? Nam etsi orbiculus Lunæ supra Telluris orbem emineat: quid est de Dodecaedro vel Icosaedro, quod illum transitu prohibeat? Vidisti supra cap. XI. quo loco Zodiaci planū hæc duo corpora secant, nullum angulum, nullum faciei centrum occurrere, sed existere ex sectione decangulum vtrinque, cuius quæ ex centro ad latus perpendicularis cadit, longè maior est in Dodecaedro, radio inscripti, longè breuior in Icosaedro radio circumscripti: & adeo longa quidem, vt non cœlulum illud Lunæ tantum, sed longè maius aliquid supra orbem extans, per mediā illam viam interq; illa decangula transire possit.

Viri


Sed hæc omnia quamvis suo loco relinquuntur, nihilò peius se res habet. Vides enim per interpositionem Lunæ præterquam in Venere quàm proximè accedi ad proditos, per sinus Copernici, numeros arcuum.

CAPVT XVII.

Aliud de Mercurio monitum.



LLVD magis mirabere, cum promiserim, velle me corporibus ipsis inscribere Planetas, cur Mercurium non Octaedro inscripserim, sed passus sim eum in circulo aliquo ultra orbem inscriptilem ad quadrati Octaedrici amplitudinem expatiari. Nam suprà cap. 13. & 14. pro 577, numero orbis inscripti vsurpauì 707. numerum circuli inscripti quadrato. Causam dicam. Primū, quia eius à Sole digressio longior minimè pati potuit tam angustos carceres: deinde quia & Octaedron inter corpora, & motus Mercurij inter planetas peculiare quid, & commune inuicem habēt. Nam in solo Octaedro super angulum erecto vsu venit, vt quadratum directis lateribus viam aliquam monstret ampliori circulo, quàm est orbis inscriptus, per medium transeundi. Id quod in nullo alio corpore quomodocunque voluto vsu venit. Semper enim transuersa per medium & impedita incedent latera.



In hoc Schemate quatuor lineæ extremæ sunt quatuor perpendiculares totidè planorum in Octaedro. R I T V sunt eorum planorum centra, determinantia amplitudinem orbis inscripti, de quo hîc vides Circulum maximum. Qui orbis si intelligatur volui super punctis ad X H, duos angulos figuræ, reperiet in P Quadrante à polis circumcirca amplitudinem aliquam maiorem, quàm est O I vel O P semidiameter orbis, nempe O Q. Differentia eius est P Q. Et tanta est latitudo circuli, qui ultra orbem excurrans, instar Horizontis alicuius in Sphæra armillari,

lari, per medium Octaedri transire potest. Quenim & s sunt media puncta duorum laterum, proinde & proxima orbi.

Quomodo si animatus quidam planeta per medium Octaedrum currere iuberetur, & angulos duos pro polis, amplitudinem inscripti pro curriculo obseruare: non hercle mirum, si inuitatus illa amplitudine, vbi nullæ illi metæ obstarent per totum ambitum, exorbitaret aliquando, vt Phaethon ille, tantisper, dum repelleretur ab occurrenti latere. Quod per iocum dixi, id seriò aiunt Artifices euenire Mercurio. Cum enim cæteri omnes in singulis reuolutionibus describant eiusdem amplitudinis circulos (quantum enim ab vna parte discedunt, tantum ex altera viâ parte accedunt ad Solem) solus Mercurius ab Artificibus obtinuit, vt aliquando maiorem, aliquando minorem circulum describere diceretur: idque priuilegium merum haberet. Dicunt enim illum accedere & recedere à Centro sui orbis o per lineam rectam xz vbi semidiameter o x longè minorem Circulum describit, quàm o z. Nam cæteras inæqualitates omnes cum alijs æqualiter sortitus est,



nullamque cum hac exorbitatione commutauit. Et cum cæterorum eccentrotetes omnes, si non proportionaliter, sic tamen decrescant; vt minoris semper minor sit eccentricitas: solus Mercurius immanem habet, nempe decuplum Veneris, cum ipsi vt inferiori minus etiam deberetur. Quare etsi illam inæqualitatem priuatam nondum cum hac circuli ab orbe differentia conciliauerim, nec ea fortasse conciliari possit, vt prodita est ab Artificibus, ad amussim: Nihilominus ego non dubito, quin creator ad figuræ huius præscriptum in motibus Mercurio tribuendis respexerit. Quo diuiniior magis magisque mihi & Astronomia & Copernici placita, & hæc ipsa 5. corpora videntur.


Quærant alij, qui voluerint, cæterarum etiam eccentricitatum causas ex suis quasque corporibus. Cum enim neque hæ exorbitationes à Deo temerè & sine causâ tantæ singulis Planetis indultæ sint: non desperanda est neque harum causarum inuestigatio.

Porro, varietas Mercurij ad Octaedron accommodetur, hîc

sic agi posset. Sumeretur proportio eccentrici. \propto ad distantiam mediam à \odot pro certa, ut quia in Copernico distantia (sicut vides in tab. V. Cap. XV.) longissima est 488. breuissima 231. media igitur erit 360. & crassities tota 257. Hæc iam crassities corrigeretur proportionaliter, ut quia circulus octaedri pro 488. numero Copernici largitur non plus 474. ergo crassities erit in hac proportione 250. & media correctæ distantia 349. Iam vide, quid orbis in Octaedro admittat, scilicet 387. Differentia igitur inter 387. altissimam orbis, & 349. mediam est 38. & duplum 76. crassities orbis ad modum cæterorum, maior quidem adhuc quam Veneris, sed tamē non ita immanis. Reliqua differentia inter altissimam orbis 387. & altissimam circuli 474. quæ est 87. debetur peculiari exorbitationi Mercurij. Hoc ἐπιχείρημα an abijciendum, an conciliandum cum ὑποθέτω forma motuum in \propto , an noua motuum ratio constituenda, considerent Artifices. Nec enim ita bene explorati sunt errores huius sideris, ut eius orbis correctione non egeat.

CAPVT XVIII.

De discordia προσαφαιρέσεων ex corporibus à Copernicanis in genere,
& de Astronomia subtilitate.

VPRA cap. XIII. & XV. cum alicuius propè falsitatis teneri videretur indicio distantiarum, quas Copernicus diuersas ab his figuralibus prodidit: prouocaui ad προσαφαιρέσεις ἀπογείνω: neq; condemnationem deprecatus sum, si meæ à Copernicanis aliquantum recederent. Atqui postquam sub finem XV. capitis arcus similes, προσαφαιρέσεων ex elongationibus à Sole, veluti testes coram hoc iudicio stiti: visi sunt illi contra me deponere. Nullus enim Planetarum fuit, qui tributum à Copernico arcum retineret. Saturno ademi 4' 1. Ioui, 6'. Marti apposui 30. Veneri verò immane quantum dempsi 2 gr. 18', & Mercurio 6' 1. Existimabunt igitur qui exactius omnia examinare volunt, quia non ad vnguem consentiat calculus corporum cum placitis Copernici, cumque eius numeris, omnem operam à me lusam esse. Quod nisi contrā excepero, me apte

apte sententia causam perdidero. Et Physicis quidem siue Cosmographis, qualem hoc libello personam ego sustineo, nullam de hac differentia rationem debeo. Nam etsi illi suorum placitorum argumenta mutuuntur ab Astronomis: ea tamen non ita subtiliter, vt Astronomi, ad calculos reuocant: nec adeò sunt perspicaces aut morosi, vt hac leuicula differentia moueantur. Quare causam meam coram Cosmographis obtinui.

Astronomorum verò vulgus etsi iure metuo: tamen cum iudicio Artifices præesse par sit, non despero, neque contra illud, victoriam. Ac primum ipsos bene de calculo sperare iubeo. Nam etsi interdum grandiuscula est differentia, meminerint tamen numeros excerptos ex locis totius circuli euidentissimis, atque ex concursu omnium inæqualitatum. Nec enim per totum circulum tanta est discordia locorum ex corporibus, & ex Copernico Planetis assignatorum, nec æqualis etiam in omnibus reuolutionibus. Atque ego sic existimo, etsi certissimæ essent Prutenicæ, atque verissimè per hanc corporum interpositionem errores isti committerentur: non posse tamen iure abijci tam concinnum *ἐπιχειρήματα*, propterea quòd error ille in minimis esset. Atqui non tantum incertum est, vtrorum vitio differentia hæc existat: sed contrà magna suspicio & multa argumenta, calculum ipsum & prutenicas tabulas in culpa versari: adeo vt magna coniectura contra me fuisset, si cum numeris Copernici penitus consensissem.

Eorum autem argumentorum hoc primum esto, quòd Prutenicus calculus non rarò in colligendis Planetarum locis fallitur. Multa quidem restaurauit nobis Copernicus in collapsa motuum scientia: multo quæ nostrâ, quàm patrum memoriâ, purior est Astronomia. Veruntamen si rem ipsam penitus inspiciamus, fateri vtique cogemur, nos ab illa beata & optabili perfectione haud multò propius abesse, quàm ab hodierna vetus abest Astronomia. Longa via est, & variæ ambages ad hanc veritatem. Monstrarunt illam nobis veteres, ingressi sunt maiores nostri, nos illos anteuertimus, & gradu propiori consistimus, sed metam nondum attigimus. Non ego hæc in Astronomiæ contemptum dico: Est aliqua prodire tenus, si non datur ultra: sed ideo, ne quis temerè grauius quid in hanc discordiam statuatur, & dum me petit, & hæc s.

corpora: in ipsa fundamenta Astronomiæ insultet. Ad omnium Artificum obseruationes prouoco: ex quibus videre est, quanta sæpe sit inter verum locum, & inter eum, quem calculus indicat, differentia, quæ interdum in quibusdam ad 2. integrorum graduum longitudinem excrescit. Quod cum ita sit, expedit mihi non nihil à Copernici numeris discedere: & iam porro diligentium obseruatorum iudicio relinquitur, vtri arcus cum cælo propius conueniant, mei, an Copernicani.

Alterum argumentum, quo differentia huius culpam in ipsas prutenicas transfero, præbent mihi suspectæ Planetarum eccentricitates: quod eò tendit, vt quamuis nec mei arcus omnino perfecti & certi sint (sicuti fateri cogor) tamen vitium ex contagione eccentricitatum contraxerint. Si corpora super mediæ planetarum distantia superficies sphericas struerentur, vt eadem superficies circumscripti corporis centra, & inscripti angulos tangeret: tum nihil mihi rei esset cum orbium crassitie, quam requirunt viæ Planetarum eccentricæ. Cum autem illud fieri non potuerit; & nondum similiter causa eccentricitatum, vt & differentiarum, explorata sit: oportuit me orbium spissitudines à Copernico, tanquam certas mutuari: quas tamen non certissimas esse in confesso est. Quamuis enim omnis cælestium motuum historia lubrico est aditu, per diuturnas, & difficiles obseruationes: præcipuè tamen hoc in constituendis eccentricitatibus & locis Apogæorum apparet, Solaris (vel terrestris) eccentricitas omnium rectissimè habere debebat, Nam & vicinissima stellarum est Tellus nobis incolis, & paucioribus quàm cæteræ motibus vehitur. In mundo verò per interiecta corpora struendo, suprâ cap. X V. vidimus, quantum afferat momentum ad omnes sphaeras artandas aut laxandas solius *uigilans* lunaris appositio vel exemptio, qui valde exigua portiuncula terrestris orbis crassitiem excedit. Hic igitur orbis, quem certissimè dimensum habere oportebat, & posse verisimile erat; hic, inquâ, vide, in quâta versetur difficultate apud Copernicum qui ipse lib. 3. Reuol. cap. 20. queritur, quòd per minima quedam & vix apprehensibilia magna ratiocinamur, quòd interdum sub vno diuersitatis scrupulo 5. vel 6. gradus prateriam, & modicus error in imensum sese propaget. Quanto peius igitur habebunt spissitudines orbium

orbium & remotiorum à nobis, & qui pluribus motuum varietatibus sunt obnoxij. Quòd si aut orbium illa $\pi\eta\chi\eta$ certissimè explorata, aut causæ saltem probabiles patefactæ fuerint, cur tanta singulis attributa sint à Conditor: tum ego spondeo me productum ex his corporibus arcus per omnia motibus consonos. Sic enim existimo, quicquid post hanc proportionem cælorum inuentam adhuc impediatur, quò minus ad exactam motuum cognitionem veniatur; id omne in eccentricitatum vicia conferendum: quibus sublatis, magno adiumento Artificibus futura puto solida hæc quinque, ad correctionem motuum, quam passim meditantur non pauci.

Vt hoc illis spondeam de eccentricitatibus, mouit me & hoc, quòd vbique de minori particula, quàm est $\pi\eta\chi\eta$ orbis integrum controuertitur. Eripe namque omnibus sex orbibus sua $\pi\eta\chi\eta$ nota, aut dupla singulis attribue: videbis mundum & $\pi\rho\sigma\delta\alpha\phi\alpha\iota\sigma\tau\epsilon\iota\varsigma$ omnes in immensum illic confidere & augeri, hic distrahi & deminui. Vt ita veritas inter nihil & duplum consistat, neque metuentum sit, ne nimiam habeat Artifex licentiam eccentricitates mutandi: si quis illas his figuris aptare conetur. Atque sic hæc alteratio est, quæ me de discordia inter meos & Copernici numeros exulare potest.

Tertiam mihi præbent ipsi numeri Prutenicarum etiamnum crassi, nec ita expressi, vt non possit aliquando bona cum venia vel emisse gradus ab ijs discedi. Rheinholdus quidem in Prutenicis omnia diligentissimè disposuit. Sed nolim aliquis hac specie scrupulositatis inescatus, crassiusculos numeros in Astronomia fastidiat: rem exactiùs censeat. Illa summi viri minuta & scrupulosa cura aut est propter certitudinem calculi, aut non necessaria in partibus numerorum, ipsos verò totos numeros, quos tam scrupulosè dicitur, è Copernico excerptis, sicuti illos reperit.

Ac ipse quidem Copernicus quàm humanus sit in recipiendis qualibuscunque numeris qui quadamtenus ex voto obueniunt. & ad institutum faciunt: id experietur diligens Copernici lector. Numeros qui per diuersas operationes vi demonstrationis penitus conuenire debebant, non repudiat, quamuis discrepent aliquot scrupulis. Obseruationes in V Valtero, in Ptolemæo & alibi sic legit,

git, ut ijs eò commodioribus vtatur ad extruendum calculum, unde in tempore horas, in arcubus quadrantes graduum & amplius interdum negligere vel mutare nulla illi religio. Alicubi, ut in mutata eccentricitate Martis & Veneris, sinus etiam discrepantes à veritate acceptat, tantum ideo, quia parumper ad eos, quos optat, digitum intendunt. Multa quæ ex ipsius confessione emendanda fuissent, integra & sincera ex Ptolemæo depromit, mutatis cæteris similibus: atque ijs postea fundamenta nouæ Astronomiæ extruit. Quorum omnium mihi plurima documenta dedit Mæstlinus; quæ breuitatis causa mitto ascribere. Atque adeo in reprehensionem incurrere iure videretur: nisi consultò fecisset, eò quod præstaret, imperfectam quodammodò habere Astronomiam, quàm penitus nullam. Nam eiusmodi quidem difficultates occurrent, dum sidera current: quas superare, & non impeditum ad constitutionem scientiæ cum minimo damno aspirare, ut ausus est Copernicus, id viri fortis est; ignaui subterfugere, timidi desperare, & omnem hanc curam abijcere. Quemadmodum & ipse Copernicus hæc modò recensita *σφάλματα* de se neque dissimulat, neque cum pudore fatetur. Exemplo Ptolemæi & veterum se munit, difficultate obseruandi excusat, atque vbique alijs exemplo præit, in præclarorum inuentorum confirmatione minutulos hosce defectus contemnendi: quod nisi factum antea fuisset: nunquam Ptolemæus illam *μεγάλην σύνταξιν*, Copernicus *τὴν ἀρετὴν τῶν* libros, Rheinholdus Prutenicas nobis edidisset.

Neque nullam excusationem mihi quarto loco suppeditat illa Mæstlini tabula in cap. XV. inserta. Copernico, cum enccentricitates Planetarum à Ptolemæo mutuaretur, nihil minus, quàm de hac diuina cœlorum proportionem suboluit: ut non iniuria vehementer quis miretur, ipsum tam propè ad eam accessisse: neque fore putauit, ut necessitas aliquando cogeret inquirere distantias à Sole, & ἀφελίων loca. Quid mirum igitur, si in hac ad viuum refractione, & ἀναλύσει mundi multa deprehendantur rudia, cum artifex ad minima non respexerit? Quasi in parua pictura, quæ vix integram faciem ad sensum exprimit, si quis oculi aut pupillæ veram proportionem quærat, eum falli necesse est. Neglexit enim hanc pictor ob exilitatem, contentus si, quæ sunt euidentiora, quodam-

dammodo representaret. Sic ad hanc ἀνάλυσιν quamuis optima ratione accesserim, cogente me vi demonstrationis, & conditione rei propositæ: nolim tamē, vt quis sibi persuadeat, absolutē certissimos numeros se inde retulisse. Fieri namque potest, vt hæc ipsa resectio erroris vltioris causā fuerit. Ecce non leuia indicia. Causam, cur mutantur eccentricitates Martis & Veneris, Copernicus in mutationem terrenæ confert. Non igitur mutatur vera eorum à Sole eccentricitas; Demonstrationem ad oculum habes in tabula. Quod si ita est, oportebat eccentricitates à terra, quæ Ptolemæi seculo, & quæ nostro fuerunt, eodem deducere, atque ex vtrisque eandem à Sole eccentricitatem concludere. Atqui calculum consule, videbisti hoc non, vt par erat, fieri. Discrepantes enim inuicem proueniunt etiam ἀφήλοι eccentricitates. Idem de locis ἀφήλων dictum esto, quia hæc mutuo connexa sunt: Atque hoc vnum est.

Deinde facili colligitur ex aspectu tabulæ, cum inæqualiter procedant, & ἀφήλια & ἀπόγεια, magnam inde successu seculorum extituram ἐκκεντροτάτων diuersitatem. Hodie Saturni & Telluris absides propè coniunctæ sunt, quare integra Telluris eccentricitate minor est Saturni à centro orbis terrestris, quàm à Sole, distantia. Vbi quadrante distiterint, æqualis erit vtraque & à ☉ & à Terra, crescet nempe Copernico sua eccentricitas Saturnia vsque dum opponentur inuicem Saturni & Telluris absides. Quem ad euentum etsi mundus non durabit: tamen si perfecta esset Astronomia, tales debebat hypotheses vsurpare, quæ quasi æterno mundo sufficerent. Atqui nihil horum monet neque Copernicus, neq; Rhinholdus. Non igitur perfectissimi sunt eorum numeri, neque integras planetarum sphaeras nobis explicant, quibus illos seros motus accidere posse intelligamus.

Hæc & huiusmodi similia cum me non nihil conturbarent, atque ego hærerem in ops consilij, quasi qui disiectas automatis rotulas in ordinem redigere nescit: Mæstlinus me consolatus, imò dehortatus est ab his subtilitatibus: Non posse nos, aiebat, omnes naturæ thesauros exhaurire: non mouendum esse malum bene conditum: & tolerandam potiùs, atque sustentandā leuaminibus quibusdam hanc veluti rupturā humani corporis: quàm vt tam exquisita anatome coniiciatur æger in præsentissimum vitæ periculum. Pro-

ferebat mihi exemplum Rhetici, curamque eius ad vnguem meæ similiter curiosam, & increpantem profe Copernicum. Epistola est Rhetici Ephemeridi anni 1551. præfixa, quæ quia non passim est obuia, & totum hoc caput multis locis mirificè iuuat, præcipua inde pro colophone huic capiti subiungam. Sic igitur Rheticus ad lectorem inter cætera. *Suas autem (Copernicus) exquisi- tiones mediocres, non nimias esse voluit. Itaque consulto, non inertia aut tadio defatigationis, eas comminationes vitauit, quas nonnulli etiam affectarunt, & sunt qui exigant, qualis est Purbachij in Ecclipsium tabulis subtilitas. Videas autem quosdam in his omnem curam ponere, vt planè scrupulosè loca siderum scrutentur, qui dum secundanis, & tertianis, quartanis, quintanis minutijs inhiant, integras interim partes prætereunt, neque respiciunt; & in momentis τὸν καιρὸν ὁρῶν sæpe horis, non etiam nunquam diebus totis aberrant. Hoc nimirum est, quod in fabulis AEsopici sit ab eo, qui iussus bouem amissam reducere, dum auiculis quibusdam captandis studet, neque his potitur, & boue etiam ipso priuatur. Recordor cum & ipse iuuenili curiositate impellebar, & quasi in penetralia siderum peruenire cupiebam. Itaque de hac exquisi- tione interdum etiam rixabar cum optimo & maximo viro Copernico. Sed ille, cum quidem animi mei honesta cupiditate delectaretur, molli brachio obiurgare me, & hortari solebat, vt manum etiam de tabula tollere discerem: Ego, inquit, si ad sextantes, quæ sunt scrupula decem, veritatem adducere potero, non minus exultabo animis, quàm ratione normæ reperta Pythagoram accepimus. Mirante me, & annitendum esse ad certiora dicente: huc quidem cum difficultate etiam peruentum iri demonstrabat, cùm alijs, tum tribus potissimùm de causis. Harum primam esse aiebat, quod animadu-erteret, plerasq; obseruationes, veterum sinceras non esse, sed accommodatas ad eam doctrinam motuum, quam sibipsum vnusquisque peculiariter consti- tuerat. Itaque opus esse attentione & industria singulari, vt quibus aut nihil, aut parum admodum opinio obseruatoris addidisset, detraxissetq; ea à corruptis secer- nerentur. Secundam causam esse dicebat, siderum inerrantium loca à veteribus non vltius, quàm ad sextantes partium exquisita: Et secundum hæc tamen præcipuè errantium positus capi oportere; pauca excipiebat, in quibus declinatio sideris ab æquinoctiali annotata rem adiuuaret, quod de hac locus ipse sideris certiùs cõ- stitui iam posset. Tertiam causam hanc memorabat: Non habere nos tales au- thores, quales Ptolemæus habuisset post Babylonios & Chaldaeos, illa lumina artis, Hipparchum, Timocharem, Menelaum, & ceteros, quorum & nos obseruat- ionibus ac præceptis niti ac confidere possimus. Se quidem malle in ijs acquiescere,*

quo-

quorum veritatem profiteri posset, quàm in ambiguum dubia subtilitate ostentare ingenij acrimoniam. Haud quidem longius certè, vel etiam propius omnino abfuturas suas indicationes sextante, aut quadrante partis vnus à vero; cuius defectus, tantum abesse vt se pœniteat, vt magnopere latetur, huc vsque longo tempore, ingenti labore, maxima contentione, studio & industria singulari, procedere potuisse. Mercurium quidem, quasi secundum prouerbum Græcorum, relinquebat in medio communem; quod de illo neque suo studio obseruatum esse diceret, neque ab alijs se accepisse, quo magnopere adiuuari, aut quod omnino probare posset. Me quidem multa monens, subiiciens, precipiens, imprimis hortabatur, vt stellarum inerrantium obseruationi operam darem, illarum potissimum, quæ in signifero apparent, quod cum his errantium congressus notari possent, &c. Hactenus ex epistola Rhetici ea, quæ ad rem fuere. Quid tu iam, amice Lector, de Copernico sentis? Si de hoc negotio fuisset monitus, atque deprehendisset, quàm propè absit ab eo cum suis rationibus, quid putas non tentaturus fuisset, quem laborem non sumpsisset, vt corpora cum suis orbibus conciliaret? Atque hoc si daretur, qui consensus, quæ perfectio non speranda esset? Qua in re quid alij, quid ipse Mæstlinus aliquando, fauente Deo, præstiturus sit, tempus docebit. Interea nolim, quis temerè contra me pronunciet; & æquo animo hanc litis dilationem ferat.

CAPVT XIX.

De singulorum in specie Planetarum residua discordia.

HÆC igitur in genere fuere, quæ causam meam releuare possunt. Nunc in specie videamus, ecquid excusari amplius possit. Initium à Saturno sumamus. Atque eius quidem ἀποστάσις magna facta est accessio: sed quæ tamen differentiam prosthaphæreseos causata est non maiorem 41. scrupulis. Nam sicut ingens eius distantia facillimam errori causam præbet in obseruatione: sic error in distantia quamuis luculentus exiguam & opinione minorem efficit in προσ-
στασίσεως diuersitatem. Et tamen neque huius sideris motus certissimè dimensos esse Astronomos, vel sola præterita hyeme cerne-
reerat.

reerat. Nam die 2, 12 Nouemb. anno 1594. Saturnus visus est exactè inter ceruicem & cor Leonis, vbi esse debebat secundum calculum die 21. 31. Octobris præterita. Differentia long. 37. scr. plus minus. Quod si hanc quantitatem non excedat eius à Copernico discordia *προς διαφωνίας*, correctâ modò distantia: existiment Astronomi sibi abundè satisfactum.

In Ioue nihili iure desiderari potest. Nam exiguam habet differentiam, atque minorem sextante gradus.

Quòd autem etiam in Marte semisis gradus abundat, nihil mirum, nec me mouet: mouet id potiùs, maiorem non esse diuersitatem. Testatur enim in præfatione Ephemeridis ad annum 1577. Mæstlinus: sideris huius errores à calculo intra duorum graduum angustias cogi non posse.

Iam ad inferiores ♀ & ☿ quod attinet, etsi præ superioribus non nihil commoditatis habere videntur: propterea quòd ex elongatione maxima faciliùs est, quàm ex *ἀνγορύχῳ* obseruatione, ipsorum orbis dimetiri, ipsa tamen obseruandi via mihi suspecta est. Quamuis rectiùs Astronomis hoc æstimandum relinquo: nempe vtrum non in his planetis vaporum densitate & physica parallaxi, quam nec Sol nec Luna effugit, interdum fallantur. Certè Mæstlinus in Disputatione de Eclipsibus, thesi 58. de Venere affirmat, quòd non rarò visa fuerit eius à Sole prope horizontem distantia notabiliter minor verâ. Quantò magis id de Mercurio dici poterit, qui ferè semper sub solis radijs est; & quamuis interdum emergat: nunquam tamen, nisi prope horizontem per interiectam exhalationum copiam nostro se visui præsentat. Et quamuis Veneri opitulentur fixæ, simul & propè apparentes: Mercurius tamen frequentius in culpa manet, qui ipsè rarò cernitur, & rariùs fixæ prope ipsum. Cumque hæc hodie accidant: credibile est & veteribus quantiscunque Artificibus accidere potuisse. Nam quòd Lectorem de eo non monent, id ipsum suspicionem de horum Planetarum dimensionibus vitiosis auget. Hoc enim indicio est; nec animaduersum ipsis nec correctum esse, si quid ex eo vitij extitit. Quare in lectione veterum imprimis spectandum esse puto, vtrū singularum obseruationum, quæ allegantur, instrumenta & modi huic errori obnoxij esse potuerint.

Deinde

Deinde non iniuriâ metuo, vt multa adhuc in ratione hypothefium his duobus Planetis relicta incerta fint. Copernicus (vt colligitur ex modò posita Rhetici, & infrâ ex Mæstlini epistola) plus Ptolemæi placita, quàm obseruationum necessitatem secutus est in emendandis inferiorum theorijs. Quain re quò minùs reprehendi posset, Rheticus in sua narratione effecit: vbi monet, religiosissimè veterum vestigijs inhærendum, nec facilè quid mutandum, donec obseruationum extrema necessitas vrgeat. Quòd igitur adeò exquisitæ obseruationes haberi non possent, ea fortasse satis magna causa fuit Artifici prudentissimo, præter accommodationem ad sua placita nihil vlteriùs in Planetas hosce tentandi.

Quod igitur in Venere magnam vides arcuum diuersitatem eius rei culpam inter cætera, quæ in genere præmisi (quæ te probe meminisse velim) etiam in hæc modò allegata offendicula confer; & magnitudinem discordiæ æquanimitate tua, si bene singula perpendisti, facilè superabis. Quain re magno tibi solatio erit: quòd numerus Copernicanus medius est inter arcus ex interposita, & ex omiffa Luna prodeuntes. Nam si orbem magnum systemate Lunæ farcias: Icosædron Venerem longiùs à terra dimouet, atque Copernicus prodidit: sin exemptâ Lunâ tenuiorem efficias orbem magnum: figura Venerem nimium propè admittit, maioremq; quàm est in Copernico, esse patitur. Quare aliquid minus Lunâ rem iuuare poterit, si tenendus Copernicus est.

De Mercurio verò tantum iam dictum est, diciq; ampliùs potest: vt existimem te, Lector æque, si aliquid ampliùs etiam deesset, concocturum, atque excusaturum. Neque mihi digna videtur eius motus diuersitas, de qua magnam litem moueam. Quamuis meliùs se gerit, quàm Venus: facit enim vnus tantum gradus differentiam, quod mirum est: adeo nunquam non fallaci est ingenio. Certè vnus hic est, qui Astrologorum famam maximè prostituit, & meteororum rationem omnem turbat. Et in ventis quidem prædicendis (quos certissimè concitat, quotiescunque locis est idoneis) sæpe adeo constanti numero dierum aberrat: vt parum absit, quin tum eius in Ephemeride vitiosè proditum circulum corrigere possim: Itaque si quem Astronomum cernerem nimium sollicitè

rimandis planeta huius erroribus incumbere, illum ego mone-
rem, vt tempus illud rectius collocaret, & Tellurem, atque hanc
ambientem Lunam, *ἐναγύεσσαν* sidus, quarum illam pedibus, hanc
oculis proximè attingimus, hæc, inquam, sidera potiùs specule-
tur, quæque in eorum motibus inq; Ecclipsibus adhuc peccamus,
limet: tum demum operam ad Mercurium transferat. Interea si
venia digni sunt errores circa Telluris & Lunæ motus, multò ma-
gis id merebuntur errores in Mercurio, qui & remotior à nobis
est, & ferè semper sub Sole latet.

Atque hic rursus vt proire capite, coronidis loco epistolæ
partem ascribam, quam Mæstlinus ad me misit: idq; duabus de cau-
sis, prima, quia de re necessaria te monet; altera, quia caput hoc
passim confirmat. Sic ille.

Tam mirabilis est Mercurius, vt parum absuerit, quin etiam me fese-
lisset. Nec mirum, quia etiam Copernico & Rheinholdo admodum molestum
fuisse, animaduerto. Copernicus hoc de seipso fatetur, Multis (inquit lib. 5.
cap. 30.) ambagibus & laboribus nos torsit hoc sidus, vt eius motus
scrutaremur. Vnde præterquam quod nullas suas proprias recitat obseruatio-
nes in Q habitas, sed à Bernhardo VValtero Neribergico mutuatur: etiam in
apogei ipsius loco statuendo, sibi non constat. Nam quem (cap. 26.) in primis
Antonini; annis, circa Annum Christi 140. iuxta Ptolemæi obseruationes, in-
uenit in 10. gr. Q , & sub stellato orbe in 183. gr. 20. scr. à prima stella V: eundem
183. gr. 20. scr. (cap. 29.) reponit ad 21. annum Ptolemæi Philadelphi, perinde
ac si hoc Q apogæum intra 400. annos intermedios sub sphaera fixarum stellarum
immutum quicuiisset; cum tamen (cap. 30. in fine) 63. annis per vnum gradum
motum fuisse ipsi videatur; addit autem: si modò equalis fuerit. Rheinholdum
in iisdem difficultatibus hæsisse, calculus Prutenicarum tabularum prodit, quo
arguitur, Rheinholdum locum apogei huius ad tempus illud Philadelphi assumpsisse
se eundem quidem cum Copernico, vid: 183. gr. 20. scr. à prima stella V; At ad
Ptolemæi tempus illud in locum longè alienum à manifestis Ptolemæi obseruatio-
nibus & Copernici resumptionibus, cadit. Ibi enim locus eius computatur non
183. 20. nec 10. gr. Q , sed 188. gr. 50. sc. sub orbe stellato, & 15. gr. 30. scr. Q , Ideoq;
numeri illi mei ad Ptolemæi quidem seculum accommodati sunt, non autem, vt
ceteri per omnia calculo Tabularum Prutenicarum, sed Ptolemæi obseruationi-
bus conueniunt, eas enim Copernicus quoque & retinuit, & sequutus est, atque
eosdem inde numeros produxit. Ad nostram autem, siue Copernici etatem nu-
meros

Hi numeri
sunt in Tabu-
la V. qua est
Cap. XV. ad
 Q .

meros hosce computare non volui, propterea quòd ij longè alij fierent, propter eccentricitatem orbis magni diminutam; & quòd apud Copernicum nullis recentioribus obseruationibus inuestigati & comprobati sunt. Optarem autem (quem admodum me coràm dixisse meminisse potes) Copernicum dimensionum harum fundamenta non antiquas, sed nouas obseruationes assumpsisse. Grande enim & immane postulatum illud est (lib. 5. cap. 30. fol. 169. b. lin. 7. à fine) cum, concedendum, inquit, putamus, commensurationes circulorum mansisse à Ptolemæo etiam nunc. Nam ipsa terrena Eccentricitas diminuta alios numeros postulat. Nec enim verum est, quòd Rheticus in narratione dicit, quòd in Mercurio nulla quoque, sicut in Ioue, sentiatur eccentricitatis mutatio: nam non similiter solis Apogæi latus suo Apogeo claudit. Huc accedit, quòd Ptolemæica obseruationes satis crasse & partiles sunt, quas omnino præcisioribus corrigere oportebat. Sed de his iam frustra conqueri licet. In tuo autem proposito, si numeri hi vtcunque tibi respondeant, te putes officio tuo egregiè functum, tibiq; quemadmodum Copernicus apud Rheticum in epistola, vehementer gratuleris, certissima spe fretus, propediem fore, vt occasione horum, quæ à te ingeniosissimè sunt inuenta, cætera quoque, quæ iam adhuc dubia sunt, & Astronomorum cætum non parùm torquent, planissima sint futura.

CAPVT XX.

Qua sit proportio motuum ad orbis.

ATQVE hætenus quidem expeditum est argumentum illud, quo ego plurimum roboris afferri puto nouatis hypothesibus: demonstratumque, quòd proportionè quinque regularium corporum vtantur ἀποσήματα orbium in hypothesibus Copernici. Videamus modò, vtrum altero etiam argumento ex motibus deducto possint & nouæ hypotheser, & hæ ipsæ orbium dimensiones Copernicane confirmari, atque in proportionè motuum ad ἀποσήματα certior ratio ex Copernico, quàm ex vtitatis hypothesibus, haberi. Qua in re dum amplitudines orbium proximæ Copernicane ex motuum περιόδοις temporibus bene cognitæ extruo, faue facilis Vranie, pulcherimo conatui; tui iam honos agitur.

Primum

Primum omnes optant; vt quò longiùs quilibet orbis abest à medio, tantò tardiori motu incedat. Nihil enim rationi magis est consentaneum, teste Arist. lib. 2. de Cœlo cap. 10, quàm κατὰ λόγον γίνεσθαι τὰς ἐκάστου κινήσεις τοῖς ἀποστήμασι. Quo loco etsi Philosophus alienam affert ab instituto nostro rationem alteram, scilicet impedimentum ab occurratone perniciosissimi primi mobilis: tamen & altera ratione pro me adhuc, & totâ sententiâ contra Ptolemaeum, contraque seipsum militat. Placet illi namq; motus æqualitatem à motoribus in omnes orbes venire: inæqualitatem reditus ab orbibus ipsis causari: vt, Saturni quidem qualibet particula tam sit velox, quàm est infima Lunæ Sphæra, vi motionis æqualis; sed illi iam accadat, vt amplius nata spacium, cum non citatior sit cæteris, tardius redeat. Atque viliori hac æqualitate Philosophus in veterum traditione potiri non potuit: quia necesse erat, vt tribus Planetis inæqualium orbium, Soli, Veneri, Mercurio æquales reditus tribuerent, atque sic semper superiorem in orbe suo citationem efficerent inferiori. In Copernico prima fronte talis offert sese proportio. Nam sex orbium mobilium semper qui angustior est, citius redit. Mercurij namque cursus trimestris est, Veneris sesquialtero mensium, Terræ annuus, Martis bimus, Iouis duodecim, Saturni triginta annorum. Verùm si ad calculos reuoces, ita vt quantâ est proportio motus Saturni ad ambitum orbis, siue ad distantiam (eadem enim est proportio circulorum, quæ semidiametrorum) tantam etiam facias proportionem cæterorum motuum cuiusq; ad suum orbem: deprehendes eiusmodi simplicem proportionem non habere locum. Cuius rei cape hanc tabellam indicem.

	♄						
	Dies scr.	♃					
♄	10759 12	Dies scr.	♂				
♃	6159	4332 37	dies scr.	Terra			
♂	1785	1282	686 59	dies scr.	♀		
terra	1174	843	452	365 15	dies scr.	♂	
♀	844	606	325	262 30	224 42	di. sc.	
♂	434	312	167	135	115	87 58	

Hic capita columellarum continent dies & dierum scrupula quæ-

la, quibus superinscripti Planetæ sub orbe Stellato suas periodos complent : sequentes numeri indicant ; quantum dierum quàm proximè debeat inferiori Planetæ , eadem proportionem ad orbem , quavtitur ille , qui est in capite columellæ. Vides igitur , veram periodum semper minorem esse , quàm est illa , quæ illi attribuitur ad similitudinem superioris.

Interim tamen motuum binorum ad inuicem , non quidem eadem , similis tamen semper est proportio , quæ inter distantias.

	di.	sc.							
Nam si pro diebus	10759	12	♄	{	accipiatur sinus	♄ 403	{	At si superioris	♄ 572
	4332	37	♅		totus 1000. Erit	♄ 159		media distantia	♄ 290
	686	59	♆		in ea quantitate	terræ 532		fit 1000. est in	terræ 658
	365	15	terræ		motus periodi-	♀ 615		ferioris in Co-	♀ 719
	224	42	♀		cus	♀ 392		pernico	♀ 500

Hic vide mihi in motibus medijs , sat certò cognitis , idque longè prius atque de certa distantiarum ratione Copernicus cogitaret , vide , inquam , eandem diuersitatem , quæ inter ipsas est distantias , ex ~~per Copernicum~~ per Copernicum , & ex quinque corporibus per me extractas : vtrinque secus ♄ minima , inde secus ♄ , ♅ , Terram , & maxima secus ♀ : vtrinque secus ♄ & ♄ æqualis penè ; item & secus terram , & ♀ . Igitur vel iam statim satis explorata est Copernico de mundo veteri victoria.

Quòd si tamen præcisiùs etiam ad veritatem accedere , & proportionum æqualitatem vllam sperare velimus : duorum alterum statuendum est : aut Motrices animas , quò sunt à Sole remotiores , hoc esse imbecilliores : aut , vnam esse motricem animam in orbem omnium centro , scilicet in Sole : quæ , vt quodlibet corpus est vicinius , ita vehementiùs incitet : in remotioribus propter elongationem & attenuationem virtutis quodammodò languescat. Sicut igitur fons Lucis in Sole est , & principium circuli in loco Solis , scilicet in centro : ita nunc vita , motus & anima mundi in eundem Solem recidit : vt ita fixarum sit quies , Planetarum actus secundi motuum ; Solis actus ipse primus : qui incomparabiliter nobilior est actibus secundis in rebus omnibus : non secus atque Sol ipse

& speciei pulchritudine, & virtutis efficacia, & lucis splendore cæteris omnibus longè præstat. Hic iam longè rectius in Solem competunt illa nobilia epitheta, Cor mundi, Rex, Imperator stellarum, Deus visibilis, & reliqua. Sed huius materiæ nobilitas longè aliud tempus locumque requirit, & iam antea sat clarè apparet ex Narratione Rhetici.

Iam autem de modo constituenda huius quæsitæ proportionis nobis cogitandum est. Suprà visum est, si sola orbis amplitudo faceret ad augendum tempus περιόδον: quòd motuum & distantiarum mediarum eadem differentia futura fuisset. Quæ nempe proportio 88. dierum periodicorum Mercurij, ad 225. dies Veneris: eadem foret semidiametri orbis Mercurialis ad Veneriam. Iam verò commiscet se huic motuum proportioni debilitas motricis animæ in remotiori. Dispiciendum igitur, cum hac debilitate ut comparatum sit. Ponamus igitur, id quod valde verisimile est, eadem ratione motu à Sole dispensari, qua lucem. Lucis autem ex centro prorogata debilitatio qua proportionem fiat, docet Optici. Nam quantum lucis est in paruo circulo, tantumdem etiam lucis siue radiorum solarium est in magno. Hinc cum sit in paruo stipatior, in magno tenuior, mensura huius attenuationis ex ipsa circularum proportionem petenda erit, idque tam in luce, quam in motrice virtute. Quare quantò amplior Venus Mercurio, tantò istius, quam illius motus fortior, siue citatior, siue perniciosior, siue vigentior, seu quocunque verbo rem exprimere placet. At quantò orbis orbe amplior, tantò plus temporis etiam requirit ad ambitum, etsi utrinque sit æqualis vis motus. Ergo hinc sequitur, vnam elongationem Planetæ à Sole maiorem bis facere ad augendam periodum: & contra, incrementum periodi duplum esse ad ἀποσηματών differentiam.

Dimidium igitur incrementi additum periodo minori, exhibere debet proportionem veram distantiarum: sic ut aggregatum sit, ut distantia superioris, & simplex minor periodus repræsentet inferioris, sc. Planetæ sui distantiam in eadem quantitate. Exemplum. ☿ motus periodicus est 88. ferè dierum, Veneris 224. cum besse fermè, differentia 136. & bes, dimidium 68. & pars tertia. Hoc iunctum cum 88, efficit 156, & trientem. Ergo ut 88. ad 156. cum

cum tertia, sic semidiameter circuli Mercurialis medij ad mediam Veneris. Hoc modo si in singulis opereris, atque prouenientes binas distantias per numeros sinuum explices, sic vt semper superioris semidiameter fit sinus totus:

$$\begin{array}{l} \text{proueniet} \\ \text{semidiamete-} \\ \text{ter orbis} \end{array} \left\{ \begin{array}{l} \text{♄ } 574 \\ \text{♂ } 274 \\ \text{terrae } 694 \\ \text{♀ } 762 \\ \text{♁ } 563 \end{array} \right\} \begin{array}{l} \text{At est} \\ \text{in Co-} \\ \text{pernico} \end{array} \left\{ \begin{array}{l} 275 \\ 290 \\ 658 \\ 719 \\ 500 \end{array} \right.$$

Propiùs, vt vides, ad veritatem accessimus. Et si verò dubito, an demonstratiua methodo, quod theorema instituerat, praxis ista diuisæ differentię assecuta fuerit per omnia: tamen non omnino nihil in hisce numeris latere, credere me iubet alia numerandi methodus, qua ad eosdem numeros reuoluar. Quia enim probabile est, fortitudinem motus cum distantijse esse in proportionem: erit & hoc probabile, quòd quilibet Planeta, quantum superat superiorem fortitudine motus, tantum superetur in distantia. Esto igitur, exempli gratia, Martis & distantia & virtus vnitas. Igitur quotâ particulâ virtutis Martiæ Tellus Marte fortior est: totam distantiam Martiæ particulam amittet. Hoc facile fit per regulam falsi: pono namque radium Telluris ad Martium esse vt 694. ad 1000. Ergo, inquit, si amplitudo circuli per 1000. notata perambulatur à vi motrice Martiæ 687. diebus: perambulabitur eadem vi Martia, circulus minor, per 694. notatus, diebus 477. Iam quia certum est terræ circuitum esse non 477, sed 365 dierum: pergoper regulam inuersam sic: dies 477 consumerentur à simplici vi Martia; quantum de vi Martia consumit circuitum, 365 cum quadrante dierum per eundem ambitum, quem Mars conficeret 477. diebus? Nam dubium non est, quin fortior virtus requiratur quàm est Martia.

Prouenit igitur supra integram vim Martiam adhuc $\frac{306}{1000}$ pars eiusdem virtutis. Et tantum Tellus Marte fortior est: debet igitur & tantò propior esse Soli; nempe si Mars per 1000. à Sole recessit (distantia enim superioris semper est integrum quid) Tellus per 306. earum partium propior erit: & subtracto superiori 306. ab inferiori

feriori 1000, debet prouenire numerus initio positus, videlicet 694, si vera fuit illa positio; sin falsa foret, ergo operareris secundum præcepta regulæ, & eliceres veram positionem.

Vides hoc altero theoremate prouenire non alios, quàm superiores numeros: vnde certum est ambo theoremata forma quidem differre, sed reuera coincidere, & niti eodem fundamento, quod tamen quo pacto fiat, inuestigare hæcenus nunquam potui.

CAPVT XXI.

Quid ex defectu colligendum.



IC igitur hoc alterum argumentum habet: quo probatum est Aristotelis autoritate, potiores esse nouas hypotheses, propterea quòd per eas motus duplici nomine, & virtutis intentione, & celeritate reditus fiant proportionales ἀποσήμασι Copernicanis, quod in veterum de mundo traditione fieri nullo pacto potuit. Atque hæc quidem huius de motu tractatus intentio sola debebat esse. Verùm non difficile mihi est conijcere; exituros, qui optauerint, vt hanc vltimam opusculi partem omissem. Etenim (dicent) si veram per corpora proportionem cælorum constituisses: vtique motus illam confirmarent. Veritas enim à seipsa non dissidet. Atqui vides ipse, Keplere, quantum inter se dissideant motus & corpora, hoc est distantia vtrinque extructa. Quare nudum hosti latus obijcis, imò te ipsum feris, nec opus alieno iugulere gladio.

His igitur vt respondeam, primum inuerto rationem, & ipso-rū, imò omnium appello iudiciū & conscientiam; vtrum argumentum putent verisimilius esse, num alterum de corporibus, an hoc de motu. Neque mihi probabile est, quenquam aliter dicturum, quàm hanc motuum ad orbis accommodationem admodum concinnam esse, atq; admirabile Dei opificis χειρὸς ἔργον. Proinde si alterutri argumento fides habenda sit, huic præ corporibus, astipulatos, tanquam rei magis euidenti: quamuis numeri adhuc aliquantum à Copernicanis discrepent. Quod si obtinui Lectoris confessione, vt ar pro confirmatione corporum, & excusatione discordia illius, vt quæ multis partibus minor est, quàm hæc in motu dissonantia. Nam si Lector hîc propter concinnitatem inuenti magnam

gnum errorem libenter dissimulat: paruum illic errorem longè faciliùs tolerabit. Diuersitas enim illa penes corpora, calculum Astronomicum nihil admodum turbat: ista verò penes motus paulò quid maius infert. Atq; hoc primū est; plaga nempe reposita.

Deinde cum corpora dissentiant à motibus, vt verè mihi obijcitur; fateri vtique cogor, alterutros in errore versari. Veruntamen errorem ita demonstrari posse existimo, vt neutrum inuentum (neque de motuum neque de orbium proportionem) penitus relinquere necesse sit. Vtrum autem inuentorum in culpa sit, ex superioribus facile est conijcere. Primū distantia motoria longiùs à Copernicanis recedunt, quàm figurales. Deinde, si motorias cum Copernicanis conferas, singulas cum singulis, defectusq; ascribas: videbis aliquam defectuum cum ipsis numeris, atque adeo cum corporibus cognationem, præterquam in Mercurio. Ecce:

	Coper.	Motoria	Diffra	
♂	♂ 572	574	+ 2	Cubus.
♂	♂ 290	274	- 16	Tetraedron.
♂ Terra	♂ 658	694	+ 26	Dodecaedron.
Terra	♀ 719	762	+ 43	Icosaedron.
♀	♀ 500	563	+ 63	Octaedron.
	vel 559		+ 4	

Plus scilicet in quatuor, minùs in quinto. Nam ex quatuor, bina semper corpora sunt similia, quintum solitarium est. Deinde Mercurium, vt est varius, in ordinem redige, & cogita, debere aliquid altius media orbis spissitudine pro media distantia censi, tantum nempe, quantus est orbis Octaedri, (quod suprà audiuisti media spissitudine amplius esse) & obtinebit pro media distantia 559, non 500. Erit igitur hic ordo eius numerorum ♀ ♂ 559 | 563 | + 4. Ecce in ♂ 4, & ♀ ♂ differentias minores sc. 2, 4. in ♂ terra, terra ♀ maiores, sc. 26, 43. sicut interiecta corpora illic Cubus & Octaedron, hic Dodecaedron & Icosaedron sunt similia. Et animaduerte, quòd illic, vbi magna differentia est in scriptorum & circumscriptorum, parua est differentia distantiarum: vicissim vbi propemodum æquales ascripti, magno interuallo dissident distantia motoria à Copernicanis.

Cùm igitur in defectu hoc sit quædam æqualitas, & vero nihil ordinatum fortuito accidat: ideo cogitandum numeros hosce ad veritatem quidem alludere: nondum tamen eam penitus assecutos. Nempe in ipso theoremate adhuc limari quid potest: aut theorema quidem rectè habet, sed eius sensum neutra operatio assecuta est. Quod quamvis initio statim suspicari potui, nolui tamè, Lectorem hac occasione, & veluti stimulo plura tentandi, carere. Quid si namque aliquando diem illum videamus, quo ambo hæc inuenta conciliata erunt? Quid si hinc ratio eccentricitatum elici possit? Nam quo pertinacius retineam etiam hoc de motibus theorema, illud inter cætera in causa est, quod vnius motorie distantie ad alteram proportio, nunquam à toto orbe Copernicano aberrat, sed semper ad aliquid digitum intendit, quod pertinet ad orbium spissitudinem. Estq; in hoc, quod mirari possis aliqua etiam æqualitas. Quã ut videas, explico tibi ordinem distantiarum motoriarum in partibus, quarum media Telluris remotio est 1000, & appono distantias Copernicanas:

	Copernici	Motoriæ			
Summa	9987				
Media	I 9164	9163			
Ima	8341		vt	1000	ad 577
Summa	5492		sic	9163	ad 5290
Media	II 5246	5261		proximus	5261
Ima	5000 a		vt	1000	ad 333
Summa	1648 b		sic a	5000	ad 1666
Media	♂ 1520	1440		proximus	1648 b
Ima	1393 c		vt	1000	ad 795
Sum. terræ	1042	terræ 1102 d	sic c	1393	ad 1107
Med. sim-	1000	cum 1000		proximus	1102 d
Ima plcis.	858 e	898	vt	1000	ad 795
Summa	741 h		sic e	958	ad 762
Media	♀ 719	762 f		proximus	762 f
Ima	696		vt	1000	ad 577
Summa	489		sic	741	ad 429 g
Media	☿ 360	429 g		proximus	741 h
Ima	231				

Æqua-

Æqualitas hæc est, quod in remotis à terra ad medias distantias proximè acceditur: in vicinis Marte & Venere, motoria distantia vtrinque vicinior est terræ, quàm Copernicana media.

Vides etiam nusquam, nec excludi loco suo corpus, neque ordinem turbari, sed ad minimum, hiatum tantum inter medias distantias patère, qui corpus recipiat. Vt si quis maximè motorias hæc pro optimè demonstratis acceptare velit (quo de dubitatur tamen) is modum fortassis interpositionis corporum tollat, interpositionem ipsam non tollat. Ferè enim indicant motoria, quasi duo exteriora similia similiter inter medias intersint, duo interiora similia inter mediam & extremam, nempe dodecaedron ab ima Martis ad mediam Terræ, Icosaedron à media Terræ ad summam Veneris. Tetraedron verò etiam suis fruatur priuilegijs, atque inter vtramque extremam intersit. Verùm hæc omnia suo loco censeantur, nempe ex incertis extructa numeris motoriarum, nec in alium finem, quàm vt extimentur alijs ad conciliationem: ad quam viam præiui.

CAPVT XXII.

Planeta cur super æquantis centro æqualiter moueatur.

DIDICISTI modò, Lector, etiam imperfecta cognoscere, quo minus metuo, te vltimam hanc & frigidam catastrophem explosurum. Vltimò autem referre volui, cum quia vltimo loco habeo: tum quia cum motibus cohæret, nec expediri sine X X. capite potest, quamuis ad XIII. propriè pertineat, vt ibi monitus es.

Cum hanc figuralem cælorum proportionem Mæstlini censuræ subiecissem: is me de superiorum epicyclijs monuit, quos Copernicus loco æquantium introduxit, quique duplo maiorem efficiant orbi spissitudinem, quàm Planeta ascensus descensusque requirit. Et in inferioribus quidem alij motus sunt, quibus Planeta ad omnem illius epicycli altitudinem euehitur, ad omnem eius humilitatem descendit, vnde in illis pro eccentrepicyclo eccentricus eccentrici à Copernico assumptus est: in Mercurio verò peculiaris quædam diameter, per quam accedit & recedit à Sole. Simi-

liter

Vide Tabulam. IIII. cap. XIII.

plō propiūs ad A accessisset, nimirum itidem quantitate AD. Vtrobique ergo tantundem est, ac si super D centro incederet. Suprà enim Cap: XX. ea motuum ad orbē fuit proportio. Quare cogita, quæ ibi loci duæ causæ per totum circulum concurrerunt, eas hîc inuersas & permixtas esse. Illic orbis eiusdem integer ambitus maior & remotior periodum auxit, & minor atque propior diminuit: Hîc autem circuli NOPQ & EFGH æquales sunt, & huius pars altera remotior, altera propior est centro A Soli. Quapropter motrix virtus in A agit in EF, & in GH, tanquam planeta illic esset in IK, hîc in LM. Vtriusq; autem, tarditatis illius, & velocitatis huius communis mensura inuenitur in D. Itaque Planeta in EFGH via progrediens, tardus veloxq̃ue, nec non mediocris circa A & s fit, perinde tanquam in IKLM, super D centrum æqualiter iret. Iam vidē Artifices, qui penitus idem statuerunt. Nempe Ptolemæus D centrum æquantis, & B centrum viæ planetariæ fecit. Copernicus verò circa C centrum, medium inter D & B, eccentricum eccentrici cyclicum circumducit. Ei ergo fit, vt via planetæ sit quàm proximè EFGH, sed motus æqualitas, sicut ipsius orbis intermediij inter EFGH & IKLM circa C, ita planetæ circa D, reguletur.

Causam habes, cur æquantis centrum parte tertia eccentricitatis totius à centro eccentrici distet. Nempe mundus totus animā plenus esto, quæ rapiat, quicquid adipiscitur stellarum siue cometarum, idq̃ue ea pernecitate, quam requirit loci à Sole distantia & ibi fortitudo virtutis. Deinde esto in quolibet Planeta peculiaris anima, cuius remigio stella ascendat in suo ambitu: Et orbibus remotis eadem sequentur.

Atque hæc de Aequante, vbi legerint aliqui, scio gestient. Nam si mirantur Astronomi Ptolemæum in demonstratam sumpsisse hanc eandem mensuram centri Aequantis: multò magis iam mirabuntur quidam, fuisse causam huius rei, neque tamen de ea Ptolemæo suboluisse, cum ipsam rem ita, vti habet,sumeret; & quasi diuino nutu cæcus ad locum debitum perueniret.

Sed tamen eos admonitos velim, nihil esse ex omni parte beatum. Nam in Venere & Mercurio ista tarditas & velocitas non ad planetæ à Sole digressionem, sed ad solum Terræ motum accommodatur. Et si quis huic rei prætexat diuersam motus conditionem

à motu superiorum : quam denique in Terræ annuo motu causam afferet? Is enim neque apud Ptolemaeum neque apud Copernicum Aequante indiguit. Quare & hæc incertalibus sub Astronomo iudice pendeat.

CAPV T XXIII.


De initio & fine Mundi Astronomico & anno Platónico.

DOST epulas, post fastidium ex saturitate, veniamus ad bellaria. Problemata duo pono nobilia. Primum est de principio motus; alterum de fine. Certè non temerè Deus instituit motus, sed ab vno quodam certo principio & illustri stellarum coniunctione, & in initio Zodiaci, quod creator per inclinationem Telluris domicilij nostri effinxit, quia omnia propter hominem. Annus igitur Christi 1595. si referatur in 5572. mundi (qui communiter & à probatissimis 5557. censetur) veniet creatio in illustrem constellationem in principio V. Nam anno primo assumpti numeri, die Aprilis 27. Iuliano retrò computato, feriâ primâ, qui dies Creationis omnium est, horâ vndecima meridiei Borussiae, quæ est sexta vespertina in India, talis exhibetur cœli facies à prutenico calculo.

☉	3	V
☽	3	♄
♂	15	V
♂	10	V
♂	24	♂
♂	10	♂
♂	3	V
♂	18	♂

Motus ♂ ♀ & ♄ paulisper morare, aut promouere, & venient in loca cognata, & forte ♄ in ☉. ♄ ad ☽. Scaliger male Nouilunium vult. Nam Luna in potestatem noctis cōdita, nocte utiq; prima fulsit. Verisimilius initium calculus multis retrò porroque annis non suppeditat. Sed si rationes sequamur, oportet hoc initium, ☉ in ♄ versante, querere, nempe hæc cœli facies,

♂ ☉ V



Vult hoc veterum authoritas, Mundum in Autumno creatum, & ratio ipsa ex Copernico, vt Tellus sub eodem initio stet, quo reliqui. Apparebunt igitur superiores in V, inferiores & ☉ in ☿, Luna cum circa terram sit neque in V, neq; in ☿ competit, ne turbet numerum ternarium superiorum & inferiorum. Et sole occidente (sic enim conditus mundus est) nocti nullibi rectius dominatur, quàm ex medio cœli, quod est ☉. Sicque poterit in epicycli summa abside consistere. Et quia orbis eius aduentitius est, fortiatut & ipsa aduentitium & peculiarem situm principij. Lunationes etiam eius nobilitas & fama inter homines, lunationumq; potissima quadrans. Caput autem in libram, & caudam in Arietem refero, vt sit in rationali situ cum Luna, absque Ecclipsi tamen: & vt Luna sit in maximo limite horeo. Erit igitur terra oculari etiam positu media inter stellas, sicut orbis eius inter orbes medium locum certo Dei consilio obtinuit, quia omnia propter hominem. Quod si Solem etiam hic in V loces: erit ☿ in ☿, & ☿ in ☿. & reliqua similiter. Sumenda autem motus medij, nam hos in principio cursus, veros esse conuenit, nempe ab absidibus. Hæc palma in medio posita, quam aut similem si quis aut ex calculo aut ex restauratione Astronomiæ adeptus fuerit, is phyllida solus habebit. Hæc de initio.

Finem motui nullum cum ratione statui, nullumque fore Platonium annum ex postulato vno probabo. Detur namque eccentricitatem esse cum orbe in proportionem rationalem: erunt igitur orbium radij inuicem irrationales, quia habent se, vt inscripti & circumscripti corporibus, qui irrationales sunt, quia sequuntur ex ratione subtenſa in quadrato, & sectionis secundum extremum &

mediam rationem, quæ duo sunt exempla irrationalium in Geometria. Iam autem motus cum radijs in proportionem sunt; Ergo motus inter se irrationales, & sic nunquam ad idem redibunt initium, etsi durarent infinitis sæculis: quia nunquam, ne in infinita quidem se & tione temporis, occurreret communis mensura, qua sæpius repetita, motuum omnium vnus terminus, & meta anni Platonici constituatur. Et iam vel tandem cum diuino Copernico libet exclamare: Tanta nimirum diuina hac est Opt. Max. fabrica: & cum Plinio: Sacer est (mundus) immensus, totus in toto, imò verò ipse totum, finitus & infinito similis.

Tu nunc, amice Lector, finem omnium horam ne obliuiscare, qui est, Cognitio, admiratio & veneratio Sapientissimi Opificis. Nihil enim est ab oculis ad mentem, à visu ad contemplationem, à cursu aspectabili ad profundissimum Creatoris consilium processisse: si hîc quiescere velis; & non vno impetu, totaq; animi deuotione sursum in Creatoris notitiam, amorem cultumq; efferare. Quare vasta mente, & grato animo mecum perfectissimi operis Architecto sequentem Hymnum accine.

IOVA Sator Mundi, nostrumq; æterna potestas,
 Quanta tua est omnem terrarum fama per orbem?
 Gloria quanta tua est? Cæli que dedita supra
 Mœnia, concussis volat admirabilis alis.
 Agnoscit puer & spreto satur ubere, balbis
 Te dictante struit valida argumenta labellis:
 Argumenta, quibus tumidus confunditur hostis
 Contemptorq; tui, & contemptor iuris & equi:
 Ast ego, quo credam spaciofo Numen in orbe:
 Suspiciam attonitus vasti molimina cæli,
 Magni opus Artificis, valide miracula dextra;
 Quinque vti siderios normis distinxeris orbis,
 Quos intra medius Lucisq; animaq; Minister
 Qualege æterni cursus moderetur habenas,

*Quis capiat variata vices, quos Luna labores,
Sparsers immenso quàm plurima Sidera campo.*

*Maxima Mundi Opifex, qua teratione coegit
Paruus, inops, humilis, tamq̃, exigua Incola glebæ
Adamides rerum curas agitare suarum?
Respicias immeritum, vehis in sublime, Deorum
Tantum non genus est, tantos largiris honores,
Magnificumq̃, caput cingis diademite, Regem
Constituisq̃, super manuum monumenta tuarum.
Quod supra caput est, magnos cum motibus orbes,
Subijcis ingenio: quicquid Tellure creatur,
Natum operis pecus, atq̃, aris fumantibus aptum,
Quæq̃, habitant siluas reliquarum sæcla ferarum,
Quodq̃, genus, volucres, lenibus ferit æra pennis,
Quiq̃, maris tractus tranant & flumina, pisces,
Omne iubes premere imperio, dextraq̃, potenti.*

*Ioua sator Mundi, nostrumq̃, æterna potestas
Quanta tua est omnem terrarum fama per orbem?*

F I N I S.

DE LIBRIS RE-
VOLVTIONVM ERVDITIS.

3 I M I V I R I , E T M A T H E M A T I C I

*excellentiss. reuerendi D. Doctoris Nicolai Copernici To-
runnei Canonici Vuarmaciensis, Narratio Prima ad
clariss. Virum D. Ioan. Schonerum, per*

*M. Georgium Ioachimum
Rheticum,*

VNA CVM ENCOMIO BO-
russæ scripta.

ALCINOVS.

Δὲ δ' ἐλευθέριον εἶναι τῇ γνῶμῃ τὸν μέλλον-
τα φιλοσοφεῖν.

GEORGIUS VOGELINVS ME-
DICVS LECTORI.

*Antiquis ignota Viris, mirandaq; nostræ
Temporis ingenijs iste Libellus habet.
Nam ratione noua stellarum quaritur ordo.
Terræq; iam currit, credita stare prius.
Artibus inuentis celebris sit docta Vetustas.
Ne modò Laus studijs desit, honorq; nouis.
Non hoc iudicium metuant, limamq; peritæ
Ingenij, solus liuor obesse potest.
At valeat liuor, paucis etiam ista probentur.
Sufficiet, doctis si placuere Viris.*



ANNO M. D. XCVI.

M. MICHAEL MÆST.

LIN GOEPPINGENSIS,

Candido Lectori S.



RECTE A PLATONE GEOMETRIA & Arithmetica Alæ Astronomiæ appellantur. Geometria enim in cœlesti corpore, quod Quantum est, globosum & circulari motu regulariter mobile, ex observationibus diuersis temporibus habitis, non tantum viam stellarum inuenit, sed etiam irregularitatis apparentiarum ex regularibus motibus rationes reddit, earumq; certas mensuras patrefacit, atque corporum illorum sublimium magnitudines, vt & altitudines demonstrat. Arithmetica autem dum huius Quanti Corporis partes in numeros coniicit, illas magnitudines & altitudines metitur, tabulasque condit, ex quibus ad quoduis datum tempus Stellarum omnium loca, adeoque tota cœli facies exhibetur. Etsi autem ista admiranda & ardua sint, harum tamen alarum remigijs ad longè altiora subuolare nos eximius hic noster Mathematicus, M. IOANNES KEPLERVS, docet. Magna sanè sunt, quæ Artifices Astronomi huc vsque inuenerunt: Astronomiâ tamen hætenus omnes non nisi à tergo adorti sunt, & tam motus, quàm magnitudines & distantias ex solis observationibus indagare docuerunt. An autem à priori, siue à fronte vllus ista dimetiendi pateat aditus, vel annè vlla alia, præter observationes, geometrica Norma, inuentos motuum & quantitatum numeros examinandi, haberi possit, nulli ne peritissimo quidem Artifici hætenus, vel per insomnium, in mentem venit. Iam vero Keplerus noster solertissimo ex Geometria inuento orbium seu sphaerarum cœlestium certum finitumque numerum & ordinem, atque quod maximum est, certam magnitudinum, sicut & motuum, ad se mutuo proportionem tradit; & paulò altius sumpto initio ostendit, quodd Creator Deus Opt. Max. in Mundi creatione, iuxta quinque regularium Corporum geometricorum, aliàs omnibus Geometris notissimorum, proportionem, sphaeras cœlestes mobiles fabricauerit, extenderit, disposuerit, adornauerit, & ordinauerit. Atque hanc sententiam ipse non logicis, nec leuibus aut dubijs, vel anilibus, multò minus alienis, atque ad propositum suum violenter adactis coniecturis, sed genuinis, proprijsimis, tam ex rerum Natura, quàm ex Geometria depromptis, quibus contradici non potest, ratiocinijs confirmat. Quorum potissimum est, elegantissima & suauissima harmonia, & consonans concentus calculi Astronomici ex observationibus iam antè proditi, cum quinque regularium Corporum diastematis. Quantis enim interuallis sphaera circumscriptæ Cubo seu Hexaedro, Pyramidi seu Tetraedro, Dodecaedro, Icosaedro, Octaedro, à sphaeris his iisdem corporibus inscriptis sigillarim distant; tanta etiam interstitia inter planetarias sphaeras ex ordine interposita esse Astronomicæ numerationes (Quantum quidem ab eis, quibus non pauca ad huc deficere, nemo observationibus intentus nescit, huc vsque præstari potuit, aut præstitum est) clarissimè indicant. Ab hoc igitur

tur tempore, qui cælorum motus plenius inquirere, & quæ in Astronomia adhuc manca sunt, reficere & redintegrare volet, habet iam à priori patentem ianuam, qua ingrediatur, habet rectissimam normam, ad quam, ceu ad Lydium lapidem, omnes suas observationes, totumq; calculum examinet. Merito igitur nostro seculo, de hoc excellentissimi Mathematici Kepleri ingeniosissimo inuento, gratulor, nihil dubitans, quin per id totam Astronomiam propediem restauratam visuri simus.

Quòd si quem, sicut hætenus non paucos, Copernici hypothesium à multis illegitimè condemnata, & præter rationem diffamata absurditas offendit, & quòd Keplerus hoc suo inuento, vnà cum Copernico, Sellarum fixarum in extremo, & Solis in Mundi centro immobilitatem, atq; Terræ extra medium circularem mobilitatem astruit: Is quæso prius rem cognoscat, & examinet, quàm præcoci præiudicio sententiam ferat; Is legat, quæ Copernicus lib. I. cap. V. & quinq; sequentibus, item quæ Keplerus noster cap. I. sui Prodrumi scribit: Nec non quæ Rheticus sequente Narratione habet, vbi principales rationes enumerat, quare à veterum Astronomorum hypothesibus recedendum fuerit. Et videbit: Quæstionem de loco & perpetua quiete Terræ nequaquam liquidam esse. Quibus istud adiungo.

Visitatis sanè hypothesibus, quæ præscriptione potius, quàm ratione valent (Circulo & vulgo eas proponi, & tyrones primitus in eis, velut communiter notis, & ob id ipsum cognitu facilioribus, informari satius & consultius est: Ita easdem in cæteris Disputationibus, nisi ad interiora Astronomiæ penetralia ingrediendum sit, communiter retineri, eandem ob causam vt plurimum expedit) Terra in medio quæta statuitur, potissimum argumento à gravitatis & leuitatis momentis desumpto, quia grauius ad Mundi Medium deorsum, leuius ab eiusdem Medio fursum ferri dicuntur. At quæso vnde Nobis hæc leuius grauiusq; experientia? & quou'q; eorum notitia apud Nos se extendit, vt ex eis totius Mundi Medium certò arguere possimus? An non omnis sedes & totum domicilium omnium eorum, quæ nobis grauius sunt aut leuius, Terra, & circa terram Aer est? Sed quid Terra, quid eam ambiens Aer, respectu immensæ totius Mundi vastitatis? Punctum sunt, siue punctuli, & si quid minus dici posset, rationem habent. Quod cum sit, an non Philosophum dicturum putas, quòd infirma argumentatio à particula, siue hoc punctulo ad totum Mundum extrinatur? Non ergo ex ijs, quæ ad hoc punctulum appetunt, vel ab eo refugiunt, de spaciosissimi huius Mundi centro certi esse possumus. Locum quidem suum proprium, qui Philosopho teste est perfectio rei, hæc nostra grauius & leuius, à Natura sibi tributum appetunt, quam affectionem, vt Copernicus lib. I. cap. 9. eruditè differit, credibile est etiam Soli, Lunæ, cæterisq; errantium fulgoribus inesse, vt eius efficacia in ea, qua se repræsentant, rotunditate permaneant: Quòd si is locus alicubi simul sit Mundi centrum, id non nisi per accidens contingit. Verùm Copernici rationes Astronomiæ non à particula, eaq; minutissima, ad totum: sed contra, à toto ad partes procedunt.

Sed & ex ipso hypothesium visitatarum & Copernici processu facile agnoscitur, vtræ plus fidei mereantur. Etenim Copernici hypotheses omnium Orbium & Sphærarum ordinem & magnitudinem sic numerant, disponunt, connectunt & metiuntur, vt nihil quicquam in eis mutari aut transponi, sine totius Vniuersi confusione, possit; quin etiam omnis dubitatio de situ & serie procul exclusa manet. E contra in hypothesibus visitatis, numerus sphærarum incertus est. Alij enim no-

uem alij 10, alij 11. sphaeras numerant, nec adhuc conuenit numerus. Ordo ibidem est dubius: definita distantia, præter \odot & \jmath , nulla dari, nedum demonstrari potest: De Venere, Mercurio & Solelis nondum composita est, nec componetur vquam. Regiomontanus lib. 9. cap. 1. Epitomes in Almag. Ptol. confitetur, quod vter eorum Venus vel Mercurius supra alterum situeretur, nulla certitudine deprehendi possit. Et licet Proclus in Hypoth. Astron. asserat, Mercurium subtercurrentem Veneri visum esse: alia tamen multò grauior quæstio exoritur, de inexcusabili orbium horum planetarum penetratione, quam epicyclorum & eccentricitatum ipsorū proportio, astipulantibus calculo & obseruationibus, omnino postulat. Eam nec Albategnius cap. 5. nec Alphraganus, Diff. 21. alijq; magni Mathematici, vtut se torqueant, defendere valent. Physicorum enim hîc inuictæ demonstrationes penetrationes non admittunt; Geometriæ autem certitudo (quæ in omni Quanto regula veritatis est) orbium coarctationi contradicit. His addo, quod vt distantia sphaerarum dubia sunt, ita & ordo nullus certus est. Nam Sole & Luna exceptis, in cæteris eiusdem est, siue (vt *παράδοξον* dicam) Saturnum supra Mercurium, siue hunc supra illum colloces.

Quid de rapidissima & inæstimabili velocitate huius tam vastæ Mundi molis, quotidiese conuertentis, dicam? Vbi primò: ineffabilis velocitas omnem fidem superat. Semidiametrum Sphaeræ fixarum Stellarum Albategnius 19000. Alphraganus 20110. semidiametris terræ æstimat, & quidem non minorem, sed longè maiorem esse conueniebat. Hinc ergo ea sphaeræ huius pernicitas exurgit, qua quilibet in circulorum inter polos mundi medio posita stella vnico horæ scrupulo secundo, siue 3600. parte vnus horæ (quo temporis spaciolo vix quisquam tria vel quatuor verba, licet præcipitanti sermone loquatur, profabitur) vltra duodecies centum miliaria germanica rapiatur. Oportet autem vltimo cœlo seu primo mobili, orbilongè superiori, multò concitatiorem inesse cursum. Sed quis istis fidem habebit? Deinde, Quanam est ista Naturæ impotentia, quæ immenso corpori cœlesti huiusmodi mente incomprehensibilem velocitatem infundere potuit, punctulo tamen Mundi, corporis scilicet terreno, de hoc motu quicquam communicare non potuit? Quomodo fieri potest, vt toto Mundi systemate, nullo eius orbe, nec etiam ignei elementi sphaera (si qua est) nec aeris superiore regione exceptis, circumagitato, hoc vnicum punctulum non conuertatur? Itaque multò probabilius & rationi magis consentaneum est, quod immenso hoc mundo à quotidiana hac rapiditate liberato, solus hic globulus eo motu incedat; facilius enim Naturæ fuit, hunc ei motum indere, quo vno scrupulo, seu sexagesima parte horæ, in magno eius circulo quadrens vnus germanici miliaris prætereat, quam velocitatem nubium volatus sæpè æquat, non rarò superat, fulminis verò casus incomprehensibiliter vincit. Innumera alia transeo, quorum non pauca Copernicus, & Rheticus in sua Narratione, atq; Keplerus noster in Prodomo recitant.

Excellentissimi nonnulli ex recentioribus Mathematici languoribus aliquam medelam adhibere conantur; & Terram quidem cum antiquis hypothesibus, in lunaris, & stelliferæ sphaeræ, nec non totius Vniuersi medium reponunt immobilem, Solè autem cum Copernico cæterorum planetarum centrum, mobilem tamen, profitentur. Magnum saue est, nec laude sua priuandi, qui id statuunt. Verùm hac hypo-

hypothesum emendatione nihil nisi vetustam & attritam togulā nouo panno resarciunt, cuius rupturapost maior fieri solet; Nam hac positione profectō motuum centra & virtutes motrices dissoluantur, & distrahuntur, ceteri & motus & orbes (siue quicquid id sit, quod orbium quandam rationem habeat) multō pluribus intricatissimis inuoluuntur tricis, nec cum ratione, aut magnitudinum motuumq; & ordinis vlla proportionē, quicquam cum altero consociatur. Quibus vnum hoc Kepleri nostri inuentum oppono. In quo, pro Copernici recentioris, & Aristarchi vetustissimi Mathematici sententiæ comprobatione (vt de alijs iam nihil) elegantissimus partium Mundi ordo, item pulcherrima & irrefragabilis magnitudinum & motuum proportio, consona quinque corporibus regularibus, ingeniosissimē monstratur. Hæc nec in antiquis hypothesibus, nec in recentiorum emendationibus haberi aut sperari vnquam possunt. Cui ergo tutius fidendum existimabimus? Iisne, qui apparentes nonnullas absurditates vitare volentes, in grauiores se precipitant, quas tamen vacillantibus fulcris suffulciunt: nihilq; cum ratione dicunt; An verò ei, qui sine ratione nihil asserit; omnia solidè confirmat; & quæ quidem absurda videntur, solidè refutat? Amicus ergo Plato, amicus Socrates, magis tamen amica Veritas.

Hæc ego, Lector beneuole, erudito Kepleri Prodomo, continenti expositionem abstrusissimorum Naturæ mysteriorum, hætenus à nemine inuentorum aut animaduersorum, subiungenda duxi, indubia spe, vt ante dixi, fretus, nos huius mysterij occasione (de cæteris antiquis & recentioribus hypothesibus ego iam dudum desperaui) propediem Astronomiam tam politam (si modò vlla expolitior & perfectior repurgatio & forma eius sperari & expectari possit) vt quàm nitidissimam, habituros esse.

Quoniam autem in hoc Prodomo M. Keplerus sæpe ad Georgij Ioachimi Rhetici Narrationem appellat, quam Anno 1539, tum cum Copernico viuens, antequam suos Reuolutionum libros Copernicus edidisset, ad Schonerum scripserat: illa verò Narratio non in omnium manibus versatur: Ego eam, vnà cum Encomio Borusis ab eodem Rhetico conscripto, huic M. Kepleri Prodomo (licet ipso infcio, & , quia absente, inconsulto) adiungendam omnino necessarium censui. Idq; tantò magis, quod videbam è duobus his Scriptis magnam Prodomi partem, vbi stilus ob breuitatem nonnulla abruptit, plurimum lucis accepturam esse. Accedit, quod etiam multa in ipsis Copernici libris loca obscuriora Rheticus hîc ex professo explicat: vnde hæc Narratio & Encomium loco breuis in Copernicum Commentarij haberi possunt.

Hæ causæ sunt additæ huius Narrationis, cum Borusis Encomio Rhetici. Ne tamē nostra quoq; opera, hosce fines faciliùs consequendi deesset: visum fuit tam Narrationem, quàm Encomium, qua fieri potuit diligentia, reuideri, & cum Annotationibus marginalibus, etiam schemata demonstrationū, quæ Rheticus haud dubio apposuerat, sed in typis excusis exemplaribus, nescio qua incogitantia, omissa fuerant, addere. Si quæ verò in ijsdem his scriptis à scopo nostro alieniora habentur; ea prudens Lector suo loco relinquat. Nostri candoris esse duximus, etiam cætera illa, quæ in Exemplari Anno 1541. Basileæ edito, inuenimus, cum Titulo, & Præfatione, licet ad principalem nostrum scopum non facerent, fideliter reddenda esse.

Optandum autem esset, alteram, quam aliquoties Author hic pollicetur, Narrationem quoque emissam fuisse; aut si forsân scripta quidem fuerit, sed alicubi delitescat (editam ego non vidi, nec ab alio visam, ex quoquam intellexi) satius esset, eam publicè vtendam, quàm in abditis corrodendam tinceis concedi. Quod idem de Commentarijs Erasmi Rheinholdi in eisdem Copernici Libros, optandum erat, nisi immatura eius Viri mors opus inchoatum, vt & multas alias Reipub. mathematicæ vtilissimas lucubrationes, abrupisset. Tu, Lector optime, his fruire, donec totum suum Vranicum vel Cosmicum opus, cuius hic Prodrum habemus, Keplerus noster emittat. Vale. Actum

Tubingæ in Musæo nostro, Calendis

Octobris. Anno Salutis

1596.

DOCTISSIMO
VIRO D. D. GEORGIO VOGELINO
CONSTANTIENSI, PHILOSOPHO, & Medico, Amico tanquam Fratri, Achilles
P. Gassarus Lindauiensis salutem
dicit.



MITTO AD TE, VIRE EXCEL-
lentissime, ὡς περὶ τὸ μὲν ἔχεις ἀλλ' οὐκ ἔστιν, Libellū hunc
non modò nouum, nostrisq; hominibus ignotum, sed ti-
bi quoq; ni planè fallor, admirabilem, & vndiquaq; ad
stuporem vsque παραδοξότατον. Quem Georgius Ioachim^{us}
Rheticus artium liberalium Magister, mathematicūq; apud Vuite-
bergam aliquando Professor, Ciuis, & Amicus meus summus, su-
perioribus diebus, vnā cum epistola harum rerum refertissima, ex
Gedano ad me dedit. Qui Liber licet consuetæ hactenus docendi
methodo non respondeat, possitq; non vnico themate vsitatis Scho-
larum theoricis contrarius, & (vt Monachi dicerent) hereticus
existimari: Videtur tamen noua, & verissima Astronomiæ restitu-
tionem, imò τὴν ἀληθινὴν γεννησίαν haud dubiè præferre, præse-
tim

tim cum de eiusmodi propositionibus euidentissima decreta iactitet, super quibus à Doctissimis non modo Mathematicis, sed Philosophis maximis, etiam non citra sudorem, quod aiunt, in toto terrarum orbe diu controuersum esse nosti: nempe de Sphærarū cælestium numero, Siderum distantia, Solis regimine, Planetarum tum situ, tum circulis, Anni stata quantitate, AEquinocetiorum, Solstitiorumq; notis punctis, Terra deniq; ipsius & loco, & motu, similibusq; arduissimis rebus. Quorum omnium rationem decisionesq; dum diuersis, attamen suis nuper adinuentis apodixibus fideliter demonstraturum se homo hic adferat: non video, quī argumentum illud ab nostri sæculi Eruditis explodi, conuelli, aut contemni debeat. Nam vel apud mediocriter mathesi imbutos, ipsosq; adeo (ut sic loquar) ephemeridistas, res astronomicas (quæ tamen scientiarum ob circini calculiq; infallibilem rectitudinem certissima creduntur) non una in parte hodie, tum temporum dimensione, tum motuum observatione, claudicare: nec, quod Geometria peculiariter proficitur, ad amussim semper quadrare, constat. Proinde, charissime Georgi, cum plurimis in vrania difficultatibus liberari, abstrusissimos insuper nobis nodos aperiri sentiamus, transmissum hunc libellum, rogo, diligenter perlege, lectum acrius dijudica, iudicatum verò fac age cunctis mathematicum cultoribus, præcipue autem vicinis tuis, vnicè commenda, & enoluendū subinde propina, si vel tali pacto non solum Altera Narratio maturius emittatur, sed ex integro rarum hoc, & propè Diuinum opus (cuius πειροχῆν tanquam indices Narrationes istæ ostendunt) notum magis factum, amari, & crebrioribus votis ab Autore ipso homine procul dubio incomparabilis doctrina, Herculeiq;, siue potius Atlantici laboris, efflagitari: totumq; etiam per Amici mei obseruandissimipræsentium scriptorum instigationem, operam, & sedulum calcar communicari nobis aliquando possit. Id quod in inscriptione hac cum primis sic curatum volo, per te nimirum rerum physicarum veritissimum, tui simili-

bus honestissima huius disciplina Sectatoribus occasionem præbere,
 ut digna gratitudine Iunioribus crescendo copia, atque Maioribus
 eruenda veritatis ansa contra plebeiorum oculorum examen etiam,
 tam liberaliter, quam uberrimè detur, cernis enim liquidò, quid
 professio ista desideret, quidq̃, & quàm magnifica elenchus hic pro-
 mittat. Quare cum ingenuis, ut soles, animum aduerte, ut ita
 Libellum hunc suscipere, excipereq̃, pergatis, ne integro & splendidi-
 ssimo conuiuio, cuius hic gustum valde opiparum facimus, veluti
 erepto faucibus famelicis suauissimo bolo, priuatos atq̃ penitus de-
 fraudatos nos esse posthac dolèter feramus, ac tristiùs queramur. Be-
 ne, mi Amice, vale, & me amando, vulgi hoc in negotio iudiciũ ride,
 siquidem non dubium est, quin nouitas ista absq̃ rancore Doctis
 omnibus tum grata, tum utilis aliquando futura
 sit. Veldkirchij Rhetia, à nato Seruato-
 re Christo M. D. X L.

anno.

C L A-

CLARISSIMO VIRO,

D. IOANNI SCHONERO, VT

Parenti suo colendo, G. Ioachimus Rhe-
ticus S. D.

RIDIE IDVS MAIAS AD te Posnaniæ dedi literas, quibus te de suscepta mea professione in Prusiam certiore feci: & significaturum me quàm primùm possem, famæ ne & meæ expectationi responderet euentus, promisi. Etsi autem vix iam decem septimanas in perdiscendo opere Astronomico ipsius D. Doctoris, ad quem concessi, tribuere potui, cùm propter aduersam aliquantulum valetudinem, tum quia honestissimè à reuerendissimo D. Domino Tidemanno Gysio, Episcopo Culmensi, vocatus, vnà cum D: Præceptore meo Lobauiam profectus, aliquot septimanis à studijs quieui. Tamen vt promissa denique præstarem, & votis satisfacerem tuis, de his, quæ didici, qua potero breuitate & perspicuitate, quid D. Præceptor meus sentiat ostendam.

Nicolai
Copernici.

Principiò autem statuas velim doctissime D. Schonere, hunc Virum, cuius nunc operavtor, in omni doctrinarum genere, & astronomiæ peritia Regiomontano nò esse minorem, libentiùs autem eũ cum Ptolemæo confero, non quòd minorem Regiomontanum Ptolemæo æstimem, sed quia hanc felicitatem cum Ptolemæo Præceptor meus communem habet, vt institutam astronomiæ emendationem, Diuina adiuuante clementia, absolueret, cum Regiomontanus (heu crudelia Fata) ante columnas suas positus è vita migrarit.

Regiomontanus Roma veneno extinctus est. An. 1476, 8. Iulij, ætatis anno 40. vix completo.

D. Doctor Præceptor meus sex Libros conscripsit, in quibus ad imitationem Ptolemæi singula mathematicòs, & Geometrica methodo, docendo & demonstrando, totam Astronomiam complexus est.

Libri Revolutionũ Nicolai Copernici.

Primus Liber, generalem mundi descriptionem, & fundamenta, quibus omnium ætatum obseruationes, & apparentias saluan-

uandas suscepturus est, continet. His quantum de doctrina finuum, triangulorum planorum, & sphaericorum suo operi necessarium aestimauit, subiungit.

Secundus, est De doctrina primi motus, & his, quæ sibi de stellis fixis hoc loco dicenda putauit.

Tertius, De motu Solis. Et, quia experientia eum docuit, quantitatem anni ab æquinoctijs numerati, ex motu etiam stellarum fixarum dependere, in prima huius Libri parte, vera ratione, & diuina profectò solertia, motus stellarum fixarum, mutationesq; punctorum solstitialium & æquinoctialium inquirere ostendit.

Quartus Liber, est De motu Lunæ, & de Eclipsibus.

Quintus, De Motibus reliquorum planetarum.

Sextus, De Latitudinibus.

Priores tres Libros perdidici, Quarti generalem ideam concepi, reliquorum verò hypothesen primùm animo complexus sum. Quantum ad priores duos attinet, nihil tibi scribendum putauit; idque partim peculiari quodam meo consilio, partim quòd doctrina primi motus nihil à communi, & recepta ratione discedit, nisi quòd tabulas declinationum, ascensionum rectorum, differentiarum ascensionalium, & reliquas ad hanc doctrinæ partem pertinentes, ita de integro construxit, vt obseruationibus omnium ætatum, per partem proportionalem accommodari possint. Quæ igitur in tertio Libro tradit, cum hypothesibus omnium reliquorum motuum, quantum in præsentiarum pro ingenij mei tenuitate assequi potuero, tibi, Deo dante, dilucidè recitabo.

Nic. Copernicum natum referunt Anno 1473. die 19. Febr. hora 4. scr. 48. p. m. die Veneris ante Cathedram Petri. Errat ergo Franc. Iunior qui ipsum anno 1472. 29. Ian. natum scribit. Mortuus autem est anno 1543. die 19. Ianu. anno ætatis 70. quo eodem illos libros suos Revolutionum edi curauerat.

Cum D. Doctor meus Bononiæ, non tam discipulus, quàm adiutor, & testis obseruationum doctissimi Viri Dominici Mariæ: Romæ autem, circa annum Domini 1500. natus annos plus minus viginti septem, Professor mathematicum, in ma-

gna scholasticorum frequentia, & corona magnorum Virorum, & Artificum in hoc doctrinæ genere: deinde hic Varmiæ, suis vacans studijs, summa cura obseruationes annotasset, ex obseruationibus stellarum fixarum elegit eam, quam anno Domini 1525. de Spica Virgi-

nis habuit. Constituit autem eam elongatam fuisse à puncto autumnali 17. grad. 21. m. ferè, cum ipsius declinationem meridianam non minorem 8. grad. 40. min. deprehenderet. Deinde conferens omnes obseruationes Authorum cum suis, inuenit reuolutionem Anomalix seu circuli diuersitatis esse completam, nosq; nostra ætate à Timochare vsque, in secunda reuolutione esse. Quare medium motum stellarum fixarum, atque æquationes diuersi motus geometricè constituit. Quia enim Timocharis obseruatio Spicæ, anno 36. primæ periodi Calippi, collata cum obseruatione anni 48. eiusdem periodi, nos docet, stellas illa ætate in 72. annis vnum gradum processisse: deinde ab Hipparcho ad Menelaum semper in centum annis vnum gradum confecisse, constituit apud se, Timocharis obseruationes in postremum quadrantem circuli diuersitatis incidisse, in quo motus apparuerit mediocris diminutus: in tempore autem intermedio inter Hipparchum & Menelaum, motum diuersitatis fuisse in loco tardissimo. Siquidem Menelai obseruationes cum Ptolemæi collatæ, ostendunt in 86. annis per vnum gradum stellas tunc motas; Quare Ptolemæi obseruationes factas motu anomalix existente in primo quadrante, stellasq; tunc motas motu tardo addito, siue aucto. Porro quia à Ptolemæo ad Albategnium vni gradui 66. anni respondent, atque nostræ obseruationes collatæ cum Albategnij ostendant stellas motu diuerso iterum in 70. annis vnum gradum conficere, sed ad alias suas in Italia habitas, obseruatio ea, quam suprà dixi, collata ostendit stellas fixas motu diuerso in 100. annis iterum per vnum gradum progredi. Sole quoque clarius est à tempore Ptolemæi ad Albategnium, motum diuersitatis, terminum mediocre primum præterijisse, totumq; quadrantem mediocre additi, & circa Albategnij tempora fuisse in loco summæ velocitatis. Ab Albategnio autem ad nos tertium quadrantem motus diuersi esse absolutum, & interim stellas progressas motu veloci diminuto, alterum limitem mediocre motus prætergressum, & nostra ætate iterum in quartum quadrantem motus mediocre diminuti anomaliam peruenisse, proinde iam iterum motum diuersum tardissimum limitem appetere. Hæc autem D. Præceptor vt ad certam rationem redigeret, quo ordine cum omnibus obseruationibus consentirent, constituit motum diuer-

*De motu
Stellarum
fixarum.*

*Ptol. lib. 7.
cap. 3. Almag.*

*Albat. cap.
51.*

*Ab anno 1525.
ad annum
1525.*

*Coper. lib. 3.
cap. 6.*

N sum

*Cop. lib. 3.
cap. 5.*

sum in 1717. annis Aegyptijs compleri, maximamq; æquationem 70. ferè minorum, motum autem medium stellarum in anno Aegyptio 50. secundorum ferè esse, atque integram motus medij futuram reuolutionem in 25816. annis Aegyptijs.

*Anni consi-
deratio gene-
ralis ab æqui-
noctio. Ptol.
lib. 3. cap. 2.
Albat. cap.
27. 28. Cop.
lib. 3. cap. 23.*

Hanc motuum in stellis fixis rationem comprobant etiam annuæ quantitates à punctis æquinoctialibus obseruatæ, atque certò constat, quare ab Hipparcho ad Ptolemæum dies integer, minus vicesimâ parte diei, interciderit: ab hoc autem ad Albategnium 7. dies ferè: ab Albategnio ad suas obseruationes, quas anno Domini 1515. habuit, dies 5. ferè, neque hæc omnino instrumentorum vitio, vt hæc ænus creditum, sed certa, & consentienti sibi vbique ratione fieri. Quare minimè ab æquinoctijs æqualitatem motus sumendam, sed à stellis fixis, vt mirabili consensu omnium ætatum tam de Solis & Lunæ, quàm de reliquorum planetarum motibus obseruationes testantur. Quia à Timochare ad Ptolemæum stellæ processerunt motu tardissimo, ideo trecentessimam partem solum diei, quartæ super 365 dies; à Ptolemæo autem ad Albategnium, quia veloces, centesimam sextam partem diei, quadranti decedere receptum est: nostra ætate si conferantur obseruationes ad Albategnij, patet de esse quadranti centesimam vicesimam octauam diei partem. Tardo igitur motui maior anni quantitas ab æquinoctijs respondere videtur, veloci minor, decrescenti velocitati anni augmentum, adeò, vt si accuratè anni quantitas ab æquinoctijs nostra ætate examinetur, cum Ptolemæo ferè iterum consentiat. Proinde statuendum puncta æquinoctialia moueri in præcedentia, quemadmodum in Luna nodos, & nequaquam stellæ secundum signorum consequentiam progredi. Imaginandum itaque fuit esse æquinoctium medium, quod procedat à prima stella Arietis orbis stellati, æquali motu postponendo stellæ fixas, & vtrinque ab hoc æquinoctio medio, ipsum æquinoctium verum motu diuerso, & regulari discedere, cuius tamen elongationis semidiameter 70. minuta non multum excedat, sicq; certam & quantitatis anni ab æquinoctijs rationem singulis ætatibus extitisse, & adhuc hodie deprehendi posse; præterquam quòd hæc ratio exactissimè, & quasi ad minutum, obseruationibus stellarum fixarum omnium Artificum respondet.

Vt

Vt autem huius rei gustum aliquem tibi, doctissime Schone-
re, præbeam, en computavi tibi præcessiones æquinoctiorum ve-
ras, ad quædam obseruationum tempora.

Anno		Præcess. vera		Tempore
		G.	M.	
Ante nati- uitatem	295	2	20	Timocharis
Domini	128	4	0	Hipparchi
Post nati- uitatem	139	6	40	Ptolemæi
	880	18	10	Albategnij
Domini	1076	19	37	Arzahelis
	1525	27	21	Nostro

Ptolemæi præcessio subtracta à locis stellarum in Ptolemæo
positis, relinquit quantum à prima stella Arietis distent. Albate-
gnij deinde præcessio addita ostendit verum locum obseruationis.
Hoc fit in omnibus alijs similiter. Maximè autem hæc ad amussim
obseruationibus omnium Artificum respondent, vbi etiam singula
annotantur minuta, vel ex declinationibus positis habentur, aut ex
Lunæ motu ad maiorem præcisionem reducto, vt nostræ nos do-
cent obseruationes cum Veterum collatæ. Nam neglectis, vt vides,
aliquot minutis, partem saltem gradus recitant dimidiam, vel ter-
tiam, vel quartam, &c. Hæc autem motibus absidum planetarum
non satisfaciunt, proinde peculiarem motum eis tribui oportuit,
vt patebit ex Solis Theoria.

Cæterum cum deprehendisset à stellis fixis æqualitatem mo-
tus sumendam, inuestigauit diligentissimè Annum sidereum, quem *Annus side-
reus.* reperit 365. dierum, 15. minutorum, 24. secundorum ferè esse, &
perpetuo fuisse, à quo tempore factas obseruationes constat. Nam
quòd referente Albategnio Babylonij tria secunda plus ponunt, *Cap. 27.*
Thebit vnum secundum minus, hæc sine iniuria vel instrumentis,
& obseruationibus, quæ vt scis neutiquam *ἀκριβέσταται* esse possunt,
vel diuersitati motus Solis, vel etiam quòd vetustissimi, non habi-
ta certa eclipsiū ratione, diuersitates aspectus Solis in obseruatio-
nibus

nibus neglexerunt, imputari potest. Nequaquam tamen comparandus hic error, totius huius temporis à Babylonijs ad nos, cum illo, qui est 22. secundorum diei in ter Ptolemæum, & Albategnium. Quod autem necesse fuerit inter Hipparchum, & Ptolemæum, diem minus parte vicesima interciderè, inter hunc & Albategnium 7. ferè deficere, non sine summa voluptate, ex prædicta motuum stellarum ratione, & ipsius D. Præceptoris, De Motu Solis tractatione tibi, Doctissime D. Schonere, collegi, vt paulò post videbis.

De mutatione obliquitatis Eclipticæ.

Mutationem maximæ declinationis hanc rationem habere D. Doctor Præceptor meus reperit: vt dum motus diuersitatis stellarum fixarum semel compleretur, dimidia obliquitatis contingeret. Quare & integram mutationis obliquitatis reuolutionem in 3434. annis Aegyptijs fieri constituit. Timocharis, Aristarchi, & Ptolemæi temporibus mutationem obliquitatis in tardissima variatione fuisse constat, adeò vt immutabilem maximam declinationem crederent, semper $\frac{11}{93}$ partes circuli magni. Albategnius post hos, 23 grad. 35 minut. ferè, sua ætate prodidit. Deinde Arzahel post eum 190. ferè annis, 23. grad 34. minut. Prophatius Iudæus ab hoc iterum 230. annis, 23 grad 32. minut. Nostra autem ætate non maior 23 grad, 28 min. cum dimidio apparet. Proinde cum clarum sit, in 300. annis ante Ptolemæum, motum mutationis obliquitatis tardissimum fuisse, ab hoc verò ad Albategnium, per 750. annos, ferè, decreuisse per 17. minu. & ab Albategnio ad nos in 650. annis saltem per 7. minu. sequitur mutationem obliquitatis fieri, quemadmodum planetarum ab ecliptica discessus, motu quodam librationis, seu in lineam rectam; cuius est, in medio velocissimum esse, circa extrema tardissimum. Fuit igitur polus æquinoctialis, seu eclipticæ circa Albategnij tempora, in medio ferè huius librationis motu, hoc autem seculo circa alterum terminum tardissimum, quo in loco maxima vnus poli ad alterum fit appropinquatio. Sed suprà posuimus, per motum æquinoctialis saluari motus stellarum fixarum, & diuersitatem annuæ quantitatis ab æquinoctijs, & huius poli sunt vertices terræ, à quibus poli eleuationes sumuntur. Vides igitur, vt te, doctissime D. Schonere, obiter moneam, quales hypo-

Ptol. lib. 1. cap. 11. Almag.

Coper. lib. 3. cap. 6.

hypothefes, feu theorias motuum obferuationes exigant, verum adhuc clariora testimonia audies. Porro affumit D. Præceptor minimam obliquitatem 23. grad. 28. min. futuram, cuius ad maximam fit differentia 24. minorum. Ex his conftituit geometricè tabulam minorum proportionalium, vt maxima eclipticæ obliquitatis inde ad omnes ætates elici poffit. Sic fuere minuta proportionalia, tempore Ptolemæi 58, Albategnij 24. Arzahelis 15, noftro ætate i. his ad 24. minu. differentia facta parte proportionali, patet mutationis obliquitatis certam regulam effe deprehenfam.

De mutatione eccentricitatis Solis.

In Solis motu, cum circa anni fluxam inftabilemque quantitatem omnis difficultas verferetur, prius de apogij & eccentricitatis mutatione dicendum, vt omnes caufas inæqualitatis anni adftnuamus; quas tamen regulares & certas oftendit D. Præceptor, affumptis theorijs ad hoc accommodatis. Cum Ptolemæus ftatueret apogium Solis fixum, maluit vulgatam recipere opinionem, quam fuis credere obferuationibus, quæ parum fortassis à vulgata differrebant, fed vt certa tamen coniectura ex ipfius narratione elicitur, conftat eccentricitatem circa Hipparchum, nempe per 200. ante ipfum annos, talium partium 417. fuiſſe, qualium quæ ex centro eccentrici eſt 10000. Ptolemæi autem ætate earundem 414. Arzahelis (cui potiore fidem etiam Regiomontanus noſter tribuit) ex maxima æquatione 346. ferè fuiſſe conſtat, fed noſtro tempore 323. ſiquidem maximam æquationem non maiorem i. grad. 50. min. cum dimidio, ſe deprehendere D. Præceptor affirmat.

De motu Apogij Solis.

Deinde cum diligentiffimè perpenderet motus abſidum Solis, & reliquorum planetarum, primum inuenit, vt etiam ex prædictis vides, peculiaribus motibus abſidas ſub ſphæra ſtellarum fixarum procedere, neque plus conuenire, vt vno motu apparentes motus ſtellarum fixarum & abſidum, nec non mutationis obliquitatis ab vna cauſa dependere affirmemus, quam ſi quis veſtrorum Artificum, qui τὸς ἀνθρώπων motus referunt, vna eademque machinatione ſingulorum planetarum motus, & apparentias effingere conetur: aut quis pedem, manum, & linguam ab eodem muſculo, & vi motrice eadem ſuas omnes actiones perficere, defendendum præſumeret. Attribuit itaque D. Præceptor apogio Solis duos motus, medium ſcilicet, & differentem, quibus ſub octaua ſphæra mouetur,

tur. His accedit, quòd cum æquinoctium verum æquali, & diuerso motu in antecedentia signorum moueatur, Solis, & reliquorum planetarum apogia, quemadmodum stellæ fixæ, postponantur. Quare vt omnium ætatum obseruationes consentienti sibi inuicem lege responderent, tres istos motus à se inuicem discernere coactus est.

*Vide infra in
appendice
Schema
Theoria Solis.*

Hæc vt intelligas, assumes maximam eccentricitatem 417. minimam 321. futuram, & differentia sit 96. partium, diameter scilicet parui circuli, in cuius circumferentia ab ortu ad occasum centrum eccentrici moueatur, à centro igitur mundi ad centrum huius parui circuli 369. partes erunt. Omnes autem hæ partes, vt mox dictum est, talium sunt, qualium quæ ex centro eccentrici 10000. partium. Habes machinationem, quam ex tribus suprâ recitatis eccentricitatibus inuestigauit, simili prorsus ratione, quemadmodum ex tribus Lunæ eclipsibus, æquales ipsius motus, Diuino certè inuento, corriguntur.

*Motus centri
eccentrici in
circulo par-
uo.*

Porro statuit centrum eccentrici reuolutionem conficere, æquali velocitate, quo & omnis mutationis obliquitatis diuersitas redit. Atque hæc res digna profectò est summa admiratione, quòd tanto, & tam mirabili consensu perficiatur.

Ante natiuitatem Domini 60. ferè annis erat maxima eccentricitas, atq; eodem etiam tempore maxima Solis declinatio, & qua ratione vna, simili & prorsus non alia, reliqua quoq; decreuit, vt sæpius maximam mihi in varia rerum mearum fortuna, hic & item alibi id generis Naturæ lusus mitigationem adferant, ægrumq; animum suauissimè leniant.

*Ad motum
centri eccen-
trici Monar-
chias Mundi
mutari.*

Addam & Vaticinium aliquod. Omnes Monarchias incepisse videmus, cum centrum eccentrici in aliquo insigni huius parui circuli loco fuit. Sic cum Solis esset maxima eccentricitas, Rom. Imperium ad Monarchiam declinauit, & quemadmodum illa decreuit, ita & hoc tanquam consenescens defecit, atque ad eò euauit. Cum perueniret ad quadrantem, terminumq; mediocre, lata est Lex Mahometica, incepit itaque aliud magnum Imperium, & velocissimè ad motus rationem creuit. Iam 100. annis, cum minima futura est eccentricitas, hoc quoque Imperium suam conficiet periodum, vt iam circa ista tempora in summo sit fastigo, à quo

æquè velociter, Deo volente, lapsu grauiore ruet. Centro autem eccentrici ad alterum terminum mediocrem perueniente, speramus ad futurum Dominum nostrum Iesum Christum. Nam hoc loco circa creationem mundi fuit. Neque multum discrepat hæc computatio à dicto Eliæ, qui, Diuino instinctu, mundum 6000. tantum annos duraturum vaticinatus est, quo tempore duæ ferè revolutiones peraguntur. Ita apparet hunc paruum circulum verissimè Rotam illam Fortunæ esse, cuius circumactu, Mundi Monarchiæ initia sumant, atque mutantur. In hunc enim modum summæ totius historiæ Mundi mutationes, tanquam hoc circulo inscriptæ conspiciuntur. Porro qualia illa Imperia esse debuerint, æquis ne legibus, an Tyrannicis constituta, quomodo ex magnis coniunctionibus, & alijs eruditis coniecturis deprehendatur, à te breui, Deo volente, coràm audiam.

Porro dum centrum eccentrici descendit versus centrum vniuersi, consentaneum est, centrum parui circuli secundum signorum consequentiam, singulis annis Aegyptijs per 25. ferè secunda procedere. Et quia centrum eccentrici à summa distantia in antecedentia mouetur, æquatio respondens motui anomalix temporis propositi, à medio motu subtrahitur, donec semicirculus completatur: in reliquo verò additur, vt verus apogij motus habeatur. Maxima autem æquatio inter apogium verum & medium geometricè, vt conuenit, ex prædictis deducta, est 7. grad. 24. min. reliquæ, vt fieri solet, pro ratione centri eccentrici in hoc paruo circulo sunt constitutæ. Motum diuersum certum habemus, qui sunt tria loca data: de medio motu est aliqua dubitatio, quia non habemus ad illa tria loca veram apogij Solis sub ecliptica positionem, idq; propter errorem, qui inter Albategnium & Arzahalem incidit, vt refert Regiomontanus noster Lib. 3. Prop. 13. Epitomes.

Albategnius nimis liberè abutitur mysterijs astronomiæ, vt multis in locis videre est; si hoc in constitutione apogij Solis quoq; fecit, vt demus sanè eum certum tempus æquinoctij habuisse, quia tamen impossibile est, vt etiam Ptolemæus testatur, solstitionum tempora præcisè instrumentis constituere, siquidem vnum minutum declinationis, quod certè facile sensum effugit, nos quatuor ferè gradibus hoc loco defraudare potest, quibus quatuor respondent dies

Rota Fortunæ.



Æquatio motus apogij Solis.

Inter observationes apogij Solis ab Albategnio & Arzahale factas, error commissus creditur.

dies, quomodo potuit locum apogij Solis constituere? Si processit per loca eclipticæ intermedia, vt prop. 14. eiusdem tertij Regiontanus tradit, parum certiori argumento vsus est. Quod ergo errauerit, sibi imputet, qui eclipses elegit non circa apogium, sed circa longitudines medias eccentrici Solis contingentes, vbi apogium Solis per sex gradus, à vero ipsius loco collocatum, nullum notabilem in eclipsibus errorem inducere potuit

Arzahel, referente Regiontano, 402. obseruationes se habuisse gloriatur, & ex hoc apogij locum constituisse. Concedimus, istâ diligentia veram quidem eccentricitatem reperisset, sed cum non pateat, eum eclipses Lunæ circa absidas Solis adhibuisse in consilium, nihil magis ei assentiendum apparet in summâ absidis constitutione, quàm Albategnio. Hic vides, quanto cum labore D. Præ-

Anno 1515.

Apogium Solis in 5. gr. 40. cancri inuentum est.

ceptoris enitendum fuerit, vt medium apogij motum constitueret. Ipse per 40. ferè annos in Italia, & hic Varmia eclipses, & motum Solis obseruauit, atque elegit hanc obseruationem, qua constituit anno Domini 1515. apogium Solis 6. gr. cum duabus tertijs Cancrigrad. obtinuisse. Deinde omnes eclipses in Ptolemæo examinans, & ad suas, quas ipse diligentissimè obseruauit, conferens, medium

Motus medium apogij Solis.

apogij annum motum, à stellis quidem fixis 25. ferè secundorum, ab æquinocio autem medio 1. m. 15. secun. ferè esse constituit. Atq; hac ratione per vtrumq; motum medium & diuersum, vera æqui-

Eiusdem verus motus.

noctiorum præcessione adhibita, colligitur, quod verus apogij locus æquinocio vero, Hipparchi quidem tempore in 63. grad. fuerit, Ptolemæi in 64. gr: cum dimidio, Albategnij in 76. gradu cum dimidio, Arzahelis 82, nostra autem ætate cum experientia omnia

Alphonsinus calculus nimium in ponendo Apogeo Solis errat.

consentire. Hæc profectò melius conueniunt, quàm Alfonsina, quibus apogium Solis in 13. cū dimidio II, Ptolemæi tempore fuisse constituitur; nostro, in principio Cancræ, ad Arzahelis sententiam nos duobus gradib. propius accedimus. Albategnij loci apogij iuxta illos computatio 1. grad. superat, nos ab eo non immeritò 6. gradib. defecimus. Nam D. Doctor Præceptor meus minimè à Ptolemæo, & suis obseruationibus discedere potest, tum quia suas oculis suis vidit & deprehendit, tum etiam, quia cernit summa diligentia & per eclipses Solis, Lunæq; motus, Ptolemæum ad amussim examinasse, certosq; quoad eius fieri potuit, constituisse.

Quod

Quòd autem ab eo vno gradu ferè differre cogimur, id nos motus apogij, quod ipse fixum putauit, edocuit, quare & minorem hoc in loco examinandi curam adhibuit.

Habes, quæ sit D. Præceptoris mei de motu Solis sententia. Composuit itaque tabulas, quibus omni tempore proposito, verum locum apogij Solis, veram eccentricitatem, verasq; æquationes, æquales Solis motus ad stellas fixas, & æquinoctia media, unde verum Solis locum correspondentem cum omnium ætatum observationibus colligat. Hinc manifestum est, Tabulas Hipparchi, Ptolemæi, Theonis, Albategnij, Arzahelis, & ex his aliqua ex parte conflatas Alfonso sinas temporaneas solummodo esse, & ad summum 200. annos durare posse, donec videlicet notabilis diuersitas quantitatis anni, eccentricitatis, æquationis, &c. contingat; id quod simili certa ratione in motibus, & apparentijs reliquorum Planetarum accidit. Non immeritò igitur D. Doctoris Præceptoris mei Astronomia, perpetua vocari poterat, vt omnium ætatum observationes testantur, & procul dubio posteritatis obseruationes confirmabunt. Cæterum motus suos, & loca absidum à prima stella Arietis computat, cum à stellis fixis motuum sit æqualitas, deinde præcessionem vera addita, quantum singulis ætatibus, vera planetarum loca ab æquinoctio vero distiterint, colligit, & constituit.

Tabula motus Solis.

Cæterorum Tabula sunt temporaneæ: Copernici tabula sunt perpetua.

Quòd si talis paulò ante nostram ætatem rerum cœlestium doctrina extitisset, nullam Picus in octauo, & nono Libro occasionem, non solum astrologiam, sed & astronomiam impugnandi habuisset. Ipsi enim indies videmus, quemadmodum notabiliter à veritate communis calculus discreper.

Picus Mirandula.

Pleriq; in emendatione Calendarij diuersas etiam quantitates anni ab Authoribus constitutas, sed confusè enumerant: neque quicquam determinant, quod certè mirum in tantis Mahematicis,

Quantitatis anni ab æquinoctijs speciosis consideratio.

Mirum, idè à multis adhuc hodie fieri.

Vides autem, doctissime D. Schonere, quatuor ex prædictis causas inæqualis motus Solis ab æquinoctijs: inæqualitatem præcessionis æquinoctiorum: inæqualitatem motus Solis in ecliptica: decrementum eccentricitatis: deniq; apogij duplici de causa progressum, quare & iisdem de causis annum ab æquinoctijs minimè

Quatuor causa inæqualis motus Solis, & Anni vertentis.

æqualem esse posse. Ptolemæo quidem facile ignosci potest, quòd æqualitatem ab æquinoctijs sumendam posuit, cum stellas fixas in consequentia æqualiter moueri, locumq; apogij fixum statueret, neq; eccentricitatem Solis decrescere, deprehendere posset: quomodo autem alij se excusare velint, ego non video. Etsi namq; concederemus eis, stellas, & apogium Solis eodem motu in signorum consequentiam ferri, nihilq; propterea de tempore ab æquinoctio vero, in rei veritate mutari, sed potiùs propter instrumentorum defectum, omnem (quod tamen dicere, nostra ætate foret absurdissimum) diuersitatem contingere, siquidem apogij Solis progressus parum admodum quantitatem anni mutat: tamen non ideo sequetur, Solem regulariter ad æquinoctium verum semper æquali tempore redire, quemadmodum Lunam dicimus regulariter ab apogio medio Epicycli elongari, ad idemq; æquali tempore reuerti, vt doctissimus Marcus Beueuentanus ex Alphonsinorum sententia refert. Nam cum certè eccentricitatem Solis non possimus negare nō mutari, ipsi viderint, quomodo affirmant, propter mutationem anguli diuersitatis à motu medio, anni quantitatem ab æquinoctio obseruatam non mutari. Ego profectò reipublicæ, & studiosis omnibus, quibus D. Doctoris Præceptoris mei labor profuturus est, plurimùm gratulor, quòd nos certam diuersitatis anni rationem habeamus.

Sed vt hæc omnia faciliùs animo perspicias, doctissime D. Schonere, en tibi ob oculos idem in numeris propono, vt his denique, quæ suprà promisi, respondeam. Sit Sol in puncto vernalis æquinoctij medij, quo tempore obseruationis æquinoctij autumnalis ab Hipparcho factæ, anno ante natiuitatem Domini 147. tribus grad. 29. min. primam stellam Arietis precedebat: Sol procedat ab eodem puncto octauæ sphaeræ, vt in anno sidereo (scilicet 365. dieb. 15. minutis, 24. secundis ferè) ad idem punctum reuertatur. Quia autem æquinoctium medium in anno sidereo Soli procedit obuiam per 50. ferè secunda, fit vt Sol priùs ad punctum vernale medium perueniat, quàm ad locum vnde digressus fuit, vbi videlicet Sol, & æquinoctium medium in eodem eclipticæ puncto coniuncti erant. Minor igitur annus ab æquinoctio medio, quàm sidereus, qui ex nostris hypothefibus 365. dierum, 14. min. 34. secun. ferè

*Conciliatio
diuersitatis
annus inter
Hipparchum
& Ptolema-
um.*

*Anni siderei
magnitudo.*

*Anni tropici
æqualis ma-
gnitudo.*

ferè esse colligitur. Sed si inquiramus quot dies, & partes diei respectu æquinoctij medij, in 285. annis, qui sunt inter Hipparchum & Ptolemæum excrecant, inueniemus 69. dies, 9. min. ferè. deficerent itaque 2. dies, 6. minuta, si singulis annis quartam diei partem excrecere assumamus. Perpendamus igitur & reliquas causas, donec vnum tantum diem, minus vicesima diei parte, desiderari reperiamus. Tempore obseruationis Hipparchi, æquinoctium verum præcedebat æquinoctium medium secundum signorum antecedentiam, 21. minutis eclipticæ stellatæ ferè, in quo puncto tunc Solerat, sed tempore Ptolemæi sequebatur æquinoctium verum ipsum medium 47. ferè minutis. Igitur cum Sol tempore Ptolemæi peruenisset ad 21. minutum ante punctum æquinoctij medij, vbi Hipparchi tempore æquinoctium verum reliquerat, nondum erat æquinoctium verum, neq; cum peruenit ad æquinoctium medium, sed postquam illud per quadraginta quatuor minuta transcendit, in centrum terræ, vt Plinius loquitur, incidit, in locum videlicet æquinoctij veri. Fuerunt igitur Soli 1. gradus 8. minu. ascendenda, quem arcum motu vero 1. die, 8. minu. confecit. Hoc seruo ad latus, & perpendo quantum angulus diuersitatis hoc in loco decreuit, & inuenio illi vnum ferè minutum diei correspondere. Patet itaque diebus ab æquinoctio medio computatis, tempus 1. diei, 9. minuta accedere, quare & rectè Ptolemæum prodidisse inter suam & Hipparchi obseruationem à verò æquinoctio ad verum 285. annos, 70. dies, 18. minu. esse: proinde & 57. diei minuta deficere, quod etiam ex subtractione 1. diei, 9. minut. de 2. diebus, 6. minutis, suprâ respectu æquinoctij medij desideratis, innotescit.

Verum dicamus de defectu 7. dierum inter Ptolemæum & Albategnium, quod ideo est illustre, quia maius est temporis intervallum, nempe 743. annorum, quare & omnes causæ magis erunt conspicuæ. Tempore Ptolemæi æquinoctium medium, præcedebat ipsam primam stellam Arietis 7. grad. 28. ferè minu. in signorum antecedentiam. Aequinoctio autem medio, subinde Soli obuiam eunte, vt dictum, factum est, vt in annis intermedijs inter Ptolemæum & Albategnium 180. dies, 14. minuta ferè per additamentum respectu æquinoctij medij excrecerent. Deficient igitur

Statuit tibi breuiter docēsis D. Schoner integram tractationem motus Lunæ, & reliquorum planetarum, quemadmodum stellarum fixarum, & Solis conscribere, vt quæ vtilitates ex D. Præceptoris Libris ad studiosos mathematicæ, totamq; posteritatem, veluti ex vberissimo fonte promanaturæ sint, intelligas. Verum cum viderem mihi Opus in præsentiarum nimis excrefcere, peculiarem hac de re Narrationem instituendam duxi. Quod igitur his tanquam præcurrere, viamq; præparare necessarium putauero, hoc loco expediam, & hypothesib. motus Lunæ, & reliquorum planetarum generalia quædam inspergam, quo & de toto hoc Opere maiorem spem concipias, & quæ eum coegerit necessitas ad alias assumendas hypotheses, seu theorias, perspicias. Cum in principio nostræ Narrationis præmiserim D. Præceptorem suum Opus ad Ptolemæi imitationem instituere, mihi ampliùs nihil quasi relictum esse video, quod de ipsius emendandi motus ratione apud te prædicem. Siquidem Ptolemæi indefatigabilem calculandi diligentiam, quasi supra vires humanas obseruationum certitudinem, & verè diuinam rationem omnes motus, & apparentias perscrutandi, exequendiq; ac postremò tam vbique ipsius inter se consentientem docendi & demonstrandi methodum nullus, cui quidem Vrania est propitia, satis admirari, & prædicare potest. In hoc autem eo D. Præceptor meo maior, quàm Ptolemæo labor incumbit, quòd seriem, & ordinem omnium motuum & apparentiarum, quem obseruationes 2000. annorum, tanquam præstantissimi duces in latissimo astronomiæ campo explicant, in certam sibiq; mutuo consentientem rationem, seu harmoniam colligere cogitur: cum Ptolemæus vix ad quartam tanti temporis partem Veterum obseruationes, quibus setutò committeret, haberet. Et cum ἀπὸ τοῦ θεοῦ vero Deo, & Præceptore legum politiciæ cœlestis errores astronomiæ nobis aperiantur, siquidem insensibilis, vel etiam neglectus error, in principio constitutionis hypothesium, præceptorum, & Tabularum astronomiæ, procedente tempore sese aperit, aut etiam in immensum propagatur, D. Doctori Præceptor meo, non tam instauranda est Astronomia, quàm de integro exædificanda. Ptolemæus potuit pleraq; Veterum, vt Timocharis, Hipparchi, & aliorum hypotheses, ad seriem omnis diuersi-

De reliquorum Planetarum theorijs.

Ptolemæo multus labor, Copernico multo maior, incubuit.

tatis motuum, quæ sibi ex tantillo obseruationum tempore elapso nota erat, satis concinnè accommodare, ideo rectè & prudenter, quod & plausibilius erat, eas elegit hypothesen, quæ & rationi, nostrisq; sensibus magis consonæ esse videbantur, & quibus summi ante eum Artifices vsi fuerant. Cum autem omnium Artificum obseruationes, & cælum ipsum, ac mathematica ratio nos conuincant, quòd Ptolemæi, & communes hypothesen, nequaquam ad perpetuam, sibiq; inuicem consentientem colligantiam, & harmoniam rerum cælestium demonstrandam, & in tabulas ac præcepta colligendam sufficiant, necesse fuit, vt D. Præceptor meus nouas hypothesen excogitaret, quibus videlicet positis, tales motuum rationes geometricè & arithmeticè bona consequentia deduceret, quales Veteres, & Ptolemæus olim τῶν θεῶν ψυχῆς ὁμῶται in altum eleuatiprehenderunt: qualesq; hodie Veterum vestigia colligentibus in cælo esse, diligentes obseruationes edocent. Sic nempe in posterum videbunt studiosi, quem Ptolemæus, & reliqui veteres Authores vsum habeant, quo eos hætenus tanquam ex scholis exclusos, reuocent, & in pristinum honorem, veluti postliminio reuersos restituant. Poeta inquit, Ignoti nulla cupido: Ideo non mirum, quare Ptolemæus hætenus cum tota Vetustate in tenebris neglectus iacuerit, quemadmodum procul dubio & tu, optime D. Schonnere, cum alijs item bonis, doctisq; Viris sæpiùs doluisti.

Ratio Eclipsium vel vnica, Astronomiæ honorem apud imperitum vulgus tueri videtur. Hæc autem quàm hodie à communi calculo & in tempore, & prædicenda quantitate discrepet, indies videmus. Cum verò accuratissimas Ptolemæi, & aliorum optimorum Authorum obseruationes minimè in constituendis tabulis astronomicis, quod quosdam facere videmus, tanquam falsas, & reprobas reijcere debeamus, nisi manifestum aliquem, arguente ætate, errorem irrepsisse deprehendamus: Quid enim magis est humanum, quàm falli nonnunquam & decipi, vel etiam specie recti, præsertim in difficilimis istis reb. abstrusissimis, & nequaquam obuijs? In Lunæ motu demonstrando assumit D. Præceptor meus huiusmodi theorias, & motuum rationes, quib. veteres excellentissimos Philosophos minimè in obseruationibus suis cæcos fuisse appareat. Quapropter sicut suprâ anni ab æquinoctijs sumpti

Alia hypothesen Copernico assumenda fuerunt, quia vñtas perpetuitati motuum non satisfacere vidit.

*Liber quartus.
De Lunæ motu.*

sumpti augmentum, & decrementum regulare esse ostendimus, ita ex diligenti quoque Solis, & Lunæ motuum examinatione deduci poterit, quæ singulis ætatibus veræ Solis, Lunæ, & terræ à se inuicem distantia, quæ ratione diametri Solis, Lunæ, & vmbre diuersis temporibus aliter atque aliter repertæ fuerint, vt certa insuper etiam diuersitatis aspectuum Solis & Lunæ ratio haberetur. Regiomontanus noster Lib. 5. Prop. 22. Epitomes, inquit. *Sed mirum est, quòd in quadratura, Luna in perigio epicycli existente non tanta appareat, cum tamen si integraluceret, quadruplam oporteret apparere ad magnitudinem, quæ apparet in oppositione, cum fuerit in apogio epicycli.* Senserunt & idem Timochares, & Menelaus, qui semper in obseruationibus stellarum eadem Lunæ diametro vtuntur. Sed & D. Præceptorem meum experientia docuit, diuersitates aspectus, & quantitates corporis Lunæ, in omni ipsius à Sole distantia parum, vel nihil differre ab ijs, quæ in coniunctione, & oppositione contingunt, vt manifestum sit Lunæ minimè talem, vt receptum, eccètricum tribui posse. Ponit itaq; quòd Lunæ orbis, terram cum adiacentibus elementis complectatur, cuius deferentis centrum sit centrum terræ, super quo æqualiter centrum epicycli Lunæ deferens feratur. Illam autem secundam diuersitatem, quam à Sole Luna habere videtur, ita saluat: Assumit Lunæ corpus epicyclo epicycli homocentrici moueri, hoc est primo, qui ferè inter coniunctiones vel oppositiones & quadraturas medio tempore apparet, epicyclo, alium paruum, Lunæ corpus deferentem epicyclum, affingit, proportionem autem diametri primi epicycli, ad diametrum secundi, sicut 1097. ad 237. esse demonstrat. Cæterum talis est motuum ratio. Circulus decliuis, suam, vt antehac, motus rationem obtinet, nisi quòd eiusdem æqualitatem à stellis fixis habet. Deferens, qui & concentricus, mouetur regulariter, & æqualiter super suo centro (scilicet terræ) similiter æqualiter & regulariter à linea medij motus Solis discedens. Epicyclus primus etiam super suo centro vniformiter; parui, & secundi epicycli centrum, in superiori parte in antecedentia, in inferiori in consequentia deferendo circumuoluitur. Ponit autem istum motum ab apogio vero, quod in superiori parte epicycli primi linea ex centro terræ per centrum eiusdem in circumferentiam eiecta ostendit, æqualem & regularem esse. Luna autem in
circum—

*Vide infra in
appendice
Schema
Theoria Lu-
na.*

Lib. 4. cap. 8.

circumferentia parui & secundi epicycli etiam regulariter, & æqualiter mouetur ab apogio vero parui epicycli discedens, quod videlicet à linea exeunte à centro primi epicycli, per centrum secundi in ipsius circumferentia ostenditur. Atque huius motus hæc est regula, vt ipsa Luna bis in suo hoc minore epicyclo, in vna deferentis periodo reuoluatur, quo tamen in omni coniunctione, & oppositione Luna in perigio parui epicycli, in quadraturis autem in apogio eiusdem reperiatur. Hæc est machinatio, seu hypothesis, qua D. Præceptor omnia prædicta inconuenientia excludit, & quam omnibus apparentijs satisfacere ad oculos ostendit, quemadmodum etiam extabulis ipsius est colligere.

Liber quintus.

Porro, doctissime D. Schonere, quemadmodum nos hîc in Luna ab æquanteliberatos esse vides, & tali in supet theoria assumpta, quæ experientiæ & omnibus obseruationibus correspondet: ita etiam in reliquis planetis æquantes tollit, tribuens cuilibet trium superiorum vnum solummodo epicyclum, & eccentricum, quorum vterq; super suo centro æqualiter moueatur, & pares planeta in epicyclo cum eccentrico reuolutiones faciat. Veneri autem, & Mercurio eccentricum eccentrici. Docet tamé, quòd illorum motus similiter per eccentricum eccentrici, & horum reuolutiones per eccentricum epicyclos, tradi possint. Quòd enim planetæ directi, stationarij, retrogradi, propinqui & remoti à terra, &c. singulis annis conspiciuntur, per alium in super, quàm ex superioribus adstruitur, regularem telluris globi motum fieri posse demonstrat, qui est: Vt Sol vniuersi medium occupet, terra autem loco Solis in eccentrico, quem, Orbem Magnum, appellare placuit, circumferatur. Atque profectò diuini quiddam est, quòd ex vnius terreni globi regularib. & æqualibus motibus certa rerum cœlestium ratio dependere debeat. Primum autem, vt terræ mobilitate apparentias in cœlo pleraq; fieri posse, aut certè commodissimè saluari assumeret, eum æquinoctiorum indubitata (sicut audiisti) præcessio, & eclip ticæ obliquitatis mutatio induxit.

Principales rationes, quare à Veterum Astronomorum hypothesebus recedendum sit.

Deinde, quòd illa eadem eccentricitatis Solis diminutio, pari ratione & proportionabiliter in eccentricitatibus reliquorum planetarum animaduertitur.

Postea, quòd planetas suorum deferentium centra circa Solem,

Item, tanquam medium vniuersi habere appareat. Sensisse autem & idem Vetustissimos (Pythagoricos interim vt taceam) vel hinc satis liquet, quod Plinius ait, Venerem & Mercurium ideo non longius à Sole, quàm ad certos, & præfinitos terminos discedere, optimos haud dubiè Authores secutus, quia circa Solem conuersas abfidas habeant, vnde & medium quoque Solis motum eis accidere oportuit.

Cum verò Martis cursum inobseruabilem ait, atque præter reliquas in motus Martis emendatione difficultates, dubium non sit, quin maiorem nonnuquam quàm ipse Sol diuersitatem aspectus admittat, impossibile esse videtur, terram mundi medium obtinere. Porro etsi ex Saturni, & Iouis in matutino, vespertinoque ortu ad nos habitudine, id ipsum hoc facile etiam colligatur, in Martis tamen diuersitate ortuum, præcipuè & maximè animaduertitur. Quia enim Martis sidus obtusum admodum lumen habet, non adeo sicut Venus, aut Iupiter visum decipit: sed pro ratione à terra distantiae, magnitudinis mutationem refert. Proinde cum Mars in vespertino ortu Iouis sidus magnitudine æquare videatur, vt non nisi igneo fulgore discernatur: in apparitione autem, & occultatione vix à secundæ magnitudinis stellis discerni possit, sequitur ipsum proximè ad terram vespertino in ortu accedere, contra in matutino quàm maximè procul abesse, quod certè ratione epicycli nullo modo contingere potest. Terræ igitur ad Martis, & aliorum planetarum motus restituendos, alium locum deputandum esse patet.

Quartò, hac vnica ratione commodè fieri posse D. Præceptor videbat, vt quod maximè proprium circularis motus est, omnes resolutiones circulorum in mudo æqualiter, & regulariter super suis centris, & non alienis mouerentur.

Quintò, cum non minus Mathematicis, quàm Medicis statuendum, quod passim Galenus inculcat, Μηδὲν εἰ κῆ τῶ φύσιν ἐργάζεσθαι: Et, οὗτος εἶναι τὸν δημιουργὸν ἡμῶν σοφὸν, ὃς μὴ μίαν ἔκαστον τῶν ὑπὸ αὐτῷ γεγονότων ἐχεν τῶ χρείαν, ἀλλὰ καὶ δύο, καὶ τρεῖς, καὶ πλείους πολλὰς: quare cum hoc vnico terræ motu, infinitis quasi apparètijs satisfacere videremus, Deo naturæ conditori eam industriam non tribueremus, quam communes horologiorum Artifices habere cernimus?

Tes. de fin. lib. 2. cap. 17.

Plinius lib. 2.

cap. 17.

*Hæc verba
sunt in libro
10. de vitiis
partium.*

qui studiofissimè cauent, ne vllam instrumento rotulam inferant, quæ aut superuacanea sit, aut cuius alia paululum mutato situ, commodius vicem suppleat. Et quid D. Præceptorem moueret, vt tanquam Mathematicus aptam motus terreni globi rationem non assumeret? cum videret tali assumpta hypothesi ad certam rerum cœlestium doctrinam constituendam, nobis vnicam octauam sphaeram, eamq; immotam: Solem in medio vniuersi immoto: in motib. verò reliquorum planetarum eccentrepicyclos aut eccentrecentricos, vel epicycli epicyclos sufficere.

His accedit, quòd motus terræ in suo orbe, omnium planetarum, excepta Luna, argumenta conficiat, quiq; vnus solus, causa omnis diuersitatis motus esse videatur, quæ videlicet in tribus quidem superioribus à Sole, in Venere autem, & Mercurio circa Solem apparet, deniq; & hunc motum efficere, vt vnica saltem in latitudinem deferentis planetæ deuiatione quilibet planetarum sit contentus, sicq; principaliter planetarum motus tales etiam hypotheses exigere.

Sextò, & postremò, hoc maximè D. Doctorem Præceptorem meum mouit, quòd præcipuam omnis incertitudinis in Astronomia causam esse videbat, quòd huius doctrinæ Artifices (quod venia diuini Prolemæi Astronomiæ parentis dictum volo) suas Theorias, & rationes motus corporum cœlestium emendandi, parum seuerè ad illam regulam reuocauerunt, quæ ordinem, & motus orbium cœlestium absolutissimo systemate constare admonet. Vt enim amplissimè suum honorem illis (quemadmodum par est) tribuamus, tamen optandum næ erat, vt in harmonia motuum constituenda Musicos fuissent imitati, qui chorda vna, vel extensa, vel remissa, cæterarum omnium sonos tam diu summa cura, & diligentia adhibita formant, & attemperant, donec omnes simul exoptatum referant concentum, neq; in vlla dissoni quicquam annotetur. Hoc, vt de Albategnio interim dicam, si in suo Opere secutus esset, haud dubiè & hodie omnium motuum rationem certiore habereamus. Est enim verisimile Alfonso plurimum ex eo desumpsisse, atq; hac vnicare neglecta, aliquando (si modo vera fateri animus est) totius Astronomiæ ruina metuenda fuisset. In cõmunibus Astronomiæ principijs erat quidem videre, ad medium Solis motum omnes apparentias cœlestes

cœlestes se dirigere, totamq; motuum cœlestium harmoniam proprius moderamine constitui, & conseruari. Vnde & à Veteribus Sol *χορηγός*, naturæ gubernator, & Rex dictus est. Sed quomodo hanc administrationem gereret: an quemadmodum Deus totum hoc vniuersum gubernat? vt pulcherrimè Aristoteles *περί τοῦ κόσμου* depingit; an verò ipse totum cœlum toties peragrando, nulloq; in loco quietus Dei in natura administratorem ageret, nondum videtur omnino explicatum, absolutumq; esse. Vtrum autem horum potius assumendum sit, Geometris, & Philosophis (qui mathematica quidem tincti sint) determinandum relinquo. Siquidem in huiusmodi æstimandis, dijudicandisq; controuersijs, non ex plausibilibus opinionibus, sed legibus mathematicis (in quorum foro causa hæc dicitur) ferenda est sententia. Prior gubernationis modus est reiectus, posterior receptus. D. Doctor autem Præceptor meus, damnatam rationem gubernationis in rerum natura Solis, reuocandam statuit, ita tamen, vt receptæ etiam & approbatæ suus locus relinquatur. Videt namque, neque in humanis rebus esse opus, vt Imperator singulas vrbes ipse percurrat, quo suo denique munere, à Deo sibi imposito, defungatur: neque cor in caput, aut pedes, aliasq; corporis partes propter animantis conseruationem transmigra- re, sed per alia *ὁργανα* à Deo in hoc destinata, officio suo præesse.

Deinde, cum statueret medium motum Solis, talem motum esse oportere, qui non tantum imaginatione constaret, vt in reliquis quidem planetis, sed haberet causam per se, cum ipsum verissimè *χορηγεῖν τὴν οὐρανὸν καὶ χοροσάττω* esse appareret, factum est, vt suam sententiam firmam, nec à vero abhorrentem comprobaret. Nam per suas hypothesas causam efficientem æqualis motus Solis geometricè deduci posse sentiebat, & demonstrari, quare iste medius Solis motus, in omnibus reliquorum planetarum motibus, & apparentijs, certa ratione, vt in singulis apparet, necessariò deprehenditur: atq; exinde posito telluris motu in eccentrico, in promptu esse certam rerum cœlestium doctrinam, in qua nihil mutandum, quin simul totum systema, vt consentaneum erat, de nouo in debitas rationes restitueretur. Huiusmodi Solis in rerum natura gubernatione cum ex cõmunibus nostris theorijs ne suspicari quidè poteramus, pleraque Veterum Solis *ἰσχυρίσματα*, tanquam Poetica negligebamus.

Vides itaque, quales ad saluandos motus hypothesēs, D. Preceptorē his ita constitutis assumere oportuerit.

*Transitio ad
enumerationem
nouarū
hypothesium
totius Astro-
nomiæ.*

*Intelligit epi-
cyclos & ec-
centricos ne-
gantes.*

*Lib. 2. De
cælo,*

*Lib. 21. Me-
taphy.*

*Lib. 9. Eth.
Hæc satisfac-
iunt, quibus
alius inq̃, do-
mos superas
scandere cura
fuit.*

Interrumpo cogitationes tuas, clarissime Vir, video enim te dum causas renouandarum hypothesium Astronomiæ, à D. Doctore meo excellenti doctrina, summoq; studio indagatas audis, animo tecum cogitare, quanam tandem apta, renascentis Astronomiæ hypothesium futura sit ratio. * Illud autem hominum genus, quod omnes simul stellas pro suo arbitratu, haud secus ac iniectis vinculis, in æthere circumducere conatur, commiseratione potius, quàm odio esse dignum, te iuxta cum alijs veris Mathematicis, omnibusq; Viris bonis iudicare. Cumq; haud ignores, quem locum hypothesēs, seu theoriæ apud Astronomos habeant, & in quantum Mathematicus à Physico differat: sentio te hoc quoque statuere, quò observationes, ipsiusq; cœli testimonia trahunt, retrahuntq; sequendum, omnemq; difficultatem ferendo, Deo duce, Mathematica, & indefatigabili studio comitib. superandam esse. Proinde si quispiam ad summum, principalemq; finem Astronomiæ sibi respiciendum statuerit, vnâ nobiscum D. Doctore Præceptoris meo, gratias habebit, cogitabitq; & ad se Aristotelis illud pertinere, Τὰς μὲν ἔν ἀκριβέστερας ἀνάγκας, ὅταν τις ἐπιτύχῃ, τότε χάρις ἔχειν δὲ τοῖς εὐρίσκασι: Et cum nos Aristoteles Calippi, & suo exemplo confirmet ad causas τῶν φαινόμενων assignandas, Astronomiam, pro vt se diuersi corporum cœlestium motus obtulerint, instaurandam: neque Auerroem, non satis clementem Ptolemæi Aristarchum, si modò ad physiologiam æquis oculis respicere velit, acerbius D. Præceptoris hypothesēs excepturum sperauerim. Tantum abest, vt Ptolemæum adeo hypothesibus suis, si ei in vitam redire daretur, addictum & adiuratum putarim, vt ad certam rerum cœlestium doctrinam exædificandam, vbi regiam viam tot seculorum ruinis impeditam, & inuiam factam deprehenderet, non aliud insuper iter per terras mariaq; inquisiturus esset, cum per aëra, apertumq; cœlum ad optatam metam minus scandere liceret. Quid namq; de isto aliud, cuius hæc sunt verba, statuerem? οὐτὲ τὰ ἀναποδείκτως ὑποτιθέμενα, εἰ ἀν' ἅπαξ σύμφωνα τοῖς φαινόμενοις καταλαμβάνηται, χωρὶς ὁδοῦ τινοῦ, καὶ ἐπὶ ἀσέως εὐρίσθαι δύνηται, καὶ δυσέκδεκτον ἢ ὁ τρόπος αὐτῶν τῆς καταλήψεως, ἐπεὶ δὴ καὶ καθόλου τῶν πρώτων ἀρχῶν, ἢ οὐδ' ἐν, ἢ δυσερμηνεύον φύσιν

φύσις τὸ αἴτιον: Quàm verecundè autem, & prudentet Aristoteles de
 moruum cœlestium doctrina loquatur, passim in eius Libris videre
 est. Et ait alibi, πεπαιδευμένοι γὰρ ἐσὶν ἐπὶ τοσούτων ἄκρι βές ἐπιζητῆν καὶ Lib. 1. Ethic.
 ἕκαστον γένος, ἐφ' ὅσον ἡ τῶν πράγματων φύσις ἐπιδέχεται: Cum autem
 tūm in Physicis, tūm in Astronomicis ab effectibus, & obseruatio-
 nibus vt plurimum ad principia sit processus, ego quidem statuo
 Aristotelem, auditis nouarum hypothesium rationibus, vt dispu-
 tationes de graui, leui, circulari latione, motu & quiete terræ dili-
 gentissimè excuserit, ita dubio procul candidè confessurum, quid à
 se in his demonstratum sit, & quid tanquam principium sine de-
 monstratione assumptum, quare & D. Doctōri Præceptorī meo
 suffragaturum crediderim, vtpote cum constet rectissimè, vt fertur,
 à Platone dictum, τὸν Ἀριστοτέλεα τῆς ἀληθείας εἶναι φιλόσοφον: contrā,
 si in durissima quædam verba prorupturus esset, aliter verò mihi
 persuadere non possum, quin exclamans pulcherrimæ huius phi-
 losophiæ partis conditionem his verbis deploraturus esset, πάντῃ Lib. 7. Polit.
 ἐμμελὲς ἀπὸ Πλάτωνος λέλεκται, γεωμετρίαν τε καὶ τὰς ταύτης ἐπομένας ὀνει-
 ρώτερον μὲν περὶ τὸ ὄν, ὑπὲρ δ' ἀδύνατον αὐταῖς ἰδεῖν, ἕως ἀνίποδ' ἐσεσι χρώμε-
 ναι ταύτας ἀκινήτους ἑῶσι, μὴ δυνάμεναι λόγον διδόναι αὐτῶν: & adderet,
 πολλὴν τοῖς ἀθανάτοις θεοῖς χάριν ἔχειν δεῖ, ἐπὶ τῷ τὸν ὅιον λόγον τῶν φαινομέ-
 νων εἰδέναι:

Verū enim uero, cum hæc non tam huius loci sint, quàm al-
 terius cuiusdam disputationis, quæ porrò restant D. Doctōris Præ-
 ceptoris mei hypothesēs, liberè, & vt his, quæ suprà diximus ali-
 quid lucis accedat, narrare ordine pergā. * Aristoteles, inquit,
 Verissimum est id, quod posterioribus vt vera sint, causa est. Sic cum D. Præ-
 ceptor meus, sibi tales hypothesēs assumendas esse statueret, quæ su-
 periorum seculorum obseruationes, vt veræ esse confirmarentur,
 causas continerent: & quemadmodum sperandum, causæ essent,
 vt in posterum omnes astronomicæ τῶν φαινομένων prædictiones veræ
 deprehenderentur: Principiò non mediocribus laboribus supera-
 tis per hypothesim constituit, Orbem stellatum, quem octauum
 vulgò appellamus, ideo à Deo conditum, vt esset domicilium illud,
 quod suo complexu totam rerum naturam complecteretur: quare
 vt vniuersi locum, fixum immobilemq; condidisse. Et quoniam
 non percipitur motus, nisi per collationem ad aliquod fixum, sicut

Vniuersi di-
 stributio.

* μετὰ φ. α.
 τὸ ἐλάττω:

Ordo sphae-
 rum Mundi.

Orbis stella-
 tus supremus,
 fixus & im-
 mobilis.

*Quare orbem
octauum tot
stellis insigni-
tum Creator
voluerit.*

naugantes in mari, quibus nec amplius vllæ apparent terræ, cœlum vndiq; , & vndiq; pôtus, tranquillo à ventis mari nullum nauiis motum sentiunt, tametsi tanta ferantur celeritate, vt in hora etiam, aliquot milliaria magna emetiantur: ideo Deum tot eum orbem, nostra quippe causa, insigniuisse globulis stellantibus, vt penes eos, loco nimirum fixos, aliorum orbium, & planetarum contentorum animaduertemus positus ac motus.

*Sol in medio
Mundi, im-
mobilis.*

Deinde, quod his quidem consentaneum est, Deum, in huius theatri medium Solem, suum in natura administratorem, totiusq; vniuersi Regem, Diuina maiestate conspicuum collocasse,

*Pontanus
r. Vrania.*

*Ad cuius numeros & Dij moueantur, & orbis
Accipiat leges, præscriptaq; fœdera seruet.*

*Infra Orbem
stellarum,
Saturnus, Iu-
piter, Mars.*

Reliquos autem orbes in hunc modum distributos esse, primum locum infra firmamentum, seu orbem stellatum, Saturni orbem sortitum, intra quem Iouis, deinde Martis contineatur: Solem verò Mercurij, deinde Veneris orbem circumdari, quo orbium quinque planetarum centra, circa Solem reperirentur. Sed intra concuam superficiem orbis Martis, & conuexam Veneris, cum satis amplum relictum sit spacium, globum telluris cum adiacentibus elementis, orbe Lunari circumdatum, à Magno quodam Orbe, intra se Mercurij, & Veneris orbes, item Solem complectente, circumferri, vt non aliter, ac vna ex stellis inter planetas, suos motus habeat.


*Circa Solem,
Mercurius,
Venus.*

*Intra Martē
& Venerem,
Orbis Ma-
gnus cōtinens
Terram cum
elementis, &
orbe Luna.*

Hunc Sphærarum Mundi ordinem & dispositionem non à Copernico primùm excogitatam, sed ab antiquis Philosophis traditam esse, testis est Archimedes libello de Arenæ numero, quo de Aristarcho sic scribit. *Hac mihi, quæ ab Astrologis (de vītatis hypothesibus, quibus Terra Mundi centrum ponitur) scripta sunt, redarguens Aristarchus Samius, positiones quasdam edidit, ex quibus sequitur, Mundum modò dicti Mundi multiplicem esse. Ponit enim Stellas inerrantes, atq; Solem immobiles permanere: terram verò circumferri circa Solem, secundum circumferentiam circuli, qui est in medio cursu constitutus: Sphæram autem inerrantium stellarum circa idem centrum cum Sole sitam, tantæ esse magnitudinis, vt circulus, in quo ponit terram circumferri, eam habeat proportionem ad distantiam stellarum inerrantium, quam centrum sphæra habet ad eius superficiem, (id est, quæ nequaquam sit sensibilis) &c. Floruissæ autem Aristarchum circa 44. annum post mortem Alexandri Magni, h. e. circa 280. annum ante Christum natum, ante hæc nostra secula, 1876. annis, ex Ptolemæo lib. 3. cap. 2. manifestum est.*

26
P R I M A.
Ordo Sphaerarum Mundi.

117



69
Hanc totius vniuersi distributionem ex D. Præceptoris mei
sententia mihi perpendenti diligentius, præclare simul, ac rectè
Plinium sensisse intelligo, cum inquit, *Mundi, seu cœli, cuius circumfle-* Lib. 2. cap. 1.
xu teguntur cuncta, exterâ indagare, nec interesse hominum, nec capere huma-
ne coniecturam mentis. Et subdit, Sacer est, immensus, totus in toto, imò verò
ipse totum, finitus & infinito similis, &c. Nam ubi D. Præceptorem me-
um sequemur, nihil extra concauum orbis stellati, quod inquiramus.

*Tota Natura
inclusa est cœ-
lo Stellato.*

*Mundus im-
mensus, &
infinito simi-
lis.*

mus, erit, nisi quantum nos Sacræ literæ de his scire voluerunt, tum etiā quicquam extra hoc concavum constituendi præclusa erit via. Quare totam reliquam hanc Naturam, ceu sacrosanctam, à Deo cœlo stellato inclusam cum gratiarum actione admirabimur, & contemplabimur, ad quam perscrutandam, & cognoscendam multis modis, infinitis instrumentis, & donis nos lucupletavit, & idoneos nos effecit; & quidem eò usque progrediemur, quò ipse voluit, neque ab ipso constitutos limites transgredi tentabimus. Immensum præterea mundum esse, & verè infinito similem, quantum etiam ad eius concavum, ex eo quidem in confesso est, quòd stellas omnes scintillare videamus, planetis exceptis, etiam Saturno, qui eorum cœlo citimus, maximo fertur circulo. Sed idem longè manifestius ex D. Præceptoris hypothesebus per ἀποδείξεις patet. Cum enim Orbis Magnus Terram deferens, ad quinque planetarum orbis perceptibilem rationem habeat, unde videlicet omnem apparentiarum diuersitatem in his planetis, per eorum ad Solem habitudines prouenire demonstratur: ac omnis in terra horizon orbē stellarum in æqualia, ut vniuersi circulus magnus interfecet, & orbis reuolutionum suarum à stellis fixis æqualitatem habere comprobetur: satis clarum est, orbem stellarum maximè infinito similem esse, quoniam quidem orbis magnus ad eum collatus euanescat, omniaq; τὰ παύμενα non aliter conspiciantur, ac si terra in medio vniuersi consedisset.

Porro quanquam admiranda, & haud indigna tum opifice Deo, tum quoque diuinis his corporibus motuum, & orbium symmetria ac nexus, quæ prædictis hypothesebus assumptis conseruatur, animo citius concipi (propter affinitatem, quam cū cœlo habet) quàm vlla voce humana eloqui posse affirmauerim; quemadmodum in demonstrationibus nō tam verbis, quàm perfectis & absolutis, ut ita dicam, ideis harum suauissimarum rerum nostris animis imprimi solent. Tamen & in generali hypotheseum contemplatione est videre, quomodo ineffabilis quoque conuenientia, omniumq; consensus sese offerat. Nam præterquam quòd nullus in vulgaribus hypothesebus finis effingendarū sphaerarum apparebat, orbis, quorū immensitas nullo sensu, aut ratione percipi poterat, tardissimis, & velocissimis circumducebantur motibus: alijq; à supremo mobili omnes

*Qua in vul-
garibus
hypothesibus
multifariam
desiderantur,
& de quibus*

Omnes inferiores sphaeras motu diurno rapi constituebant, cum tamen maxima turba disputationum hac de re concitata, qua ratione sphaera superior in inferiorem ius habeat, nec dum constitui potuerint. Alij, vt Eudoxus, & qui eum sunt secuti, cuilibet proprium orbem tribuebant, cuius motu in die naturali circa terram semel circumferretur. Præterea, Dij immortales, quæ digladiatio, quanta lis vsque adhuc fuit, de orbium Veneris & Mercurij situ, & quomodo sint ad Solem collocandi. Verùm adhuc sub iudice lis est, quamq; vnquam posse componi, vulgaribus istis hypothesibus constitutis, in difficili admodum esse, atque adeò impossibile, quis porro est, qui non videt?

plurimum litigatur: ea apud Copernicum rectissime habet.

Quid item obstitit? & si quis Saturnum infra Solem collocet, orbium & epicycli ad se inuicem seruata interim ratione: cum in iisdem hypothesibus communis orbium planetarum inter se dimensio nondum sit demonstrata, quo per eam quilibet orbis suo in loco geometricè circumscriberetur. Vt sanè hîc silentio præteream, quantas tragœdias calumniatores pulcherrimæ huius partis philosophiæ, & suauissimæ, commouerint, propter epicycli Veneris magnitudinem: & quia assumptis æquantibus, lationes orbium cœlestium super proprijs centris, inæquales ponebantur. In D. Præceptoris autem hypothesibus, orbè stellato, vt est dictum, termino constituto, quilibet planetæ orbis suo à natura sibi attributo motu vniiformiter incedens, suam periodum conficit, & nullam à superiori orbe vim patitur, vt in diuersum rapiatur. Adde quòd orbis maiores ambitus tardius, & propiores Soli, à quo quis principium motus & lucis esse dixerit, velocius vt conueniebat, suos circuitus perficiunt. Quare Saturnus sub ecliptica liber viam corripit in 30. annis reuolutionem complet, Iupiter in 12. Mars in duobus. Centrum autem Terræ anni quantitatem ad stellas fixas determinat. Venus in 7. mensibus cum dimidio zodiacum permeat. Mercurius verò minimo orbe Solem circundans, 88. diebus mundum perlustrat.

13

14

Sex tantum orbis mobiles.

Suntq; ita sex tantum orbis mobiles Solem, vniuersi medium circundantes, quorum orbis magnus terram deferens communis est mensura: quemadmodum & orbium Lunæ, item Solis à Luna distantia, &c. ea quæ ex centro globi terreni.

Orbis Magnus est mensura cæterorum orbium.

Q

Et

*De hoc orbis
senario eni-
dentiorem &
magis propri-
am causam
habes supra
pag. 24.*

Et quidem senario numero quis commodiorem alterum, & digniorem elegerit? quouē totum hoc vniuersum suos in orbes à Deo Conditore, mundi q; opifice distinctum, mortalibus facilius persuaferit? is nanq; cū in sacris Dei oraculis, tum à Pythagoreis, reliquisq; Philosophis, vt qui maximè celebratur. Quid autem huic Dei opificio conuenientius, quàm vt primum hoc, & perfectissimum Opus, primo & eodem perfectissimo numero includatur? ad hæc, vt ita à prædictis sex orbibus mobilibus harmonia cœlestis perficiatur, vbi orbes omnes sibi eo pacto succedant, vt & nulla ab altero ad alterum interualli immensitas reliquatur; & quisque geometriâ septus suum locum in hunc tueatur modum, vt si quemcunque loco mouere tentes, simul etiam totum systema dissoluas.

*Qui orbis ma-
gno, & ei ad-
hærentibus
motus com-
petant.*

*Terra motus
tres.*

1. *Diurnus.*

2. *Annus.*

3. *Declina-
tionis.*

Sed generalibus his prælibatis, accedamus sanè ad lationum circularium, quæ competunt singulis orbibus & sibi adhærentibus ac incumbentibus corporibus, enumerationem. Primò autem dicemus de hypothesibus motuum terreni globi, cui nos inhæremus. Cum D. Præceptor meus Platonem, & Pytagoreos summos diuini illius seculi Mathematicos sequens, sphærico terræ corpori circulares lationes ad τῶν φαινομένων causas assignandas, tribuendas censeret, videretq; (quemadmodum Aristoteles quoque testatur) vno attributo terræ motu, & alias item lationes ipsi ad stellarum imitationem competere, tribus eam principio vt maximè præcipuis moueri motibus, assumendum iudicauit. Primò namq; vniuersali mundi distributione, vt mox dictum est, assumpta, constituit terram intra Lunæ orbem, suis verticibus inclusam, tanquam sphæram in torno, diuino ita ordinante numine, ipsius globi ab occasu ad ortum motu, diem noctemq;, atque aliam super aliam cœli faciem mortalibus, prout se Soli obuerat, producere. Secundo loco, centrum terræ cum sibi incumbentibus, elementis scilicet, & orbe lunari ab orbe Magno, de quo semel atque iterum iam meminimus, vniiformiter in eclipticæ plano, secundum signorum consequentiam circumferri. Tertiò æquinoctialem, & axem terræ ad planum eclipticæ conuertibilem habere inclinationem, & contra motum centri reflecti ita, vt vbicunque sit centrum

centrum terræ, æquinoctialis & poli terræ, propter talem axis terræ inclinationem, & stellati orbis immensitatem ad easdem mundi partes semper fermè respiciant, quod fiet, si quantum terræ centrum ab orbe magno in consequentia ducatur, tantum axis terræ extremitates, qui poli terræ singulis diebus ferè in antecedita procedere intelligatur, circa axem & polos, axi & polis orbis magni, aut eclipticæ æquidistantes, circulos paruos describendo. His autem motibus, ubi ex D. Præceptoris mei sententia binas polorum terræ librationes, duos item motus, quibus centrum orbis magni æquali & differenti motu sub ecliptica incedit, adiecerimus, cum his, quæ superius de Lunæ motibus circa terræ centrum dicta sunt, habebimus, doctissime D. Schonere, quæ sit vera hypothesium ratio, ad totam doctrinam, quam Primi motus Recentiores vocant, quamque de omnimodis stellatæ sphaeræ motibus habemus, deducendam, & causas eorum assignandas, quæ circa Solis Lunæque motus & passiones in bis mille annis iam transactis, diligentibus Artificum observationibus contigisse est animaduersum, ut sanè, quod postea vberius dicendum erit, silentio prætereamus, quòd nimirum Orbis Magni motus apparentias in reliquis quinque planetis ingerat. Tam paucis, & ceu in vno orbe, tanta rerum doctrina comprehenditur. In primi motus doctrina nihil venit mutandum, quæ enim est proprietas eorum, quæ sunt ad inuicem, maxima declinatione constituta, eadem ratione inuestigabuntur reliquarum etiam partium eclipticæ declinationes, ascensiones rectæ, in toto terrarum orbe vmbrearum, & gnomonum ratio, dierum quantitates, ascensiones obliquæ, stellarum ortus & occasus, &c. Hoc tamen inter has, & Veterum hypothèses interest, quòd in illis contrà ac à Veteribus præscriptum est, stellato in orbe præter eclipticam, nullus circulus imaginatione propriè describatur. Reliqui verò, ut sunt æquinoctialis, duo tropici, arctici & antractici, Horizontes, meridiani, omnesque alij ad doctrinam primi motus pertinentes circuli, verticales, altitudinum, paralleli, coluri, &c. in terræ globo propriè designantur, & per relationem quandam in cælum referuntur. Eorum autem, quæ circa Solem apparèt, præter apparentiam diurnæ circa terram reuolutionis, quam cum omnibus stellis, & planetis reliquis

4. Accedit motus, qui binis polorum librationibus perficitur.

Hypotheses Copernici cū vulgaribus, in Motus primi doctrina conueniunt.

Præter Eclipticam, reliqui circuli primi motus propriè interra, secundari in cælo describuntur.

communem habet, & quæ Ptolemæus ac Recentiores proprijs Solis motibus tribuerunt, accidunt ei & ea, quæ circa mutationes punctorum solstitialium, æquinoctialium, & stellarum ab iisdem elongationes, atque apogij à stellis fixis variationes contingereprehenduntur. Quæ omnia se nostris oculis offerunt, haud secus, ac si Sol, & stellarum orbis mouerentur; quomodo enim in oriente emergere, seu oriri, & paulatim supra horizontem eleuari, donec meridianum pertingant, à quo pari ratione descendere, deinde inferius hemisphærium permeare, indiesq; diurnas suas reuolutiones conficere vulgò credantur, ex primo motu, quem terræ D. Præceptor iuxta Platonem tribuit, satis euidentes causas habet.

Altero terræ motu, Sol per zodiacum moueri apparet.

Quod autem Sol nobis secundum signorum consequentiam progredi videatur, atque tali motu eclipticam describere, & tempus annum constituere nobis persuadeamus, per alterum motum, quem D. Præceptor terræ tribuit, fieri potest. Terra enim orbe magno lata, & inter stellas Libræ, & Solem morante, nos, qui quidem terram quiescere putamus, Solem Arietem stellatum habere existimabimus, quippe ex terræ centro linea per Solem in orbem stellarum eiecta in Arietis astrum incidet. Deinde terra progrediente ad Scorpionem, Sol Taurum perere videbitur, & hunc in modum zodiacum permeare, cum tamen ipso quiescente, hunc motum ei competere statuamus. Et annus sidereus erit tempus, quo centrum terræ, seu Solis in apparentia, ab eadem stella ad eandem semel reuoluitur.

Tertius terræ motus vicissitudinum anni partium in terra, causa est.

Æquinoctialia ad Eclipticam obliquus est. Hinc ceteri circuli terræ describuntur.

Tertius terræ motus certas, & ordinatas in toto terrarum orbe temporum vicissitudines producit; per hunc namq; fit, vt Sol, & reliqui planetæ in circulo ad æquinoctialem obliquo ferri videntur; eademq; fit Solis ad singulos terræ tractus habitudo, quæ futura erat, terra medium vniuersi per hypothesein occupante, & planetis in circulo obliquo motis. Quoniam namq; æquinoctialis planum, propter polorum suorum, vt dictum, motum ab eclipticæ plano, in collatione ad Solem reflectitur & declinat, seu vt Græci dicunt λοξότης, & γκλίνας, sub iisdem ferè eclipticæ locis eadem æquinoctialis ab ecliptica redit declinatio, ipsiq; poli diurnæ reuolutionis semper sub eodem quasi stellatæ sphæræ situ versantur. Deinde in maximis declinationibus æquinoctialis, ab eclipticæ plano ad So-

ad Solem linea ex centro Solis exiens, ad terræ centrum, sectione conica terræ globum diurna reuolutione circumuolutum dissecat, tropicosq; describit. Præterea quando æquinoctialis planum ab eclipticæ plano ad Solem maximè reflectitur, in vniuersa terra æquinoctium contingit, quippe cum à prædicta linea globus terræ in æquinoctiali in duas semiphæras absindatur. Sed reliqui paralleli dierum in terra, prout reflectio & declinatio (sive, vt verbis vtar Ptolemæi, ὁ ἕωσις καὶ ἑγῆλισις) æquinoctialis ad Solem sese commiscunt, notantur. Arctici verò & antarctici à punctis contingentibus horizontes describuntur. Sed polares D. Præceptoris poli eclipticæ æquidistantes, circa æquinoctialis polos depingunt. Globi terræ autem circulus magnus transiens per æquinoctialis & dictos eclipticæ æquidistantes polos, colurus solstitionum erit, & alius eundem in æquinoctialis polis ad angulos rectos sphaerales interfecans coluri æquinoctiorum vicem subibit. Atque in hunc modum, vel cuiuslibet loci proprii circuli, vel alij quotcunque facillè terræ inscribi, & exinde ad super extensum cælum referri intelliguntur.

Porrò cum propter obseruationum imperium terræ globus in eccentrici circumferentiam euolauerit, Sol in medium vniuersi subsederit, & sicut in vulgarib. hypothesib. centrum eccentrici inter centrum totius vniuersi, quod in iisdem & terræ, ac stellas Geminorum nostra ætate erat, ita contrà in D. Præceptoris hypothesib. centrum orbis magni, quod in principio nostræ Narrationis per centrum eccentrici intelleximus, inter Solem, D. Præceptoris vniuersi medium, & stellas Sagittarij reperiatur, ac diameter orbis magni in centrū terræ incidens medij motus Solis lineam referat: cumq; linea ex centro terræ per Solis centrum in eclipticam eiecta, verum locum Solis determinet, non est obscurum, quomodo Sol de Ptolemæi, Recentiorumq; traditione inæqualiter sub ecliptica moueri æstimetur, atq; angulus diuersitatis à motu medio geometricè inuestigetur. Terra autem in summa abside orbis magni existente, Sol apogij locum in eccentrico occupare credatur, & contrà, illa in ima abside morante, ipse in perigio conspiciatur.

Verum enimuerò qua ratione stellæ fixæ à punctis æquinoctialibus, & solstitialibus elongari videantur, & maxima Solis obliquitas variari, &c. quod sub initium Narrationis ex D. Præceptoris

Tropici:

Æquinoctia:

Reliqui dierū paralleli.

Arctici & Antarctici.

Polares circuli.

Coluri.

Qua ratione Solis apparentem motum Copernicus demonstrat.

Motus apprensus in Stellis fixis: & obliquitatis eclipticæ variationis.

ptoris Lib. III. deduxi, ex motu declinationis, quem generaliter proposuimus, & binis sibi inuicem occurrentibus librationibus dependere D. Præceptor collegit. A polis, eclipticæ polis, vt non ita multò antè dictum, æquidistantibus, vtrinq; 23. grad. 40. min. circuli magni numerentur, ibiq; duo notentur puncta, quæ polos æquinoctialis medij referant, ac vt conuenit, duo coluri solstitia, & æquinoctia media distinguentes designentur. Hæc sanè discendi gratia concipiantur, & delinientur in orbiculo globum terræ continente, cuius vniformi motu, tertius, qui quidem terræ tribuitur motus, contingat. Centro autem terræ inter Solem, & stellas Virginis commorante, reflectatur, seu obliquerur æquinoctialis medius ad Solem, & linea veri loci Solis per communem sectionem plani eclipticæ, æquinoctialis medij, & coluri distinguētis æquinoctia media transeat. idque ita, vt sit æquinoctium vernale medium, & simul æquinoctium vernale verum, vbi idem, quemadmodum ex sequentibus liquidò constabit, ratio motuum sic exiget. Ab hoc loco terræ centro æquali motu ad stellas fixas singulis diebus 59. min. 8. secun. 11. ter. procedente, punctum vernale medium tantundem in præcedentia super terræ centro conficiat, & paulò velociori gressu incedens 8. ferè ter. angulum maiorem describat. Et hæc est causa, quamobrem paulò antè declinationis motum æqualem fermè, æquali motui centri terræ ad stellas fixas diximus. Sed crescente subinde angulo, qui à puncto vernali æquinoctialis medij super terræ centro (iuxta iam positum canonem) designatur, priusquam centrum terræ ad locum eclipticæ, vnde digressum, reuertatur denuò, linea veri loci Solis in æquinoctium medium incidet; & stellæ videbuntur nobis medio, seu æquali aliquo motu in consequentia, pro anticipationis ratione, progredi. Quæ anticipatio, vt principio dixi, in anno Aegypto est 50. secund. ferè, & in 25816. annis Aegyptijs in integram reuolutionem excrefcit. Pater itaque quid sit æquinoctium medium, quid æqualis præcessio, & quomodo hæc ceu instrumentali fabrica, oculis possint subijci.


*Tertius terra
motus, seu
potius quar-
tus.*

*Æquinoctiū
medium,
æqualis præ-
cessio.*

*Quomodo
Librationes
fiant.
Cap. lib. 3.
cap. 4.*

Delibrationibus. Sit linea recta determinata AB, vt ex epli gratia 24. min. hæc pūcto C in duas æquales parteis deuidatur. Deinde altero circini pede in C collocato, describatur circulus DE, extēsiōe CD, versus

versus A, 6. min. (quarta parte scilicet) & eiusdem magnitudinis de alia ab hac materia duo circelli (vt sic interim loqui liceat) fabricentur, & ita componantur, vt alter eorum circumferentiæ alterius applicetur, quo liberè circa suum centrum moueri possit. Qui autem alterum in circumferentia fert, primus vocetur, ac centro lineæ A B in puncto c affigatur; secundi circelli centro nota F, & in circumferentia eiusdem ad placitum puncto assumpto, nota G adpingatur. Quòd si nota G secundi circelli applicetur A, termino lineæ assumptæ, & F, notæ D eiusdem, ac æquali tempore G in vnā partem super centro F angulum describat, duplum angulo ab F super c in partem diuersam descripto; patet in vna primi circelli reuolutione notam G lineam A B bis describēdo perreptasse, & secundum circellum bis reuolutum. Quia autem tali descriptione lineæ rectæ per duos circulares motus compositos, G punctum circa A & B terminos tardissimè promouetur, in medio autem circa c concitatiùs, placuit D. Præceptor talem notæ G per A B lineam motum, librationem vocare, cum talis motus ad similitudinem pendentium in aère fiat. Appellatur etiam hic motus, motus in diametrum: nam imaginatione assumpto circulo, cuius A B, centro c, sit diameter; ex chordarum doctrina, quo in loco eiusdem diametri A B motu, quem dixi, composito, G punctum sit, recta H G semissis subten- dens duplum arcus H A constituitur, secans diametrum A B in G, vnde secundum A G tabula prosthapharesium fabricatur. Motum primi circelli super c, Præceptor Anomaliam vocat, eo nanq; motu prosthapharesis deprehenditur. Etenim F centrum secundi circelli in circumferentia primā d puncto in sinistram discedens, describat angulum, qui sub D c F sit v. gr. graduum 30, ibi in circumferenti-



*Libratio,
Motus in
diametrum.*

am cir-

am circuli AB , ex centro C eiecta CFH totidem graduum AH arcum continebit, similem arcui DF primi circelli: & quia secundi circelli punctum G ab H , ad dextram ratione dupla processit, à signo H in signum G lineam rectam ductam, patet eandem esse semissem dupli arcus AH , & G semissem dupli arcus residui AH arcus de quadrante, hoc est, 60. gr. cuius dupli subtensa semisis est 8660. partium, quare & AG 1340. partium, quarum quæ ex centro 1000. quantum videlicet G distat ab A in diametro AB . Quod si verò AB præsupponatur 60. GA erit talium 4. & GB 56. vnde facta parte proportionali ad 24, habebitur AG vel BG in quacunque parte assumptæ lineæ recte determinatæ G signum subsistat, in tali casu.

Priori libratione, qua obliquitas Eclipticæ variatio demonstratur.

His ita παχυτέρα sanè Μύση perceptis, in facili fuerit intelligere, quomodo & maxima æquinoctialis ab eclipticæ plano obliquitas varietur, & vera æquinoctiorum præcessio inæqualis fiat. Principio namq; (cum breuiores arcus à lineis rectis quoad sensum quidem, nihil differant) æquinoctialis medij polo septentrionali punctum C imaginatione applicetur: Linea autem AB sit arcus coluri, distinguentis solstitia media, inter polum æquinoctialis medij septentrionalem, & adiacentem polum eorū, qui eclipticæ polis æquidistant. Quare B est terminus minimæ poli diurnæ reuolutionis, seu terræ, ab eclipticæ, vt dictum, polo distantia: A verò inter eundem borealem æquinoctialis medij polum, & eclipticæ planum, vnde & maximæ poli terræ, à polo eclipticæ, remotio. Præterea duobus circellis linea AB , vt conuenit, applicatis, intelligatur quantum ad præsens polus terræ borealis in G puncto, & motu duorum circellorum composito, lineam AB 24. minu. describere; simili nempe machinatione polo meridionali moto, lege oppositionis seruata, ceu pendente mundo, maximam declinationem mutantem.

Priori libratione poli terræ in coluro Solstiorum mediorum 24. scrup. ascendentes & descendentes, inclinationem æquinoctialis ad eclipticam 24. scr. variant.

Et assumatur, primum circellum in 3434. annis Aegyptijs reuolutionem complere, & terminum, à quo principium motus anomalix, esse A punctum circumferentiæ circuli, cuius diameter libratione prima describitur; Atque cuilibet statim patebit, si præter hanc vnicam poli terræ nullam haberent librationem, ipsique poli terræ à coluro distinguente solstitia media non abscederent, quomodo tali polorum terræ motu tantum, angulus inclinationis plani

plani æquinoctialis veri ad eclipticæ planum, propter polorum suorum progressum, ab A versus C ad B decrederet contra aliam circulationem complendo à B ad C versus A cresceret, nullaque propterea inæqualitas in æquinoctiorum processione appareret.

Porro autem quoniam per observationes certò constat, puncta æquinoctialia vera à punctis æquinoctialibus medijs hinc inde 70. minutis maxima prosthaphæresi elongari, obliquitatisque mutationem ad hanc duplam rationem habere: ad constituendam D. Præceptor & alteram super illam inferendam librationem, animum suum induxit, quæ videlicet poli terræ à coluro distinguente solstitia media, in mundi latera excurrerent, idque ita, ut huius secundæ librationis A C B arcus, seu linea recta, cum coluro distinguente solstitia media quatuor angulos rectos constituat. At verò in septentrione A dextrum mundi latus, B sinistrum occupet, in meridie autem A sinistrum B dextrum; & C huius, per notas G primæ librationis vtrinque A C B lineas 24. minu. eiusdem describat; denique in huius G notas poli terræ reuera affigantur: Et hac secunda libratione vtrinque à dicto coluro in A, vel B extremis terminis constitutis, 28. tantummodò minutis deflectantur, cum polis in talibus locis, colurus distinguens solstitia vera, cum distinguente solstitia media notabiliter, maiorem angulum 70. minutis non contineat. Verum, quoniam prosthaphæreses, præcessionis respectu, ad punctum vernale medium, sumendæ, D. Præceptor secundam librationem, tanquam per punctum vernale verum ad medium contingeret, eandem eò pependit, maximè cum hunc in modum prosthaphæresium inuestigatio sit facilior, quare & linea A B 140. min. erit, & sic disposita ut A C respondeat lineæ boreali librationis secundæ: C autem in puncto vernali medio ponatur, & punctum vernale verum G nota occupet, & quæ ex centro alterutrius circellorum, 35. min. sit. Præterea autem terminus à quo initium motus, est punctum vernale medium, à quo punctum vernale verum ad dextram, A versus excurrit. Anomalia verò numeratur à puncto supremo circuli, cuius dimetientem punctum vernale verum describit, quod in eiusdem circuli circumferentia ad septentrionem à coluro æquinoctiorum medio determinatur. Et cum in vna obliquitatis restitutione, præcessionis inæqualitas bis comple-

Altera libratio, quæ inæqualis æquinoctialium punctorum præcessione demonstratur.

Altera libratione poli terræ à Coluro solstitiorum mediorum vtrinque versus latera mundi deflectentes, veri æquinoctialis cum eclipticæ sectionem à media 70. scrup. vtrinque variant.

atur, huius secundæ librationis anomalia 1717. annis ægyptijs perficietur. Quare & obliquitatis anomalia ex tabulis desumpta duplicata, præcessionis anomalam reddit: & illi simplicis, huic verò duplicatæ cognomen est.

*Anomalia
simplex, &
anomalia du-
plicata.*

*Duabus his
librationi-
bus Corolla
intorta deli-
neantur.*

Quod si secunda hæc libratio tantum ponenda fuisset, angulus inclinationis plani æquinoctialis veri & eclipticæ, quod quidem dignum animaduersione esset, non variaretur, vt patet; Verum omnis apparentiarum diuersitas propterea contingens in sola præcessionis æquinoctij inæqualitate deprehenderetur. Vtrisque autem librationibus coincidentibus, poli terræ sibi inuicem occurrentibus vt dictum, motibus, circa polos æquinoctialis medij, figuras corollarum intortarum delineabunt.

*Alteræ hæc
libratione
vera Anni
solaris ma-
gnitudo aliàs
minor, aliàs
maior effi-
ciat.*

Et cum poli terræ in colurum distinguentem solstitia media incidunt, verus colurus cum medio in eodem iacebit plano: punctumq; vernale verum cum medio coniungetur, cum tamen nisi polis vtriusq; æquinoctialis coniunctis, plana æquinoctialium, & & colurorum distinguentium tam media, quam vera solstitia, & æquinoctia, non omnino coniungentur. Polo autem septentrionali in parte à c secundæ librationis versus a dextrum limitem, morante, meridionali polo in puncto opposito constituto, æquinoctium verum sequitur medium, & Sol prius in medium, quam verum æquinoctialem incidit. Sed polis terræ mundi latera permutantibus, vt nempe polus borealis à coluro solstitiorum mediorum sinistrum, australis dextrum latusteneat: verum æquinoctium præcedit medium, citiusq; Sol cum vero, quam cum medio æquinoctiali congregitur. Caterum ab a versus b, polis terræ procurentibus; quia æquinoctium verum Soli quasi obuiam procedit, annus ad æquinoctia propter hanc causam decrescit: à b verò versus a, cum Solem quasi fugiat, annus ad æquinoctia crescit. Et polis terræ circa chærentibus, breuiori annorum spacio notabile anni incrementum, aut decrementum percipitur.


*Motus stella-
rum fixarum
hinc quoque
velocior vel
tardior appa-
ret.*

Cumq; apparens stellarum fixarum processus annuæ quantitati ad æquinoctia colligatus sit; eadem prorsus ratione velocior, & tardior punctorum solstitiorum & æquinoctiorum à stellis fixis elongatio in antecedentia animaduertitur.

Schema

Schema vtriusque librationis, pro obliquitatis, & veræ æquinoctialis cum eclipticæ sectionis mutatione monstranda.

Sit *A* polus Eclipticæ, BCD semicirculus Eclipticæ in Coluro ABD solstitiorum medio, *E* sit polus Æquinoctialis FCG medij, mediumq; æquinoctium in *C*, & media obliquitas BF, vel AE, quæ est 23. gr. 40. scr. Prioris librationis, quæ veri æquinoctialis polus ab *E* medio recedit, arcus vel recta linea sit HEI, arcus coluri solstitiorum, eiusq; quantitas 24. scr. Hac ergo vera obliquitas mutatur. Nam vero polo in *H* existente verus æquinoctialis est KCL: sed eodem polo in *I*, æquinoctialis est MCN, cuius obliquitas illic est 23. gr. 52. scr. hic 23. gr. 28. scr. Alterius autem librationis recta (vel quasi recta) sit OEP,



arcus coluri æquinoctiorum, eiusq; quantitas 56. scr. Hac veram veri æquinoctialis & eclipticæ sectionem, verumq; Zodiaci initium, à quo series signorum, atq; motus stellarum numeratur, variat, Nam vero polo in *P* existente, vera æquinoctiorum sectio est in *S*, sed illo in *O*, hac est in *T*, qui *ST* arcus Copernico est 2. gr. 20. scr. tantus enim in obliquitate congruit *OP* lineæ. Porro has diversitates hæc librationes hac conditione inter se componunt. 1. Veropolo in *E*, medietate vtriusq; librationis posito, verus æquinoctialis cum medio totus in FCG coincidit. 2. Ab *E* verus polus tam ad *H*, quam ad *P* tendit, impari quidem gressu, æquinoctiorum enim libratio secundum *OP*, dupla est ad librationem obliquitatis secundum *IH*, quia illa tota annis 1717. hac annis 3434. compleri, à Copernico asseritur. Vbi ergo verus polus ad *P* devenit, altera libratio intra *E* & *H* cum consistere faciet. Quare motus composito verus polus in *Q* auehitur, & verum æquinoctialem in *RST* detorquet, cuius obliquitas quidem nondum maxima, sed sectio cum eclipticæ à mediaremotissima est, nempe in *S*. 3. Veropolo ex *Q*, seu ex *P* ad *E*, redeunte, & simul in *EH* ulterius ascendente, ipse vtriusq; librationis ductu, motuq; composito in *H* defertur. Ex quo ei verus æquinoctialis *KCL* debetur, qui obliquitatem iuxta *BK* maximam habens, eclipticam in *C* medio æquinoctiorum secat. 4. Pari modo idem polus verus ex *H* ad *E* reuertitur, atq; ex *E* ad *O* egrediens, in *E* rursus restituitur. Etenim sicut ex *Q* in *H* peruenit, ita nunc in *S* abit. Quo loco verus æquinoctialis est *XYZ*, ex adverso respondens æquinoctiali *RST*. 5. Vtraq; libratio post eundem polum in *E*, atque verum æquinoctialem in FCG reponit. Hoc igitur tempore æquinoctiorum varietas tota,

sed obliquitatis mutatio dimidia completur, quia verus polus ex E ad illius utrumq; terminum, P & O, ad huius autem alterum tantum H exijt, & in E reuersus est. Vnde verum æquinoctiale punctum ex C in S & Y translatum in Credijt, veraq; obliquitas ex F in K deducta, cum F iterum vnitur. Et veripoli via ex composito motu fuit dimidia corolla EQHSE. Similima variationum ratio conficitur polo per alteram corolla medietatem EaIVE pergente. Ex a enim reponitur æquinoctialis verus in XSZ: ex I, in MCN: ex V in XYZ, donec hac quoq; periodo confecta in E recurrat. Atq; hoc tempore omnis æquinoctiorum varietas CSCYC, obliquitatis autem altera medietas FMF, completur. Ex his videre est, quod ab K ad M obliquitas minuitur, & ab M ad K augeatur. Deinde quoddam æquinoctiali puncto (si medijs æquinoctijs C processio à B versus D fieri intelligatur) ab S ad T eunte, vera processio retardetur: quam ob causam & motus stellarum fixarum tardior apparet, & Anni Solaris magnitudo prolongatur. E contra, eodem ab T ad S tendente, processio vera velox sit, motusq; stellarum fixarum apparet concitior, & Annus solaris vertens notabiliter abbreviatur.

Motus apogei Solis, & mutatio eccentricitatis eius.

De his vide etiam infra theoriā Solis.

De Solis autem apogio, quæ principio ex obseruationib; secundum D. Præceptoris mei sententiam deduximus, quantum ab æquinoctij verni ab eo elongationem attinet, ex mox dictis satis innotuit. Progressus verò ipsius apogij sub ecliptica à motu centri parui circuli & orbis magni centri, in parui circuli circumferentia vniformi latione dependet. Diameter orbis magni, aut eclipticæ per Solis paruique circuli centra transiens, est linea mediarum absidum Solis: Sed diameter per Solis, orbisque magni centra est linea verarum absidum. Quemadmodum autem centrum orbis magni inter Solem & locum eclipticæ, vbi Sol perigium tenere creditur, reperitur: ita similiter centrum parui circuli inter locum perigij medijs, & Solem statuitur. Tempore Ptolemæi linea verarum absidum à prima stella Arietis in 57. grad. 50. min. loco apogij apparentis, & 237. grad. 50. min. perigij vtrinque terminabatur, mediarum autem absidum in 60. grad. 16. min. & puncto opposito 240. grad. 16. min. nam centrum orbis magni, à summa parui circuli à centro Solis distantia 21. grad. cum triente ferè in antecedentia processerat, tantundem nempe eodem tempore anomalia simplici, quæ & obliquitatis existente. Vniformiter autem procedente centro parui circuli super Solis centro, & orbis magni centro in parui circuli circumferentia, visa est summa absis Solis, tempore obseruationis, quam habuit D. Præceptor, 69. grad. 25. minu. à prima stella Arietis tenere; at cum eodem tempore anomalia simplex 165. grad. ferè esset, prosthaphæresis 2. grad. 10 min. ferè reperta est, centrumq;

trumq; parui circuli inter Solem, & 251. grad. 35. min. locum perigij medij constitit. Præterea eccentricitas orbis magni, seu eccentrici Solis, si placet ita loqui, quæ Ptolemæo vigesima quarta pars, eiusq; ex centro orbis magni, fuit, nostra ætate trigessimam primam partem ferè attingit: vt obseruationes ostendunt; & D. Præceptoris hypothesibus constitutis, mathematica adhibita demonstratione facile deducitur.

Coper. lib. 3.
cap. 16.

Quomodo autem, & propter centri orbis magni in paruo circulo motû, eccentricitates quinque planetarum varientur, vt in causis renouandarum hypothesiū proposuimus, haud magno cum labore intelligi potest. In contemplatione verò quinque planetarum, cum duo potissimum consideranda veniant, quomodo, & quantus centri terræ ad deferentium planetas centra accessus, vel recessus fiat: deinde quam illud augmentum, vel decrementum rationem, ad illam quæ ex centro deferentis cuiuslibet planetæ habeat, non opus erit causas longius petere.

Mutatio eccentricitatis Solis vel Orbis magni variat etiam caterorum planetarum eccentricitates.

In Saturno cum vel tota dimetiens parui circuli nullum perceptibilem admodum respectum ad eam, quæ ex centro deferentis eius habeat, propterea quòd primus sub stellato orbe feratur, nullam variationis eccentricitatis Saturni, obseruationes ingerere poterunt.

In h ista variatio non est sensibilis propter magnitudinem orbi eius.

Deinde quia Iouis apogium per quadrantem ferè à Solis apogio constitit, hodie propter centri orbis magni processum, nulla sensibilis eccentricitatis eius deprehenditur mutatio, tametsi notabilis & perceptibilis ratio diametri parui circuli ad eam, quæ ex centro orbis sui, esset. Atque hæc est causa quare in Mercurio quoq; nulla eccentricitatis sentiat mutatio, cum similiter Solis apogij latus suo apogio claudat.

Ista eccentricitatis in ☉ mutatio, parit in anomalia eccentrici h differentiam prosthaphæreses centri, vix 3. scr. primorum, & in anomalia commutationis differentiam prosthaph. parallaxeos non omnino dimidij scrup. primi.

Martis autem apogium distat ab apogio Solis ad sinistram 50. ferè grad. & Veneris ad dextram 42. grad. Sunt itaq; centra horum deferentium in idoneis locis constituta, ad percipiendam variationem: & cum diameter parui circuli ad vtriusque orbem, notabilem habitudinem habeat, obseruationibus de duobus his planetis per triangulorum doctrinam examinatis

In Ioue & Mercurio sensibilis non est, propter parem distantiam centri orbis magni variati à centrâ ipsorum. Sed de his vide

In Marte autem & Veneris maxime est sensibilis.

minatis, inuenit D. Præceptor, Martis quidem eccentricitati quadragesimam secundam, Veneris verò quintam partem, propter accessum centri orbis magni ad Solem decessisse.

Ne autem vnus aliquis motus terræ attributus parum testimonij videretur habere, industria τῷ σοφῷ Δημιουργῷ factum est, vt quilibet motus pariter & in omnium planetarum apparentibus motibus notabiliter deprehenderetur, adeò paucis motibus πλείονες τοῖς φαινόμενοις in natura necessarijs, satisfieri opportunum fuit. Ideoq; & centri orbis magni motus non tantum ad Solem, & planetas eundem circundantes, sed etiam ad Lunæ passiones pertingit. Quemadmodum namq; Ptolemæus distantiam Solis à terra maximam constituit esse 1210. partium, qualium est quæ ex centro terræ vna, & axem vmbre earundem 268, ita D. Præceptor demonstrat nostræ ætate eandem Solis à terra maximam elongationem esse 1179. partium, & axem coni vmbre 265. Cætera verò quæ coherent, ad vtriusque luminaris motus & passiones, propter mutatas hypothesas perpendendas, Secundæ Narrationi huic subsecutura referuanda putauit.

Dum verè dignum admiratione hanc nouarum hypothesium D. Præceptoris mei fabricam animo mecum reputo, sæpius mihi, doctissime D. Schönere, Platonici illius in mentem venit, qui postquam ostendit, quid in Astronomo requiratur, subiicit denique, ὡς οὐκ ἀνέπαλιός ποτὲ πᾶσα φύσις ἱκανὲ γένοιτο διαγῆσαι μὴ θαυμαστὴς μετέχουσα: Cum autem apud te anno superiori essem, atque in emendatione motuum Regiomontani nostri, Peurbachij Præceptoris eius, tuos, & aliorum doctorum Virorum labores viderem, intelligere primùm incipiebam, quale opus, quantusque labor esset futurus, hanc Reginam Mathematicarum Astronomiarum, vt digna erat, in Regiam suam reducere, formamque Imperij ipsius restituere. Verùm cum, Deo ita volente, spectator ac testis talium laborum, quos alacri sanè animo & sustinet, & magna ex parte superauit iam, D. Doctori Præceptoris meo sim factus, me nec vmbra quidem tantæ molis laborum somniasse video. Est autem tanta hæc laborum moles, vt non cuiusuis sit Herois, eandem ferre posse, & superare deniq;. Quibus de causis, ego quidem Veteres memoriæ prodidisse crediderim, Herculem Ioue summo prognatum, cælum, postquam humeris suis amplius diffideret, Atlanti iterum imposuisse, qui

Lib. 5. Almag. cap. 25.

Lib. 4. cap. 19.

Altera pars hypothesium de motibus quinque planetarum.

qui ætate longa assuefactus magno animo, in fractisq; virib; vt semel cœperat, hoc onus vsque perferret. Ad hæc Diuinus Plato, sapien-
tiæ, vt inquit Plinius, antistes, haud obscure in Epinomide pro-
nunciat, ASTRONOMIAM DEO PRÆEUNTE IN-
VENTAM ESSE: Hanc Platonis sententiam alij aliter fortasse
interpretantur, ego verò, cum videam D. Doctorem Præceptorem
meum obseruationes omnium ætatum cum suis, ordine ceu in in-
dices collectas, semper in conspectu habere. Deinde cum aliquid
vel constituendum, vel in artem & præcepta conferendum, à pri-
mis illis obseruationibus ad suas vsque progredi, & qua inter se ra-
tione omnia consentiant, perpendere: Porro quæ inde bona con-
sequentia, Vrania duce, collegit, ad Ptolemæi, & Veterum hypo-
theses reuocare: Et postquam easdem summa cura, perponderans,
yrgente astronomica *ἀνάγκη* deferendas|prehendit, neque qui-
dem sine afflatu Diuino, & numine Diuum nouas hypotheses assu-
mere, & mathematica adhibita quidnam ex talibus bona conse-
quentia deduci possit, geometricè constituere: Atq; Veterum de-
nique, & suas obseruationes ad assumptas hypotheses accommo-
dare: Et sic, post istos labores omnes exantlatos, leges Astronomiæ
demum conscribere.

Hunc in modum Platonem intelligendum esse puto, Mathema-
ticum siderum motus perscrutantem, rectissimè, assimulari cæco,
cui tantum modò baculo suo duce, magnum, infinitum, lubricum,
infinitisq; deuijs inuolutum iter sit conficiendum. Quid fiet? ali-
quandiu sollicitè incedens, baculo suo viam quæritans, & eidem
quandoque desperandus innixus, cœlum, terram, omnesq; Deos
inuocabit, misero sibi auxilio vt veniant; Hunc permittet quidem
Deus aliquot annos suas experiri vires, vt intelligat denique, bacu-
lo suo minimè ex instanti periculo se liberari posse; Porro iamiam
animum despondenti, ipsius misertus Deus, manu porrigit, ma-
nuq; ad optatam metam perducit. Baculus Astronomi est ipsa
Mathematica, seu Geometria, qua viam tentare, & insistere
primùm audet. Quid etenim humani ingenij vires ad diuinas
has res, tamque à nobis dissitas procul, inuestigandas? quid
caliginantes oculi? Proinde nisi Deus illi pro sua benignitate
motus Heroicos indiderit, & tanquam manu, per incomprehen-
sibile aliàs rationi humani iter deduxerit, haud crediderim vlla in re

Astro-

*Comparatio
laborum
Astronomi-
corum: quos
nullus, nisi
diuina adiu-
tus ope, supe-
rare valet.*

*Quo ordine
Copernicus
in indagandis
rebus
Astronomicis
progredi soli-
tus fuerit.*

*Alia Com-
paratio.*

Astronomum cæco illo præstantiorem, & feliciorē esse, præterquam quòd suo ingenio aliquando fidens, & suo illi baculo diuinos exhibens honores, ipsam Vraniam ab Inferis reuocatam sibi congratulabitur; Vbi autem rem secum recta reputarit via, se non beatiorem Orpheo esse sentiet, qui quidem animo suam se Eurydicen sequi cernebat, cum ex Orco saltabundus ascenderet, post verò, vt ad ora Auerni fuit peruentum, quam maximè habere se sperabat, ex oculis iterum ad inferos delapsa euauit.

Occupatio. Perpendamus itaque, vt incepimus, & in reliquis planetis D. Doctoris Præceptoris mei hypothesēs, vt videamus, an constanti animo, & Deo præeunte, Vraniā ad superos perduxerit, suāq; dignitati restituerit. Posset quispiam fortasse ea, quæ de motu terræ circa Solis, Lunæq; apparentes motus dicuntur, eludere, quamquam non video, quomodo præcessionis rationem ad sphæram Stellarum transfulerit: reliquorum profectò planetarum apparentes motus, si aut ad principalem Astronomiæ finem, & systematis orbium rationem ac consensum, aut ad facilitatem suauitatemque vndique causis apparentium elucentibus, respicere quis velit, nullis alijs assumptis hypothesibus, commodius, ac rectius demonstrauerit: adeò omnia hæc tanquam aureā catenā, inter sepulcherrimè colligata esse apparent; & planetarum quilibet sua in positione, suoq; ordine, & omni motus sui diuersitate terram moueri testatur, & nos pro diuerso globi terræ, cui adhæremus, situ credere diuersimodis eos motibus proprijs diuagari. Et quidem si vsquam alibi est videre, quomodo Deus mundum nostris disputationibus reliquerit, hoc certè loco, vt quod maximè, est conspicuum. Neque verò quenquam mouere hoc posse arbitror, quòd Deus Ptolemæum, & alios item præstantes Heroas hac in parte dissentire patiatur, cum non sit hæc ex earum opinionum genere, quas Socrates in Georgia hominibus perniciosas dicit: neque vllam hinc aut ars ipsa, aut diuinatrix illa exinde promanans ruinam trahat. Veteres omnem motus diuersitatem, quam tres superiores per respectum ad Solem habere comperiebant, proprijs ipsorum epicyclis tribuebant. Deinde cum in iisdem planetis reliquam apparentem inæqualitatem minimè sola eccentrici ratione fieri perspicerent, ac calculus in eorum motuum supputatione, ad imitationem hypothesi-

Veterum hypothesēs quomodo, & qua occasione.

thesium Veneris, cum experientia & obseruationibus consentiret, talem quoq; secundæ apparentis inæqualitatis rationem assumendam putauerunt, qualem ex demonstrationibus Venerem habere concludebant: vt nempe, quemadmodum in Venere, ita cuiuslibet planetæ centrum epicycli, æquidistanter quidem centro eccentrici moueretur, sed æqualitatem motus, respectu centri æquantis sortiretur, ad quod punctum ipse quoque planeta motu proprio in epicyclo, æqualiter ab apogio medio discedens, relationem haberet. Cæterum quemadmodum Venus proprio, & peculiari in epicyclo motu suas reuolutiones conficeret, ratione autem eccentrici medio Solis motu incederet: ita illi contrà in epicyclo Solem respicerent, in eccentrico verò peculiaribus ferrentur motibus, ipsæ obseruationes, vt constituerent, exigebant, dum terram in vniuersi medio retinere nituntur. At præter ea, quæ ad Veneris apparentias saluandas competere iudicauerunt, Mercurij theoria alium insuper æquantis locum, & quod ipsum centrum, à quo epicycli esset æquidistantia, in paruo circumuolueretur circulo, recipiendum duxerunt.

Hæc acutè sanè, vt Veterum pleraq; omnia sunt inuenta, factisq; concinna motibus, & apparentijs, si orbes cœlestes inæqualitatem habere super proprijs centris, à quo tamen natura abhorret, admittamus, primamq; & maximè notabilem diuersitatem apparentis motus quinque planetarum, ipsis cum eandem in eis per accidens apparere constet, tanquam propriam tribuamus. In latitudinibus autem planetarum & illud quoque *ἀξίωμα* Veteres negligere videntur, quod nempe omnes motus corporum cœlestium aut circulares sint, aut ex circularibus componantur: nisi fortasse quispiam Veneris, & Mercurij reflexiones declinationesq;, quemadmodum paulò antè de motu declinationis terræ est dictum, fieri intelligi velit, & declinationes epicyclorum in tribus superioribus, ac deuiationes in inferioribus per librationum motus. Hoc, vt sanè concedatur in reflexionibus, & declinationibus Veneris & Mercurij, siquidem eorum inclinationum anguli, planorum eccentricorum, & epicyclorum ubiq; iidem manent: declinationes tamen epicyclorum in tribus superioribus, & deuiationes Veneris, ac Mercurij per librationes fieri communis calculus refutat. Vt namque de Deuiationib.

*Defectus antiquarum hypotheseum, in motu longitudo-
tudinis.*

Defectum earundem in motu latitudinis.

tantum dicā, quia minuta proportionalia, quibus deuiationes pro locis centri epicycli extra nodos, & absidas ratiocinamur, eadem ratione indagarunt, & constituerunt, qua in primi motus doctrina partium eclipticæ declinatione inuestigantur: fit', vt in sexagesimo gradu ab aliqua absidum eccentrici, centro quidem epicycli Veneris existente, colligamus deuiationem, s. minutorum, Mercurij autem 22. min. cum dimidio. Quod si deferens poneretur per librationes deuiare, in tali Veneris epicycli situ vera ratio nō vltra 2. & semis minu. deuiationem, Mercurij verò 11. minu. cum quadrante exposceret. In illius enim centri epicycli situ, angulus inclinationis plani eccentrici ad eclipticā, nō maior, s. minu. in huius verò 22. & semis, ex librationum proprietate motus, reperirentur. Atq; ideo fortasse Ioannes de Regiomonte monendos studiosos putauit, calculum in latitudinibus circa prope verum tantum versari.

Lib. 13. prop.
21. capit. in
Almag. Ptol.

Postremò cum homines, quod Aristoteles alibi pluribus ostendit, natura sua scire appetant, nā molestum est satis, quod nusquam æquē causæ τῶν φαινομένων sint abstrusæ, atque, ceu Cimmerijs tenebris, inuolutæ, quod ipse etiā Ptolemæus nobiscum testatur. Vt interim plura de Veterum in quinque planetis hypothesibus, quàm fortè ipsa nouarum (vt sic dicam) hypothesium cū enumeratio, tum ad Veteres collatio requirit, non adducam. Ptolemæum equidem, & qui eum sequuntur, æquē atque D. Præceptorem ex animo amos; siquidem verò sanctum illud Aristotelis præceptum semper in conspectu, ac memoria habeo φιλεῖν μὲν ἀμφοτέρους, πεῖθεσθαι δὲ τοῖς ἀκρίβεστεροις δει: etsi nescio quomodo, metamen magis ad D. Præceptoris hypothesen inclinari sentio. Id quod fit fortasse partim, quia iam demum rectius me intelligere animum induco, suauissimum illud, quod Platoni ob grauitatem ac veritatem tribuitur, τὸν Θεὸν αἰετῶς μετεῖν: partim verò, quòd in D. Præceptoris Astronomiæ instauratione, ceu caligine discussa, aperto nunc cælo, & ambobus, vt dici solet, oculis, vim sapientissimi dicti illius Socratis in Phædro, intuear, Εὰν τέ τινα ἄλλον ἡγήσομαι δυνάτην εἰς ἐν ἢ ἐπὶ πολλὰ πεφυκέντα ὄρεῖν, τοῦτον δὴ ὡς κατὰ πῖδε μετ' ἵχνιον, ὥς εἰ Θεοῖο.

Quid Rhetor
ens facturum
fuisse, si illā
Dei Geometriam
secundum s. Cōr-
porare regula-
ria, de quibus
M. Keplerus
differit, animadu-
erisset?

Per unū Or-
bem magnū
apparentia
s. planetarum
quas ad Solē
habent, de-
monstratur.
Cætera ipsis
propria sunt.

His itaque, quæ de terræ motu hætenus dicta sunt à D. Præceptore meo confirmatis, sequitur (sicut in causis renouandarum hypothesium retulimus) vt omnis diuersitas apparentis motus planeta-

netarum, quæ in eis *παρὰ τοὺς πρὸς τὸν ἥλιον σχηματισμοὺς* contingere videtur, propter annum terræ motum in orbe magno fiat: utq; planetæ reuera sola adhuc altera inæqualitate, quæ penes zodiaci partes observatur, incedant. Quamobrem eis hæc hypotheses tantum, quibus duæ diuersitates motus demonstrari possunt, competunt. Quemadmodum autem in Luna D. Præceptor maluit epicyclo epicycli uti, ita in tribus quidem superioribus planetis, ad ordinem, & motus commensurationem commodiùs demonstrandam eccetrepicyclos elegit, in Venere verò, & Mercurio eccentrici eccentricos.

Cum autem nos veluti ex terræ centro trium superiorum motus suspiciamus, at inferiorum reuolutiones tanquam infra nos intueamur, consentaneum erat, ut ad centrum orbis magni, orbium planetarum centra referrentur, à quo deinde ad ipsum terræ centrum motus omnesque apparentias, quàm rectissimè transferamus. Quare & in quinque planetis eccentricum illum intelligi oportet, cuius centrum extra centrum orbis magni est.

Verum ut rectiùs intelligatur nouarum hypothesium constituendarum ratio, omnia denique perspicua magis magisque in aperto sint, ponamus principiò quinque planetarum plana eccentricorum esse in eclipticæ plano, & centra deferentium, & æquantium circa orbis magni centrum, sicut apud Veteres circa terræ centrum. Deinde spacia, quæ sunt inter orbis magni centrum, & puncta, seu centra æquantium, in partes quatuor æquales diuidantur. Porro cuiuslibet quidem trium superiorum centrum eccentrici in tertiam sectionem, ab orbis magni centro apogium versus eleuetur, ac extensione quartæ residuæ, in eccentrici circumferentia epicyclus describatur, & apparebit fabrica motus proprii cuiuslibet in longitudinem. Si itaque ex D. Præceptoris mei sententia, planeta in huius epicycli circumcurrentis parte superiori in consequentia, in inferiori in antecedentia ita procedat, ut centro epicycli existente in apogio eccentrici, ipse planeta in perigio sui epicycli reperiatur: & contra centro epicycli in eccentrici perigio morante, planeta

NB. Hæ triplices hypotheser, sc. duorum epicyclorum, eccentricorum, & eccentrici eccentricorum, sunt conformes, ideo indifferenter vel hæc vel illa ex eis, pro arbitrio in omnium planetarum motibus demonstrandis, uti licet.

Ratio, quare Copernicus centra reliquorum planetarum eorumq; motus, non ad Solem, Mundi centrum, sed ad Orbis magni centrum referat.

Orbes & motus trium superiorum. Vide infra in Appendice.

epicycli apogium obtineat: atq; hac motuum similitudine planeta in epicyclo, cum centro epicycli in eccentrico pari tempore suas periodos absoluat: clarum est, sublati æquantibus superiorum planetarum, diuersitatem motus, respectu centri orbis magni regularem esse, & ex æqualibus componi. Epicyclus namq; tali ratione assumptus, in munus æquantis succedit, & eccentricus super suum centrum, ac planeta in epicyclo ad centrum epicycli, cui inhaeret, æquali tempore, æquales designat angulos.

Orbes & motus Veneris.

Veneris autem motus sic constabit, reiecto deferente, cuius vicem orbis magnus supplet, circa tertiam sectionem, extensione quartæ residuæ describatur paruus circulus. Deinde centrum epicycli Veneris, qui hic eccentricus eccentrici, eccentricus secundus, & mobilis vocabitur, in circumferentia dicti parui circuli tali moueatur lege, vt quoties terræ centrum in absidum lineam inciderit, ipsum centrum eccentrici in puncto parui circuli, centro orbis magni proximo existat: terra autem media suo in orbe inter vtranc; absida, ipsum centrum eccentrici Veneris in puncto parui circuli à centro orbis magni remotissimo subsistat, atque ad easdem partes in signorum consequentiam, quemadmodum & terra moueatur, duas tamen, vt ex his sequitur, reuolutiones in vna terræ circuitione peragens.

Orbes & motus Mercurij.

Sed Mercurij motuum ratio in genere quidem, cum Veneris theoria conuenit, recepto in super epicyclo, cuius ipse diametrum per librationem describat, propter diuersitatem reliquam. Cæterum vt se ad terræ motum accommodet, recipit quantitatem eius, quæ ex centro deferentis mobilis 3573. Eccentricitatem autem deferentis primi 736. partium, quantitatem eius, quæ ex centro parui circuli, mobile deferentis centrum continens 211. part. atque diametrum dicti epicycli 380. partium, qualium ea quæ ex centro orbis magni ad centrum terræ est 10000. In motu autem talem legem fortitur, vt centrum eccentrici mobilis, contrà ac in Venere contingebat, longissimè ab orbis magni centro distet, terra in absidum lineam planetæ existente: & ad maximam propinquitatem accedat, terrâ ab adsidibus planetæ per quadrantem remotâ. Epicyclum, vt patet, fixum habebit, cuius diametrum respicientem centrum

trum deferentis mobilis, ipse planeta motu librationis reptando in lineam rectam describit, hac lege seruata, vt cum centrum eccentrici mobilis in maxima à centro orbis magni distantia fuerit, planeta perigium sui epicycli teneat, quod est inferior terminus diametri, quam describit: Vice versa reliquum terminum, qui apogium dici poterat, cum idem centrum eccentrici mobilis proximum centro orbis magni fuerit.

Motus autem absidum planetarum, quemadmodum & alia quædam alteri etiam referuantur Narrationi.

Hæc est tota ferè hypothesium ratio, ad omnem propriam diuersitatem motus planetarum, secundum longitudinem saluandam. Quapropter si oculus noster in centro orbis magni existeret, radij visuales ex eo per planetas, ceu lineæ verorum motuum in stellarum sphaeram eiectæ, à planetis non aliter in ecliptica circumducerentur, quàm dictorum circularum, & motuum rationes exigerent, vt proprias eorum diuersitates motuum in zodiaco ostenderent. Verùm quia nos terræ incolæ, ex ea cœlestium apparentes motus contemplamur, ad eius centrum tanquam ad basim, intimumq; domiciliij nostri omnes motus, apparentiasq; referimus, eductis ex eo per planetas lineis, veluti oculo ex orbis magni centro, in terræ centrum translato: omnium inde, vt à nobis quidem videntur, τῶν φαινομένων diuersitates ratiocinandas esse patet. Veras autem & proprias diuersitates motus planetarum, si esset animus colligere, id per lineas ex centro orbis magni, vt dictum, exeuntes efficiendum fore.

*Quomodo
veri motus
ad centrum
terra demon-
strentur.*

*Vide infra in
Appendice.*

Veruntamen quò expeditiùs nos ex ijs, quæ porrò restant enumeranda ἐν τοῖς φαινομένοις planetarum explicemus, totaq; tractatio faciliior, & suauior existat, concipiantur sanè animo non tantum lineæ verorum apparentium motuum ex centro terræ per planetas in eclipticam procedentes, sed etiam ex centro orbis magni, ideoq; propriè diuersitatis motus lineæ dictæ. Incedente itaque terra motu orbis magni, vbi eò peruentum fuerit, vt ipsa in eadem linea recta inter Solem, & aliquem ex tribus superioribus planetis interponatur, planeta quidem vespertino ortu oriri videbitur: Et quia terra sic sita ipsi quàm proxima est, Veteres posuerunt planetam esse terræ proximum, quia circa epicycli sui perigium. Sole autem appropinquat.

*Motus plane-
tarum primò
ad centrum
orbis magni
post ad cen-
trum terra
computan-
tur. Sicut in
hypothesibus
antiquis pri-
mò ad centri
epicyclorum,
post ad ipsos
planetarum.*

propinquante ad lineam veri & apparentis loci planetæ, quod fit terra perueniente ad oppositum iam dicti loci: planeta vespertino occasu disparere incipit, maximeq; à terra elongari, quoad linea veri loci planetæ etiam per centrum Solis transeat, atque Sole inter planetam & terram interueniente, planeta occultetur; à qua deinde occultatione propter perpetuum terræ motum, quia linea veri loci Solis, à linea veri loci planetæ discedit, planeta iterum matutino ortu, vbi quantum arcus visionis requirit, iustam à Sole distantiam nactus fuerit, oriri conspicitur.

*Descriptio
apogei medi
& veri in
epicyclis vete-
rum, & in
orbe magno
harum hypo-
thesium.*

Porro quoniam orbis magnus in horum trium planetarum hypothesibus, munere epicycli à Veteribus cuilibet planetarum attributi fungitur: in diametro orbis magni, ad planetam vsque continuata, apogium perigiumq; planetæ verum respectu orbis magni reperietur. Apogium autem, & perigium mediū, in diametro orbis magni, quæ lineæ ex centro eccentrici in centrum epicycli protractæ æquidistanter mouetur, & cum terra in medietate versus planetam. ipsi planetæ appropinquet: in reliqua & opposita remoueat, illic quidem extremitates diametrorum orbis magni perigia referent, hic verò apogia, cum illa medietas in locum inferioris epicycli partis succedat, hæc autem superioris,

*Modus Direc-
tionis, Sta-
tionis, & Re-
trogradationis
Planeta-
rum.*

*De his omni-
bus vide cap.
1. Prodromi,
suprà pag. 15.
& tabulas
pag. 18. item
infra in ap-
pendice.*

Facesse haud longè à Solis, & planetæ coniunctione, sit terræ centrum in planetæ apogij loco vero, respectu scilicet orbis magni, ipsaq; linea propriæ diuersitatis cum apparentis loci linea planetæ coincidat. Ab hoc autem loco terra suo motu procedente, lineæ propriæ diuersitatis, & lineæ veri loci planetæ, sese in corpore planetæ interfecare incipient, altera regulari suo motu diuerso in signorum consequentiam perget, altera verò ab eadem sese reflectens, referet nobis planetam velocius in eclipctica incedere, quàm reuera motu proprio procedat. Verum terra perueniente ad portionem orbis magni planetæ propiorem, hæc è vestigio in antecedentia sese conuertit, vt apparens planetæ progressus nobis subinde tardior videatur. Amplius quia terra versus planetam ascendit, ipsa veri motus Solis linea à planeta promouebitur; ac planeta ad nos accedere, veluti de parte superiori descendens æstimabitur. Tam diu autem planeta directus videbitur, quousque

terræ

terræ centrum ad eum orbis magni ad planetam, situm peruenerit, ubi angulus diurnus reflexionis lineæ veri loci planetæ in antecedentia, æqualis existat angulo diurno propriæ diuersitatis in consequentia: Ibi nanque duobus se perimentibus motibus planeta statione prima per aliquot dies, pro ratione orbis magni ad eccentricum planetæ propositi, ipsiusq; planetæ in suo orbe situm, propriaque motus sui velocitate stare apparebit. Porro ab hoc item loco terrâ propiore factâ planetæ, sit vt planetam regredi, & in antecedentia moueri credamus, ipsa quippe reflexione notabiliter proprium planetæ motum superante, idq; eo vsq; , quo terra perigium verum planetæ respectu orbis magni contingat, vbi planeta in medio repeditationis loco, oppositioni Solis, terræq; proximus consistet. Quo in situ Mars repertus, præter communem, ratione orbis magni, reflexionem, seu diuersitatem aspectus, etiam aliam insuper (propter perceptibilem quantitatem eius, quæ ex centro terræ ad ipsius distantiam) aspectus diuersitatem admittit, quemadmodum diligens testabitur obseruatio.

Pro confirmatione huius, quæ ex Copernici hypothesibus sequitur, longissimè contrariæ vltimæ hypothesibus sententiæ, lubet apponere, quæ excellentissimus Nobilis Mathematicus Tycho Brahe, Danus, suis experimentis obseruauit, quibus tanquam à peritissimo Artifice habitis obseruationibus vtique fides derogari non potest. Is in Epistola ad D. Peucerum Anno 1588. data, sic scribit. *Constitui periculum facere, quæ nam earum, quæ hæcenus inuenta erant* (hypothesium, Ptolemaicarum sc. vel vltimarum: vel à Copernico traditarum: vel eorum qui homocentricorum figmentum commentis sunt) *veritati propius accederet. Idq; per Martis potissimum stellam me expiscari posse considebam, quando nimirum ea acronycha terra appropinquaret. Si enim nobis propius accederet, quàm ipse Sol, Copernianam speculationem prauale: Sin minus, cum Ptolemaica potius standum arbitrabar. Tandemq; magna diligentia, nec paruis sumptibus, conquisitis varijs organis astronomicis, quibus siderum motus centraliter, non saltem in ipso scrupulo, sed etiam in eius dimidia vel quarta parte explorari cerdò possent, hanc subtilem considerationem aggredi non verebar, Idq; potissimum Anno 1582. cum Mars pernox factus Soli opponeretur in cancro, & insuper per boream latitudinem sublimior quotidiano circuitu redderetur. Habitis igitur tunc pluribus accuratis obseruationibus, tam circa ortum, quàm occasum, eiusq; per meridianum transitum, deprehendi, Martem maiorem causari parallaxin, quàm ipsum Solem, ideoq; etiam terris propinquiorem, cum acronychus est, fieri, astipulante vnâ motu ipsius diurno, cum Copernianis potius numeris consentiente, eò quòd paulò celerius certo dierum intervallo in antecedentia repedaret, quàm Alphonsinorum concederet à Ptolemao deducta ratiocinatio: Idq; ob minorem à terris distantiam, quæ motum paulò intentionem apparere efficiebat. Id cum in Marte satis, exploratum haberem, & idem etiam in*

Nota de Marte. Is terra factus proximus parallaxin admittit. propior enim terra ipso Sole sit.

Venere

Venerè aliquoties à me interdiu, atque in ipso Meridiano obseruatum, & iuxta occasum collatione facta, imò etiam alia quadam peculiari ratione Anno 1587. circa diem 24. Febr. quando intra vnā vel alteram diem tam vespertinam quàm matutinam (quod aliàs rarissimum est) vidi, motum apparentem cum eis, qua ratione parallaxeos fierent, conferendo, comprobassem, ita quòd Ptolemaicis hypothefibus hac omnia minimè congruerent: impellebar, vt postmodum magis magisq; Coperniana inuentioni fidem attribuerem.

Postremò, vbi terra ab hac centrali cum planeta, vt ita dicam, coniunctione in consequentia remouebitur, ipsa reflexio in antecedentia eadem ratione, qua antè creuerat, minuetur, donec facta denuò motuum compensatione, planeta statione secunda stationarius fiat. Postea proprio planetæ motu superante reflexionem, terra procedente dirigatur, quo tandem in directionis loco medio planeta appareat, terra iterum apogium planetæ verum vnde eam deduximus, obtineat, omnesq; iam dictas apparentias ordine in singulis planetis nobis introducat.

Argumentū
planeta Copernicus
Commutationem
vocat.

Atque hæc est prima orbis magni, in contemplatione motuum planetarum vtilitas, qua à tribus magnis epicyclis in Saturno, Ioue, & Marte liberamur. Quod autem Veteres Argumentum planetæ dixerunt, hoc D. Præceptor motum Commutationis planetæ vocat, quia per eum apparentias ratione motus terræ in orbe magno contingentes ratiocinamur, quas nihil aliud esse constat respectu orbis magni, quàm parallaxes Lunæ, propter habitudinem eius, quæ ex centro terræ ad eiusdem orbis. Cuiuslibet autem planetæ centri epicycli motus, à terræ motu æquali, qui & Solis motus medius est, subtractus, commutationis motum æqualem relinquit: & numeratur ab apogio medio, à quo & terra æqualiter elongatur, vnde & in promptu cuiuslibet verus & apparens planetæ motus in ecliptica ex D. Præceptoris tabulis prosthaphæresium planetarum habetur.

Venus &
Mercurius
propter orbis
magni motum,
per Zodiacum,
sicut Sol, moueri
videntur.

Alteram porrò orbis magni vtilitatum partem, haud illa leuiorem, in Veneris, & Mercurij theoria nanciscemur, Cum namq; nos hos duos planetas ex terra tanquam è specula obseruemus: & si ipsi non aliter atque Sol fixi manerent, tamen nos, quia per orbis magni motum circa eos circumducimur, nihilominus ipsos planetas, vt Solem, suis motibus zodiacum peragrarè putaremus. Et quia obser-

observationes testantur Venerem, & Mercurium in suis orbibus etiam proprijs moueri motibus: præter Solis motum medium, quo in succedentia feruntur, & aliæ quoque in eis apparentiæ per accidens, ratione orbis magni conspiciuntur. Principio enim orbis eorum, epicyclos putabimus, qui tanquam proprijs deferentibus cum Sole æqualibus passibus Zodiacum conficiant. Sic terra existente ad perigium primotum deferentium, toti ipsorum orbis in eccentrici apogio existimabuntur, & contra ad apogium orbis in perigio. Præterea quemadmodum planetis superioribus apogia, & perigia per respectum ad planetas, ipso in orbe magno determinantur: ita e conuerso in Veneris & Mercurij orbibus, respectu centri terræ vbicunque fuerit signantur, & pro motu terræ annuo per omnia deferentium loca pertrahuntur. Termini diametri deferentis mobilis, quæ lineæ medijs motus Solis, scilicet quæ ex centro orbis magni in terræ centrum, æquidistanter mouetur, sunt absides mediæ. Absides quæ in parte deferentis mobilis, opposita terræ, summæ: quæ in propiore, infimæ haud iniuriuocabuntur.

Orbes eorum apparent epicycli.

Apogium deferentium ipsorum.

Apogium & perigium medium & verum commutationis.

Si autem motus terræ annuus quiesceret, cum Venus in novem mensibus suam reuolutionem, vt suprâ dictum peragat, & Mercurius quasi in tribus, quilibet in suo temporis spatio, bis nobis è terra cum Sole coniungi; bis stationarius, bisque extremos limites in deferentium curuaturis contingere: semel autem matutinus, vespertinus, retrogradus, directus, apogius, & pirigeus appareret. Porro oculo in orbis magni centro, proprii saltem motus diuersi Veneris, & Mercurij, quemadmodum & reliquorum sese offerrent, nempe totum zodiacum suis motibus peragantes fierent ad Solem oppositi, reliquisque eum intueri *σχηματισμοῖς* cernerentur.

Venus diebus 224. Mercurius diebus 88. ferè.

Verum enimuerò cum neque ex centro orbis magni stellarum motus contemplerur, neque terra motu annuo quiescat, factis perspicuum erit, quare eadem apparentiæ nobis terram inhabitantibus tanta varietate appareant. Venus, & Mercurius terræ præsaltant, pro suorum orbium magnitudine motu velociore, ipsa terra motu suo annuo eos insequitur. Quare Venus ad terram in 19. ferè mensibus, Mercurius in quatuor reuertitur, atq; in hoc tem-

Motus ♀ & ♂ ad terrā.

Venus diebus 584. h. est mensib. 19. diebus 8. ferè.

T poris

Mercurius
dieb. 116. h. e.
mensib. 3. die-
bis 26. ferè.

Commutatio
Veneris &
Mercurij.

Orbis Terræ,
quare M A G N V M
G N V S, di-
catur Cop-
erico.

poris spatio omnes apparentias, quas Deus ex terris conspici voluit, nobis ostendere repetunt. Lineæ propriarum diuersitatum motus regulariter incedunt, super centro orbis magni suas reuolutiones in tempore sibi à Deo præfinito conficientes. Lineæ autem verorum locorum, quæ ex centro terræ per Venerem, & Mercurium traiectæ, longè aliter circumducuntur, tum quia à puncto extra illorum orbis educuntur, tum quia illud ipsum punctum est mobile. Nos putamus Venerem, & Mercurium in suis orbibus eo motu procedere, quo Veteres in epicyclo eos moueri statuerunt, cum tamen ille motus superatio tantum sit, quæ velocior planeta, terræ seu Solis motum medium excedit. Hanc superationem vocat D. Præceptor commutationis motum, iisdem planè de causis, quibus in tribus superioribus. Fit itaque ut omnes Veneris, & Mercurij apparentiæ, quæ etiam ex terra fixa apparuissent, propter terræ motum tardius reuertantur: ut quæ eadem in omnibus suorum deferentium partibus, & eclipticæ locis contingant, quo omnimodi eorum motus deprehenduntur. Nequaquam enim, terrâ sub Cancro fixâ, Ptolemæus deprehendisset Mercurium breuissimas à Sole circa Libram euagationes, & Venerem circa Taurum habere. Vbi cunq; autem terra suo in orbe magno fuerit, & Venus, aut Mercurius in lateribus sui deferentis deprehensus, maximè à Sole nobis distare videbitur. Eductis verò ex centro terræ lineis, contingentibus vtrinque Veneris & Mercurij deferentes, in superiori portione ad terram relatione facta, in signorum consequentiam ferentur: in inferiori, & terræ proxima contrà, vbi & stare, retrocedereq; ad sensum videntur: cum nempe linea veri loci planetæ æqualem angulum diurnum, super terræ centro efficit in antecedentia, angulo medijs motus, qui & terræ in consequentia, vel maiorem, &c. Ex his itaque manifestum est, quare Venus, & Mercurius circa Solem inuolui conspiciantur.

Cæterum Sole quoq; clarius est, orbem terram deferentem verè M A G N V M appellari. Si enim Imperatores propter res feliciter bello gestas, aut gentes deuictas, Magnorum acceperè cognomen: dignus certè & hic orbis erat, cui augustissimum attribueretur nomen, cum ipse quasi solus, legum cœlestis politiæ participes nos faciat: omnesq; errores motuum emendet, cumq; in gradum

dum suum pulcherrimam hanc philosophiæ partem reponat. Ideo autem est dictus orbis magnus, quia tam ad superiorum planetarum orbis, quam ad inferiorum magnitudinem notabilem habet, quæ præcipuarum apparentiarum sit occasio.

Porro in latitudinibus planetarum primum est videre, quam rectè deferētī centrum terræ Magni nomen tribuatur, quod eò in super maiorem admirationem meretur, quò Veterum hac de re præcepta perplexiora obscurioraq; esse constat. Motus planetarum in longitudinem, egregia quidem testimonia perhibent, quòd terræ centrum orbem, quem dicimus Magnum, describat: In latitudinibus autem planetarum eius utilitates, ceu in illustri quodam loco positæ, magis sunt conspicuæ, cum ipse nusquam eclipticæ plano discedens, præcipua tamen causa omnis diuersitatis apparentiarum in latitudinem existat. Tu vero doctissimè D. Schonere, ideo summo amore orbem hunc prosequendum & amplectendum vides, quòd totam motus in latitudinem doctrinam breuiter, tamq; dilucidè, omnibus propositis causis, ob oculos ponat.

Sint primò trium superiorum deferentes ex Ptolemæi sententia ad eclipticam inclinati, quorum apogia septentrionem versus, perigia autem ad meridiem reperiuntur: Utque sic ipsi planetæ in suis orbibus, quemadmodum Luna in orbe decliui, extra cuius planum non egreditur, circumferantur. Lineæ propriæ diuersitatis, Dracones planetarum, vt vulgò vocant, deferentium ad eclipticæ planum habitudines, & intersectiones ad planetarum motus designabunt: lineæ autem verorum locorum, prædictas lineas in centris planetarum intersecantes, pro centri terræ in orbe magno situ ad planetam, & ipsius planetæ in suo orbe decliui, vera planetarum loca propiora, & remotiora ad lineam, quæ per signorū medium, referent, pro angulorum habitudine, quos ad eclipticæ planum constituunt, quemadmodum mathematica ratio exposcit. Quam ob causam planetam in quacunque sui deferentis & epicycli, in circulo decliui, portione morante, & centro terræ existente in remotiori à planeta orbis magni medietate, quam Veteres superiorem epicycli partem dixere, latitudines apparentes minores fieri oportere angulo inclinationis deferētis ad planū eclipticæ, clarum est, quia in tali centri terræ situ ad planetam: angulus apparentis

*Quomodo
planeta ab
eclipticæ dis-
cedere, appa-
reant.*

*De his agit
Copernicus
libro Sexto.*

*Explicatio
latitudinis
trium superi-
orum.*

latitudinis acutior est angulo inclinationis, interior videlicet exteriori, & opposito. Porro centro terræ perueniente ad propiorē medietatem orbis magni ad planetam, contrā latitudo apparet maior angulo inclinationis, iisdem planē de causis, & contrā, cōspicitur; quippe qui antē exterior & oppositus, iam interior. Atq; hæc est causa, quam obrem Veteres putauerunt, centro epicycli extra nodos consistente, superiorem epicycli partem semper inter deferentis & eclipticæ planum existere, reliquam autem medietatem ad eam partem vergere, ad quam medietas deferentis à cētro epicycli occupata inclinaret: diametrum verò transeuntem per longitudes medias epicycli, æquidistanter eclipticæ plano incedere: & epicyclo in nodis, planetam latitudinem nullam, in quacunque epicycli sui parte, habere. Quod in his hypothesibus verificatur, planeta in aliquo nodorum morante, & terra quacunq; in parte orbis magni reperta. Si angulus superficiē epicycli ad suum deferentem, in Veterum hypothesibus æqualis perpetuò angulo inclinationis plani deferentis & eclipticæ fuisset repertus, hoc est, si epicycli planum semper in æquidistantia eclipticæ fuisset deprehensum, prædicta latitudinum ratio sufficeret, verum cum huius diuersum observationes geometricæ examinatæ inferant, ut est videre apud Ptolemæum Libro ultimo, τῆς μεγάλης σιωτᾶξας, ponit D. Præceptor per motum librationum, angulum inclinationis deferentis ad eclipticam, certa ratione augeri, & minui, respectu nimirum motus planetæ mediij in circulo decliui, & ipsius terræ in orbe magno: quod fiet si in vna motus commutationis periodo, diameter per quam fit libratio, bis ab extremis limitibus circuli decliuis describatur. Id quæ tali conditione observata, ut planeta existente in ortu vespertino angulus inclinationis sit maximus, quare & latitudo quoque apparet maior; in ortu verò matutino minimus, unde & ipsa apparet latitudo, ut conueniebat, minor existat.

*Latitudinis
veneris ra-
tiones, &
modus.*

Veneris autem, & Mercurij apparentiæ in latitudinem, vnica deuiatione excepta, speculationis facilitate superiorum planetarū theorias superant. Sed Veneris latitudines primò perpendamus, Intra orbem magnum, primū Veneris sphaera occurrit. Ponit itaque D. Præceptor planum, in quo Venus mouetur, ab eclipticæ seu orbis magni plano declinare, super diametro per absidas proprias

prias deferentis primi, ita ut orientalis medietas, à plana eclipticæ superficie in septentrionem eleuetur, ad inclinationis angulum, quem in Ptolemæi hypothesibus epicycli planum cum deferentis plano contineret, occidentalis autem medietas ad meridiem. Per orientalem verò medietatem intelligenda ea, quæ est à loco summæ absidis in consequentia, &c. Sola hac & simplici hypothesi omnes declinationum, & reflexionum regulas: cum causis, ex loci terræ ad planetæ planum habitudine facile erit peruidere. Cum namque per terræ motum annum ad oppositas partes summæ absidis deferentis primi peruenerimus, ubi Veneris orbem tanquam epicyclum, & in apogio sui deferentis existere putamus, tunc planum in quo deferitur Venus, nobis ab eclipticæ plano reflexum videbitur, nam illud nos in tali situ per transuersum aspiciamus. Et quia idem planum ex inferiori loco intuemur, quæ ad septentrionem prominet, pars nobis oculos meridiei obuertentibus erit sinistra, reliqua verò ad meridiem, dextra. Procedente autem terra sursum versus planetæ absidem summam, orbis Veneris à suæ centri apogio descendere creditur, ipsumq; adeo planum deferentis Venerem inclinatum, tanquam ex loco altiore despicere incipimus. Quare reflexio successiue in declinationem mutatur, ut per quadrantem à priori loco distante, ubicunque planeta in eleuatis partibus conspiciatur, declinationem solum ab ecliptica habeat. In tali situ, cum nos terræ adhaerentes simus in opposito medietatis deferentis, quæ est à summa abside in consequentia, & ab eclipticæ plano in septentrionem eleuata, dixerunt Veteres epicyclum Veneris in descendente nodo esse, & apogium epicycli ad septentrionem maximè declinare, perigium verò ad meridiem. Porro euehente nos sublimes terræ motu suo annuo versus locum summæ absidis Veneris, orbis eius ceu epicyclus infimam absidem sui deferentis appetere videbitur, & planum epicycli (nobis planum, in quo Veneris stella) quod antè inclinatum nobis erat ad planum eclipticæ, iterum sese ad nos reflectere apparebit: & septentrionalis medietas deferentis, extra planum eclipticæ prominens, dextrum fiet, quia orbem Veneris desuper aspiciamus. Vbi autem ad locum summæ absidis Veneris centrum terræ peruenerit, nulla declinatio, & sola reflexio conspicietur, atqui Veneris orbis in

Declinationum & Reflexionum latitudines in Venere ab una causa dependent.

infima deferentis sui de Veterum sententia, esse abside credetur. Atque hic est τῶν φαινόμενων ordo, dum centrum terræ semicirculationem complet, à loco infimæ absidis Veneris in consequentiam signorum, ad locum summæ absidis Veneris ascendens. Eadem autem ratione descendente terra reflexio ad nostrum aspectum paulatim in declinationem mutabitur, & quia medietas plani deferentis à summa abside in antecedentia, nobis tali incessu terræ fit opposita, apogium deferentis Veneris in meridiem à plano eclipticæ declinare incipit, donec terra in nonagesimo gradu à loco absidis constituta, vtrique medietas ad eclipticæ planum declinata conspiciatur, orbisq; , ceu epicyclus Veneris in nodo ascendente ad summam absidem putetur. A quo loco terra recedente declinatio iterum in reflexionem commutetur, ac consecuta locum infimæ absidis Veneris, easdem apparentias latitudinum in Veneris, terra iterum producere incipiant. Ex quibus patet, terra ad lineam absidum Veneris posita, planum deferentis planetam reflexum apparere, in quadrantibus verò ab his declinatum, in locis autem intermedijs mixtas latitudines conspici.

*Deuiationis
Veneris lati-
tudo.*

Cum autem præter has latitudines, quas Veteres, epicyclo Veneris tribuerunt, & alia à Veteribus deuiatio, à Ptolemæo τῶν ἐκκέντρων κυκλῶν ἢ ἐγκλισις dicta, se his permisceat, ac eandem per deferentis centrum epicycli Veneris, qui iam sublatus est, demonstrarunt, aliam & cum obseruationibus magis consonam D. Præceptor rationem ineundam iudicauit. Hanc autem rationem D. Doctoris, Præceptoris mei deuiationem saluandi, vt facilius quoq; haud secus, ac reliqua vsque proposita, assequamur: Constituamus planum, cuius mox meminimus, esse medium planum, ac ideo fixum, à quo verum, iam huc iam illuc certa euagetur ratio. At quia omnes motus, polorum respectu minori labore ac dispendio percipiuntur, principio tenendum, alterum polorum plani medij in septentrionem, à plano eclipticæ ad inclinationis anguli quantitatem eleuari, alterum autem ex opposito tantūdem in meridiem deprimi: & quæ de septentrionali polo, aut ijs, quæ circa hunc fieri ostensuri sumus, simili ratione, ratione nimirum oppositionis habita, de meridionali intelligi oportere. Proinde circa septentrionalem plani medij polum assumamus esse circulum mobilem, cuius ea quæ
excen-

ex centro maximis obliquitatibus plani medij à plano vero correspondeat: ipse autem polus septentrionalis plani veri per librationis motum, dicti circuli diametrum describat. Porro circulus mobilis insequatur planetæ motum, vt Venus suo motu incedens, relinquat duarum quamlibet se insequentium intersectionem, idq; hac lege, vt anno exacto ad relictam denique reuertatur. Ducto verò circulo magno per vtriusq; plani polos, ab huius communi cum plano vero intersectione, vtrinq; 90. gradibus numeratis, cum poli plani, veri & medij scilicet differunt, nodi seu intersectiones dictæ determinantur. Interim autem dum Veneris ad alterutrum nodorum periodus completur, à polo plani veri per librationis motû, dicti circuli mobilis diameter bis describatur: Hæc autem ita fiant, quo planetam cum terræ centro tale pactum iniisse appareat, vt quoties terra ad deferentis absidas fuerit, Venus vbicunque sit in deferente vero, maximè in septentrionem à plano medio deuiet, hoc est, maximè extra viam mediam consistat. Præterea terra per quadrantem ab absidibus deferentis distante, ipse planeta cum toto suo plano vero, in medij deferentis plano iaceat. Sed terra reliqua loca intermedia peragrans, ipse quoque in deuiationibus intermedijs suum cursum teneat. Hoc terræ, & planetæ pactum vt esset perpetuum, ordinavit Deus, vt primus librationis circellus (vt ita dicam) eodem tempore semel reuolueretur, quo vna Veneris ad alterutrum mobilium nodorum fieret reuersio. Hæc vt exemplo illustriora fiant, si in aliquo deuiationis motus principio polus septentrionalis plani veri à polo plani medij adiacentis, maximè meridionalis fuerit: Ac Venustantum in maximo deuiationis limite, qui est septentrionalis, extiterit, terræ quoque centro in aliqua absidum Veneris commorante, in quarta anni parte, terra motu annuo ad locum inter absidas medium veniet, & eodem tempore planeta ad suam intersectionem, seu nodum mobilem. Et quia motus librationis commensuratur cum motu planetæ ad nodos, seu intersectiones, primus librationis circellus quadrantem quoque conficiet, & per reliquum circellû, qui altero est velocior duplo, polus plani veri sub polû plani medij constituetur, quare & ambo plana coniungentur. Recedente autè planeta ab hoc nodo, terra procedet ad alteram absida eccentrici primi, & po-

& polus plani veri per librationem à polo plani medij ad septentrionem promouebitur. Sic fiet, vt & si Venus meridiana sit, quemadmodum in nostro exemplo, tamen latitudo meridiana minuat: si septentrionalis, eadem crescat. Eò loci autem vbi peruentum fuerit, polus plani veri, librationis motu maximum ad septentrionalem limitem attinget, & planeta motu suo annuo ad nodos, in medio inter vtramq; intersectionem, maximam iterum in septentrionem deuiationem habebit. Apparet itaque motum circuli assumpti, hunc habere vsum, vt in anno, Veneris ad nodos fiat reuolutio, semperq; terra collocata in absidum linea, planeta vbiunque in suo plano vero fuerit, maximam à plano medio deuiationem habeat, & in medio inter vtramq; absida terra constituta sit in nodis. Porro librationis motu fieri, vt Venere in aliquo nodorum existente, ambo plana coniungantur: & illa pars plani veri, quam ingreditur, ad septentrionem semper à medio discedat: quo, prout conuenit, latitudo hæc perpetuò borealis maneat.

*Latitudinis
Mercurij
rationes & mo-
dus.*

Quemadmodum autem Veneris planum, quod medium appellare placuit, in absidum eccentrici primi linea ab ecliptica intersectatur; & eius plani medietas à summa abside in consequentia ad septentrionem prominet, reliqua oppositionis lege in meridiem vergente: Ita in Mercurio simili ratione est planum medium, quod super suarum absidum linea, vt par erat, ab eclipticæ plano vtrinque inclinatur, vt viceuersa medietas plani medij à summa abside in antecedentia septentrionalis sit. Quare in centri terræ annua reuolutione, declinationes, & reflexiones in Mercurio permutatæ ad Veneris scilicet, deprehenduntur: Verum hæc varietas vt eo conspicua magis foret, disposuit Deus & deuiationem plani veri Mercurij à medio, vt ea medietas perpetuò, quam ingreditur, à plano medio ad meridiem discederet; & terra ad absidas ipsas consistente, cum suo plano vero in medio plano iaceret: quo fit denique, vt in latitudinem, præter dictas differentias à Venere nullas habeat, nisi quòd hæc quoq; deuiatio, maior in Mercurio est, quàm in Venere, veluti etiam inclinationis angulum maiorem habet. Cæterum reliquæ latitudinum Mercurij varietates facillimè non aliter, atque in Venere colliguntur.

*Declinationum & Reflexionum
latitudines in
Mercurio.*

*Deuiationis
eiusdem
latitudo.*

Pars superat cepti, pars est exhausta laboris:

Hic teneat nostras ancora iactatas:

vt primam hanc Narrationem nostram Poetae verbis finiam.

Alteram autem mei promissi partem, quum primum iusto adhibito studio totum D. Praeceptoris mei Opus euoluero, colligere incipiam. Eò verò gratiorem tibi vtramq; fore spero, quò clarior Artificum propositis obseruationib. ita D. Praeceptoris mei hypotheseis τοῖς φαινόμενοις consentire videbis, vt etiam inter se, tanquam bona definitio cum definito conuerti possint.

Clarissime, & doctissime D. Schonere, ac tanquam Pater mihi semper colende, reliquum nunc iam est, vt hanc meam operam qualemcunq; æqui boniq; consulas. Nam quanquam non nesciam, quid humeri mei ferre possint, quidue ferre recusent: tamen tuus in me singularis, & (vt sic dicam) paternus amor fecit, vt omnino non formidarim hoc cœlum subire, & quoad eius quidem fieri potuit, omnia ad te referre. Quod Deus Opt. Max. bene vertere dignetur, precor, mihiq; aspiret, vt iusto tramite ad propositum finem, laborem ceptum perducere queam. Si quippiam autem ardore quodam iuuenili (qui quidem semper, vt ille inquit, magno magis, quàm vtili spiritu sumus præditi) dictum sit, aut per imprudentiam exciderit, quod liberiùs contra venerandam, & sanctam Vetustatem dictum videri possit, quàm fortassis ipsa rerum magnitudo, & grauitas postulabat, tu certè, quodq; apud me dubium non est, in meliorem accipies partem, & potiùs animum in te meum, quàm quid præstiterim, spectabis.

Epilogus.

Excusatur

Copernicus, quod nequam non itatis studio, aut ingenij ostentatione (cuius à nonnullis, præter meritum, imsimulatur) sed rebus ipsis necessariò postulantis, à veterum sententia recessit.

Porrò velim te de doctissimo Viro, D. Doctore, meo Praeceptore, hoc statuere, tibiq; persuasissimum habere, apud eum nihil prius, nec antiquius esse quicquam, quàm vestigijs Ptolemæi vt insistat, nec aliter, ac ipse Ptolemæus fecit, Veteres, & se antiquiores multò secutus: dum autem τὰ φαινόμενα, quæ Astronomum regunt, & mathematica se cogere intelligeret, quædam præter voluntatem etiam vt sumeret: satis interim esse putauit, si eadem arte in eundem scopum cum Ptolemæo tela sua dirigeret, etiam si arcum, & tela ex longè alio materiæ genere, quàm ille assumeret. Ac hoc loco illud arripiendum, δὲ ἡ ἐλευθέριον εἶναι τῇ γνώμῃ τὸν μέλλοντα

V

φίλοςο

φιλοσοφῶν. Caterum, quod alienū est ab ingenio boni cuiuslibet, maximè verò à natura philosophica, ab eo ut qui maximè abhorret D. Præceptor meus, tantum abest, ut sibi à Veterum philosophantium sententijs nisi magnis de causis, ac rebus ipsis efflagitantibus, studio quodam nouitatis, temerè discedendum putarit. Alia est ætas, alia morum grauitas, doctrinæq; excellentia, alia denique ingenij celsitudo, animiq; magnitudo, quàm ut tale quid in eum cadere queat, quod quidem est vel ætatis iuuenilis, vel τῶν μέγα φρονούντων ἐπὶ θεωρίᾳ μικρῇ, ut Aristotelis utar verbis; vel ardentium ingeniorum, quæ à quolibet vento, suisq; affectibus mouentur, ac reguntur, ut etiam ceu κυβερνητῇ excusso, quoduis obuium sibi arripiant, & acerrimè propugnent. Verum vincat veritas, vincat virtus, suusque honos perpetuò habeatur artibus, & quilibet bonus suæ artis Artifex in lucem, quod profit, proferat, atque in hunc tueatur modum, ut veritatem quæsiuisse videatur. Neque verò D. Præceptor bonorum, & doctorum Virorum iudicia vnquam abhorrebit, quæ subire vltro cogitat.

B O R V S

BORUSSIA EN.

COMIVM.



INDARVS in illa Oda, quæ literis aureis in templo Mineræ consecrata fertur, celebrans Diagoram Rhodium Pugilem, Victorem Olympicum, ait patriam eius, Veneris esse filiam, & Solis plurimum adamatam coniugem, deinde Iouem ibi multum pluuisse auri, idq; propterea, quod suam Mineruam colerent: quare & ab ea ipsa sapientia nomine, & ἐγκυκλοπαιδίας, quam impendio colebant, claram redditam. Hoc præclarum Rhodiorum ἐγκώμιον an vlli præterea regioni hac nostra ætate, quàm Prussia (de qua pauca dicere in animo est, quod ea forte tu quoque audire volebas) quis aptius accommodauerit, ego quidem non video. Nec dubito, quin eadem numina gubernantia hanc regionem deprehenderentur, si peritus aliquis Astrologus, diligenti cura, pulcherrimæ huius, fertilissimæ & felicissimæ regionis præsidentes stellas inquireret. Quem admodum autem Pindarus ait,

Φαντὶ δ' ἀνθρώπων παλαιαὶ
 Ῥήσιες, ὅπως ὅτε
 Χθόνα Λατέοντο Ζεὺς τ' καὶ ἀθάνατοι,
 Φανεράν ἐν πελάγῃ
 Ῥόδον ἔμμεν ποντίῳ,
 Ἀλκυονίδας δ' ἐν βένθεσιν νῆσον κεκρύφθαι.
 Ἀπεόντες δ' οὐτις ἐν-
 Δαίξεν λάχον Ἀελίου,
 Καὶ ῥά μιν χώρας ἀκλαῶν -
 Τὸν λιπὸν, ἀγνὸν Θεόν.
 Μῦσας θέντι δὲ Ζεὺς ἀμπαλιν μέλο
 Δειδέμεν, ἀλλὰ μιν οὐκ
 Εἶασεν, ἐπεὶ πολιᾶς
 Εἰπέτιν' αὐτὸς ὅρῳ ἐνδὸν θαλάσσης
 Αὐξομένην πεδόν
 Πολύβοσκον γαῖαν ἀνθρώ-
 Ποισι, καὶ εὐφρονα μήλοισι:

Ira olim haud dubiè Prussiam pontus habuit, & quod certius quis, propiusque signum capiat, quàm quod hodie in continente,

*Succinum in
Prussia.*

tinente, longissimè à littore Succinum reperiatur? quare & eadem lege, Deorum munere, ut è mari nata, Apollini celsit, quam tanquam coniugem suam Rhodum olim, nunc adamat. Non potest Sol Prussiam perinde radijs rectis pertingere, ac Rhodum? fateor, sed hoc alijs multis compensat modis, & quod in Rhodo radorum rectitudine præstat, hoc in Prussia morà suà supra horizontem efficit. Deinde Succinum Dei peculiare esse donum, quod hanc in primis regionem ornare voluerit, neminem negaturum puto. Imò si Succini nobilitatem, & usum, quem in medicinis habet, quis perpenderit, non iniuria Apollini sacrum iudicabit, eiusq; adeo munus egregium, quo Prussiam coniugem suam tanquam pretiosissimo ornamento magna in copia donet. Cumq; Apollo præter artem medicam, & *μαντικήν*, quas inuenit primus, & coluit, studio etiam venandi teneatur, videtur hanc regionem præ cæteris omnibus elegisse: Et cum longo tempore antè præuideret immanes Turcas Rhodon suam deuastaturos in has parteis sedem suam transtulisse, atque huc cum Diana sorore commigrasse, vero non videtur absimile. In quascunque enim partem oculos vertas, si sylvas consideres, viuaria, quæ Græcis *παράδεισος* sunt, & apiaria; ab Apolline consita dices. Si arbusta, & campos, eorundemq; leporearia, & ornithones: si lacus, stagna, fontes, Dianæ sacra dixeris, Deorumq; piscinas. Atque adeò Prussiam præ alijs regionibus elegisse apparet, inquam, ceu suum paradisum. Præter ceruos, damas, vrsos, apros, & id genus alias, vulgo notas feras; vros etiam, alces, bifontes, &c. quos alibi locorum vix reperire est, inueheret. Ut interim silentio præteream plurima, & ea rara admodum auium, nec non piscium genera. Proles autem, quam Apollo ex Prussia Coniuge suscepit sunt, Regius mons, sedes illustrissimi Principis, D. Domini Alberti, Ducis Prussiæ, Marchionis Brandenburgensis, &c. omnium doctorum, ac clarorum Virorum nostra ætate Mæcenatis. Torunna, olim emporio, nunc verò Alumno suo D. Præceptore meo satis clara. Gedanum Prussiæ metropolis, sapientia, & Senatus maiestate, opibus, & renascentis rei literariæ gloria conspicua. Varmia collegium multorum doctorum, & piorum Virorum, clara reuerendissimo D. Domino Ioanne Dantisco, eloquentissimo, & sapientissimo Præsule. Marienburgum æra-
rium

Nicolao Copernico.

rium serenissimi Regis Poloniae. Elbinga vetus Prussiae domicilium, quae sanctam quoque literarum curam suscipit. Culma clara literis, & vnde ius Culmense originem duxit. Aedificia verò & munitiones, Apollinis Regias, & aedes diceres. Hortos, agros, totamque regionem Veneris delicias, ut non immerito P^{ro}di dici possit. Porro Prussiam filiam esse Veneris haud est in obscuro, si vel terrae fertilitatem quis perpenderit, vel venustatem, & amoenitatem totius regionis. Venus fertur orta mari, ita & Prussia eius, & Maris filia est, ideoque non tantum eam fertilitatem praebet, ut Hollandia, & Selandia annonam ab ea alantur, sed & quasi Horreum sit vicinis Regnis, item Angliae, & Portugaliae. Praeter haec optima quaeque piscium genera, & alias res pretiosas, quibus ipsa circumfluit, alijs affatim suppeditat. Caeterum sollicita Venus de ijs, quae ad cultum, splendorem, bene ac humaniter viuendum attinebant, neque negante soli natura, in his partibus nasci & haberi poterant, mari denique auxiliante effecit, ut commodè in Prussiam aliunde inuehi possent. Verum cum haec tibi, doctissime D. Schonere. notiora sunt, quam ut à me prolixius referri debeant, atque ab alijs integris ea de re editis Libellis tractentur, vberiore Encomio superledeo.

Hoc tantum addam, ut est Prussica Gens populosa, praesidentis Numinis beneficio, ita quoque est singulari humanitate praedita. Praeterea cum omni genere artium Mineruam colant, & Iouis ob hoc benignitatem sentiunt. Nam ut non dicam de inferioribus artibus attributis Mineruae, ut Architectonica, & huic cognatis, principio illustrissimus Princeps, deinde omnes Praefules, Proceresque Prussiae, penes quos summa rerum est, ac Rerum publicarum Gubernatores, ut Heroas decet, summo studio passim renascentes in in orbe literas amplectuntur: adeoque & soli, & communi consilio alere, & propagare student. Quare & Iupiter fulua contracta nebula, multum auri pluit, hoc est, ut ego interpretor, quia Iupiter praesse dicitur Imperijs, & Rebus publicis cum Magnates studiorum, sapientiae, & Musarum curam suscipiunt, tunc Deus subditorum, nec non vicinorum Regum, Principum, ac Populorum animos, ceu in auream nubem contrahit, ex qua pacem, omniaque commoda pacis, tanquam guttas aureas destillet, animos tranquillitatis, &

„ publicæ pacis amantes , ciuitates bonis legibus constitutas, Viros
 „ sapientes, honestam & sanctam Liberorum educationem, piam de-
 „ nique ac puram religionis propagationem , &c. Sæpius citatur
 naufragium Aristippi, quod apud Rhodum insulam fecisse eum
 perhibent , vbi eiectus, cum quasdam geometricas in littore figu-
 ras conspexisset, iussit socios suos bono esse animo, inclamitans se
 hominum vestigia videre ; neque eum sua opinio falsum habuit,
 nam & sibi & suis, eruditione qua pollebat , ab hominibus doctis,
 & amantibus virtutem, necessaria ad vitam tollerandam facillè pa-
 rabat. Ita, vt Dij me ament, doctissime D. Schonere, cum Prutte-
 ni sint hospitalissimi, haud adhuc contigit mihi vllius his in parti-
 bus magni Viri adire ædes, quin aut statim in ipso limine geome-
 tricas figuras cernerem , aut illorum animis Geometriam seden-
 tem deprehenderem. Quare omnes ferè, vt sunt boni Viri, studio-

*Tidemannus
 Gysius author
 fuit Coperni-
 eo, vt Tabu-
 las Astrono-
 micas nouas
 cõficeret: &
 impulsor, vt
 cõfectas, vnà
 eũ demonstra-
 tionibus ede-
 ret.*

fos harum artium, quibus possunt studijs, & officijs prosequuntur:
 Siquidem nunquam vera sapientia & eruditio à bonitate & bene-
 ficentia seiuncta est. At præcipuè duorum magnorum Virorum
 erga me studia admirari soleo, cum facillè agnoscam, quàm mihi sit
 curta eruditionis suppellex, meque meo pede metiar. Alter est
 amplissimas Præsul, cuius sub principium mentionem feci, reue-
 rendissimus D. Dominus Tidemannus Gysius, Episcopus Cul-
 mensis. Eius autem reuerenda P. cum chorum virtutum, & do-
 ctrinæ, quemadmodum D. Paulus in Episcopo requirit, sanctis-
 simè absoluisse, ac intellexisset non parum momenti ad gloriam
 „ Christi adferre, vt iusta temporum series in Ecclesia, & certa mo-
 „ tutum ratio, ac doctrina extaret, D. Doctorem, Præceptorem me-
 um, cuius studia, & doctrinam multis ab hinc annis exploratam ha-
 bebat, antè non destitit adhortari ad hanc prouinciam suscipien-
 dam, quàm impulsit. D. Præceptor autem cum natura esset κοινωρι-
 νδς, & videret Reipublicæ quoque literariæ motuum emendatione
 opus esse, facillè reuerendissimi Præsulis, & Amici precibus cessit,
 & recepit Tabulas Astronomicas cum nouis canonibus se compo-
 siturum, neque, si quis sui esset vsus, Rempublicam, quod cùm alij,
 rum Ioannes Angelus fecit, laboribus suis defraudaturum. At
 quoniam iam olim sibi esset perspectum, obseruationes suo quo-
 dammodo iure tales hypotheses exigere, quæ non tam euersuræ es-
 sent

*Alphonsina
 tabula sine vl-
 lis rationibus
 & demonstrat-
 ionibus nuda
 sunt edita.
 Copernicus
 suas Tabulas
 eodem modo
 publicare vo-
 lebat. Vide
 præfat: ipsius
 ad Paul. III.*

sent haftenus de motuum & orbium ordine rectè, vt quidem receptum, creditumq; Vulgo, disputata & excussa, quàm etiam cum sensibus nostris pugnaturâ: iudicabat Altonsinos potius, quàm Ptolemæum imitandum, & Tabulas cum diligentibus canonibus, sine demonstrationibus proponendas. Sic futurum vt nullam inter Philosophos moueret turbam: Vulgares Mathematici correctum haberent motuum calculum: Veros autem Artifices, quos æquioribus oculis respexisset Iupiter, ex numeris propositis facile peruenturos ad principia, & fontes, vnde deducta essent omnia. (Quemadmodum quoque vsque adhuc doctis elaborandum fuit, de vera hypothese motus stellati orbis ex Altonsinorum doctrina) sic fore vt doctis liquidò constarent omnia: Neq; tamen Astronomorum Vulgus fraudaretur vsu, quem sine scientia solum curat & expetit; atq; illud Pythagoreorum obseruaretur, ita philosophandum, vt doctis, & mathematicæ initiatis, philosophiæ penetralia referantur, &c.

Ibitum Reuerendissimus ostendebat imperfectum id munus Reipublicæ futurum, nisi & causas suarum Tabularum proponeret, & imitatione Ptolemæi, quo consilio, quauè ratione, quibusque nixus fundamentis, ac demonstrationibus, medios motus, & prostaphæreses inquisierit, radices ad temporum initia confirmauerit, insuper adderet. Adhæc addebat, quantum hæc res incommodi, & quot errores in Tabulis Altonsinis attulerit, cum cogeremur eorum placita assumere ac probare, non aliter, quàm, vt illi solebant, αὐτὸς ἑφα, quod in Mathematicis quidè nullū prorsus locū habet.

Porrò cum hæc principia, & hypotheses tanquam ex diametro cum Veterum hypothesebus pugnent, vix inter Artifices aliquem futurum, qui olim Tabularum principia perspecturus esset: eaque, postquam Tabulæ vires, vt cum veritate consentientes, acquisuissent, in publicum proferret. Non hic locum habere, quod sæpius in Imperijs, ac consilijs, & publicis negocijs fit, vt aliquandiu consilia occultentur, donec subditi fructu percepto, spem nequaquam dubiam faciant, fore, vt ipsi consilia sint approbaturi.

Quantum autem ad Philosophos attinet prudentiores, & doctiores diligentius seriem disputationis Aristotelicæ examinaturi, & perpensuros, quomodo Aristoteles, postquam pluribus se argu-

Quid Alpho-
sini de motu
Octauaspha-
ra senserint,
incertum est:
Nam Senten-
tia Purpachij,
quam pleriq;
acceptant,
ipsa calcula-
tio reclamat.

Tidemannus
Copernico, vt
nō Alphonsi-
norū vel me-
tū vel inuidi-
am, sed Ptole-
mai candorē
imitaretur,

egregijs argu-
mentis persua-
sit.

1. Ipsum opus
fore imperfe-
ctū. Id quod
ex eplo incō-
modorū, ex
Alph. Tab.
ortorū, patet.

2. Vix ulli
Artifices ve-
ra tabularū
illarum fun-
damenta in-
uenient: vel
inuēta profe-
rēt, aut profer-
re audebunt.

3. Docti &
Philosophi
hac occasione
tantiō dilige-
ntius in princi-
pia physica
inquirent.

Lib. 2. cap.
vlt. de cælo.

An Terrâ in
medio Mundi
esse, certò de-
monstratū sit?

Vtrum Terra
partes centrū
Terra, qua-
tenus locum
ipsius Terra:
an quatenus
centrū Mun-
di appe tant?

An circula-
res motus ter-
ra attributi,
consendi sint
violentis?

An rectus &
circularis mo-
tus actu pos-
sint separari?

4. Docti, qui
pertinacius
conceptas an-
tiquas opinio-
nes propugnat
metuendi nō
sunt: Sed com-
munis fortu-
na cum alijs
eruditissimis
milibus sub-
eunda.

Lib. 11. super
12. Metaphy.
Cōment. 45.

5. Indoctorum
clamores ni-
bili sunt faci-
endi.

se argumentis immobilitatem terræ demonstrasse credidit, confu-
giat tandem ad illud argumentum, μαρτυρεῖ τούτοις καὶ τὰ παρὰ τῶν
Μαθηματικῶν λεγόμενα περὶ τῶν ἀστρολογίαν, τὰ γὰρ φαινόμενα συμβαίνει
μεταβαλλόντων τῶν σχημάτων, οἷς ὄρεται τῶν ἀστρον. ἡ τάξις, ὡς ἐπὶ τῷ μέσῳ
κειμένης τῆς γῆς: porro hinc secum constituturos, si hæc conclusio
præmissis disputationibus non poterit subijci, ne oleum, & ope-
ram impensam perdamus, potius vera astronomiæ ratio assumen-
da erit. Deinde reliquarum disputationum aptæ solutiones inda-
gandæ, & recurrendo ad principia, diligentia maiore, pariq; stu-
dio excutiendum, an sit demonstratum, centrum terræ, esse quoq;
centrum vniuersi: & si terra in orbem Lunæ eleuaretur, quòd ter-
ræ partes auulsæ non sui globi centrum adpetituræ essent, sed vni-
uersi; cum tamen omnes ad angulos rectos superficiei globi terræ
incidant. Præterea cum magnetem videamus naturalem motum
habere versus septentrionem diurnæ reuolutionis, an motus cir-
culares terræ attributi, necessariò violenti sint. Amplius vtrum
possint tres motus, à medio, ad medium, & circa medium, actu
separari: & alia, quibus Aristoteles vt fundamentis, Timæi, & Py-
thagoreorum placita refellit. Atq; hæc, & huiusmodi secum per-
pendent, si ad principalem Astronomiæ finem, & ad Dei, & Na-
turæ potentiam, ac industriam respicere voluerint.

Quòd si autem docti vbique acrius, & pertinacius suis prin-
cipijs insistere in animo habuerint, decreuerintq; monebat
D. Præceptorem, se Fortunam meliorem expetere non debere,
quàm quæ Ptolemæi huius disciplinæ Monarchæ fuisset: de quo
Auerroes, summus aliàs Philosophus, postquam concludisset epi-
cyclos, & eccentricos in rerum natura omnino esse non posse, &
Ptolemæum ignorasse, quare Veteres motus gyrationis posuissent,
tandem pronunciat, Astronomia Ptolemæi nihil est in esse, sed
est conueniens computationi, non esse.

Cæterum indoctorum, quos Græci ἀθεωρητοὺς, ἀμούσους, ἀφι-
λοσόφους, καὶ ἀγεωμετρήτους vocant, clamores pro nihilo habendos,
cum neque istorum gratia vllis boni labores suscipiant.

His, & alijs multis, vt ex Amicis rerum omnium conscijs
comperi, eruditissimus Præsul tandem apud D. Præceptorem, cui-
cit, vt

cit, vt polliceretur se docēis, & Posteritati de laboribus suis iudicium permissurum. Quare meritò boni Viri, & studiosi Mathematicum, reuerendissimo Domino Culmensi magnas iuxta me habebunt gratias, quòd hanc operam Reipublicæ præstiterit.

Quoniam autem munificentissimus Præsul hæc studia impendio amat, diligenterq; colit, habet & armillam æneam ad obseruanda æquinoctia, quales duas, sed aliquanto maiores Ptolemæus Alexandriæ fuisse commemorat, ad quas videndas passim ex tota Græcia confluebant Eruditi. Curauit etiam sibi verè Principe dignum Gnomonē ex Anglia adferri, quem summa animi voluptate vidi, siquidem ab optimo Artifice, neque rudi mathematices fabricatus est.

Alter verò meorum Meccenatum est spectabilis, ac strenuus D. Ioannes à Vuerden, Burgravius Nouensis, &c. Consul inclytæ ciuitatis Gedanensis. Qui vt ex Amicis quibusdam de meis studijs audiuit, non dedignatus est, me qualemcunq; suis verbis salutare, & petere, vt se antè conuenirem, quàm Prussia excederem. Quod cum D. Præceptorī meo indicarem, ipsi hoc meo nomine tum placuit, & Virum eum ita mihi depinxit, vt me tanquam ab Achille illo Homeri vocari intelligerem. Nam præterquam quòd in belli, pacisq; artibus excellit, etiam Musicam Musis fauentibus colit, qua suauissima harmonia spiritus suos recreet, & excitet, ad Reipublicæ onera subeunda, ac perferenda; dignus, quem Deus Opt. Max. fecerit Ποιμένα λαών; & beata Respublica, cui Deus tales præfecerit Administratores. Socrates in Phædone damnat illorum sententiam, qui animam harmoniam dixere, & rectè quidem, si nihil præter elementorum in corpore crasim intellexere. Quòd si autem ideo animam harmoniam esse definierunt, quòd & sola cum Dijs mens humana intelligeret harmoniam, quemadmodum & sola hæc numerat, quare & quidam Numerum dicere non sunt veriti: deinde etiam quòd cernerent, grauissimis quandoq; animæ morbis concentibus Musicis mederi: nihil hæc sententia, quòd anima hominis, præsertim Heroici, harmonia dicatur, incommodi habere videbitur. Quapropter rectissimè quis eas Respub. beatas dixerit, quarum Gubernatores animas harmoniacas, hoc est Philosophicas naturas, habuerint. Qualem certè Scythia ille nequa-

quam habuit, quiequi hinnitum audire malebat, quàm excellentissimum Musicum, quem alij ad stuporem usque audiebant. Utinam autem omnes Reges, Principes, Præsules, alijq; Regnorum Proceres animas ex cratere harmoniacarum animarum sortirentur, & non dubitarem, quin optimæ hæ disciplinæ, quæq; propter se potissimum sunt expetendæ, suam dignitatem sint obtenturæ.

Hæc habui, clarissime Vir, quæ ad te in præsens de D. Doctoris mei Hypothesibus, Prussia, & Mæcenatibus meis scribenda putavi. Benevale, Vir doctissime, & studia mea tuis consilijs gubernare ne dedignere, scis enim nobis Iuuenibus maximè Seniorum, & prudentiorum consilijs opus esse; nece venusta illa Græcorum sententia fugit, *Γυῶμαι δ' ἀμείνους εἰσι τῶν γεγαυτέγων*:

Ex Musæo nostro Varmia. I X Calend.

Octobris, Anno Domini M.D.

X X X I X.

F I N I S.

DE DIMENSIONIBVS

ORBIVM ET SPHÆ-

RARVM COELESTIVM IVXTA

Tabulas Prutenicas, ex sententia Nicolai
Copernici.

APPENDIX M. MICHAELIS

MÆSTLINI MATHEMATVM IN


Tubingensi Academia Professoris.



E QVID ERVDITISSIMO ET INGE-
 niosissimo doctissimi Mathematici M. Ioannis Keple-
 ri Prodomo, & disertæ Rhetici Narrationi, deesset:
 operæ pretium duxi, eis, Appendicis loco, Dimen-
 siones magnitudinum, siue altitudinum Sphærarum
 Mundi, quibus Erratica sidera mouentur, secundum Copernici
 hypothesen, subiungere. Etsi autem ex ipso Copernico, partim
 etiam ex Ptolemæo, absq; labore excerpti & conscribi potuissent:
 malui tamen ab Erasmo Rheinholdo eas accipere. Ipse enim, sicut
 in Tabularum Prutenicarum præfatione protestatur, & earum ta-
 bularum numeri attestantur, obseruationes & demonstrationes à
 Copernico propositas, multò exactiùs & accuratiùs, quàm ipse
 Copernicus, discussit, ideo numeros, quibus Rheinholdus Mun-
 di Sphæras dimensusest, & ex quibus illas suas, Prutenicas dictas,
 tabulas confecit, tanquam perfectiores sequèdos existimo. Optan-
 dum autem esset, Rheinholdi Commentarium in Copernici li-
 bros, vel potiùs in suas Prutenicas Tabulas, aliquoties ab ipso pro-
 missum, in promptu esse, ex eo enim non tantùm dimensiones has
 describere possemus, sed etiam plurimis adminiculis ipsa Astrono-
 mia, pro defectibus, quibus adhuc laborat, faciliùs restituendis,
 magnopere haud dubio adiuuaretur. Quia autem inopinata & im-
 matura viri morte tam hoc, quàm alia vtilissima opera interrupta
 fuerunt: altera quæ restat via tentanda est, qua retrograda methode
 à fine ad initium recurritur. Numeri igitur in Tabulis ipsius scripti,
 resoluendi, & ex eis illi, quos Reinholdus diligenti obseruationum
 & demonstrationum examine, pro condendis illis ipsis Tabulis,

inuenit, eruendi erunt. Spero autem ista admirando huic hoc libro tradito Domini Kepleri Inuento, non parum commodatura esse.

THEORIA SOLIS, SEV POTI-
us Orbis Magni Telluris, eiusq; di-
mensio.



Hoc Diagrammate a centrū Mundi est, quo Copernico Sol residet. BCD zodiacum in Stellarum fixarum orbe refert. EFG eccentricus est, siue orbis terræ annuus, cuius eccentricitas mobilis ponitur, centrum enim eius H, circa I in circulo paruo HKL conuertitur. Quod ubi in H summo fastigio ab A fuerit: eccentricus est, vt dictum, EFG, & AH eccentricitas quanta potest esse

maxima. Sed eodem centro in L inum ab A fastigium delato: eccentricus variato situ ex EFG in MNO transponitur, & AL eccentricitas omnium minima fit, per 8. tertij elementorum. Intelligendus aut hīc est eccentricus eccentrici, seu eccentrecentricus orbis, cuius complexu hic eccentricus EFG & MNO contineatur, & qui illius centrū in HKL circa sui ipsius centrum I circumducatur, qualis in antiquis Ptolemæi, siue vſitatis hypothesibus in Theoria Mercurij concipitur.

Huiusmodi centri veri eccentrici accessum ad A, & recessum ab eodem Artifices ex prosthaphæreseon variatione intellexerunt. Nam Hipparchi & Ptolemæi seculo eæ multò maiores, post subinde minores deprehensæ sunt. His per omnia consonat ista centrorum appropinquatio. Ductis enim HF & LN extra apogæi lineam rectis

rectis parallelis, item AF & AN quorum illarum medium, hæc verum motum Solis vel terræ in eodem eccentrici arcu (quia EF & MN æquales sunt per 26. tertij) designant. At HFA maiorem esse quam LNA , manifestum est, ex eo, quod FHA & NLA per 29. primi, æqualibus existentibus, FAH minor quam NAL , veluti eius pars, cer- nitur.

Circulari autem linea idem eccentrici centrum ex H versus L descendisse, Copernicus ex inæquali apogæi Solis motu ratiocina- tur. Quod enim Ptolemæus propter nimiam tarditatem omni- no immobile ab Hipparcho ad se credidit, id velocius Copernicus procedere deprehendit. His consentit motus centri 1 , in circu- lo paruo IPQ , æqualis circa A , quo AIB linea Apogæi medij æqualiter per zodiacum secundum signorum ordinem incedit; sed veri eccentrici centro ad H supernè contra, & circa L secun- dum illum ordinem mouetur. Illic igitur circa H maximam eccen- tricitatem veri apogæi linea, ex centro A per veri eccentrici centrū ducta, occurrit lineæ apogæi medij æquis propemodum passibus: hic autem circa L eodem vtraque tendit. Maximam autem veri & medij apogæi distantiam notat recta ex A , tangens circulum par- uum, qualis hic est AKR , indicans eccentrici ex K descripti (arcus hic solum depictus est) apogæum in s .


Motus eccentrici est annuus. Anomalix ab apogæo medio motus ferè annuus quoque est, Centri autem veri eccentrici in HKL paruo circulo reuolutio est Copernico (lib. 3. cap. 20.) annorum 3434. æqualis nimirum obliquitatis eclipticæ anomalix. Circulo IPQ Copernicus annum motum attribuit (lib. 3. cap. 22) 24. 20. 14. sub fixarum stellarum sphaera. Eius ergo periodus in 54. mille annos exurgit. Rheinholdus suas secutus rationes annum motum eius facit 25. 33. 12. tanta enim inter motum Solis sim- plicem & anomaliam eius annua est. Reuolutio ergo in annis pau- lo pluribus quam 50. mille completur. Sed sub zodiaco annis 17. mille conuertitur.

Dimensionem horum Orbium Rheinholdus ipse prodidit, in tabula eccentricitatis Solis. fol. 98. Qualium enim semidiameter eccentrici est 1000000. partium, talium AH maximam eccentrici- tatem assumpsit 41700. (Copernicus lib. 3. cap. 21. eam posuit 417.

qualium eccentrici semidiameter est 10000) sed minimam AL , facit 32190. Ergo HL est 9510.

THEORIA LVNÆ, EIVS QVE
dimensio.

Copernicus reiecto eccentrepicyclo vsitatarum hypothesiū ē theoria Lunari, tanquam qui nec apparenti Corporis Lunæ magnitudini, vt suprà pag 109. habetur, nec parallaxibus Lunæ satisfacit: motum cursus lunaris per concentricum cum duobus epicyclis explicat.



Diagrammate hoc A centrum terræ terræ est, BCD portio circuli vel orbis concentrici lunaris, $EFGH$ epicyclus primus maior est, cuius apogæū E , perigæū G , ad F & H epicyclus minor vel secundus $IKLM$ collocatur. Illū maiorem orbis ABC menstruo motu per zodiacum secundum signorum seriem defert; minorem verò maior epicyclus supernè contra eundem orbem, menstruo propemodum quoque motu, secundum $EFGH$: at minor lunam sibi affixam, semimense iuxta $IKLM$, agit. Concentrico Copernicus officium eccentrici vsitatarum Ptolemæi hypothesium delegavit: minori verò epicyclo munus eccentricitatis earundem hypothesium, hac motus lege, vt Luna in O & P cum \odot in I , puncto centro C maioris epicycli proximo, in omni autem \square in L puncto ab eodem C centro remotissimo reperiatur. Hinc ergo contingit, vt Lunæ nouæ & plenæ epicyclus apparentis motus sit $NI O$, sed dimidiatæ sit $PL Q$ quorum ille minimus habet pro-

strophæreses secundum CAI minimas, hic maximus secundum CAL maximas, non quòd propter eccentricum aliquem ipse primus epicyclus terræ propior remotiorq; fiat, sed quia apparens epicyclus ex duobus quasi compositus magnitudine crescit & decrescit. Deinde hic secundus epicyclus primi irregularitatem saluat. Quem enim arcum Ptolemæus lib. 5. cap. 5. inter medium & verum apogæum epicycli interuenire credidit, eum minor epicyclus arcu IK vel IM reddit, quo arcus EF vel angulus ECF angulo FCH vel FCM augetur vel minuitur.

Res equidem mira est, quòd Ptolemæus hîc verè cæcus (liceat mihi eodem cum Rhetico simili vt) solius baculi ductu, ad scopum, in demonstrando longitudinis motu, tam egregiè collimauit, 1. Eccentricum isponit, æqualiter non circa proprium, sed circa terræ centrum mobilem: Eius loco Copernicus concentricum orbem substituit. Ergo regularitas motus eius circa terræ centrum ei non precariò, vt illic, sed de iure debetur. 2. Epicyclus vtrobique ad apparentiam crescit & decrescit, apud Ptolemæum propter accessum & recessum ad terram, sed apud Copernicum propter duorum epicyclorum motum compositum. 3. Lunæ in epicyclo motus vtrobique inæqualis est, illic propter confusum quoddam apogæum medium, hîc propter secundi epicycli magnitudinem: nisi quòd æquatio ista illic in principio anomalæ, hîc in fine accrescit. 4. Et licet in particularibus numeris hæ æquationes apud Ptolemæum vel in Alphonsinis tabulis, & apud Copernicum, vel in Prutenicis tabulis multum inter se discrepent (cuiusmodi est, quòd maxima huius anomalæ æquatio & loco & quantitate admodum diuersa est: Nam apud Ptolemæum ea apud 114. gr. 3'. 53". anomalæ, excrescit vsque ad 13. gr. 8'. 7". sicut Petrus Nonnius Annot. 4. 5. & 6. Comment. in Theorias Purbachij, eruditissimè demonstrat. At iuxta Prutenicæ tabulas illa prosthaphæresis ad 12. gr. 26'. 58". assurgit, dum anomalia est 77. gr. 33'. 2".) Eo tamen loco, quadrante sc. ab anomalæ huius initio, quo Ptolemæus lib. 5. cap. 5. verum apogæum à medio separandi occasionem desumpsit, mirificè consentiunt.

Numeros dimensionum orbium particularium Rheinholdus hîc & in sequentibus non æquè, vt in Sole, expresit, elici tamen ex Ta-

extabulis prosthaphæreseon sic possunt. Prosthaphæresis primi epicycli ad 1. Sexag. 38. gr. est 4. part. 55'. 54". cum excessu 2. part. 44'. 6". quæ est 7. part. 40'. prosthaph. lunæ diuiduæ, omnium maxima nimirum angulus CAL , ubi AL epicyclum PLC tangit. At tantam Ptolemæus lib. 5. cap. 3. ex obseruationibus demonstrat; Eam Copernicus lib. 4. cap. 8. licet nulla noua comprobata obseruatione, resumit. Dubium ergo non est, quin eandem etiam Rheinholdus calculi sui fundamentum esse voluerit. Igitur CAL trianguli, propter angulum contactus rectanguli, angulus ad A est 7. par. 40'. quare qualium AC est 1000000, talium ex canone Sinuum CL vel, CP , aut CQ datur 133410.

Deinde iuxta gradum anomalie 1. Sexag. 30. gr. notatur secundi epicycli prosthaphæresis 12. par. 9'. 56". Ea hic est angulus FK , competens quadranti IK , propter FK perpendicularem ad CF . Qualium ergo CF est 1000000. earum ex secundo vel tangentium canone datur FK , vel ei æqualis FL 215579. hinc tota CL 1215579. Sed qualium CL modo fuit 133410. earum CF , siue CE vel CG fit 109750. & residua FL vel FI 23660. item CI siue CN aut CO 86090. in partibus quarum AC est 1000000. Ex quibus producitur Lunæ nouæ & plenæ distantia maxima AH 1086090. & minima AO 913910. Diuiduæ verò distantia maxima AP 1133410. & minima 866590.

Huic duorum epicyclorum hypothesi apparens corporis lunaris magnitudo, de qua supra pag. 109. multò rectius, quàm eccentrico epicyclo Ptolemæi, congruit. Si enim Lunæ nouæ & plenæ altissimæ in N diameter apparens 30. scr. primorum sit (quantam Copernicus lib. 4. cap. 19. & 22. & Tab. Prut. fol. 122. b sumunt) fiet ea in O 35'. 39". & in P apogæo quadraturæ 28'. 45". atque in Q eiusdem perigæo 37'. 36". inter maximam & minimam differentia est, 8'. 51'. obseruationibus congrua. Multò maiorem differentiam eccentricus epicyclus postulat; Cum enim Ptolemæus lib. 5. cap. 4. numeret lineam perigæi 39. part. 22'. qualium linea apogæi est 60. & epicycli semidiameter 5. part. 15'. oportet lunam altissimam esse ad humilimam, sicut 65. par. 15'. ad 34. par. 7'. Quod si lunæ diameter illic appareat 31'. 20". quantam Ptolemæus lib. 5. cap. 14. probat: eadem hic fiet 59'. 56". dupla ferè, cui omnis & vniuersalis experientia reclamatur.

De

DIMENSIO SPHÆRÆ LVNARIS, ET

Orbis Magni, siue distantia Luna & Solis à Terra, per semidiametros Terra: Comparatio item verarum magnitudinum Solis, Terræ, & Lunæ.

Rheinholdus in generali Tabula parallaxon ☉ & ☾ in circulo verticali, fol. 137. a. numerat parallaxes Lunæ ad 4. orbis eius limites, vid. ad P, N, O, & Q præcedentis schematis. Harum eæ quæ ad horizontem contingunt maximæ, sunt 1. ad P 50'. 43". (iuxta primi & secundi limitis differentiam 2'. 13", subtr.) 2. ad N 52'. 56". 3. ad O 62'. 54". 4. ad Q 66'. 21". (iuxta tertij & quartilimitis differentiam 3'. 27". add.)

Schemate hoc A B semidiameter terræ est, B C linea à visu ad Lunam in horizonte procumbentē, A C eiusdem à terræ



centro distantia. In triangulo ergo A B C rectangulo propter angulos, per has parallaxes datos, nota fit ex canone sinuum recta AB, in partibus, quarum A C est sinus totus 1000000. vid. in primo limite 14752. in secundo 15397. in tertio 18296. in quarto 19299. Sed quarum A C paulò antè inuenta est in quatuor limitibus, 1. iuxta A P 1133410. 2. iuxta A N 1086090. 3. iuxta A O 913910. 4. iuxta A Q 866590. qualium ibi A C semidiameter sphæræ Lunæ erat 1000000. talium A C terræ semidiameter hîc producit 1. 16720. 2. 16723. 3. 16721. & 4. 16724. Facta autem collatione harum, & aliarum eius Tabulæ parallaxon, inuenitur, quòd vera longitudo A B à Rheinholdo, per exquisitiorem obseruationum Copernici lib. 4. cap. 17. discussionem, producta fuerit 16723. in partibus, quarum Orbis lunaris media altitudo A C est 1000000. Quarum ergo semidiameter Terra est pars vna, prodit semidiameter lunaris sphæræ A C 59. par. 48'. A P 67. par. 47'. A N 64. par. 57'. A O 54. par. 39'. A Q 51. par. 49'. item C E vel C F 6. par. 34'. F I vel F L 1. par. 25'.

In eadem parallaxon tabula Rheinholdus parallaxin in Solis horizontalem scribit 2'. 58". In Triangulo igitur A B C, præcedentis schematis, rectangulo, qualium A C, distantia Solis media à ter-

Y

ra, h. e.

ra, h. e. semidiameter eccentrici orbis Magni (ad eam parallaxes illæ computatæ sunt) est 1000000, talium propter angulum ad c 2'. 58". AB fiet 863. Verum quoniam hi numeri circa minima verfantur, in quibus paucula scrupula tertia (quæ hîc non notantur) neglecta, differentiam non contemnendam pariunt: ideo reliquæ parallaxes similiter examinandæ sunt. Hoc autem factò (examen id quia prolixius, omitto) tandem deprehenditur, eas omnes in 862. conspirare. Eo ergo Rheinholdum in conficienda illa tabula vsum fuisse, apud me dubium non est. Hinc quarum semidiameter terræ est pars vna, talium semidiameter eccentrici Solis vel Orbis Magni est 1160. par. 6'. quàm proximè, eiusq; maxima eccentricitas, recta AH (in figura pag. 162.) 48. par. 23'. & minima AL 37. par. 21'. harumq; differentia HL 11. par. 2'. Ex quibus colligitur distantia Solis apogæa à terra in eccentricitate maxima AB, 1208. par. 29'. perigæa verò AG IIII. par. 43'. At in eccentricitate minima, distantia apogæa AM, 1197. par. 27'. & perigæa AO, 1122. par. 45'. qualium semidiameter terræ est pars vna. Continet autem vna terræ semidiameter 860. miliaria germanica ferè quorum in vno eius circuli magni gradu 15. numerantur.

Pro magnitudinibus horum trium corporum, Solis, Lunæ & Terræ inuestigandis, adhibeatur proximè præcedens schema (eius enim delineatio huic instituto quoque inferuire potest) in quo E terra sit, & AB semidiameter Solis vel Lunæ, sub angulo ACB visionis comprehensa. Solis autem semidiametrum apparentem in apogæo eccentricitatis maximæ, Rheinholdus assumit eam, quam Ptolemæus lib. 5. cap. 14. & 15. prodidit, quantam etiam Albategnius cap. 30. comprobavit, & Copernicus lib. 4. cap. 19. (attamen absque peculiari obseruatione) reassumpsit nimirum 15'. 40". Hinc qualium AC est 1000000. talium ex angulo ACB 15'. 40", fit recta AB 4557. Sed qualium AC suprâ inuenta fuit 1041700. talium AB est 4747. qualium etiam terræ semidiameter est 862. Ex eo cognoscitur, qualium diameter terræ (cum integrarum eadem quæ dimidiarum diametrorum sit ratio) est pars vna, earum Solis diameter fit 5. par. 30'. 30". Ex cubica verò diametrorum multiplicatione proportio corporû emergit, eam enim triplicatam esse demonstratur prop. vlt. lib. 12. Eucl. Ergo Sol centies sexagies septies (167) globo terreno maior est.

Ita

Ita cum nouæ & plenæ Lunæ diameter 30'. à Copernico & Rheinholdo ponatur (licet Ptolemæus eam 31'. 20". & Albategnius 29'. 30". faciant) fiet AB 4363, quarum AC est 1000000. sed quarum AC suprâ fuit 1086090, & terræ semidiameter 16723. talium AB est 1739. Ergo qualium terræ diameter est pars vna, erit Lunæ diameter 17'. 0". vndecubica multiplicatione notum fit, Lunam æquare vnâ quadragesimam quartam terræ partem. Solem verò magnitudine sua amplius quàm 73. centum lunas superare.

Obletandi gratia his lubet istud quoque addere. Quoniam Astronomia alarum Mathematicarum, Geometriæ scil. & Arithmeticæ adminiculo, vsque ad Solem & Lunam euolauit, eorumq; & altitudines & magnitudines dimensa est: Age, ipsius Vrania eorundem circulos, quos ex terra videmus planos (apparent autem Sol & Luna ceu circuli plani) nobis edisserat, atque dictorum circumulorum circumferentias, diametros, & areas in miliaribus germanicis, ceu communiter magis nota mensura, patefaciat.

Inuenta diametrorum Solis & Lunæ cum Terra proportionem (quæ est ☉ 5. par. 30'. 30". Terræ 1. pars. ☽ 0. pars. 17'. 0".) cognita item circumferentia terreni magni circuli 5400. miliarium germanicorum: cætera illa, quæ petuntur, non latebunt.


1. Quoniam circumferentiarum circuli eadem est, quæ diametrorum proportio: cognoscetur inde, circumferentiam circuli Solis paulò minus quàm tricies mille (30000) Lunæ verò vltra sesqui mille (1500) miliaria continere.

2. Circumferentiæ ad diametrum proportionem triplam esse & sesqui septimam ferè, demonstrat Archimedes (sicut 22. ad 7.) Hinc elicitur diameter ☉ paulò minor, quàm nonagies quinquies centum (9500. ferè) & diameter ☽, ferè quingentorum (490. ferè) mil. germanicorum. Hæ diametri nobis bipedales, vel potius pedales, in 12. digitos diuiduæ, apparent.

3. Dimidia diameter in dimidiam circumferentiam ducta, metitur aream circuli, quæ vt Archimedes de circulo demonstrat, æqualis est triangulo rectangulo, sub semidiametro & circumferentia circuli comprehenso. Ergo circuli Solaris area, seu planum, excedit numerum septuaginta mille millium (70000000) miliar. germ. Lunarise autem circuli planities centies octogies sexies mille

(186000) miliaria germanica (quadrata scil.) superat. Hæc de Luminaribus cœli, quæ Deus, vt diuidant diem & noctem, atq; menses & annos distinguant, creauit.

THEORIÆ B, 4. ET 8.



Hoc Schemate A est centrū eccentrici B C D alicuius ex superioribus Planetis, B, 4. vel 8. E orbis Magni centrū est. Hoc Copernicus pro Mūdicentro accipit, sicut supra pag. 51. & 137. habetur, istud enim Mundi hypothesium Ptolemæi centro (conuenienticomparationefacta) correspondet. Tertiæ verò parti eccentricitatis A E æqualis est semidiameter epicycli positi ad B, C, & D. Reuolutiones

eccentrici & epicycli Copernicus ponit æquales, & in consequentia, eccentrici quidem simpliciter, epicycli autem parte superiori, contrà verò in inferiore, hac lege, vt epicyclo in B existente, planeta in eius perigæo G versetur: & contrà, illo in D, hic in H sit. Hac motuum paritate fit, vt centro epicycli extra B & D apogæum & perigæum, vt in C, versante, anguli B A C, & K C L (K hîc idem, quod illic G vel I, atque L planeta est) sint æquales, vnde N L rectam, assumpta A N æquali ipsi epicycli semidiametro, parallelam ipsi A C, & angulum B N L, angulo B A C æqualem esse necesse est. Quare sicut epicycli centrum circa A, ita Planeta circa N æqualem motum habet. Planeta autem via, est linea ex G per L in H detorta, quæ circulariter ferè punctum M, triente eccentricitatis E A ab A, ambit, perfectè autem circularem non esse demonstrat Copernicus lib. 5. cap. 4. Hinc illa sunt: 1. quòd Ptolemæus hanc planetæ G L H viam verè circularem putauit, ideoque eccentricum planetæ circa M posuit. 2. quòd eccentricum hunc G L H non circa M pro-

m proprium, sed circa n alienum centrum, quod propterea \mathcal{E} quantis centrum appellatur, & duplam ipsius m eccentricitatem habet, æqualiter reuoluistatuit. Ecce utroq; oculo cæcus, quàm nihil, solius Astronomici baculi aut virgulæ ductu, à via aberrauit?

Quòd si per eccentricum eccentrici horum planetarum motus demonstrare malimus, omnia eodem redibunt. Eum hîc circulus BCD , centro A , refert, qui veri eccentrici centrum in circumferentia nm , ad n secundum, & ad m contra signorum ordinem agit; hac lege: Quoties vel in apogæo vel in perigæo eccentrici planeta fuerit, veri eccentrici centrum in m , ipsiusq; eccentrici situs secundum GCH est. Eodem autem planeta quadrante inde distante, hîc in c vel potius L : veri eccentrici centrum in n ascendit, & eccentrici situm secundum FCH monstrat, quo FL quadrans est. Rursus ergo via planetæ est GLH linea curua, circulari non admodum absimilis. Et n æqualitatis punctum fit, circa quod ipse Planeta regulariter incedit, ipso enim in G vel H posito, recta ex veri eccentrici centro ad planetam per n , quia in eadem linea, ducitur. Eodem ad L dilato, illud cum n totum vnitur. Alibi autem centro veri eccentrici extra m & n ubicunq; commorante, recta ex eo ad planetam nunquam non per n traicitur. Necessariò ergo sicut circa veri eccentrici centrum, mobile tamen, motus planetæ æqualis est: ita circa n itidem æquatur. Hæc est prior Anomalia, planetæ ad E Mundi centrum.

Post hæc circa E circulus $OPQR$ orbem Magnum Terræ refert. Hoc orbe altera Planetæ Anomaliæ, quam ad terram habet, demonstratur, quia ipsa ex diuersis eius partibus ad eum respiciens varios apparentis motus angulos efficit. Exempli gratia, Si Planeta sit in G , motus eius ad E centrum Mundi tum demum idem est cum apparente motu, si terra in Q vel O fuerit. Nam ex medietate QRO , planeta vltior in consequentia, at ex OPQ anterior in antecedentia ab E G linea apparet. Motus item terræ à P , vel aliquantum ante, per Q ad R , vel aliquantum post, efficit, ut planeta velocius in consequentia incedere videatur, quàm E G linea postulat, inde autem ipsa per O eunte, quicquid velocitate illa accesserat, totum id hîc reposcitur. Vnde planeta non modò tardus fit, sed in antecedentia retrogredi apparet. Ista Ptolemæus per peculiarem

epicyclum singulis planetis proprium, fieri existimauit: hic autem vnus iste Orbis magnus sufficit.

S P H Æ R Æ D I M E N S I O.

In Tabulis Prutenicis ad Anomaliam 1. Sexag. 30. gr. reponitur prosthaphæresis eccentrici 6. gr. 29'. 53". Illa anomalia in Schemate est B C, vel F L quadrans ab eccentrici apogæo, & prosthaphæresis est angulus N L E, propter eccentricitatem orbis F L I a b E, vel, est angulus R E T a b R apogæo commutationis medio (linea R E P æquidistantelineæ N L, vel A C) ad T verum eius apogæum. Qualium autem semidiameter sphæræ H A C, vel N L est 100000. (sufficit sinus totius hic numerus, nec maiori Rheinholdum vsūm fuisse, verisimile est) talium ex canone secundo vel tangentium N E est 11390. eiusq; medietas M E 5695. His Saturni distantia apogæa E G à centro Mundi cognoscitur 105695. & perigæa E H 94305. quarum sphæræ ipsius semidiameter est 100000. Copernicus lib. 5. cap. 9. habet 10569. & 9431. qualium A B est 10000. cap. enim 5. & 6. numerauit E N 1139. & E A 854, atque B G vel A N 285.

Deinde ad Anomaliam eandem 1. Sexag. 30. gr. notatur prosthaphæresis parallaxeos orbis 1. gr. 53'. 40". cum Excessu 0. gr. 42'. 19". addendo, vt altera prosth. sit 6. gr. 35'. 59". Harum prior est angulus E G F, altera E H F, competentes quadranti orbis Magni O P vel Q P, illa quidem dum Saturnus in G apogæo, hæc autem dum in H perigæo fuerit. In triangulis igitur G E P &, M E P rectangulis, per angulos ad G & H datos, notietiam fiunt residui ad rectos, G P E & H P E. Qualium ergo E P orbis magni semidiameter est 100000. (lubet orbis magni semidiametrum tam hic, quam in sequentibus facere sinum totum, vt communis omnium sphærarum mensura fiat) talium ex Canone secundo E G producit 968600. & E H 864312. vel 864300. (absque omni sensibili differentia hunc numerum pro illo assumere licet, omnia minutissima enim nimia subtilitate excutere velle nec opus est, nec conducit, quod etiam Rheinholdum fecisse multis probari posset) vnde tota G E H 1832900, eiusq; dimidia 916450. Qualium verò Orbis Magni semidiameter est pars vna, prouenit Saturni altitudo à centro mundi E G, maxima 9. par.

9. par. 41'. 10". & minima EH 8. par. 38'. 35". media verò quæ est semidiameter sphaeræ Saturni, 9. par. 9'. 52". Porro recta EF semidiameter orbis Magni continet, vt supra computauimus, 1160. semidiametros terræ.

Vbiautem, & quanta sit hæc parallaxeos prosthaphæresis maxima, Saturno in absidibus versante, in promptu est, rectæ enim GV & HX, tangentes orbem magnum, cum EG & EH iam notis, eas continent. Eæ ergo EG & EH ex Canone hypothenusarum vel secantium, offerunt angulum EG V ad apogæum, 5. gr. 55'. 33". & EH X ad perigæum 6. gr. 38'. 39". Horum angulorum complementa ad angulum rectum sunt anguli GEV, & HEX, siue arcus O V, & QX, distantiam terræ ab apogæo commutationis indicantes, quæ illic est 1. Sexag. 35. gr. 55'. 33". hîc 1. sex. 36. gr. 38'. 39".

S P H Æ R Æ 7. D I M E N S I O.

Pari modo in tabulis Iouis procedendum est. Ad Anomaliæ 1. Sex. 30. gr. computauit Rheinholdus prosthaphæcentris 5. gr. 13'. 40". quæ est angulus NLE. Quarum igitur NL orbis Iouis semidiameter est 100000. talium EN ex fœcundo habetur 9150. eiusq; dimidia EM 4575. Quare Iouis apogæa distantia à Mundi centro EG est 104575. & perigæa EH 95425. Copernicus lib. 5. cap. 10. & II. numerat EN 917. & EA 687. atque BG vel AN 229. qualium AB est 10000.

Deinde ibidem prosth. parall. Orbis magni, Ioue ad apogæum suum versante, EGF est 10. gr. 19'. 50". & excessu, 0. gr. 57'. 58". addito, eiusdem orbis parallaxis, Ioue ad perigæum suum commorante, EHF est 11. gr. 17'. 48". Qualium ergo, sicut in H, orbis Magni semidiameter EF est 100000. talium hic ex fœcundo erit EG 548600. & EH 500600. atque tota GH 1049200. eiusque dimidia GM 524600. Sed qualium semidiameter orbis magni est pars vna, habebitur summa Iouis altitudo à centro mundi, EG, 5. par. 29'. 10". minima 5. par. 0'. 22". atque semidiameter Sphaeræ Iouis 5. par. 14'. 46".

Maximas prosthaphæreses parallæcon orbis magni in sphaera Iouis iidem 548600. & 500600. numeri ex canone hypothenusarum

rum exhibent, vid. angulum EGV $10. gr. 30'. 10''$. ad apogæum, sed EHX ad perigæum $11. gr. 31'. 23''$. Contingunt autem eæ, dum Commutationis anomalia tanto arcu quadrantem ab apogæo superat.

S P H Æ R Æ ♂ D I M E N S I O.

Dimensionis Sphæræ Martiæ calculus paulò magis intricatus est, propterea quæ Rheinholdus omnes prosthaphæreses Martis ad diminutam eccentricitatem eius computauit. Etenim postquam Orbis magni centrum, quod hæctenus, propter causas suprà dictas, pro mundi centro accepimus, ad Solem verum Mundi centrum, atque sic etiam ad centrum orbis Martis notabiliter accessit, etiam huius eccentricitatem EA vel EM sic mutauit, vt in prosthaphæresibus perceptibilis fieret, vide Coper. lib. 5. cap. 4. fol. 143. a. & cap. 16. fol. 158. a. item suprà pag. 131.

Ad Anomaliam, in tabulis ♂ 1. Sex. 30. gr. prosthaphæresis eccentrici inuenitur $11. gr. 31'. 3''$. qui est angulus LE , propter quem canon fœcûdus numerat EN 19530. in partibus ipsius sphæræ semidiametri NL 100000.

Deinde ad eandem anomaliam 1. Sexag. 30. gr. ponitur prosthaphæresis parallaxeos Orbis apogæa, angulus EGP , 30. gr. 59. 4''. & excessu 5. gr. 1'. 58''. addito, parall. perigæa, angulus EP , 36. gr. 1'. 2''. Qualium igitur EP est 100000, talium oportet EG esse 166530. & EH 137550. totamq; diametrum GH 304080. dimidiam verò HM vel AB 152040. atque EM 14490. At qualium AB semidiameter sphæræ ♂ prius erat 100000, talium EM exit 9530. qualium etiam EN fuit 19530. Quare residua MN est 10000. oportebat autem EM , & MN æquales esse, nisi eccentricitas fuisset diminuta, Eam Rheinholdus 470. partibus minorem assumit. Copernicus lib. 5. cap. 15. à Ptolemæo EN demonstratam docet 2000. part. & EA 1500. à se autem EA inuentam dicit cap. 16. 1460. qualium AB est 10000.

Quarum autem EP est pars vna, talium in hac minima eccentricitate, EG est 1. pars, 39'. 55''. & EH , 1. pars, 22'. 32''. atque AB semidiameter sphæræ ♂ 1. pars, 31'. 13''.

Maximam quoq; parallaxon prosthaphæresin ex canone hypothefi-

pothenusarum offerunt illi numeri, 166,30. & 137550. vid. angulum EGV 36. gr. 50'. 18". & EHX 46. gr. 38'. 8".


Verum in eccentricitate EM maxima, partium 10000, qualium AB est 100000, inuenitur hæc EM 15204. qualium EP est 100000. igitur EG fit 167244. & EH 136836, Sed qualium EP est pars vna, earum EG fit I. pars. 40'. 21". & EH I. pars. 22'. 6". Inde quoque angulus EGV fit 36. gr. 43'. 22". & EHX 46. gr. 57'. 13". Sic & NLE eccentri prosthaphæreseos angulus inuenitur tum II. gr. 18'. 36".

THEORIA SPHÆRÆ ♀,
eiusq; dimensio.

Similima motus ♀ ratio est, quæ in tribus superioribus, theoria enim eius æquæ per eccentricum eccentrici, aut per eccentrepicyclum, aut si quis malit per concentricum cum duobus epicyclis, sicut in præcedentibus factum est, explicari potest; nisi quod Venus intra orbem magnum mundi centro vicinior est; & quod trium Superiorum epicycli vel eccentrecentrici cum suo proprio eccentrico commensurabiles sunt, ij verò in Venere non suum eccentricum, sed Orbem magnum obseruant. Hinc fit, vt illi Superiores vnica sui motus viam, scil. circulum (vel quasi circulum) GLH strictissimè custodiant; Venus autem hisce angustijs inclusa non manet, sed, sicut figurâ proximâ patet, in vniuersos angulos regionis, intra circulos punctis delineatos interclusa, euagatur.

Orbis exterior QLK , circa E , orbis Magnæ terræ est, Veneris sphaera intrâ patet. Cuius orbium motus his legibus astridi sunt. Quoties Terra in Q apogæo, vel x perigæo Veneris fuerit, eccentrici Veneris centrum in M , ad E Mundi centrum quàm proximè accedit, ipsaq; Venus in GCM circulo inuenitur. Terrâ autem in quadratura, vt circa L , positâ, centrum illud in N punctum à Mundi centro remotissimum recedit, Venus verò in eccentrico FCI , vbi vbi in eo sit, conspicitur, &c.

Hac theoria decrementum eccentricitatis Orbis Magni, centro eius E ad centrum orbis Veneris A appropinquante, similiter vt in Marte, perceptile est, eius gratia enim prosthaphæreses diminutæ deprehenduntur. Rheinholdus etiam hîc ad diminutam eccentricitatem eas computauit.



Ad anomaliam 1. Sex.
30. gr. prosthaphæresis
eccentri, angulus ELN
est, 2. gr. 0'. 16". quo ex
canone secundo nume-
ratur EN 3500. qualium
Orbis magni semid. EL
est 100000.

Deinde parallaxeos
prosthaphæresis ibidem
notata, apogæa quidem
 MQV , est 35. gr. 20'. 43".
& excessu 0. gr. 46'. 17".
addito, perigæa paral-
laxis, angulus MRV est
36. gr. 7'. 0". his ex eodem

Canone debentur MQ 141000. & MR 137050. qualium MV est
100000. unde tota QMR diameter 278050. eiusque dimidia EQ
139025. & EM 1975. Sed qualium EQ vel EL fuit 100000. & EN 3500.
talium MV semid. orbis \varnothing est 71930. & EM 1420. igitur residua MN
2080. At EN duplæius esse debebat. part. scil. 4190. sed 660. inde
decefferunt. Copernicus lib. 5. cap. 21. & 22. ex Ptolemæi observa-
tionibus demonstrat Orbis Veneris semidiametrum 7193. EM 208.
 EN 416. quarum EL est 10000. seq; multis observationibus edo-
ctum dicit, quod EN nostris temporibus sit 350. Vides hîc, Rhein-
holdum in hac theoria Copernici numeros omnino retinuisse, nec
quicquam in eis mutasse. Ex his maxima \varnothing ab E orbis magni cen-
tro distantia EI est 75430. & minima EF 68430. atque media 71930.
sed qualium orbis magni semidiameter est pars vna, fiet EI 45'. 15".
& EF 41'. 3". atque semid. sphæræ \varnothing 43'. 9". Item numeri illi 141000.
& 137050. supra inuenti, depromunt ex canone hypotenusarum
maximas parallaxes ad absidas, scil. MQX 45. gr. 10'. 19". & MRY
46. gr. 51'. 28".

At in maxima eccentricitate, qua EN est 4160, fit apogæa EI
distantia 76090, & EF perigæa 67770. quarum EL orbis magni
semid. est 100000. sed quarum ipsa est pars vna, fiet EI 45'. 39". &
 EF 40'.

EF 40'. 39". Et MQ atque MR hîc fiunt 141917. & 136133. qualium MX vel MY sunt 100000. ideoq; anguli parall. MQX 44. gr. 48'. 0". & MRY 47. gr. 16'. 16". item ELN eccentrici prosthaph. ad L, fiet 2. gr. 22'. 56".

De hoc centri orbis magni accessu ad centra orbium δ & ζ , sicut & ad \odot , videre licet in Tabula 5. suprâ pag. 51. in cuius parte priore eorum maior, in altera minor distantia comparet. Ibidem ad oculum etiam cernitur, quare hac orbis magni mutata eccentricitate in 4 nulla differentia percipitur, par enim utrobique; manet quam proximè centrorum distantia. De ζ dictum est pag. 66.

Quòd autem in η , licet orbis magni centrum ab eius centro recesserit, nihil percipitur, amplitudo orbis eius facit, ad quam tota dimetiens parvi circuli eccentricitatis orbis magni nullum perceptibilem respectum habet, sicut Rheticus, pag. 131. monet. Calculus idem docet. Etenim lineâ perigæi η EN, paulò antè inuenta, est (in schemate pag. 170) part. 864300. qualium orbis magni semid. EX est 100000 (libet propositum in perigæa distantia, tanquam in qua, si quid percipi possit, maximè sensibile fiat, demonstrare) huic si eccentricitatis orbis magni differentia 951. earundem 100000. partium, apponatur & adimatur, erunt 865251. & 863349. Per eos autem ex canone hypothenusarum elicitur angulus parallaxeos orbis 6. gr. 38'. 12". & 6. gr. 39'. 5". quorum differentia à 6. gr. 38'. 39". suprâ inuenta prosth. est 26". vel 27". nullo modo in observationibus sensibilis. Maior quidem in prosthaphærefi eccentrici differentia emergit, contemnenda tamen & illa. Qualium enim in eodem schemate NL est 100000. & NE 11390. talium diameter circelli eccentricitatis orbis magni inuenitur 104. Quo itidem ad NE addito & ab eo ablato, producuntur 11494, & 11286. Athorum illi ex secundo canone debetur prosth. 6. gr. 26'. 20". huic 6. gr. 33'. 24". qui à prosthaph. tabularû 6. gr. 29'. 53" differt 3'. 32". quam Artifices in huiusmodi nequaquam curandam dicunt.

THEORIA ζ , EIPSQVE
dimensio.

Pluribus ambagibus huius Planetæ theoria, ut & laboribus eius dimensio, constat, propter prosthaphærefes plurium orbium

Z 2 moti-


tem ad c, orbis maximus quidem est, sed quia à terra remotior, nihilo maior apparet. Verum circa s, triente circuli à b, vel sextante à d, Ptolemæus & Copernicus eum maximum apparere, ideoq; maximas prosthaphæreses postulare, quibus à loco suo medio vel à sole longissimè digrediat, statuunt, siquidem eo loco remotionis & magnitudinis veræ mutua compensatione istud efficiatur.

Dimensionem orbium Mercurij ex tabulis prosthaphæreseon aliter inuestigandam esse, ex iam dictis faciliè patet, quia etsi parallaxes minimæ sint ad apogæum, excessus tamen iuxta positus non perigæi est, sed alterius loci, sextante inde distantis, quo & orbis aliam magnitudinem, & centrum alium situm habet. Nec scrupulis proportionalibus hîc satis fidendum est. Ergo sic procedendum erit.

1. Ad Anomaliam 1. Sex. 30. gr. est prostaph. eccentrici, 2. gr. 59'. 40". quæ est acf. Qualium ergo ac est 100000. talium af ex fœcundo fiet 5231. Atque hic est proximus centri eccentrici ad a accessus.

2. Ad Anomaliam 2. Sex. 0. gr. hoc est, triente ab apogæo (quo loco parallaxes maximæ sunt) prosthaphæresis eccentrici est 2. gr. 43'. 21". Hoc præsentis schemate Anomalia bs triens est, vel 120. gr. & ds, 60. gr. eccentrici centrum, motus analogia postulâte (duplus enim est eccentrecentrici motus ad orbem magnum) peruenit in t, ergo fgt duo trientes, & gt sextans erit, ideoq; gt subtensa, æqualis est eg & et semidiametris, per 15. quarti.

Illa autem in tabulis scripta prosthaphæresis est angulus ast, vel asv. Porro in triangulo asx, dato angulo ad a per ds 60. gr. cum ax s recto, dabitur ax 50000, & sx 86602 & semis, qualium as est 100000. Deinde ablato asv angulo, 2. gr. 43'. 21". ex asx 30. gr. residuus est



vsx 27. gr. 16'. 39". Qualium ergo sx est 100000. talium xv ex
 fecundo est 51564. & ex canone hypotenusarum sv 112512. Sed
 xv erit 44656. & sv 97438. qualium sx modo 86602 semis, & As
 100000. fuerant. Sublato igitur xv ex xa , remanet va 5344. qua-
 lium ante ag fuit 5231. quare gv est 113. At egt sextans est quatu-
 or rectorum, propter egt triangulum æquilaterum, unde gt &
 as parallelas per 28. primi, & triangula asv , gtv , æquiangula
 esse conuenit, quorum latera, per 4. sexti sunt similia. Datis igi-
 tur asv , lateribus cum gv , cognita etiam fient gt , siue ge 2114
 semis, eiusq; dupla gf tota diameter 4229. adeoq; tota af 9460.
 item vt 2060. atque residua ts 95378. Ergo terra in b vel d com-
 morante, eccentrici centrū in f abest ab a 9460. & tota fb 109460.
 qualium ab est 100000.

3. Ad Anomaliam 1. Sex 30. prosthaph. parallaxis (toto excessu
 appposito, qualis est terra in s versante) numeratur 22. gr. 1'. 25".
 Qualium ergo in posteriore hoc schemate ts est 100000. talium tr
 est ex fecundo 40450. Sed qualium ts modò fuit 95378, earum tr
 fiet 38580. quæ est semidiameter orbis & hoc terræ loco.

4. Ad eandem Anomaliam 1. Sex. 30. gr. parallaxis apogæa est
 18. gr. 4'. 40". Ea in prioris schemate est $f b m$. Qualium igitur fb
 est 100000. talium fm . ex fec. 32642. sed fb erat 109460. igitur
 earundem fm vel fl erit 35730. magnitudo orbis & minima, Et
 tanta in secundo schemate est etiam tz , atque residua zr 2850.

5. Pro inuestiganda zab diametro epicycli, alius illum represen-
 tans ad latus alterius schematis, positus est circulus. Sicut autem
 fgt ita $z\beta\gamma$, duo trientes sunt, & gt & $\beta\gamma$ sextantes. Igitur $z\alpha r$
 dodrans est diametri $z\beta$. Vnde tota $z\beta$ diameter 3800. partium
 producitur. Quæ ad semidiametrum orbis & minimi 35730. addita,
 exhibet eiusdem (in primo schemate) gp vel gq maximi orbis
 semidiametrum 39530. Copernicus lib. 5. cap. 27. istas omnes di-
 mensiones his iisdem numeris demonstrat, vnica vltima figura ta-
 men dempra, quia ipsi sinus totus est tantum 10000. partium. Ex
 quo conspicuum est, Rheinholdum eosdem nulla parte variatos in-
 de accepisse, & prosthaphæreses computasse. Hinc qualium orbis
 magni semidiameter est 100000. talium in primo & schemate mi-
 nima Mercurij in linea apogæi, à centro orbis magni remotio al ,
 est

est 26270. & maxima AK 45190. sed quarum semidiameter orbis magni est pars vna, earum AL est 15'.46". & AK 27'.7".

Hæc de Dimensionibus Sphærarum Mundi iuxta sententiam Copernici, & calculum Tabularum Prutenicarum.

ISAIAE. XL.

Leuate in excelsum oculos vestros, & videte quis creauerit ista. Dominus est, qui educit in numerum exercitum earum, & omnes illas stellas ex nomine vocat: præ multis fortitudine, & forti potentia ne unum quidem deest.

PSAL. CXLVIII.

Laudate DOMINUM de cælis: laudate eum in excelsis. Laudate eum omnes Angeli eius: laudate eum omnes exercitus eius. Laudate eum Sol & Luna: laudate eum omnes stellæ lucentes. Laudate eum cæli cælorum, & aqua, quæ super cælos sunt. Laudate nomen DOMINI, quia ipse mandauit, & creata sunt. Statuit ea in seculum, & in seculum seculi præceptum illis posuit, & non præteribit.

F I N I S.

of the ...
...
...

CHAPTER XI

...
...
...

CHAPTER XII

...
...
...
...
...

CHAPTER XIII